

240/2  
1954 18-3



საქართველოს  
სსრ მეცნიერებათა  
აკადემია

საქართველოს სსრ მეცნიერებათა აკადემიის გამომცემლობა  
АКАДЕМИЯ НАУК ГРУЗИНСКОЙ ССР

აკად. ს. ჯანაშიას სახელობის

საქართველოს სახელმწიფო მუზეუმის

მ ო ე მ ბ ე

В Е С Т Н И К

ГОСУДАРСТВЕННОГО МУЗЕЯ ГРУЗИИ

им. акад. С. Н. Джанашиа

XVIII-Б

საქართველოს სსრ მეცნიერებათა აკადემიის გამომცემლობა  
Издательство Академии Наук Грузинской ССР

თბილისი - 1954 - ТБИЛИСИ

83

საქართველოს სსრ მეცნიერებათა აკადემია  
АКАДЕМИЯ НАУК ГРУЗИНСКОЙ ССР



მეცნიერული  
ბიბლიოთეკა

(47.93)06

ბ-32

აკად. ს. ჯანაშიას სახელობის

საქართველოს სახელმწიფო მუზეუმის

მ თ ა მ ბ ე

В Е С Т Н И К

7135

Государственного музея Грузии

им. акад. С. Н. Джанашиа

XIX-B



საქართველოს სსრ მეცნიერებათა აკადემიის გამომცემლობა  
ИЗДАТЕЛЬСТВО АКАДЕМИИ НАУК ГРУЗИНСКОЙ ССР

თბილისი—1956—ТБИЛИСИ





შინაარსი—СОДЕРЖАНИЕ

1. დ. ქორიძე. გვიანბრინჯაოს ხანის არქეოლოგიური ძეგლები თბილისიდან (ნავთლული) . . . . .	5
Д. Коридзе. Позднебронзовые археологические памятники из Тбилиси (Навтлуги) . . . . .	88
2. ბ. რეხვიაშვილი. ქართული სამეურნეო იარაღი . . . . .	91
Н. Б. Рехвиашвили. Грузинское сельско-хозяйственное орудие. „Карчи“... . . . .	111
3. ნ. შოშიაშვილი. XIII ს-ის საქართველოს ისტორიული ქრონოლოგიის საკითხისათვის . . . . .	113
4. პ. ზაქარაია. ქანის, მქადისჯვრის და მუხრანის ციხე-სიმაგრეები . . . . .	131
П. П. Закарая. Ксанская, мчадисджварская и мухранская крепости . . . . .	177
5. გ. ჩაჩაშვილი. ქართული ხალხური საქსოვი დაზგები . . . . .	179
Г. А. Чачашвили. Грузинские народные ткацкие станки . . . . .	214
6. თ. აბრამიშვილი. გურჯაანში აღმოჩენილი ბიზანტიური ოქროს ფული . . . . .	215
Т. Я. Абрамишвили. Находка византийских золотых монет в Гурджаани . . . . .	221
7. ირ. ჯალალანია. მონღოლური დროის უცნობი თბილური დრამა . . . . .	223
И. Л. Джалаганиа. Неизвестный Тбилисский диргем монгольского времени . . . . .	226
8. კ. ჩოლოყაშვილი. ქართული საბრძოლო იარაღები, ფარი . . . . .	227
К. К. Чолокашвили. Грузинское Боевое оружие. Щит . . . . .	253
9. ბ. რეხვიაშვილი. სამეურნეო ნაგებობა „ლუი“ სამხრეთ საქართველოში . . . . .	255
Н. Б. Рехвиашвили. „Гви“ подземное зернохранилище в Южной Грузии . . . . .	268
10. რ. ბახტაძე. სამთავროს სამაროვანზე მოპოვებული შინის ქურკლის ქიმიური შესწავლა . . . . .	269
Р. А. Бахтадзе. Изучение химического состава стеклянных изделий найденных в самтаврском могильнике . . . . .	278



დ. შორიძე

გვიანბრინჯაოს ხანის არქეოლოგიური ძეგლები  
 თბილისიდან (ნავთლული)

1949 წლის 17 დეკემბერს თბილისის განაპირა ჩრდილო უბნიდან—ღრმა-  
 ლელიდან მუზეუმში შემოვიდა აქ აღმოჩენილი საინტერესო არქეოლოგიური  
 ნივთები<sup>1</sup>. დაახლოებით 7 თვის შემდეგ, 1950 წლის 17 ივლისს, თბილისის  
 მეორე განაპირა უბანში—ნავთლულის მიდამოებში საგზაო მშენებლობის დროს  
 აღმოჩნდა ძველი სამარხები.

წინასწარ უნდა ითქვას, რომ ნავთლულის მიდამოებიდან ჩვენ ამ დრო-  
 მდე არ გავაჩნდა მეტ-ნაკლებად მნიშვნელოვანი არქეოლოგიური მასალა.  
 ამდენად ამ აღმოჩენას უდიდესი მნიშვნელობა ჰქონდა თბილისის ისტორიის  
 ადრე საფეხურის შესწავლისათვის.

ის ადგილი, სადაც არქეოლოგიური მასალები აღმოჩნდა, მდებარეობს  
 თბილისის სამხრეთ-აღმოსავლეთ ნაწილში, შემადღებულ მინდორზე; მინდორს  
 სამხრეთ-დასავლეთით ჩაუდის მდინარე მტკვარი, ხოლო ჩრდილოეთით და  
 ნაწილობრივ აღმოსავლეთით—ბატარა მდინარე—ორხევი.

მანძილი მტკვარსა და ხევს შორის იმ ადგილას, სადაც სამარხები აღ-  
 მოჩნდა, 80 მეტრამდე აღწევს, ნავთლულის ამ კუთხეს ნავთი-ქალას უწოდებენ;  
 ეს სახელი ამ ადგილმა, როგორც ჩანს, იმიტომ მიიღო, რომ ნავთლულის  
 ამ უბანში ნავთის ბუდობის ნიშნები მოიპოვება.

ვახუშტი ბაგრატიონი თავის ნაშრომში „აღწერა სამეფოსა საქართვე-  
 ლოსა“ აღნიშნავს: „ხოლო ტფილისის სამჯრ-აღმოსავლით არს ნათლუხი.  
 მუნ დის ნავთი კიდესა მტკვრისასა, არამედ წყლის სიახლოვით მრავალი არ  
 იღების“<sup>2</sup>.

1950 წლის 17 ივლისს მუზეუმის დირექციას აცნობეს გზის მშენებლო-  
 ბის დროს ნავთლულში შემთხვევით აღმოჩენილი არქეოლოგიური ნაშთების  
 შესახებ. დირექციამ დაგვაავალა არქეოლოგიური ნივთების აღმოჩენის ვითარ-  
 ებების შესწავლა და თვით მასალის მიღება. გზის მშენებლებმა მიჩვენეს სამარ-  
 ხის აღმოჩენის ადგილი. სამარხში ჩაწყობილი ყველა ნივთი ამოვლოთ; მათ-  
 გან ნაწილი გზის მშენებელთა ბანაკში გაეგზავნათ, ნაწილი კი (განსაკუთრე-  
 ბით თიხის კურჭლის ნატეხები, კერძოდ, კურჭლის „ფეხები“) მიმოფანტუ-  
 ლი იყო. იქვე მიეტოვებინათ სპილენძის ქვაბი.

<sup>1</sup> დ. შორიძე, გვიანბრინჯაოს არქეოლოგიური ძეგლები თბილისიდან (ღრმა-ლელი).  
 საქ. სახ. მუზეუმის მოამბე, XVII-ბ, თბილისი, 1953.  
<sup>2</sup> ვახუშტი. აღწერა სამეფოსა საქართველოსა. თ. ლომოურისა და ნ. ბერძენ-  
 იშვილის რედაქციით, თბილისი, 1941, გვ. 54.



საგზაო სამუშაოები ორხევის ნაპირზე წარმოებდა, კერძოდ ხევის იმ სანაპიროსთან, სადაც გზას ძლიერი დაქანება ჰქონდა. მიწა გაჰქონდათ ხევის დასავლეთ ნაპირიდან, ჩაღრმავებული ადგილის ამოსავსებად (იგი სწორედ ორხევის გამდინარე წყლის მოქმედების შედეგად იყო ძალიან ჩაღრმავებული).

მიწის მოხრელების გადმოცემით, დაახლოებით 1,5 მეტრის სიღრმეზე ისინი წააწყდნენ თიხის ჭურჭელსა და სპილენძის ქვებს; მათთან ერთად აღმოჩენილიყო ადამიანის ჩონჩხის ნაწილები, რის გამო ფრთხილად დაეწყათ მიწის თხრა და საფლავში მალე ენახათ ერთიმეორის გვერდით დაწყობილი ბრინჯაოს ნივთები.

ადგილზე ჩვენ მივუსწარიტ ადამიანის ჩონჩხის ნაწილებს და თიხის ჭურჭლის ფრაგმენტებს. საფლავის ფსკერი ნიადაგის ზედაპირიდან 1,6 მეტრის სიღრმეზე იყო. შევავროვე იქ მიმოფანტული თიხის ჭურჭელთა ნატეხები, ვნახე ჭურჭლის ფეხები, რომლებიც მუშებს გადაეყარათ და ვიპოვე ამავე ჭურჭლის ყურებიც. ყურები ცხერის სტილიზებული გადმოცემა აღმოჩნდა. ჩავიბარე იქვე მიტოვებული ქვებიც და წავედი გზის მშენებელთა ბანაკში. პოდპოლკოვნიკმა თათუხოვმა ჩამაბარა ბრინჯაოს ნივთთა კომპლექსი, რომლებიც მუშებს ერთი სამარხიდან ამოეღოთ.

ჩვენ მიერ გაწმენდილი და იქ აღმოჩენილი სხვა საფლავების დაკვირვებით, ნავთლულში აღმოჩენილი საფლავები ყველა ორმოსამარხებია.

ქვემოთ ჩვენ აღვწერთ ნავთლულში აღმოჩენილ ნივთებს საფლავების მიხედვით.

#### ორმოსამარხი № 1.

##### ტაბ. 1

სამარხში აღმოჩენილია 10-მდე სხვადასხვა ნივთი; ამთაგან 7 ერთეული ბრინჯაოსი და სპილენძისაა, თიხის ჭურჭელი კი სამია.

პირველ ყოვლისა, ყურადღებას იპყრობს ბრინჯაოს ტარიანი ფოთლისებური სატევარი ( $\text{ინვ. } \frac{3-50}{1}$ ). სატევარი ორი ნაწილისაგან შედგება:

სამუშაო პირისა და ტარისაგან. პირი და ტარი ცალ-ცალკეა ჩამოსხმული და შემდეგ ერთიმეორეზე მორგებულ-დამაგრებული. პირს ფოთლისებური, მოყვანილობა აქვს, მას ორივე მხარეზე ვიწრო, მაღალი და მკვეთრი ქედი გაუყვება, რომელიც წვერამდე აღწევს. სატევრის პირს მკაფიოდ ეტყობა ალესილობა. ტარი სამი ნაწილისაგან შედგება; ვადა, საკუთრივ სახელური (სამუქე), და განიერი კოტის თავი. ვადა ნალისებურადაა მორკალული. ბოლოებზე გარდიგარდმო სალტისმავარად შემოვლებული აქვს რელიეფური ზოლი. ვადას მთელ ზედაპირზე რელიეფური, წნული ორნამენტი მიყვება ორ წყებად-შიგნითა წყება რკალის ირგვლივანა შემოვლებული, ხოლო გარეთა წყება სცილდება რკალს და სახელურს მთელ სიგრძეზე მიყვება. ვადას გვერდით მოპალლო და მომრგვალო „მხარები“ აქვს, რომელიც სახელურთან წყდება.



სახელური განივკვეთში ოთხკუთხაა, შუაზე შედარებით ვიწრო, ბოლოები-საკენ გაგანიერებული, ისე, რომ ზემოთ იგი მთავრდება განიერი კოტის თავით, რომელსაც იგივე ორნამენტი ახლავს მთელ სიგრძეზე. სახელურს ზედაპირის მთელ სიგრძეზე (შუა ნაწილზე) აგრეთვე რელიეფური წნული ორნამენტი გაყვება. ტარი მოყვანილობით მოხერხებულია ჩასაკიდებლად (ჩასაბლუჯავად). ტარის ზემო ნაწილში პატარა ნახვრეტია. სატევრის პირი რამდენიმე ნაწილადაა გატეხილი (ნაწილები აკლსა კიდეც).

სატევრის მთელი ზედაპირი ავი პატინითაა დაფარული.

ზომები	}	სიგრძე	—26,5 სმ
		ტარის სიგრძე	—7,1 სმ
		ღეროს სიგრძე	—6,1 სმ
		კოტას ბოლოს	
		სიგანე	—8,5 სმ
		"    სისქე	—0,9 სმ
		ტარის სიგანე	
შუა ნაწილში	—1,5 სმ		
პირის უდიდესი			
სიგანე	—7,0 სმ		

ტაბ. 2, სურ. 1.

ამის გარდა, ამ სამარხში ბრინჯაოს მთლიანადსმული, ე. წ. კახური სატევარიც აღმოჩნდა (ინვ.  $\frac{3-50}{2}$ ). სქელი და საკმაოდ მძიმე პირი მოყვანილობით ტოლფერდა სამკუთხედს წარმოადგენს. იგი ბრტყელია, ქედი ძალიან სუსტად აქვს გამოხატული, ისიც მხოლოდ ქვემო ნახევარში. ვადა ფართოდ არის გადმოფარებული პირზე. ტარის ყელს (სახელურს) მრგვალი განივკვეთი აქვს. შუაში იგი ცოტათი შევიწროებულია. წაკვეთილი კონუსის ფორმის კოტას თავი სამკუთხოვნადაა დაფანჯრული. ზედა ღიდი და მრგვალი ფანჯარა დიამეტრზე ტიხრით ორადაა გაყოფილი. ტარის თავის დაფანჯრულობა ასეთია: ტოლფერდა—სამკუთხედების ორი წყება; ერთი წყება წვერალმა განლაგებული, მეორე კი წვერდალმა. ტარის ღრუ ამჟამად ცარიელი ჩანს და საეჭვოა, რომ იგი ოდესმე რაიმე მასით ამოვსებული ყოფილიყო. ფანჯრები ამოვსებულია ხით. პირი შექმულია საკმაოდ ღრმა ღარებით, ასეთი ღარი სულ სამი წყვილია. მათი ზედა ბოლოები კამარებითაა წყვილ-წყვილად ერთმანეთზე გადაბმული. წყვილთა შუა ნაწილზე კვლავ ასეთივე ღარია ამოკვეთილი. ღარები სატევრის ფხისა და ერთმანეთის პარალელურია. ისინი წვერამდე არ აღწევს. სატევარი შუაზეა გატეხილი და წვერი წატეხილი აქვს. სატევრის მთელი ტანი ავი პატინითაა დაფარული.

ზომები	}	სიგრძე	—31,2 სმ
		ტარის სიგრძე	—11,0 სმ
		სახელურის სიგრძე	— 8,0 სმ
		ქუდის დიამეტრი	— 4,2 სმ
		პირის უდ. სიგანე	— 7,0 სმ

ტაბ. 2, სურ. 2.



სამარხში აღმოჩნდა აღმოსავლურ-ქართული ტიპის ბრინჯაოს ცული (ინვ.  $\frac{3-50}{3}$ ), დიდი ზომის, მასიური; სატარე ნახვრეტი ოვალური მოყვანილობისაა; ყუას ზემოდან მოზრდილი კოპი აზის, ყელი და მხრები ორ-ორ-წახნაგოვანია. პირი წარმოადგენს ფართო სეგმენტს, რომელსაც მაღალი, ზემოთ აშვერილი და წვეტიანი ფრთები (ნიღრები) აქვს. ყელის ერთ მხარეზე ქსოვილის ნაშთია შერჩეული.

ცულის ზედაპირი ავი პატინითაა დაფარული.

ზომები	{	სიგრძე	— 20,2 სმ
		უდ. სიგანე	— 14,3 სმ
		უდ. სისქე	— 3,8 სმ
		სატარე ნახვრეტის სიგრძე	— 5,4 სმ
		" სიგრძე	— 3,0 სმ
		" სიმაღლე	— 6,0 სმ
		წონა	— 1650 გრ

ტაბ. 2, სურ. 3.

შუბის პირი ბრინჯაოსი (ინვ.  $\frac{3-50}{4}$ ) — მასრაგახსნილი, ფრთებს

შორის მოქცეულია მილი, რომელიც მასრის გაგრძელებას წარმოადგენს და პირს მთელ სიგრძეზე მომადლო, მომრგვალო და განიერი ქედის სახით გაყვება, წვეროსაკენ თანდათან დაბლდება და წვეროამდე აღწევს; პირი სამკუთხა მოყვანილობისაა, ფრთები თანდათან ვიწროვდება და მრგვალი წვერით მთავრდება. მხრები დაქანებულია. მასრის ზემო ნაწილში ორი სამანკვლე აქვს. მასრის ბოლო დაზიანებულია და ნაწილი აკლია. შუბისპირი ავი პატინითაა დაფარული,

ზომები	{	სიგრძე	— 27,5 სმ
		პირის სიგრძე	— 13,0 სმ
		პირის უდ. სიგანე	— 3,6 სმ

ტაბ. 2, სურ. 4.

კაუჭი (ჩანგალი) ბრინჯაოსი (ინვ.  $\frac{3-50}{5}$ ) — ოთხწახნაგა, ნამ-

გლისებრი მოყვანილობისა, მასრისაკენ თანდათან მსხვილდება; მასრა განივკვეთში მრგვალი, განიერი და გახსნილია, შუაზე ორი სამანკვლე აქვს.

სიგრძე 13,0 სმ.

ტაბ. 2, სურ. 5.

თავხვია საკინძი ბრინჯაოსი (ინვ.  $\frac{3-50}{6}$ ) — ზემო ნაწილი

ოთხწახნაგაა, წვერისაკენ თანდათან მრგვალდება და წერილდება. თავი გაბრტყელებულია და მოხვეული, ისე, რომ ყუნწს ქმნის. ღეროს წახნაგოვანი ნაწილი შემკულია წიწვოვანი, ე. წ. თევზიფხური სახეებით. წვერწატეხილია.


ტაბ. 2, სურ. 6.





ქვაბი სპილენძისა (ინგ.  $\frac{3-59}{7}$ ). იგი მთლიანი თხელფირფიტო-

ვანი ნაპრისაგან უნდა იყოს გამოქედილი; მრგვალმუცლიანია, ატყვია ქედვის კვალი. მომადლო ყელი პირისაქენ ოდნავ ვიწროვდება. პირს ირგვლივ შემოვლებული აქვს ბრინჯაოს თხელი ფირფიტოვანი სალტისებური ფენა. მოპირდაპირე მხარეზე ყურები აქვს. შერჩენილი ყური ოთხწახნაგაა, განივკვეთში რომბული. იგი პირს სცილდება და ვერტიკალურად აღიმართება. ყურის ხერელი რკალს წარმოადგენს. ყურის ქვემო ნაწილი ორივე მხარეზე გაბრტყელებულია და მისი საშუალებით მანქვლებით ყელზეა მიმაგრებული. თითოეულ მხარეზე 5—5 მანქვალა (სულ 20). ერთი ყური მოტეხილია და დაკარგული. ქურქელს ძირი აკლია. დაზიანებულია სხვა ნაწილებიც. ქურქელი მთლიანად ავი პატინითაა დაფარული.



სურ. 1.

ზომები	{	პირის დიამეტრი	— 21,0 სმ
		მუცლის დიამეტრი	— 28,0 სმ
		ყურის ხერელის დიამეტრი	— 4,0 სმ



ქურქელი თიხისა  $\left( \text{ინვ. } \frac{3-50}{8} \right)$  — ლეგა ფერის, მუცელგამობერი-  
 ლი, ყელი შუაში ოდნავ შევიწროებულია. ყელის ძირს ირგვლივ ღარი გადას-  
 დევს. აღდგენილია, დიდი ნაწილი აკლდა, რომელიც თაბაშირით შეივსო.

ზომები	სიმაღლე	— 12,8 სმ
	პირის დიამეტრი	— 6,5 სმ
	მუცლის დიამეტრი	— 11 სმ

ტაბ. 3, სურ. 6.

დერგი თიხისა  $\left( \text{ინვ. } \frac{3-50}{9} \right)$  — ლეგა ფერისაა, კარგი ნახელავი.

ტანი კვერცხისებური აქვს, ყელი დაბალი, პირი გადმოშლილი და ძირი ვიწ-  
 რო. მხარზე ერთმანეთისაგან 1,6 სმ დაცილებით ორი ღარია შემოვლებუ-  
 ლი, მათ შორის წიწვოვანი სახეებია. ქურქელი აღდგენილია და ნაკლები  
 ადგილები თაბაშირითაა შევსებული.

ზომები	სიმაღლე	— 34,0 სმ
	პირის დიამეტრი	— 12,0 სმ
	მუცლის დიამეტრი	— 33,0 სმ
	ძირის დიამეტრი	— 9,0 სმ (პირობითია)

ტაბ. 5, სურ. 4.

№ 1 სამარხის ნივთებს შორის განსაკუთრებულ ყურადღებას იპყრობს  
 ნატეხები თიხის ერთი ქურქლისა, რომლის აღდგენა, ქურქლის დიდი ნაწი-  
 ლის დაკარგვის გამო ვერ მოხერხდა. დარჩენილია ქურქლის ფეხები, ყურე-  
 ბი და ტანის ნაწილი. ქურქელი გარედან შავპირიალაა, აქა-იქ ლეგაფერისაა,  
 სისქეში ზოგან მკვეთრად გამოყოფილ ფენებს ვარჩევთ. გარეთა ნაწილი შუამ-  
 დე შავი ფერისაა, შიდა ნაწილი კი მონაცრისფერო, რაც გამოწვევის შედეგი  
 უნდა იყოს.

ფეხები თიხის ქურქლისა 3 ცალია  $\left( \text{ინვ. } \frac{3-50}{10-11-12} \right)$ . ყველა ისინი

აღამიანთა შემოსილი ფეხის გამოცემა პატარა ზომით. ორი მათგანი, მარჯ-  
 ვენა და ერთი მარცხენა — პატარაა, მესამე მოზრდილი (მოზრდილის მარ-  
 ცხენა ცალი არ არის). გარედან ისინი ყველა შავპირიალაა. ფეხებზე და-  
 კვირვებისას ისეთი შთაბეჭდილება რჩება, თითქოს ისინი მალაყელიანი ფეხ-  
 საცმელითაა შემოსილი. ერთი შეხედვით უფრო თბილ ფეხსაცმელს მოგვაგო-  
 ნებს, აშკარადაა გამოყოფილი ფეხსაცმლის ლაწი, რომელიც პირთან დაკავ-  
 შირებული ყოფილა არა უშუალოდ ფეხის გულის სისწორეზე, არამედ მის ზე-  
 მოთ. კვინტიდან წვივამდე ამყოლი და განივად გავლებული ხაზებით ქურქლის  
 მკეთებელს, როგორც ჩანს, პირგახსნილი ფეხსაცმლის ილუზიის შექმნა სურდა.

ამავე ქურქლის ზემოაღნიშნული ორი ყური ცხვრის გამოხატულებას  
 წარმოადგენს  $\left( \text{ინვ. } \frac{3-50}{13-14} \right)$ . მოშავო მონაცრისფრო ფერისაა, ცალი ყურის  
 ქვემო ბოლოზე შერჩენილია ქურქლის ტანის მცირე ნაწილი. იგი შავპირიალა-



აქაც სისქეში ორი ერთმანეთისაგან ფერის მიხედვით მკვეთრად გამოყოფილი ფენა გამოირჩევა; გარეთა ფენა შავია, შიგნითა ნაცრისფერი. ცხვრის ფიგურა სქემატურად არის დამუშავებული, მაგრამ ხელოსანი პრიმიტიული ხერხით ცხვრის დამაჯერებელ, რეალისტურ სახეს იძლევა. ცხვრის მოკლე თავი მთავრდება დაგრეხილი რქებით; ტანი წელში მოხრილია იმგვარად, რომ ყურის ხერგლსა და ტანის ფორმასთან არის შეფარდებული. ცხვრის ტანის გაგრძელებას კული წარმოადგენს, რომელიც, გადადის რა ჭურჭლის ტანზე, გრძელდება ჭურჭლის ძირისაკენ რელიეფური ზოლის სახით. ცხვრის სხვა ნაწილები არ არის გამოყვანილი.

ფეხების ზომები

	I ფეხის სმ-ობით	II ფეხის სმ-ობით	III ფეხის სმ-ობით
სიმაღლე . . . . .	4,8	4,2	4,2
ტერფის სიგრძე . . . . .	5,4	5,0	5,0
უდიდესი სიგანე . . . . .	3,0	2,4	2,6
წვივის უდიდესი დიამეტრი:			
ქვემო ნაწილის . . . . .	3,5	3,2	3,4
ზემო ნაწილის . . . . .	3,5	3,3	3,5
უდიდესი სისქე . . . . .	2,0	1,9	2,5

ტაბ. 3, სურ. 1, 2, 3, 4, 5.

ამავე სამარხიდან გვაქვს აგრეთვე თიხის ლანგრის ნატეხები ( ინვ.  $\frac{3-50}{16}$  ).

ორ მოსამარხი № 2.

ტაბ. 4, სურ. 1,2,3.

პირველი საფლავიდან დასავლეთით, 2 მეტრის დაშორებით, ნიადაგის ზედაპირიდან 1,4 მ სიღრმეზე აღმოჩნდა სხვა საფლავი. მისი სათანადოდ გაწმენდა ვერ მოხერხდა გზის სასწრაფო მშენებლობის დროს. საფლავიდან ამოღებული იყო სამი ნივთი: ბრინჯაოს დიდი შუბისპირი და თიხის ორი ჭურჭელი.

შუბისპირი ( ინვ.  $\frac{3-50}{19}$  ) მთლიანმასრიანი—ჩამოსხმული, მასრა გა-

ნიკვეთში ოვალურია. მასრას ბოლოსთან ახლოს, გარდიგარდმო გადასდევს ორი ქედი, რომელნიც ერთიმეორისაგან 0,8 სმ არიან დაშორებულნი. ქედებს შორის, მოპირდაპირე მხარეებზე თითო ნახერცთა. მასრა თანდათან ვიწროვდება. იგი გასდევს პირს და თითქმის წვერამდე აღწევს. ფრთებს შორის მოთავსებული სატარე მილის გაგრძელება მომრგვალებული მაღალი ქედის სახეს იღებს. იგი თანდათანობით და თანაზომიერად ვიწროვდება და დაბლდება. ფოთლისებური მოყვანილობის ფრთებიც წვერისაკენ თანდათან ვიწროვდება. ფრთების სისქე თითქმის ყველგან თანაბარია, მხრები დაქანებულია. ფეხებს ალესილობის კვალი ემჩნევა.



ზომები	}	სიგრძე	—35,0 სმ
		პირის სიგრძე	—20,5 სმ
		„ სიგანე	— 4,8 სმ
		მილის უდ. დიამეტრი	— 2,3 სმ

ტაბ. 5, სურ. 1.

ქურქელი თიხისა  $\left( \text{ინვ. } \frac{3-50}{17} \right)$  — ლეგა ფერის, კასრისებური ტანით, განიერა და ოდნავ ამობურცული ძირით, მომაღლო ცილინდრული ყელით. მხრებს ირგვლივ ორი ღარი უფლის, ხოლო ძირზე წრეხაზია შემოვლებული, პირყელის ნაწილი მომტვრეულია.

ზომები	}	სიმაღლე	—19,0 სმ
		მუცლის დიამეტრი	—13,5 სმ
		ძირის დიამეტრი	—10,0 სმ

ტაბ. 5, სურ. 2.

დოქი თიხისა  $\left( \text{ინვ. } \frac{3-50}{18} \right)$  — ლეგა ფერის, ძირვიწრო, მომაღლო ცილინდრული ყელი გადმოშლილი პირით მთავრდება. მხრებგანიერი, ყურიაწია. ყურის ერთი ბოლო ყელის ძირზე, ხოლო მეორე პირის ოდნავ ქვემოთაა მიძერწილი. ყურის ზემო ნაწილზე პატარ-პატარა ბიბილოებია, ცხოველის ყურების სტილიზებული გადმოცემა; ყურის გარე ნაწილზე, ბიბილოს ქვემოთ და მხარზე თევზიფხური სახეებია გამოყვანილი.

ზომები	}	სიმაღლე	—28,0 სმ
		მუცლის დიამეტრი	—21,0 სმ
		ძირის დიამეტრი	— 7,0 სმ

ტაბ. 5, სურ. 3.

ორმოსამარხი № 3.

ტაბ. 6, სურ. 1, 2, 3.

იგი № 1 სამარხიდან ჩრდილო-დასავლეთით, 4,5 მ დაშორებით, მიწის ზედაპირიდან 1,3 მ სიღრმეზე აღმოჩნდა. სამარხის ზემოდან ფილაქვები ეწყო, ალბათ, სახურავად; საფლავში აღმოჩნდა თიხის ორი ქურქელი (სასმისები) და ბრინჯაოს სამაჯური:

სასმისი  $\left( \text{ინვ. } \frac{3-50}{20} \right)$  — ნაცრისფერი, ძირგანიერი, წელში ოდნავ

გამოყვანილი, პირგანიერი, ცალყურა, ყურის ერთი ბოლო ტანის შუა ნაწილზეა მიძერწილი, მეორე უშუალოდ პირს უერთდება. ძირს, ნაპირებზე, შემოვლებული აქვს ფრჩხილისებრი ორნამენტი, ხოლო პირს ქვემოთ კი 4 კონცენტრული ღარი; შესაბამისად სამი რელიეფური სარტყელი გამოიყოფა. სასმისი გაბზარულია.



ზომები	{	პირის დიამეტრი	—13,0 სმ
		მუცლის დიამეტრი	—11,8 სმ
		ძირის დიამეტრი	—12,6 სმ
		სიმაღლე	—15,2 სმ

ტაბ. 7, სურ. 1.

სასმისი ( ინვ.  $\frac{3-50}{21}$  ) — პატარა, ლეგა ფერის, მაღალი, წელში გამო-

ყვანილი, პირგანიერი, პირის ქობაზე ღარი გადასდევს. თიხა ცუდად დამუშავებული ყოფილა, მასში მრავალი წვრილ-წვრილი ქვებია შერჩენილი; ზოგიერთი მათგანი უკვე ამოვარდნილია და მათ ნაკვალეზზე მრავალი ნაჩრეტი წარმოქმნილია.

ზომები	{	სიმაღლე	— 11,2 სმ
		პირის დიამეტრი	— 7,4 სმ
		მუცლის "	— 7,6 სმ
		ძირის "	— 5,3 სმ

ტაბ. 7, სურ. 3.

სამაჯური ბრინჯაოსი ( ინვ.  $\frac{3-50}{22}$  ) — წვრილი მავთულისაგანაა

ნაკეთები, ოვალური მოყვანილობისა, თავებგახსნილი, ერთი თავი გაწვრილებულია. სამაჯური შუაზეა გატეხილი.

ორმოსამარხი № 4.

ტაბ. 6, სურ. 4, 5.

პირველი სამარხიდან დასავლეთით 7 მ მანძილზე გათხრილ ამ სამარხში მხოლოდ ცუდად ნაკეთები თიხის ორი ჭურჭელი აღმოჩნდა.

ფილა თიხისა ( ინვ.  $\frac{3-50}{32}$  ) — მოწითალო-მოვარდისფერი; ტანის

ზემო და ქვემო ნაწილის შეერთების ხაზი წიბოსებურია. ჭურჭელი პირისაკენ ოდნავ ვიწროვდება. განიერი ნაწილის ზემოთ კონცენტრული ღარია შემოვლებული. აღდგენილია, ნაწილი აკლია.

ზომები	{	სიმაღლე	— 7,8 სმ
		მუცლის დიამეტრი	— 14,0 სმ
		ძირის დიამეტრი	— 4,5 სმ

ქილა თიხისა ( ინვ.  $\frac{3-50}{24}$  ) — ლეგა ფერის, დაბალი ყელი თანდათან

განიერდება და გადმოშლილი პირით მთავრდება, ტანი კვერცხისებური აქვს. ქილას ძირი ვიწრო აქვს. ყელის ძირზე 2 კონცენტრული ღარია შემოვლებული. მათ შორის მოთავსებული ადგილი წიწვოვანი სახეებითაა შემკული. აღდგენილია, ნაკლული ადგილები თაბაშირითაა შევსებული.





ზომები	{	სიმაღლე	—23,5 სმ
		პირის დიამეტრი	—13,4 სმ
		მუცლის დიამეტრი	—25,0 სმ
		ძირის დიამეტრი	— 9,2 სმ

ტაბ. 6, სურ. 4.

ორმოსამარხი № 5.

ტაბ. 6, სურ. 6, 7, 8, 9, 10, 11, 12.

იგი № 1 სამარხიდან სამხრეთ-აღმოსავლეთით 6 მეტრის დაშორებით აღმოჩნდა. სამარხი მიწის ზედაპირიდან 1 მეტრის სიღრმეზე მდებარეობდა; სამარხში შემდეგი ნივთები იყო.

ხელადა თიხის ( ინვ.  $\frac{3-50}{25}$  )—შავი, პატარა, ბრტყელძირიანი.

ტანის ზემო და ქვემო ნაწილის შეერთების ადგილი წიბოსებურია, ყელი ცილინდრული, პირი კი გადმოშლილი. ცალყურა; ყურის ერთი ბოლო დაშვებულ მხარეზეა მიძერწილი, მეორე კი უშუალოდ პირს უერთდება. ყელის ძირზე ვიწრო კონცენტრული ლარი გადასდევს.

ზომები	{	სიმაღლე	—16,0 სმ
		პირის დიამეტრი	— 7,2 სმ
		მუცლის დიამეტრი	—14,0 სმ
		ძირის დიამეტრი	— 4,7 სმ

ტაბ. 7, სურ. 2.

სასმისი თიხისა ( ინვ.  $\frac{3-50}{26}$  )—შავი, პატარა, ოდნავ ამობურ-

ცულ ძირიანი, წელში ოდნავ გამოყვანილი და პირგანიერი, ცალყურა; ყურის ერთი ბოლო განიერი ნაწილის ოდნავ ზემოთ, ხოლო მეორე პირის ოდნავ ქვემოთაა მიძერწილი. ყურის ზემო ნაწილზე პატარა ბიბილოა მალლა აცქვეტილი. მთელი ტანი გოფირებულა. ჭურჭელი გაბზარულია, მას პირი აქა-იქ ჩამომტვრეული აქვს.

ზომები	{	სიმაღლე	—12,4 სმ
		პირის დიამეტრი	—11,0 სმ
		ძირის დიამეტრი	— 5,8 სმ

ტაბ. 7, სურ. 4.

ჯამი თიხისა ( ინვ.  $\frac{3-50}{27}$  )—ლეგა ფერის, ღრმა, პირგადმოშლილი;

ოდნავ ამობურცული პატარა ქუსლისებური ძირი აქვს; პირს ქვემოთ ღარია შემოვლებული, დეფორმირებულია.

ზომები	{	სიმაღლე	— 4,0 სმ
		პირის დიამეტრი	—14,5 სმ
		ძირის დიამეტრი	— 6,0 სმ

ტაბ. 7, სურ. 6.



ჯამი თიხისა  $\left( \text{ინგ. } \frac{3-50}{28} \right)$  — ლეგა ფერის, ღრმა, ზემო ნაწილი ვერტიკალურადაა აღმართული. ამ ნაწილზე 5 პარალელური ღარია შემოვლებული და შესაბამისად რელიეფური სარტყლებია გამოყოფილი. ოდნავ პირმოყრილია, აღდგენილია.

ტაბ. 7, სურ. 10.

საყურე ბრინჯაოსი  $\left( \text{ინგ. } \frac{3-50}{29} \right)$  — ორი ერთიმეორზე აცმული პატარა რგოლისაგან შედგება. ნაკეთებია წვრილი მავთულისაგან. უფრო დიდი დიამეტრის მქონე რგოლი ოთხწახნაგაა და თავგახსნილი. პატარა რგოლის თავები ერთიმეორეზეა გადასული.

ტაბ. 8, სურ. 2.

საკისრე რგოლი (გვერგვი) ბრინჯაოსი  $\left( \text{ინგ. } \frac{3-50}{30} \right)$  — გაბრტყელებული მავთულია, ბოლოები ვიწროვდება, დეფორმირებული.

ტაბ. 8, სურ. 3.

მძივი ვარდისფერი სარდიონისა  $\left( \text{ინგ. } \frac{3-50}{31} \right)$  — ცილნდრული, უხეშად ნაკეთები (ნაპობი), პატარა. ტაბ. 8, სურ. 4.

ორმოსამარხი № 6.

ტაბ. 4, სურ. 4, 5, 6, 7, 8, 9, 10.

№ 1 სამარხიდან დასაველეთით 9 მეტრის დაშორებით აღმოჩნდა. იგი მიწის თანამედროვე ზედაპირიდან 1,4 მ სიღრმეზე იყო. სამარხის მოედანი 1,5 (ჩ-ს) — 1,1 (ა-დ) მეტრს უდრიდა. სამარხში მიცვალებული მარჯვენა გვერდზე მოკუნტულად ესვენა. ბარძაყის ძვლები იმგვარად იყო მოხრილი, რომ ხერხემალთან სწორკუთხეს ქმნიდა; ხელის მტევანი სახის წინ ეწყო. თავი ჩრდილოეთით ედო, პირისახით დასაველეთით იყო მიქცეული. ძვლები სრულიად ჩაშლილი იყო. საფლავში თიხის 5 ქურქელი, ბრინჯაოს საკინძი და ბრინჯაოს ორი თხელფირფიტოვანი სამკუთხა ისრის წვერი აღმოჩნდა.

ქილა მოშავო თიხისა  $\left( \text{ინგ. } \frac{3-50}{32} \right)$  — პირმოყრილი, კვერცხისებური მოყვანილობის, ორყურა; ყურების ორივე ბოლო მიძერწილია მხარზე, ყურის ხვრელი მრგვალია, ხოლო თვითონ ყური განივკვეთში ოთხკუთხაა; ყურის გარეთა ნაწილი სივრცეზე ამოღარულია. ყურის ნაპირები ქვემოთ იშლება, განივდება და ბოლოს ქრება. მხარზე ორი პატარა ბრტყელი ჰორიზონტალური შვერილია. იგი ოთხკუთხა ფორმისაა. მისი ერთი მხარე მიმაგრებულია ყელის ოდნავ ქვემოთ, ხოლო ორი მხარე საყრდენის მაგვარი გვერდით დაშვებულია ტანის ზემო ნაწილზე. პირის ჰორიზონტალურ განივ სიბრტყეზე სამი კონცენტრული ღარია შემოვლებული. მუცელზე მკრთალი კონცენტრული ღარი გადასდევს.



ზომები	{	სიმაღლე	—25,0 სმ
		პირის დიამეტრი	—11,0 სმ
		მუცლის დიამეტრი	—31,5 სმ
		ძირის დიამეტრი	— 9,6 სმ

ტაბ. 7, სურ. 8.

ქვაბქოთანა შავი თიხისა  $\left( \text{ინვ. } \frac{3-50}{33} \right)$  — ოდნავ პირგადმოშლილი,

ღაბალი ღარისებური ყელი, კვერცხის მავგვარი ტანი და პატარა ძირი აქვს. პატარა მრგვალხერელიანი, განივკვეთში ოთხკუთხა ყურები (2 ც.) მიძერწილია ტანის განიერ ნაწილზე. ტანი შემკულია გრებილური ორნამენტით, რომელიც 6 სარტყლადაა შემოვლებული ტანზე. ისინი ერთიმეორისაგან თითქმის თანაბარი მანძილითაა დაცილებული. მათ შორის ერთი, რელიეფური კლაკნილი ზოლია. ძირის ნაპირებზე ავრეთვე გრებილი სახეებია. ყელს ქვემოთ ოდნავ ჩაღრმავებული კლაკნილი ხაზია შემოვლებული.

ზომები	{	სიმაღლე	21,5 სმ
		პირის დიამეტრი	15,0 სმ
		მუცლის დიამეტრი	28,0 სმ
		ძირის დიამეტრი	8,8 სმ

ტაბ. 7, სურ. 11.

ლანგარის ნატეხები ლეგა თიხისა  $\left( \text{ინვ. } \frac{3-50}{34} \right)$  — ღრმა, პირ-

ბრტყელი, ბრტყელ პირზე ირგვლივ კლაკნილი ჩაღრმავებული ხაზია შემოვლებული; ასეთივე ხაზია განიერ ნაწილზედაც.

ტაბ. 4, სურ. 6.

ხელადა შავი თიხისა  $\left( \text{ინვ. } \frac{3-50}{35} \right)$  — ქვემო ნაწილი ლეგა ფერი-

საა, ძირი უსწორო, მრგვალი ტანი. ყელი მომაღლო და ცილინდრულია. იგი გადმოშლილი პირით მთავრდება. ყელის ძირზე 4 ღარი გადასდევს. აღდგომილია (დოქსა ჰვაეს, ყური რომ ჰქონდეს).

ზომები	{	სიმაღლე	23,0 სმ
		პირის დიამეტრი	8,8 სმ
		მუცლის დიამეტრი	20,0 სმ
		ძირის დიამეტრი	8,0 სმ

ტაბ. 7, სურ. 7.

ქვაბქოთანა ლეგა თიხისა  $\left( \text{ინვ. } \frac{3-50}{36} \right)$  — პირგადმოშლილი.

ტანის ზემო ნაწილზე ორი განიერი, ჩაღრმავებული ღარია შემოვლებული; ტანის ქვემო ნაწილი აკლია.

ზომები { პირის დიამეტრი 18,5 სმ  
          { მუცლის დიამეტრი 21,5 სმ

ტაბ. 7, სურ. 9.

საკინძი ბრინჯაოსი ( $\text{ინვ. } \frac{3-50}{37}$ ) (სურ. 2)—ზემო ნაწილი ცხერის თავის სტილიზებული გამოსახულებით მთავრდება. თავზე ერთმაგი გრებილო რქებია, თავის გავრცელება გარედან ამორფულია, შიგნით კი შესაბამისად ამორფული. შიდა ნაწილზე მოთავსებული გვერდით გაშვებული უნწი საკინძთან ერთად უნდა იყოს ჩამოსხმული. ღერო წარმოადგენს მრგვალ მათულს, რომელიც წვერისაკენ თანდათან წვერილდება და წვეტით მთავრდება საკინძი 4 ნაწილადაა გატეხილი.

სიგრძე—11,5 სმ

ტაბ. 8, სურ. 5.

ისრის წვერები ბრინჯაოსი. 2 ცალი.

( $\text{ინვ. } \frac{3-50}{38-39}$ ) თხელ- და ბრტყელფირფიტოვანი, სამკუთხე; ერთი უფრო დიდია, ფრთვწაწვეტებული, ბოლო ამორფულია. დიდს წვერთან ახლო, ხოლო პატარას — შუა ნაწილში აქვს ნახვრეტი.

$\frac{3-50}{29}$  ზომები { სიგრძე —3,8 სმ  
                  { უღ. სიგანე —2,1 სმ

$\frac{3-50}{39}$  ზომები { სიგრძე —2,1 სმ  
                  { უღრ. სიგანე —1,5 სმ

ტაბ. 8, სურ. 6,7.


ორმოსამარხი № 7

ტაბ. 10, სურ. 1, 2, 3, 4, 5.

№ 7 სამარხი პირველი სამარხიდან სამხრეთ აღმოსავლეთით აღმოჩნდა, მისგან 11 მეტრის დაშორებით, მიწის თანამედროვე ზედაპირიდან 1,35 მ სიღრმეზე.

საფლავის მოედანი 1,8 (ჩ-ს) X 1,3 (ა-დ) მ უდრიდა. მიცვალებული მარჯვენა გვერდზე იწვა მოხრილად, ისე, რომ ბარძაყის ძვლები ხერხემალთან თითქმის სწორკუთხეს ქმნიდა, ხელის მტევნები სახის წინ ელავა. ბარძაყის ძვლის სიგრძე 48 სმ უდრიდა. თავი ჩრდილოეთით ედო. ჩონჩხის მიმართულება ჩრდილოეთიდან სამხრეთისაკენ. პირისახით დასავლეთით იყო მიმართული. სამარხში მხოლოდ თიხის კურკლები იყო — 5 ცალი.

2. საქართველოს სახელმწ. მუზეუმის მთავრ., ტ. XVIII-ბ



სურ. 2.





ქოთანის ლეგა ფერის თიხისა  $\left( \text{ინვ. } \frac{3-50}{40} \right)$  — უსწორო, ოდნავ ამოზურცულ ძირიანი, განიერი ნაწილი წიბოსებურია, მხარმუცელი ფართო და ღრმა ღარებით აქვს დაფარული, ყელპირი მომტვრეულია.

ზომები	სიმაღლე	— 16,0 სმ
	მუცლის დიამეტრი	— 23,0 სმ
	ძირის დიამეტრი	— 8,0 სმ

ტაბ. 9, სურ. 3.

ლანგარი მოწითალო მოვარდისფერო თიხისა  $\left( \text{ინვ. } \frac{3-50}{43} \right)$  — ღრმა, სქელი და მძიმე, საკმაოდ ტლანქად ნაკეთები. ლანგარს ოდნავ გადმოშლილი პირი აქვს, ხოლო ძირი პატარა, ამოზურცული, პირის ქვემო ნაწილი ღარი-სებურია და მასზე ჩაღრმავებული, კლაკნილი ვიწრო ღარია შემოვლებული. აღდგენილია. ნაკლული ადგილები თაბაშირითაა შევსებული.

ზომები	სიმაღლე	— 10,5 სმ
	პირის დიამეტრი	— 28,0 სმ
	ძირის დიამეტრი	— 9,0 სმ

ტაბ. 9, სურ. 5.

სასმისის ლეგა ფერის თიხისა  $\left( \text{ინვ. } \frac{3-50}{41} \right)$  — განიერი ძირიანი, ტანი დაახლოებით ცილინდრული მოყვანილობისაა, პირისაკენ ოდნავ განიერდება. ყურიანია, ყურის ზემო ნაწილზე 2 ბიბილოა ატყვეტილი. პირს ქვემოთ ორი ღარი გადასდევს. აღდგენილია. ნაკლული ადგილები თაბაშირითაა შევსებული.

ზომები	სიმაღლე	— 11,7 სმ
	პირის დიამეტრი	— 12,0 სმ
	ძირის დიამეტრი	— 10,3 სმ

ტაბ. 9, სურ. 4.

ხელადა ლეგა ფერის თიხისა  $\left( \text{ინვ. } \frac{3-50}{42} \right)$  — ძირფართო, განიერმუცლიანი, ყელპირი მომტვრეული აქვს. ყურიანია, ყურის ზემო ნაწილზე კერის დასაბჯენით.

ზომები	მუცლის დიამეტრი	— 14,5 სმ
	ძირის დიამეტრი	— 7,5 სმ

ტაბ. 9, სურ. 1.

თიხის სასმისის ქვედა ნაწილი მოშავო  $\left( \text{ინვ. } \frac{8-50}{44} \right)$  — ძირი განიერია, ტანიც ზემოთ თანდათან განიერდება. ძირზე კონცენტრული ჩაღრმავე-





ბული ხაზების შემოვლებით ზოლებია გამოყოფილი, ნაპირა ზოლი დასერილია გარდიგარდმო ქღებებით. ძირს ოდნავ ზემოთ შემოვლებულია სამი ვიწრო ლარი და იქვე სიმეტრიულად განლაგებული 4 კოპია.

ძირის დიამეტრი 5,5 სმ

ტაბ. 9, სურ. 2.

ორმოსამარხი № 8

ტაბ. 10, სურ. 5, 14.

მე-8 სამარხი I სამარხიდან ჩრდილო-დასავლეთით იყო, მისგან 11 მეტრის დაშორებით, მიწის ზედაპირიდან 1,2 მეტრის სიღრმეზე. მოედანი 1,4 (ჩ-ს) X 1,2 (ა-დ) მეტრს უდრიდა. მიცვალებული მოკრუნჩხულად მარცხენა გვერდზე ესვენა. თავი ჩრდილოეთით ედო, პირისახით აღმოსავლეთით იყო მიქცეული. ჩონჩხი დამხრობილი იყო ჩრდილოეთიდან სამხრეთისაკენ. ძვლები ცუდად იყო შენახული.

ინვენტარი:

დერგი ლეგა ფერის თიხისა  $\left( \text{ინვ. } \frac{3-50}{45} \right)$  — ტანი კვერცხისებური, ყელი დაბალი, პირი ოდნავ გადმოშლილი აქვს. მხარეზე ორი ლარი და ერთი კლაკნილი ხაზი გადასდევს. მუცელი ერთ მხარეზე ამოტეხილია.

ზომები	{	სიმაღლე	— 25,0 სმ
		პირის დიამეტრი	— 13,0 სმ
		მუცლის დიამეტრი	— 30,0 სმ
		ძირის დიამეტრი	— 4,4 სმ

ტაბ. 10, სურ. 6.

სასმისი მონაცრისფრო თიხისა  $\left( \text{ინვ. } \frac{3-50}{46} \right)$  — ძირი იმდენად პატარა აქვს, რომ სასმისი მასზე ვერ დგება. ტანი კვერცხისებური მოყვანილობისაა. ქურჭელი ოდნავ პირმოყრილია. პირის ქვემოთ კონცენტრული ლარია შემოვლებული. იგი იდგა დერგში  $\left( \text{ინვ. } \frac{3-50}{45} \right)$ .

ზომები	{	სიმაღლე	— 12,4 სმ
		პირის დიამეტრი	— 5,0 სმ
		ძირის დიამეტრი	— 2,3 სმ

ტაბ. 9, სურ. 9.

ქვაბქოთანა ლეგა თიხისა  $\left( \text{ინვ. } \frac{3-50}{49} \right)$  — უსწორო, პატარა ძირიანი, მუცელგამობერილი. ყელდაბალი, პირგადმოშლილი. ტანის ზემო ნაწილი გოფირებულია. აღდგენილია. ნაკლული ადგილები თაბაშირითაა შევსებული.



ზომები	{	სიმაღლე	—26,0 სმ
		პირის დიამეტრი	—17,3 სმ
		მუცლის დიამეტრი	—35,5 სმ
		ძირის დიამეტრი	—10,0 სმ

ტაბ. 10, სურ. 8.

დერგი ლეგა ფერის თიხისა (ინვ.  $\frac{3-50}{50}$ ). დაბალყელიანი, ოდნავ პირ-გადმოშლილი. მხარმუცელსა და ყელზე რამდენიმე ღარი და კლაკნილი ხაზია შემოვლებული, ტანის ზემო ნაწილი დეფორმირებულია. პურქელი აღდგენილია.

ზომები	{	სიმაღლე	—28,0 სმ
		პირის დიამეტრი	—12,0 სმ
		მუცლის დიამეტრი	—31,0 სმ
		ძირის დიამეტრი	—10,0 სმ

ტაბ. 10, სურ. 9.

სასმისის ნაწილი შავი თიხისა (ინვ.  $\frac{3-50}{51}$ )—წელში ოდნავ გამოყვანილი. მთელი ტანი გოფირებულია. ყურიანი. ყურის ზემო ნაწილზე ორი ზიბილოა აცქვეტილი; დიდი ნაწილი აკლია.

ტაბ. 9, სურ. 9.

დოქის ნაწილი ლეგა თიხისა (ინვ.  $\frac{3-50}{52}$ )—მრგვალტანიანი; ყელის ქვემოთ 2 კონცენტრული ხაზია შემოვლებული. პირ-ყელი და ტანის ქვემო ნაწილი აკლია.

ტაბ. 9, სურ. 8.

ლანგარის ნაწილები ლეგა ფერის თიხისა (ინვ.  $\frac{3-50}{52-a}$ ), პირი ოდნავ გადმოშლილია. ტანის ზემო ნაწილზე ერთნაირი სიგანის ორი რელიეფური და ორი ჩაღრმავებული ზოლია შემოვლებული. ჩაღრმავებულ ზოლზე ტეხილ-ხაზოვანი ვიწრო გაპრიალებული ზოლია შემოვლებული.

ტაბ. 15, სურ. 2.

მახათი ბრინჯაოს წკრილი მავთულისაგან ნაკეთები (ინვ.  $\frac{3-50}{47}$ ), ოვალური ყუნწიანი. ყუნწი გაკეთებულია ბოლოს გაწვრილების შემდეგ მისი გადმოღუნვით, ღეროს გაპობით და გაწვრილებული ნაწილის პობილში ჩაკვერვით. ღერო ყუნწისაკენ უფრო მსხვილია, წვერისაკენ თანდათან წვრილდება და წვეტით მთავრდება.

სიგრძე 9,5 სმ

ტაბ. 8, სურ. 8.



მძივები—21 ცალი, ღია ვარდისფერი, სარდიონისა ( ინვ.  $\frac{3-50}{48}$  ), (სურ. 3). ისინი ცილინდრული ფორმისაა, ნაპობია და უხეშად ნაკეთები, სხვადასხვა ზომისა.

ტაბ. 8, სურ. 9.

სამაროვანზე ნაშალ მიწაში ნაპოვნია აგრეთვე ქოთნის ნატეხი ( ინვ.  $\frac{3-50}{54}$  ) ლევა თიხისა—

ზემო ნაწილი შავია. ძირი პატარა ჰქონია. ჭურჭელს კვერცხისებური ტანი, დაბალი ყელი, პირი სქელი და ოდნავ გადმოშლილი აქვს. მთელი ტანი კონცენტრიული რელიეფური ხაზებითაა დასერილი. ტანის ზემო ნაწილზე ერთ წყებად მარცვლოვანი ჭდეგებია შემოვლებული. ძირზე სპირალური-ხვეული ზოლი უნდა იყოს, ძირის ნაპირებზე კი ფრჩხილისებური სახეები.

სიმაღლე 27,0 სმ.

ტაბ. 15, სურ. 3.

თიხის ჭურჭლის ძირის ნაწილი ( ინვ.  $\frac{3-50}{54-ა}$  ).

ძირზე სპირალური ზოლია შემოვლებული და ძირის ნაპირებზე ფრჩხილისეული ხვეული სახეები.

ტაბ. 9, სურ. 7.

სამაროენიდან ჩრდილო- აღმოსავლეთით, დაახლოებით 100 მეტრის დაშორებით, გზის მშენებლობის დროს ორმოსამარხი აღმოუჩენიათ, რომელშიაც თიხის რამდენიმე ჭურჭელი ყოფილა; მათგან მხოლოდ ერთი გადარჩენილა: ლანგარი ლევა ფერის თიხისა

( ინვ.  $\frac{3-50}{53}$  ), დიდი, მეტად სქელი და მძიმე, ღრმა, ოდნავ უსწორო და განიერი ძირით. პირს ქვემოთ განიერი ღარია შემოვლებული. ორყურა. ყური ბრტყელია და განიერი. ცალი ყური მოტეხილი აქვს, ხოლო პირი აქა-იქ ჩამომტვრეული.

ზომები	{	სიმაღლე	— 14,0 სმ
		პირის დიამეტრი	— 43,0 სმ
		ძირის დიამეტრი	— 18,0 სმ

ნავთლულში აღმოჩენილი არქეოლოგიური მასალების აღწერის შემდეგ უნდა შეძლებისდაგვარად წარმოვიდგინოთ ამ საინტერესო არქეოლოგიური ძეგლის ადგილი, მისი მნიშვნელობა თბილისის ტერიტორიაზე მცხოვრები, იმდროინდელი მოსახლეობის ისტორიის შესასწავლად.

პირველად დავიწყებთ აღმოსავლურ-ქართული ცულის საკითხის განხილვას, მაგრამ სანამ უშუალოდ ამ საკითხზე გადავიდოდეთ, საჭიროდ მიგვაჩ-



სურ. 3

ნია აღნიშნოთ შემდეგი: ჩვენ ამჯერად არ გავვიზრახავს წარმოვადგინოთ აღმოსავლურ-ქართული ცულის საერთო განვითარების სქემა, მისი საწყისი—ადრეული ფორმები. ეს ცალკე კვლევის საგანია; ჩვენ გვინდა ვუჩვენოთ საქართველოს ტერიტორიაზე აღმოჩენილი ამ ცულის ნაირსახეობათა შორის რომელი ჯგუფის ცულებს უნდა მიეკუთვნოს ნათელულში აღმოჩენილი ცალი; განვსაზღვროთ მისი ხნოვანება, წარმოვადგინოთ ასეთი ცულების გავრცელების არე და მათი განვითარების სქემა განსაზღვრული დროის მონაკვეთისათვის.



სურ. 4

მართალია, მეტ-ნაკლებად გარკვეულია ამ ცულთა გავრცელების ადგილი, მაგრამ ჩვენთვის საჭიროა ამ საკითხის კიდევ უფრო დაზუსტება. ამ ტიპის ცულის გავრცელების არის შემოფარგვლა, სად, კერძოდ საქართველოს რომელ მხარეში პპოვა ყველაზე მეტი განვითარება, ყველაზე მეტი გამოყენება აღნიშნულმა იარაღმა—ამას ჩვენი შემდგომი მსჯელობისათვის არსებითი მნიშვნელობა აქვს. ჯერ კიდევ 1908 წ. პროფ. ე. თაყაიშვილმა გამოთქვა გარკვეული მოსაზრება ახალქალაქში აღმოჩენილი ცულებისა და სხვა ნივთების შესახებ. იგი ამბობდა, რომ ღიღადლი ნივთები და კერძოდ საომარი ცუ-



ლები, რაც ახალქალაქში იყო აღმოჩენილი, მიუთითებს, რომ სადმე ახლო-მახლო, კავკასიურ სპილენძის ხანაში, უნდა ყოფილიყო სპილენძის სახელოსნო, მით უმეტეს, რომ ცულეებში წუნდებული—უვარგისი ცულეებიც ურევიაო<sup>1</sup>.

ფრ. ჰანჩარი, იხილავს რა განჯა-ყარაბაღულ კულტურას და მასთან დაკავშირებით აღმოსავლეთ საქართველოს ტერიტორიაზე აღმოჩენილ არქეოლოგიურ ძეგლებს, აღნიშნავს, რომ ყველაზე უფრო თვალში საცემი, გამორჩეული ნივთიერი ფაქტორები, რომელნიც საშუალებას გვაძლევენ დავადგინოთ არა მარტო აღმოსავლეთ საქართველოს კულტურა, არამედ აგრეთვე მისი ქრონოლოგიური შეფარდება განჯა-ყარაბაღის კულტურასთან, უდავოდ ბრინჯაოს მახვილები და ცულეებია<sup>2</sup>.

აკად. ს. ჯანაშიამ პირველმა დაუმკვიდრა ამ ცულს ზუსტი სახელი „აღმოსავლურ-ქართული ცული“. იგი იმგვარივე თავისებურებას წარმოადგენს ბრინჯაოს კულტურის აღმოსავლურ-ქართული წრისათვის, როგორც—კოლხური ცული ბრინჯაოს კულტურის დასავლურ-ქართულ (კოლხური) წრისათვის<sup>3</sup>, მართლაც, თუ თვალს გადავავლებთ მსოფლიოს სხვადასხვა კუთხეებში აღმოჩენილ უამრავ არქეოლოგიურ მასალას, თითქმის ვერსად ვიპოვნით (ჩუგლუგა) აღნიშნული ცულის მსგავსს, იგი მრავლად მოიპოვება ა/კავკასიაში და ყველაზე მეტად კი საქართველოში. განსაკუთრებით დიდი რაოდენობითაა მოპოვებული შიდა ქართლში.

ჩვენთვის ამჟამად საინტერესო ტიპის ცულის წინა აზიაში გავრცელების შესახებ შეგვიძლია წარმოდგენა ვიქონიოთ საომარი ცულის იმ გამოსახულების მიხედვით, რომელსაც ბოლახკუის ჰიშკარზე გამოკვეთილი თეშუბის ხელში ვხედავთ<sup>4</sup> (სურ. 4.), თუმცა იგი განსხვავებული ფორმისაა, ვიდრე ჩვენი ცულეები, ხოლო მატერიალური (თვით ცული) ხელშესახები რამ ჯერჯერობით არსად არის აღმოჩენილი. კავკასიაში კი, როგორც ზემოთ გვქონდა აღნიშნული, ათობით გვხვდება ერთი დანიშნულების, მაგრამ სხვადასხვა ზომისა და სახესხვაობის საბრძოლო (ჩუგლუგა) ცულეები. გვხვდება აგრეთვე მათი ყალიბებიც.

აღწესხვით აღმოსავლურ-ქართული ცულის გავრცელების ადგილები.

აღმოსავლურ-ქართული ცულეები, რომელნიც ნავთლუდის ცულთან ახლოდგანან, აღმოჩენილია შემდეგ ადგილებში:

1. ქვემო სასირეთში აღმოჩენილია საომარი ცულეები 3 ცალი (საქ. სახ. მუზეუმის ინვ.  $\frac{17-30}{5-6-7}$ ), ერთი მათგანი ( $\frac{17-30}{5}$ ) იწონის 1610 გრ,

<sup>1</sup> Е. Такайшвили. Мастерская медных топоров около Ахалкалаки Горийского уезда. Изв. Кавказ. отд. Московск. арх. общест. Вып. III, 1913 г., стр. 172—173.

<sup>2</sup> Franz Hančar. Kaukasus Lucistan. ESA. IX, Helsinki, 1934.

<sup>3</sup> ციტატა მოყვანილია ა. აფაქიძის მოხსენებიდან „ს. ჯანაშია და საქართველოს არქეოლოგია“. კრებული აკადემიკოსი ს. ჯანაშია. თბილისი, 1949.

<sup>4</sup> В. В. Фармаковский. Архαιческий период в России. Доклады, читанные на Лондонском Международном Конгрессе историков. В марте 1913 г., Петроград, 1914, стр. 49, таб. XV.





ზოლო მეორე  $\left(\frac{17-30}{7}\right)$ —1563 გრ; ისინი განძს ეკუთვნის. განძის შემადგენლობაში გარდა ცულებისა არის ქედაბეკური ტიპის სატევარი, კოლხური ცული, სატეხი, ფოთლისებური ტარშეურჩენელი სატევარი (2 ცალი), სამფეხა პატარა ჭურჭელი ბრინჯაოსი, სახურაფიანი, თხის თავის ქანდაკება, ლაგუმები და სხვა. ყველა ნივთი ბრინჯაოსია. ცულები დიდი ზომისაა, ყუაზე შერეილანები. ეს განძი ჩვენთვის მეტად საინტერესოა, რადგან მისი შემადგენელი ინვენტარი და ზოგიერთი ნივთის შემკულობა ახლო პარალელს პოულობს თბილისის არქეოლოგიურ მასალებთან. ჯერ ერთი, ბრინჯაოს ჭურჭლის შემკულობა, სპირალები, დაწნული ორნამენტი დამახასიათებელია თბილისის—ორპა-ლეღესა და ნავთლულში აღმოჩენილი ფოთლისებრი ბრინჯაოს ტარიანი სატევრისათვის. აღმოსავლურ-ქართული ცული კი ორივე კომპლექსისათვის თითქმის ერთნაირადაა დამახასიათებელი. ძალიან დამახასიათებელია აგრეთვე ამ განძის შემადგენლობაში ქედაბეკური სატევრის არსებობაც, რომელიც ჩვენი აზრით, აღმოსავლურ-ქართული სატევრის (მთლიანადსმულის) თანადროულია.

განძი შეიცავს აგრეთვე ორ ცალ ფოთლისებურ, ტარშეურჩენელ, სამთავროს უძველეს ორმოსამარხებისათვის დამახასიათებელ სატევარს. ტაბ. 11.

2. კავთისხევში, დამპალას ქედზე მიწის თხრის დროს აღმოჩენილია დიდი, ყუაზე შერეილიანი ცული  $\left(\text{ინვ. } \frac{11-32}{4} \text{ ძვ. 3173}\right)$ . იგი იწონის 1440 გრ.

ცულთან ერთად ნაპოვნი ყოფილა მოგრძო სატეხი  $\left(\text{ინვ. } \frac{11-32}{61} \text{ ძვ. 3174}\right)$  და გრძელი და წვრილი მახვილი, წინა აზის მასალებისათვის რომ არის დამახასიათებელი და რომელსაც ძვ. წ. 15—8 საუკუნით ათარიღებენ<sup>1</sup>  $\left(\text{ინვ. } \frac{12-32}{62} \text{ ძვ. № 3173}\right)$ . როგორც ძველი საკატალოგო ჩანაწერიდან ირკვევა, ნივთები საფლავიდან უნდა იყოს ამოღებული. ტაბ. 19.

3. მეტეხში ნაპოვნია ყუაზე შერეილიანი დიდი ცული  $\left(\text{ინვ. } \frac{5-37}{4}\right)$  წონით 1647 გრ. იგი სამარხშია აღმოჩენილი და მასთან ერთად ჭირისუფალს მიცვალებულისათვის ჩაუტანებია მასკაგახსნილი შუბის პირი ბრინჯაოსი, სატევარი განიერქედისანი, ტარშეურჩენელი, სატეხი ბრინჯაოსი და ორი ცალი თხის ჭურჭელი. მეტეხის სატევრის მსგავსი სატევარი აღმოჩენილია სამთავროს ერთ-ერთ უძველეს ორმოსამარხში, „არქაული ფორმების შემკველ ორმოსამარხში“, როგორც ამას № 267 ორმოსამარხის შესახებ შენიშნავს ალ. კალანდაძე. ტაბ. 20.

<sup>1</sup> A. A. Иессен. К вопросу о древнейшей металлургии меди на Кавказе. Изв. ГИМК, Вып. 120. Москва-Ленинград, 1935.



4. ლეჩხუმში აღმოჩენილ ე. წ. ცაგერის განძის შემცველ არქეოლოგიურ ნივთებს შორის დიდი ზომის ყუაზე შვერილიანი, აღმოსავლურ-ქართული ცულია. იგი ძალიან ჰგავს ნავთლულის ცულს, ისე როგორც მეტეხისა, კავთისხევისა და სასირეთის ცულებს. აღმოსავლურ-ქართულ ცულთან ერთად განძი შეიცავდა კოლხურ ცულს, თოხს, სეგმენტისებურ იარაღს, სატეხს და სხვა ნივთებს. ტაბ. 13, სურ. 1.

5. 2 ცული შეხჩის-ციხის (ყოფილი ყარსის ოლქის) განძის შემადგენლობაშია. ერთი ცული დიდი ზომისაა, ყუაზე შვერილიანი. განძის შემადგენელი სხვა ნივთებიდან აღსანიშნავია კოლხური ცულები (5 ც.), თოხი, ბრტყელი ცული, სატეხი, ლაგმის საყბურები, სატევერის ტარის დაფანჯრული თავი, 7 ც. მასიური რგოლი (სპილენძისა?) და ბრინჯაოს ჭურჭლის ნატეხები. განძი მხოლოდ ბრინჯაოს ნივთებისაგან შედგება.

6. ყუაზე შვერილიანი დიდი ცული აღმოჩენილია აგრეთვე სოფ. ზემორეთში და დაცულია გორის ისტორიულ ეთნოგრაფიულ მუზეუმში; გორის მუზეუმში დაცულია 6 ცალი აღმოსავლურ-ქართული ცული, რომელთაც ყუაზე არ აქვთ შვერილები.

7. სოფ. ტყეივში (გორის რაიონი) აღმოჩენილია 2 ცული (ინვ.  $\frac{11-32}{50-65}$  ძე. №№ 1730, 1731); როგორც ძველი საინვენტარო წიგნის ჩანაწერებიდან

ჩანს, ორივე ცული საფლავში ყოფილა ნაბოვნი. ერთი (ინვ.  $\frac{11-32}{65}$ ) დიდი ზომისაა. იწონის 1420 გრ. იგი ყუაზე შვერილიანი ყოფილა, დაბალი ფრთებით, სატარის გარეთა ნაწილი სრულიად სადაა. მეორე (ინვ.  $\frac{11-33}{50}$ ) უფრო პატარა ზომისაა, 884 გრ იწონის, ყუაზე შვერილიანია და დაბლაგული ფრთები აქვს. სატარის გარეთა ნაწილზე სამი რელიეფური ზოლი დაუსვება.

აღმოსავლურ-ქართული ცულები აღმოჩენილია აგრეთვე: სოფ. ზედა სიმონეთში (უნავირას მიდამოები, ქუთაისის რაიონი); სვანეთში (ინვ.  $\frac{11-32}{43}$  ვ. № 338), იწონის 684 გრ. ყუაზე შვერილი არ გააჩნია; რაჭაში (ინვ.

$\frac{11-32}{42}$  ძე. № 4501), იწონის 1405 გრ. ყუაზე შვერილი არ აქვს; რაჭაში (ინვ.  $\frac{6-02}{95}$  — 1007). აღნიშნულ ცულს პროფ. ბ. კუფტინი მიიჩნევს კოლხურისა და აღმოსავლურ-ქართული ცულის შეჯვარებად — აღმოსავლურ-ქართული ცულის განვითარებულ შეცვლილ სახედ<sup>1</sup>. კოლექცია, რომლის შემად-

<sup>1</sup> Б. А. Куптин. К вопросу о древнейших корнях грузинской культуры на Кавказе. საქ. მუზეუმის მოამბე, XII-В, 1944, გვ. 332, სურ. 24.



გენლობაში შედის ეს ცული, მრავალი ნივთებისაგან შედგება. მათ შორის 7 ცალი ტარშეურჩენელი ფოთლისებური სატევარია, გრძელი სატევარი, ბრინჯაოს საკინძები და სხვა ნივთები. ცული იწონის 267 გრ. ცულის აღწერას იძლევა უვაროვას კატალოგი: ცულები სპილენძისაა, რომელიც იმეორებს პატარა ზომის ძველი ყოზანური ტიპის სწორხაზოვანი ცულის ფორმას<sup>1</sup>.

4 ცალი აღმოსავლურ-ქართული ცული აღმოჩენილია ბეჟათუბანში და სოფ. ალში (სურამის მახლობლად. ტაბ. 13, სურ. 3, 4, 5). ჩუგლუბა ცულები აგრეთვე შემდეგი ადგილებიდან გვაქვს: ცხინვალის განძიდან 4 ცალი, ერთი მათგანი ყუაზე შევრილიანია (ტაბ. 14). ამგვარივე მინიატურული ცული (79 გრ იწონის) აღმოჩენილია აჩაბეთში (გორის რაიონი). 11 ცალი (ინვ.  $\frac{65-08}{1-11}$ ).

აღმოსავლურ-ქართული ცული აღმოჩენილია ახალქალაქში, განძის სახით. საშუალოდ მათი წონა 1155 გრ აღწევს. ერთი ცალი მარტაზის ხევიდანაა (მცხეთა), 3 ცალი--სამთავროს სამაროვანზე. ერთი ცალი სოფ. კოდის წყაროში (დუშეთის რაიონი), ტაბ. 13, სურ. 2 (ინვ.  $\frac{10-29}{1}$ ), ზემო ავქალაში

ინვ.  $\frac{2-26}{1}$  იწონის 508 გრ. ერთი ცალიც ალაზნის ველებიდანაა. ამგვარი ცული ლაგოდეხშია ცუყოფილა აღმოჩენილი (ერმიტაჟშია დაცული, ინვ. № 28653) ბაკურციხიდან კი 4 ცალია და სხვა. ამას უნდა დაემატოს 19 ცალი აღმოსავლურ-ქართული ცული ინვ.  $\frac{2-10}{1}$ ,  $\frac{82-13}{2}$ ,  $\frac{26-26}{67}$ ,  $\frac{11-32}{39, 40, 46, 49, 50}$

$\frac{1-36}{29, 28, 31, 32, 33}$ ,  $\frac{6-35}{33}$ ,  $\frac{1-51}{34-37}$  და სხვ., რომლებიც ინახება საქ. სახ. მუზეუმის არქეოლოგიის განყოფილებაში და მათი აღმოჩენის ადგილისა და მოპოვების ვითარების შესახებ არაფერი ვიცით. მაგრამ ერთი კი აშკარაა, რომ ამ ცულების დიდი უმრავლესობა დღევანდელ საქართველოს ტერიტორიაზე ან მის მოსაზღვრე რაიონებშია, ალბათ, აღმოჩენილი. თუ ეს ასეა, მაშინ აშკარა გახდება, რაოდენ დიდძალი აღმოსავლურ-ქართული ცულებია აღმოჩენილი ჩვენს ტერიტორიაზე. ამრიგად, საქართველოს ტერიტორიაზე 8 ათეულამდე (76 ცული) აღმოსავლურ-ქართული ცულია აღმოჩენილი. 19 ცალის აღმოჩენის ადგილი ჩვენთვის უცნობია. დანარჩენი 57 ცალი შემდეგნაირად ნაწილდება საქართველოს სხვადასხვა მხარეთა შორის: დასავლეთ საქართველოს 6 ადგილიდან 11 ცალი ასეთი ცულია აღმოჩენილი. მათ შორის ორი დიდი ზომისაა, ყუაზე შევრილიანი. ყველა ისინი თითქმის განძებიდანაა. გაურკვეველია მხოლოდ რაქისა და სევანეთის ცულების აღმოჩენის ვითარება, შიდა ქართლში სურამის უღელტეხილიდან არაგვამდე 10 ადგილიდან ასეთი 36 ცალია აღმოჩენილი. მათ შორის სურამიდან 1 ცა-

<sup>1</sup> П. С. Уварова. Коллекции Кавказского Музея Археология. т. V, Тифлис, 1902, стр. 42-43.



ლი, ცხინვალიდან 5 ცალი, გორისა და კასპის რაიონიდან 26 ცალი (კასპის რაიონიდან 19 ცალი), მცხეთის მიდამოებიდან 4 ცალი. მღ. არაგვიდან აღმოსავლეთით საქართველოს ტერიტორიაზე 10 ცალი; რაც შეეხება იმ აღმოსავლურ-ქართულ ცულს, რომელიც 1911 წლის საკატალოგო წიგნშია ჩაწერილი  $\frac{97-11}{15}$  ნომრით და აღნიშნულია, რომ იგი ერენის

გუბერნიაშია ნაპოვნიო, პროფ. კუფტინი არ ეთანხმება ამ ჩანაწერს და ამბობს, რომ იგი პატინითა და თანხლებ ნივთთა ფორმების მიხედვით ცხინვალის განძის ნაწილი უნდა იყოსო<sup>1</sup>, სახელდობრ, მას მხედველობაში აქვს დიდრონი რგოლები, ე. წ. რგოლი მონეტები; მაგრამ, როგორც ამ საკითხზე ო. ჯაფარიძე შენიშნავს, არაერთი საბუთი ამისათვის ჩვენ არ გავაჩინა<sup>2</sup>. თუ დავუკვირდებით ზემოთ აღნიშნულ ცულსა და ცხინვალის განძის ცულებს მათ შორის დიდი განსხვავებაა როგორც ფორმით, აგრეთვე პატინით. როგორც ზემოთ მოტანილი ცნობიდან ჩანს, დღემდე აღნუსხული აღმოსავლურ-ქართული ცულების დიდი უმრავლესობა შიდა ქართლის ტერიტორიაზე მოდის, არაგვიდან სურამის უღელტეხილამდე; მაგრამ შიდა ქართლის გარკვეულ ტერიტორიაზე, მის ცენტრალურ ნაწილში ეს იარაღი შესამჩნევად მეტი რაოდენობით გვხვდება. მხოლოდ კასპისა და გორის რაიონზე მოდის აღმოს. ქართული ცულის 26 ცალი, კერძოდ, კასპის რაიონში ასეთი ცულის 19 ცალია აღმოჩენილი — 4 ადგილიდან. ორი შემთხვევა განძის სახით, ორი კი სამარხიდან. ნავთლულში აღმოჩენილი დიდი ზომის ყუაზე შეკრიბილი ცულის ზუსტად მსგავსი ცალები კასპის მიდამოებშია (სასირეთის, მეტეხის და მეჯვრისხევის ცულები) აღმოჩენილი. ერთადერთი ცალია ასეთი ცული დასავლეთ საქართველოში (ცაგერი) ნაპოვნი. თბილისიდან აღმოსავლეთით კი სიდიდითა და მოყვანილობით ასეთი ცული არ გვეგულება. ამდენად შეიძლება ითქვას, რომ იგი შიდა ქართლური წარმოშობისაა.

ჩვენ არა გვაქვს განზრახვა აქ შევეხოთ აზერბაიჯანისა და სომხეთის ტერიტორიაზე მოპოვებულ აღმოსავლურ-ქართულ ცულებს, იგი შორს წავიყვანს, მხოლოდ აღვნიშნავთ, რომ სომხეთისა და აზერბაიჯანის ტერიტორიაზე ასეთი ცულები არ არის ისეთი დიდი რაოდენობით მოპოვებული, როგორც საქართველოს ტერიტორიაზე.

ამრიგად დღეისათვის არსებული მასალების მიხედვით, ყველაზე მეტი რაოდენობით აღმოსავლურ-ქართული ცული აღმოჩენილია შიდა ქართლის ცენტრალურ ნაწილში, კასპისა და გორის რაიონების მიდამოებში, ხოლო ყალიბები შიდა ქართლის ტერიტორიაზე, მის ჩრდილო ნაწილში. ეს მონაცემები აშკარად მეტყველებენ იმაზე, რომ აღმოსავლურ-ქართულ ცულს სწორედ აღმოსავლეთ საქართველოს ამ ნაწილში ჰქონდა ყველაზე მეტი გამოყენება და იგი აღმოსავლურ-ქართული კულტურის დამახასიათებელი წამყვანი იარაღია, რომელიც აქვე მზადდებოდა.

<sup>1</sup> Б. А. К у ф т и н. დასახელებული ნაშრომი, გვ. 311, სქოლიო.  
<sup>2</sup> ო. ჯაფარიძე. ცხინვალის განძი. საქ. საზ. მუზეუმის მოამბე, XVI-B, თბილისი, 1950, გვ. 99.



როდესაც ჩვენ აღმოსავლურ-ქართულ ცულთან დაკავშირებულ მასალებს და ლიტერატურას ვეცნობოდით, ჩვენი ყურადღება ერთმა გარემოებამ მიიქცია; პროფ. ბ. კუფტინი თავის შრომებში მრავალგზის იხილავს აღმოსავლურ და დასავლურ-ქართული ბრინჯაოს კულტურისათვის დამახასიათებელი და განმსაზღვრელი ფორმების საკითხს. ის იძლევა ამ კულტურათა გავრცელების საზღვრებს გვიანბრინჯაოს პერიოდში (ძვ. წ. 11 და I ათასწლეულთა მიჯნა) და გამოჰყავს ზოგიერთი დასკვნები ქართველური ტომების ნაციონალურ (?) პოლიტიკური დიფერენციისა და სხვა საკითხებზე.

პროფ. კუფტინის მიერ მეტად მნიშვნელოვანი საკითხებია დამსული. ჩვენ მოგვიხდება მის მიერ წამოყენებულ ზოგიერთ საკითხზე გამოეთქვათ ჩვენი მოსაზრება, რადგან ისინი უშუალოდ ჩვენ საკვლევ საგანთან არის დაკავშირებული.

პროფ. კუფტინი აღნიშნავს, რომ გვიანბრინჯაოს კულტურა II და I ათასწლეულის მიჯნაზე სამხრეთ კავკასიაში წარმოდგენილია მრავალრიცხოვანი არქეოლოგიური აღმოჩენებით. ტერიტორიალური ტიპების გამოყოფა არა მარტო ასხვავებს ერთმანეთისაგან საწარმოო რაიონებს, არამედ აშკარად ასახავს ქართველური ტომების ეროვნულ პოლიტიკურ დიფერენციციას ვანის სამეფოს წარმოქმნის ეპოქაში, როდესაც ისინი უკვე აშკარად არიან დაყოფილი ორ უმთავრეს ჯგუფად<sup>1</sup>.

ამავე მოსაზრებას გამოეთქვამს იგი უკანასკნელ ხანებში გამოქვეყნებულ ერთ-ერთ შრომაში, სადაც იგი შეეცადა მოეხაზა საქართველოს კულტურულ საწარმოო რაიონების საზღვრები ბრინჯაოს ეპოქის ბოლოსათვის იმ სახით, როგორც ეს ეხატება ავტორის ამჟამად არსებული ლიტერატურული წყაროების და საქ. სახ. მუზეუმის მდიდარი არქეოლოგიური კოლექციის შესწავლის საფუძველზე. ბ. კუფტინი აცხადებს, რომ რუკაზე აღნიშნული ორი სხვადასხვაგვარი საზღვრის გადაკვეთამ მტკვრის ზემო წელის გასწვრივ, განსაკუთრებით კომპლექსური აღმოჩენებით მდიდარ გორის რაიონში, საშუალება მისცა მას დაბეჭდილებითი სინქრონიზაცია მოეხდინა ამ დროს თანაარსებული ორი მთავარი საწარმოო ოლქისა<sup>2</sup>.

პროფ. კუფტინის დასკვნებით პირველ ყოვლისა გამოდის, რომ გვიანბრინჯაოს ხანაში, იმ პერიოდში, როდესაც კოლხური ცული ფართოდ იყო გამოყენებული, შიდა ქართლი მდ. არაგვამდე კოლხურ-ყობანური კულტურის სფეროში ექცეოდა, ხოლო აღმოსავლურ-ქართული კულტურის სფერო. ამავე პერიოდისათვის, არაგვამდე აღწევდა. ამდენად კულტურის ამ ორი რაიონის გავრცელების საზღვარიც მდ. არაგვი ჩანს. ბ. კუფტინი ამას მტკიცედ და დარწმუნებით აცხადებს. პროფ. კუფტინის ეს მოსაზრება, არა გვეგონია, მართებული იყოს<sup>3</sup>.

ჩვენი მოსაზრების სისწორე რომ ვაჩვენოთ, საჭიროა გავცნოთ შიდა ქართლის ტერიტორიაზე აღმოჩენილ არქეოლოგიურ მასალებს. ზემოთ ჩვენ წარმოვადგინეთ საქართველოს ტერიტორიაზე აღმოჩენილი აღმოსავლურ-ქართული

<sup>1</sup> Б. А. К у ф т и н. Дакаялелებული ნაშრომი, გვ. 313, 424, სურ. 12.

<sup>2</sup> Б. А. К у ф т и н. Материалы к Археологии Колхиды, I, Тбилиси, 1949 г., стр. 135.

<sup>3</sup> თ. ჯაფარიძე თავის ერთ-ერთ შრომაში „მიწაწმომედეგების იარაღები დასავლურ-





ცულები და მისი თანმხლები ინვენტარი ახლა გავეცნით კოლხური ცულების გავრცელებას შიდა ქართლის ტერიტორიაზე.

ჩვენ ხელთ არსებული მასალების მიხედვით, შიდა ქართლის ტერიტორიაზე 21 ცალამდე კოლხური ტიპის ცულია აღმოჩენილი, უმთავრესად II და III ტიპისა (ოთარ ჯაფარიძის კლასიფიკაციის მიხედვით); ამათგან დაახლოებით 7 ცალი სამხრეთ ოსეთის ტერიტორიიდანაა. ამრიგად შიდა ქართლში, მისი ჩრდილო ნაწილის გამოკლებით, დაახლოებით 14 ცალი კოლხური ცულია ნაპოვნი. ამათგან დიდი ნაწილი განძისეულია, რომელშიც აღმოსავლურ-ქართული კულტურისათვის დამახასიათებელი ფორმები ვარბობს<sup>1</sup>. აქ საჭიროდ მიგვაჩნია განვიხილოთ ერთი მეტად მნიშვნელოვანი მომენტი, სახელდობრ, ხომ არ უსწრებს კოლხურ-ყობანური კულტურისათვის დამახასიათებელი და წამყვანი ფორმების არსებობა შიდა ქართლის ტერიტორიაზე იქვე აღმოჩენილ აღმოსავლურ-ქართულ ცულებს, სატყერებს, მახვილებს და ამ კულტურისათვის დამახასიათებელ სხვა ფორმებს?

პირველ ყოვლისა განვიხილავთ ყველაზე დოკუმენტირებულ მასალას, სამთავროს სამაროვანზე მოპოვებულ კოლხური და აღმოსავლურ-ქართული კულტურის წამყვან-დამახასიათებელ იარაღს და მის თანმხლებ ნივთებს. სამთავროს სამაროვანზე წლების განმავლობაში წარმოებულ არქეოლოგიური გათხრების შედეგად 3 ცალი ბრინჯაოს კოლხური ცულია აღმოჩენილი. ერთი მათგანი № 121 სამარხში აღმოჩნდა. სამარხში კოლხურ ცულთან ერთად აღმოჩენილია 10 ცალი თიხის ჭურჭელი, რკინის მახვილი, ისრის წვერები ძვლისა და ბრინჯაოსი, დანის მსგავსი ნივთი რკინისა, ბრინჯაოს მაშა, სამაჯური, სარტყელი და სხვა; როგორც ჩანს, საფლავი იმ პერიოდისაა, როდესაც რკინა მცხეთაში უკვე გაბატონებულ მდგომარეობას აღწევს.

მეორე № 208 საფლავში იყო. აქ კოლხურ ცულთან ერთად აღმოჩენილია ბრინჯაოს ორი მახვილი (ერთი ბოლოკვეთილი, მეორე ბოლოწვეტიანი), სარტყელი, მასარაშეკრული შუბისპირი, მოჭიქული ჭურჭელი, ბრინჯაოს მილები და მასთან დაკავშირებული ირმის ქანდაკებები, ბრინჯაოს ჭურჭელი, დანა რკინისა და სხვა. სამარხში რკინის ერთადერთი ნივთია. ერთადერთია აგრეთვე კოლხური კულტურის დამახასიათებელი ნივთი (ცული).

მესამე აღმოჩნდა № 260 სამარხში. აქ კოლხურ ცულთან ერთად აღმოჩენილია თიხის ჭურჭელი (6 ც.), ბრინჯაოს საკინძები კონუსისებურ თავიანი, ბრინჯაოს ბეჭედი, სამაჯური (2 ც.), სარდიონის, ქარვისა და პასტის მძივები. ამრიგად, № 260 სამარხში რკინის ნივთი არ არის; ამავე დროს ეს გარემოება ამ სამარხული ინვენტარის არქაულობას მაინც არ მოწმობს.

ქართულ კულტურაში<sup>2</sup> აღნიშნავს, რომ «უკანასკნელ ხანებში ბ. კუფტინმა გამოთქვა მოსაზრება, რომ დასავლურ და აღმოსავლურ ქართულ კულტურათა სახლგარი არაგვის ხეობასთან უნდა ყოფილიყო, ე. ი. დაახლოებით იქ, სადაც შიდა ქართლის აღმოსავლეთი სახლგარი იყო, ვფიქრობთ, რომ ბ. კუფტინის ეს მოსაზრება სავსებით მართებული არ უნდა იყოს».

<sup>1</sup> თ. ჯაფარიძე, კოლხური ცული, საქ. სახ. მეზღუემის მოამბე, XIV-B, თბილისი, 1950, გვ. 35-89.

<sup>2</sup> ამ შემთხვევაში გამოჩაყლის ცხინვალის განძი შეადგენს.





მცხეთის მიდამოებში დღეისათვის აღმოჩენილია 4 ცალი აღმოსავლურ-ქართული ცული: სამი ცალი სამთავროს სამაროვანზე, 1 ცალი კი — მარტახის ხევში 1951 წლის ივნისში. სამთავროული ცულები შემდეგ სამარხებშია აღმოჩენილი:

1. № 591 სამარხში (გათხრილია ფრ. ბაიერნის მიერ) შედარებით პატარა ფრთებ (ნიღბ) წაკვეთილ ცულთან ერთად აღმოჩენილია შემდეგი ნივთები: ბრინჯაოს მახვილი ორი ცალი, მათ შორის ერთი ბოლოკვეთილი (შეად. 208 სამარხის ინვენტარს), რკინის შუბისპირი, ბრინჯაოს ბრტყელი ცული, სარტყელი, ისრის წვერები, მილები, ირმის ქანდაკებები. ამ სამარხში ერთადერთი საბრძოლო იარაღია რკინისა. სამარხის ძირითადი ინვენტარი აღმოსავლურ-ქართული კულტურისათვის დამახასიათებელი ნივთებითაა წარმოდგენილი.

2. № 195 სამარხში. ცულთან ერთად აღმოჩენილია შემდეგი ნივთები: 4 ცალი თიხის ჭურჭელი, ბრინჯაოს ქარქაში რკინის იარაღისა (მახვილის), ბრინჯაოს ბეჭდები, რგოლები, სამაჯური (12 ც.), რკინის შუბის პირი, ნატეხები რკინის სატევრის ტარისა, რკინის დანის პირი, სარდიონის, ცისფერი პასტისა და ქარვის მძივები. ამრიგად, № 195 საფლავში ჭარბობს რკინის ნივთები (შეადარეთ № 121—კოლხურ ცულიანი სამარხი).

3. № 240 სამარხში. იგი მოზრდილია და ყუაზე შვერილი არ აქვს: ამის გარდა, სამარხის ინვენტარი საინტერესო ნივთებისაგან შედგება: ბრინჯაოს მახვილი წვეტომომრგვალებული, ბრინჯაოს სატეხი მოკლე, ბრინჯაოს ისრის წვერები, ბრტყელი, სამკუთხა მოყვანილობის, ირმის რქის ძირი (დამუშავებული), ბრინჯაოს სადგისები, წახნაგოვანი, ორი ცალი, საიკედები ბრინჯაოსი, თევზის მოყვანილობისა, პატარები, სარდიონის, პასტისა და ძვლის მძივები. ამრიგად სამარხში რკინის ინვენტარი არა ჩანს (შდ. სამარხი 260).

კოლხური და აღმოსავლურ-ქართული ცული, როგორც ერთი, ისე მეორე, სამთავროს სამაროვანზე ჯერჯერობით 3—3 ცალია აღმოჩენილი. ორივე ტიპის ცული—თითო ურკინო კომპლექსშია (240—260 ორმოსამარხები), თითო ცალი ისეთ კომპლექსშია, რომელშიაც რკინის მხოლოდ თითო „წარმომადგენელია“ (იარაღის სახით) და აბსოლუტური უმრავლესობა ნივთებისა ბრინჯაოსია (591—208 ორმოსამარხები); ხოლო თითო ცალი კი ისეთ კომპლექსებში, სადაც უკვე ჭარბობს რკინის იარაღი (195 და 121 სამარხებიდან). ამას უნდა დაემატოს ის მრავალრიცხოვანი იარაღ-საჭურველი, რომელიც ზემოთ აღწერილი საფლავების დროინდელ სხვა მრავალ სამარხშია აღმოჩენილი და მხოლოდ აღმოსავლურ-ქართული კულტურისათვისაა დამახასიათებელი; ასეთები სამთავროში მრავლადაა. ჩვენ მოვიტანთ მხოლოდ დამახასიათებელ მაგალითებს: სამთავროს სამაროვანის №№ 44, 96, 87, 275, 39, 88 სამარხებში აღმოჩენილია აღმოსავლურ-ქართული ბრინჯაოს მთლიანადსმული სატევრები, ხოლო №№ 56, 96 ბ, 77, 152 და სხვა მრავალ სამარხში მახვილები და აღმოსავლურ-ქართული კულტურისათვის დამახასიათებელი სხვა ნივთები.

ზემოთ აღნიშნულის შემდეგ ჩვენ შეგვიძლია ვთქვათ, რომ: ბრინჯაოდან რკინაზე გარდამავალი საფეხურის სამარხებში (II და I ათას წლეულის მიჯნა ან ცოტა ადრეც) აშკარად ჭარბობს აღმოსავლურ-ქართული

კულტურისათვის დამახასიათებელი ინვენტარი: სატევრები, მახვილები, ჩუგლები, თხელფირფიტოვანი სამკუთხა ფორმის ან გრძელფორიანი და ფრთებიანი ისრის წვერები და სხვა. ამათ გვერდით მხოლოდ თითო ოროლა წარმომადგენელია დასავლურ-ქართული (კოლხურ-ყობანური) კულტურისათვის დამახასიათებელი ფორმებისა: ცული, ფიბულა და სხვა. მაგრამ ეს უკანასკნელი ფრიად უმნიშვნელოა, რაც უფლებას გვაძლევს უკუვადგოთ ბ. კულტურის მოსაზრება სამთავროს დასავლურ-ქართული კულტურის ბატონობის სფეროში მოქცევის შესახებ.

ჩვენი აზრით, კი სამთავრო და მისი კულტურა აღმოსავლურ-ქართული კულტურის მკვიდრია, მისი ერთ-ერთი წამყვანი, შემადგენელი ნაწილია. იგი არავითარ სხვა კულტურის სფეროში არ არის მოქცეული. განხილული პერიოდის არც ერთ ვიწრო მონაკვეთშიაც კი კოლხურ-ყობანური კულტურა გაბატონებული არ ყოფილა.

გაცვეთ შიდა ქართლის ცენტრალურ ნაწილს. შიდა ქართლის ჩვენთვის საინტერესო მასალებიდან ზოგიერთი სათანადოდ დოკუმენტირებულია, ზოგიერთი კი მოკლებულია მას, მაგრამ საკმარისია, თუ გინდ ერთხელ, ამ არა სათანადოდ დოკუმენტირებული მასალის კარგად თვალის გადავლება, რომ აშკარა გახდეს აღმოსავლურ-ქართული კულტურისათვის დამახასიათებელი ტიპების სიქარბე მსჯელობის საგნად აღებულ პერიოდში. შიდა ქართლის ცენტრალური ნაწილიდან ორი განძი გვაქვს: ერთი სასირეთისა, მეორე კი ახალქალაქის. სასირეთის განძის შემადგენლობაში მხოლოდ ერთი კოლხური ცულია, ნივთების აბსოლუტური უმრავლესობა აღმოსავლურ-ქართული კულტურისათვის დამახასიათებელი ფორმებია; მათ შორის არის ყუაზე შვერილიანი სამი ცული. ახალქალაქის განძის შემადგენლობაში კოლხური ცულის 3 ნატეხია, იმ დროს, როდესაც აღმოსავლურ-ქართული ცული 11-ია. კასპის რაიონიდან კიდევ ორი სამარხის ინვენტარია საინტერესო (მეტეხი, კავთისხევი). ორივე სამარხში ყუაზე შვერილიანი დიდი ცულები და აღმოსავლურ-ქართული კულტურისათვის დამახასიათებელი სხვა ნივთებია. კოლხური ცულები განძების გარეშეც არის აღმოჩენილი, ერთი ასეთი ცული აღმოსავლურ-ქართულ სატევართან ერთად ქვემო გოსტიბეშია ნაპოვნი (იხე.

$\frac{8-30}{1-4}$ ). ნარეკვავეშიც არის შემთხვევით აღმოჩენილი კოლხური ცული; ასეთი ცული აღმოჩენილია აგრეთვე ს. ალში და სხვა ადგილებში, მაგრამ ზოგიერთა მათგანი არ არის სათანადოდ დოკუმენტირებული, ხოლო რომელთა აღმოჩენის ვითარება ცნობილია — აშკარად ლაპარაკობს იმაზე, რომ ეს მასალა განძებსა და სამარხებსშიაც ერთდროულად გვხვდება. ამრიგად, არსებული მასალების მიხედვით დაბეჯითებით შეიძლება ითქვას, რომ გვიანბრინჯაოს პერიოდისათვის, ძვ. წ. II და I ათასწლეულის მიჯნისათვის, კოლხურ-ყობანური კულტურის დამახასიათებელ ფორმებს შიდა ქართლის ტერიტორიაზე არ ეკავა გაბატონებული მდგომარეობა. განსაკუთრებით სუსტადაა იგი წარმოდგენილი შიდა ქართლის ცენტრალურ და აღმოსავლეთ ნაწილში, სადაც აშკარად ქარბობს აღმოსავლურ-ქართული კულტურისათვის დამახასიათებელი ნივთები. ამ უკანასკნელთა გვერდით



კი ვხვდებით თითო ოროლა წარმომადგენელს კოლხურ-ყობანური თვის დამახასიათებელი ნივთებისა. მეორე მხრივ, ამ ორი კულტურისათვის დამახასიათებელი, წამყვანი ფორმები ერთდროულად გვხვდება.

ბ. კუფტინი თავის ზემოთ დასახელებულ ნაშრომში პირდაპირ აცხადებს, რომ „II და I ათასწლეულთა მიჯნაზე სამხრეთ კავკასიაში... ტერიტორიულ ტიპების გამოყოფა არა მარტო ანსხვავებს ერთმანეთისაგან საწარმოო რაიონებს, არამედ, აშკარად ასახავს ქართველური ტომების ეროვნულ-პოლიტიკურ დიფერენციაციას ვანის სამეფოს წარმოქმნის ეპოქაში<sup>1</sup>. გამოდის, რომ ავტორის მიერ შოცემულ რუკაზე იარაღთა წამყვანი ფორმების მიხედვით გამოყოფილი რაიონები არა მარტო იარაღთა გავრცელების საზღვრებს გვიჩვენებს, არა მარტო საწარმოო რაიონების სახესხვაობაზე ლაპარაკობს, არამედ გვიხატავს ქართველური ტომების ეროვნულ პოლიტიკურ დიფერენციაციასაც. რას ნიშნავს ეს ნაციონალურ-პოლიტიკური დიფერენციაცია? ბ. კუფტინი ლაპარაკობს ტომებზე და ამავე დროს—ნაციას, ერს იხსენიებს. პოლიტიკურ დიფერენციაციაზე ლაპარაკობს იმ დროს, როდესაც საამისო არც ერთი საბუთი მას არ გააჩნია, ყოველ შემთხვევაში შრომაში არ არის წარმოდგენილი და, ვფიქრობთ, ამჯერად ანც შეეძლო წარმოედგინა, რადგან ამის ნივთიერი ან წერილობითი საბუთი ჯერჯერობით არ მოიპოვება.

ამდენად არ შეიძლება ლაპარაკი მხოლოდ უსაფუძვლო გამოთქმებით, რაიმე დამადასტურებელი ფაქტიური მასალის გარეშე. კიდევ მეტი—რა უფლების ძალით ვახსენებთ, და არა ერთხელ, ეროვნულს (ნაციონალურს) იმდროისათვის, როდესაც ი. ბ. სტალინის განმარტებით „როგორ შეიძლებოდა ერების წარმოშობა და არსებობა კაპიტალიზამდე, ფეოდალიზმის პერიოდში, როცა ქვეყნები დაქუცმაცებული იყვნენ ცალკე დამოუკიდებელ სამთავროებად, რომელთა შორის არა თუ ეროვნული კავშირი არ იყო, არამედ ისინი გადაჭრით უარყოფდნენ ასეთი კავშირის საჭიროებას?... ერები არ ყოფილან და არც შეიძლება ყოფილიყვნენ წინაკაპიტალისტურ პერიოდში<sup>2</sup>. ამხ. ი. სტალინი გვასწავლის, რომ ნაცია, ერი ყალიბდება ფეოდალიზმის ლიკვიდაციისა და კაპიტალიზმის განვითარების პერიოდში<sup>3</sup>. კერძოდ ქართველი ერის ჩამოყალიბების შესახებ იგი ამბობს: „საქართველო როგორც ერი მხოლოდ XIX ს-ის მეორე ნახევარში გაჩნდა, როცა ბატონყმობის გაუქმებამ და ქვეყნის ეკონომიური ცხოვრების ზრდამ, გზების განვითარებამ და კაპიტალიზმის წარმოშობამ დაამყარა შრომის განაწილება საქართველოს ოლქებს შორის, საბოლოოდ შეარყია სამთავროთა სამეურნეო კარჩაკეტილობა და ერთ მთელად შეაკავშირა ისინი<sup>4</sup>. „ერი უბრალო ისტორიული კატეგორია კი არ არის,—აღნიშნავს ი. სტალინი,—არამედ განსაზღვრული ეპოქის, აღმავალი კაპიტალიზმის ეპოქის ისტორიული კატეგორიაა<sup>5</sup>.

ზედმეტი არ იქნებოდა თუ ამ საკითხის შესახებ მოვითხანდით ი. სტალინის კიდევ ერთ განმარტებას. ი. სტალინი ამბობს: „კაპიტალიზმის წარმოშობას-

<sup>1</sup> ბ. კუფტინი ი. დასახ. ნაშრ., გვ. 313.

<sup>2</sup> ი. სტალინი ი. თხზულებანი, 11, თბილისი, 1950, გვ. 372.

<sup>3</sup> ი. სტალინი ი. თხზულებანი, 2, თბილისი, 1947.

<sup>4</sup> იქვე, 318.

<sup>5</sup> იქვე, გვ. 326.

თან, ფეოდალური დაქუცმაცების ლიკვიდაციასთან და ეროვნული ბაზრის მოქმენასთან ერთად ხალხები განვითარდნენ ერებად, ხოლო ხალხთა ენები ეროვნულ ენებად<sup>1</sup>. თუკი დაისმება საკითხი, როგორ ან რაგვარად წარმოედგინოთ, რა ტერმინები ვიხმაროთ ხალხთა განვითარების სხვადასხვა ეტაპებისათვის ამ უკანასკნელის შესახებაც კლასიკურ განმარტებას იძლევა ი. სტალინი. იგი ამბობს: „რაც შეეხება შემდგომ განვითარებას საგვარეულო ენებიდან ტომების ენებამდე, ტომების ენებიდან ხალხების ენებამდე, და ხალხების ენებიდან ეროვნულ ენებამდე, ყველგან განვითარების ყველა ეტაპზე ენა, როგორც საზოგადოებაში ადამიანთა ურთიერთობის საშუალება საერთო და ერთიანი იყო საზოგადოებისათვის“<sup>2</sup>. მაგრამ ბ. კუფტინს ტერმინები როდი ერევა, ის მხოლოდ ერთხელ როდი ხმარობს ტერმინს „ეროვნულს“ (ნაციონალურს). თავის შრომაში სხვა ადგილას იგი აღნიშნავს: „თვით ეთნიკური ჩამოყალიბების პროცესში, ჯერ კიდევ გვაროვნული საზოგადოების წიაღში, ერთდროულად მოქმედებს ორი ურთიერთწინააღმდეგი ფაქტორი; კულტურულ-ენობრივი გათანაბრება (აკულტურაცია), მანამდე სხვადასხვაგვარი ნაწილების ურთიერთ შეგუება და ამის პარალელურად მიმდინარე პროცესი სოციალ-ეკონომიური დანაწევრებისა, რასაც შედეგად მოსდევს ცალკეული, უკვე გამოყოფილი საზოგადოებრივი ჯგუფების გაერთიანება ტომების გარეშე. ეს გარემოება კი, როგორც ცნობილია, მონათმფლობელებისა და ფეოდალურ საზოგადოებაში ზოგჯერ იწვევს კლასობრივად განსხვავებული (დამწერლობანი თუ უდამწერლობო) ენების წარმოქმნას, ამასთანავე მკვიდრი მოსახლეობა ფიზიკურადაც იმთავითვე ჩვეული გარემოს მეურნეობრივი ათვისების კულტურული გამოცდილებითაც, ბუნებრივად შედის ახლად ჩამოყალიბებულ ეროვნულ წარმონაქმნში, როგორც ყველაზე აშკარად გამოხატული ფენა“<sup>3</sup>. ამ გრძელი ამონაწერის მოტანა ჩვენ დაგვიკირდა იმიტომ, რომ, ჯერ ერთი, აქ ისევ და ისევ ახლად ჩამოყალიბებული არარსებული „ეროვნული“ წარმოქმნის პროცესზეა ლაპარაკი და, მეორე მხრივ, აშკარად ჩამოყალიბებულ თვალში საცემ მარისტულ აბნეულობასთან გვაქვს საქმე. ცნობილია ნ. მარის ყალბი დებულება ენათა განვითარების შესახებ. მისი სტადიურობის თეორია, რომელიც აღიარებს ნახტომებს, უეცარ აფეთქებებს ენის განვითარებაში. რომ, თითქოს, ხდება ენის უეცარი სიკვდილი და ასევე უეცრად ახალი ენის შექმნა.

აბა რა არის, თუ არა მარის ამ უაზრო დებულების განმეორება, მისი მექანიკურად გადატანა საზოგადოებრივი მოვლენის ასახსნელად ჩვენს ტერიტორიაზე მცხოვრები (ქართველური) გვარებისა და ტომების განვითარების, მისი განმსხვილებული ერთეულების შექმნის მიმართ, როდესაც ბ. კუფტინი ამბობს, რომ „მანამდე სხვადასხვაგვარი ნაწილების ურთიერთ შეგუება და ამის პარალელურად მიმდინარე პროცესი სოციალ-ეკონომიური დანაწილებისა, რასაც შედეგად მოსდევს ცალკეული, უკვე გამოყოფილი საზოგადოებრივი ჯგუფების გაერთიანება ტომების გარეშე“.

<sup>1</sup> ი. სტალინი. მარქსიზმი და ენათმეცნიერების საკითხები. თბილისი, 1950, გვ. 12.

<sup>2</sup> იქვე.

<sup>3</sup> ბ. კუფტინი. დასახლებული ნაშრომი, გვ. 399—400.



ნაცვლად იმისა, რომ ბ. კუფტინს მოეცა კონკრეტული მასალიზებული საფუძველზე, სამსჯელო პერიოდში, ჩვენს ტერიტორიაზე მცხოვრები სხვადასხვა გვარებისა და ტომების განვითარების მათი გაერთიანების თუ გამსხვილების სრული სახე, იგი გამოგონილი მარისტული „თეორიის“ მარკით, წინასწარ შექმნილი სქემის საფუძველზე იძლევა ჩვენს ტერიტორიაზე მცხოვრები გვარების გარდაქმნა-გამსხვილების სურათს ტრანსფორმაციის გზით, ნახტომების გზით.

ამჟამად მარისტულია ე. წ. თეორია „კლასობრივად განსხვავებული (დამწერლობანი თუ უდამწერლობო) ენების წარმოქმნის“ შესახებ; ჩვენ ამ უკანასკნელ და სხვაგან გამოთქმულ მარისტულ თეორიაზე, რომელიც ბ. კუფტინის მიერ არა ერთხელაა გამოყენებული და თავისებურად გადაამუშავებული, არ ვიმსჯელებდით, რომ დიდი ხნის განმავლობაში ი. ბ. სტალინის გენიალური შრომების გამოქვეყნების შემდეგ ავტორს საჯაროდ გამოეთქვა თავისი ამჟამად მარისტული შემცდარი დასკვნები.

ამრიგად, თურმე ეს ტერიტორიული ტიპების გამოყოფა პოლიტიკურ დიფერენციაციასთან არის დაკავშირებული; სხვაგვარად რომ ვთქვათ, ბ. კუფტინის მიერ მოცემული კულტურის წამყვან ფორმათა გავრცელების საზღვარი ამავე დროს ყოფილა აღმოსავლურ და დასავლურ-ქართულ კულტურათა ამ ორი ეთნოური ჯგუფის საზღვრები გვიანბრინჯაოს პერიოდში, რაც, ჩვენი აზრით, არ არის სწორი და არ შეეფარდება არქეოლოგიურ ფაქტურ მონაცემებს დღეისათვის.

მეორე მხრივ, არ ყოფილა და არც შეიძლება ყოფილიყო გვიანბრინჯაოს პერიოდში დასახელებულ ტერიტორიაზე ეროვნულ-პოლიტიკური დიფერენციაცია, არ შეიძლება ყოფილიყო ნაცია, ერი. ვთქვამთ, აქ ვაუგებრობას აქვს ადგილი, სტალინური მოძღვრების უგულვებელყოფას ერის შესახებ, რაც პროფ. კუფტინის სხვა შრომებიდანაც ჩანს. ამა რას ნიშნავს, თუ არა მარქსისტული მოძღვრების არცოდნას ან არგაგებას, როდესაც ბ. კუფტინი აცხადებს, თითქოს, არმაზული წარწერების ახალი მონაცემები „ნათლად გვიჩვენებენ, რომ არა სპარსეთის სახელმწიფომ, იბერიის ძველის ძველმა მტერმა, არამედ მისმა კულტურულმა კავშირმა ხმელთაშუა ზღვის არამეულ და ბერძნულ კულტურულ კერებთან განსაზღვრეს უკვე წინა ქრისტიანულ ხანაშიც ქართველი ტომების ეროვნული თვითგამორკვევა“<sup>1</sup>. თითქოს კომენტარი არ არის საჭირო. გამოდის, რომ კულტურის იმპორტმა არა ირანიდან, არამედ არამეული და ბერძნული კულტურული კერებიდან „განსაზღვრეს უკვე წინა ქრისტიანულ ხანაშიც ქართველი ტომების ეროვნული თვითგამორკვევა“. რა განსხვავებაა ირანსა და ხმელთაშუა ზღვის მოხსენებულ ქვეყნებს შორის? თურმე ერთი მტერია და მეორე მოყვარე. ავტორს ამ შემთხვევაში ავიწყდება სტალინური მოძღვრება ერის ჩამოყალიბებასა და თვითგამორკვევაზე, რომ ერის თვითგამორკვევის, ერის ჩამოყალიბების პროცესზე გარეგან ფაქტორებს კი არ აქვს გადამ-

<sup>1</sup> ბ. კუფტინი. საქართველოს ძველი ეთნო- და ტოპონიმიის ზოგიერთ გაურკვეველ შემთხვევაზე უცხო წყაროებით. საქ. სსრ მეცნიერებათა აკადემიის შრომები, ტომი X, № 5, თბილისი, 1949, გვ. 319.





წყვეტი მნიშვნელობა, კულტურის გავრცელება და შეტანა იმპორტით კარგად ხდება, არამედ იგი არის გრძელი პროცესი, იქმნება და ყალიბდება ქვეყნის შიგნით საკუთარი ძალებით, საკუთარი შესაძლებლობით, საკუთარი მონაცემებით. ამ საკითხზე სამართლიანად შენიშნავს გ. წერეთელი, „ბ. კულტინს ავიწყდება, რომ ქართველი ხალხის ეროვნულ თვითგამორკვევას განსაზღვრავდა არა ირანი ან რომი ან ბერძნული სახელმწიფოებრივი ერთეულები ან კიდევ მათთან კავშირი, არამედ ქართველი ხალხის ეროვნულ თვითგამორკვევას განსაზღვრავდა ის ფაქტორები, რომლებიც საფუძვლად უდევს ყოველგვარ ეროვნულ წარმოქმნას და რომლებიც გენეალოური სიცხადითა და სიღრმით დადგენილია დიდი სტალინის კლასიკურ შრომაში „მარქსიზმი და ნაციონალური საკითხი“<sup>1</sup>.

პროფ. კულტინი თავის რუკაზე იძლევა რა ზოლს, რომელიც იწყება არაგვიდან და აღწევს სვანეთამდე, აღნიშნავს, რომ „რაც შეეხება ბრინჯაოს ჩუგლუვა ცულს, მისი გავრცელების ტერიტორია ქმნის საინტერესო ვიწრო და გრძელ ზოლს მთავარი ქედის კოლხურ-ყობანურ რაიონებში, სახელდობრ, გორისა და იმერეთის მეშვეობით რაქასა და თვით ლეჩხუმშიაც კი“<sup>2</sup>, და შემდეგ „...მეორე მხრივ აღმოსავლურ-ქართველი ტომები ამ დროს უკვე მეტ აქტიუობას იჩენენ ტერიტორიულ ექსპანსიაში, ვიდრე დასავლურ-ქართველი ტომები, რომელთაც თავდაპირველად გაცილებით მეტი მიწა-წყალი ეკავათ, მაგრამ ამ დროისათვის აღმოსავლეთის საზღვრის გასწვრივ თანდათანობით მეზობლის მიერ საგრძნობი კულტურული—„შთანთქმა“ განიცადეს. რუკაზე (სურ. 12) ეს გარემოება ასახულია აღმოსავლურა და დასავლური ბრინჯაოს ნივთების ფორმათა გავრცელების საზღვრების ურთიერთ კვეთით“<sup>3</sup>. ამრიგად ზოლი, რომელიც იწყება არაგვიდან და მიემართება დასავლეთით. ან ჩრდილო-დასავლეთით, ის გზა ყოფილა, რა გზითაც, აღმოსავლურ-ქართველი ტომები ჩუგლუგებით, ორი ტიპის მახვლებით, დიდრონი გრძელყუნწიანი ისრისპირებით და შუბისპირებით მიემართებოდნენ დასავლეთით ტერიტორიული ექსპანსიის მიზნით. გამოდის, რომ აღმოსავლურ-ქართველ ტომებს საკუთარი სამყოფელი ტერიტორია თავის ექსპანსიის ბაზად გაუხდია. ეს ზოლი კიდევ ერთი აშკარა ფაქტია იმისა, რომ აქ გაუგებრობასა და წინააღმდეგობასთან გვაქვს საქმე, რომ უსწოროდაა წარმოდგენილი აღმოსავლურ-ქართული კულტურის და დასავლურ-ქართული კულტურის ბატონობის სფეროები, ამ ორი ეთნიური ჯგუფის ტერიტორიული საზღვრები, არარსებული ექსპანსიური პოლიტიკის ამბები, ჭერ დასავლურის („სამეურნეო ექსპანსია“) და შემდეგ აღმოსავლურ-ქართული ტომების მიერ შეიარაღებული ტერიტორიული და მამასადამე პოლიტიკური ექსპანსია დასავლურ-ქართველი ტომების გავრცელების საზღვრებში.

ჩვენ ზემოთ განვიხილეთ საკითხი აღმოსავლურ-ქართული ცულის გავრცელებისა, მისი რაოდენობრივი შეფარდებები ცალკე რაიონების მიხედვით და

<sup>1</sup> გიორგი წერეთელი. საქართველოს ძველი ეთნო- და ტოპონიმიკის ზოგიერთი გაზრკვეული შემთხვევის გამო. საქ. სსრ მეცნ. აკად. მოამბე, ტ. № 6, თბილისი, 1949, გვ. 334.

<sup>2</sup> Б. А. К у ф т и н. К вопросу о древнейших корнях Грузинской культуры на кавказе. საქ. სახ. მეზემის მოამბე, ტ. XII-B, თბილისი, 1944, გვ. 331—332.

<sup>3</sup> ბ. კულტინი. დასახლებული ნაშრომი, გვ. 406 ან 327—328.





მასთან დაკავშირებული სხვა მონაცემები, რომლებიც ადასტურებს, რომ სისის ტერიტორიაზე ყველაზე მეტი რაოდენობით აღმოსავლურ-ქართული ცულის ადრეული ფორმები შიდა ქართლშია აღმოჩენილი. ამას უნდა დაემატოს ისიც, რომ შიდა ქართლისავე ტერიტორიაზე ნაპოვნი აღმოსავლურ-ქართული ცულის ყალიბებიც, იმ ტერიტორიაზე, რომელიც მოქცეულია ბ. კუფტინის მიერ რუკაზე გამოყოფილი, შორს გაწვდილი ვიწრო ზოლის ფარგლებში. ამავე ტერიტორიაზე მრავლად მოიპოვება აღმოსავლურ-ქართული კულტურისათვის დამახასიათებელი სხვა ფორმებიც. ამდენად ცხადია, რომ შიდა ქართლის ის ტერიტორია, სადაც გაბატონებულ მდგომარეობას აღწევს აღმოსავლურ-ქართული კულტურის წამყვანი ფორმები, შეუძლებელია აღმოსავლურ-ქართული ტომების საექსპანსიო ბაზა ყოფილიყო. რაც შეეხება აღმოსავლურ და დასავლურ-ქართული კულტურული წრეების საზღვრების საკითხს, საქართველოს ისტორიის სახელმძღვანელოში გარკვევით არის ნათქვამი, რომ „აღმოსავლური კულტურული წრე შეიცავდა, აღმოსავლეთ საქართველოს ალაზნის გაღმა მხარით, სევანის ტბის მხარესა და არაქსის ხეობაშიც ჩადიოდა... დასავლური კულტურული წრე შეიცავდა მთელ დასავლეთ საქართველოს, ჩრდილო დასავლეთის მთიანეთს, მდ. თერგის დასავლეთით; მდ. კოროხის ხეობას და შავი ზღვის სამხრეთ სანაპიროსაც“<sup>1</sup>.

აღმოსავლეთ ქართველი ტომების ეს ე. წ. ექსპანსია, ავტორის მიერ შემუშავებული რუკის თანახმად, ადის ლეჩხუმისა და სვანეთის მიდამოებამდე. ამისათვის ავტორს საკმარისად მიაჩნია ერთი ცულის აღმოჩენა ლეჩხუმში, სვანეთში ან რაჭაში. ამ სამი ცულით აღმოსავლურ-ქართველი ტომების ექსპანსიის განსაზღვრა სურამის უღელტეხილს გადაღმა, შორს, კოლხეთის მთიან ზონაში — შეუძლებელია. ჩვენი აზრით, ექსპანსიების ამგვარად წარმოდგენა ხელოვნურია. ამა თუ იმ კულტურისათვის დამახასიათებელი თითო ოროლა ნივთი, რომელიც ამ კულტურის ფართო გავრცელების საზღვრებს სცილდება, ექსპანსიის შედეგი როდია. იგი შეიძლება შედეგი იყოს მოსაზღვრე ტომთა გაცვლა-გამოცვლისა, ან საწარმოო გამოცდილების ურთიერთგაზიარებისა. ამის ფაქტები ჩვენ მრავალი გვაქვს და მათ წარმოდგენას ახლა საჭიროდ არ ვთვლით.

პროფ. ბ. კუფტინი რუკაზე იძლევა აღმოსავლურ-ქართული ცულის გავრცელების, ან საწარმოო გამოცდილები სურთიერთგაზიარებისა. ამის ფაქტები რაჭასა და ლეჩხუმამდეც კი ადის. ავტორი გამოთქვამს მოსაზრებას, რომ „ამასთანავე ჩუგლუგა განიცდის კოლხურ ცულთან ურთიერთგავლენის პროცესს, მსუბუქდება და იქნის გარდა ჩვეულებრივისა, განსაკუთრებულ ფორმებს, რომელნიც სულ უფრო შორდებიან პროტოტიპს, ეს უკანასკნელი კი თავის მხრივ დაიყვანება სირიულ-ალეზარდამდე“<sup>2</sup>.

ბ. კუფტინი ამასთანავე იძლევა განვითარების სქემას, მისგან ახალი სახის წარმოქმნის სქემას. პროფ. კუფტინის ეს სქემა, ჩვენი აზრით, არ არის დამყარებული დამაჯერებელ, უტყუარ ფაქტებზე. რაჭაში აღმოჩენილი ერთადერთი

<sup>1</sup> ნ. ბერძენიშვილი, ივ. ჯავახიშვილი, ს. ჯანაშია. საქართველოს ისტორია. ნაწილი I, თბილისი, 1948, გვ. 27.

<sup>2</sup> ბ. კუფტინი. დასახელებული ნაშრომი, გვ. 331—332.



ცული, რომლის მსგავსი არსად არ მოგვეპოვება, არ შეიძლება ზოგადი დასკვნადებულების დასაყრდენი იყოს.

ძნელია აღამაინამა გაიგოს თუ რა პრინციპზე აქვს აგებული ავტორს ეს სქემა. თუ ქრონოლოგიურ პრინციპს უდებს საფუძვლად, ავტორს საამისო მასალა არ წარმოუდგენია.

იქნებ ცულების ტექნოლოგიურმა შესწავლამ მიიყვანა იგი ამ დასკვნამდე? მაგრამ მათი დამზადების ტექნიკის თავისებურებაზე, ისევე როგორც მათ ქიმიურ შემადგენლობაზე, შრომაში არაფერია ნათქვამი.

იქნებ ტერიტორიული გავრცელების მიხედვით გამოიკვლია მან ეს საკითხი? წარმოდგენილი ცულების აღმოჩენის პუნქტები და ვითარება ეწინააღმდეგება ამ პრინციპს (თუ კი ეს პრინციპია). განვიხილოთ ამ მიმართულებით სქემაზე წარმოდგენილი ცულები: სქემის № 1 ცული ახალქალაქის განძიდანაა (შიდა ქართლის ცენტრალური ნაწილი). სქემის №№ 2 და 3 ცულები კახეთიდანაა, გურჯაანის რაიონის სოფ. ბაკურციხიდან<sup>1</sup>. № 4 ცული ცხინვალის კახძის ნაწილად მიიჩნევა ავტორი. თუნდაც ასე იყოს, ძალიან დიდი ნახტომი გამოდის (ბაკურციხე — ცხინვალი). სქემის № 5 ცული რაჭიდანაა. იგი პატარაა, მაღალწელიანი და ავტორს სწორედ გიბრიდად აქვს წარმოდგენილი. ამგვარად, აღმოსავლურ-ქართული ცულის საწყისი ფორმა ანუ, როგორც ამას ბ. კუფტინი ვარაუდობს, ცულის ადრეული სახე შიდა ქართლის ცენტრალურ ნაწილშია, ორი მომდევნო ფორმა კახეთში (ბაკურციხეში), შემდეგი სახე — შიდა ქართლის ჩრდილო ნაწილში, ხოლო უკანასკნელი სახე კი (ცული № 5) რაჭაში.

ამ სქემაში არ არის დაცული ტერიტორიული პრინციპი. ბ. კუფტინის მიერ კი ცულთა განვითარების ამ სქემაში უმოთხრესი მნიშვნელობა ტერიტორიულ პრინციპს აქვს დათმობილი. ჩვენი ყურადღება ერთმა გარემოებამ მიიქცია. ის კოლექცია, რომლის შემადგენლობაშიც ბ. კუფტინის სქემის № 5 ცული შედის და სოფ. ღარში ყოფილა აღმოჩენილი, მეტად საინტერესოა თავისი შემადგენლობით. იგი შეიცავს ისეთ ინვენტარს (ფოთლისებურ, ბრტყელ, ტარშეურჩენელ ბრინჯაოს სატყვრებს), რომელიც გვიანბრინჯაოს ადრეული ეტაპისათვის არის დამახასიათებელი, მასში შედის აგრეთვე პატარა ზომის კოლხური ცული, ბრტყელი ცული და გვიანბრინჯაოს პერიოდისათვის დამახასიათებელი სხვა ნივთები. ყოველ შემთხვევაში ის მასალა, რომელიც მუზეუმისათვის რაჭის მაზრის უფროსს და ვინმე ჩიკვაიძეს შემოუწირავთ, თუ უფრო ადრეული არაა, აღმოსავლურ-ქართული ცულის თანადროული მაინცაა. მაშინ როდისღა უნდა მომხდარიყო ისეთი გრძელი ევოლუცია, რომ აღმოსავლურ-ქართული ცულიდან მიგვეღო მისი ნაირსახეობა, განსხვავებული მოყვანილობის მქონე მსუბუქი ცულის სახით, რომელიც ორი ტიპის ცულის ნარევი იქნებოდა? ჩვენი აზრით, ასეთი ევოლუციისათვის ადგილი აღარ რჩება.

სქემის № 4 ცული მოყვანილობით კოლხურ ცულთან ახლოა. იგი ძალიან

<sup>1</sup> იბადება კითხვა, თუ კი აღმოსავლურ-ქართული ცულის განვითარების ავტორისგული სქემა წარმოადგენს „კოლხურ ცულთან ურთიერთ გავლენის პროცესის“ შედეგად მიღებულ სახეებს, სადა არის კახეთში კოლხური ცული, რომ მისი ხედავლენის შედეგად დაეპატარაებინათ ან შეიცვალათ ჩუგლუნი?



წაავს სოფ. ზენითში (ქობულეთის რაიონი) აღმოჩენილ კოლხურ ცულს<sup>1</sup>. № 4 ცულის ყუის ერთი მხარის დაქანება და პირის ასიმეტრიულობა მეტად შესამჩნევია და ყურადღების ღირსი; ამის შედეგად მიღებულია არა პერპენდიკულარული დარტყმის ცენტრი, რაც აღმოსავლურ-ქართული ცულისათვის უჩვეულოა. სწორედ ამიტომაც საეკვი № 4 ცულის № 3 და № 5 ცულებს შორის მოქცევა. თუ № 3 ცული აღმოსავლურ-ქართულია, ხოლო № 4 ცული შემდგომი მისი განვითარება—კოლხურთან უფრო ახლო მდგარი, როგორ დაიბრუნა მან ისევე სიმეტრიული პირი, აღმოსავლურ-ქართული ცულის სატარე ხერელი და პერპენდიკულარული დარტყმის ცენტრი? გამოდის, რომ აღმოსავლურ-ქართული ცულიდან მივიღეთ კოლხური ცულის მიახლოებული ფორმა, შემდეგ კი წარმოიშვა უფრო პატარა ზომის წელმალალი სიმეტრიული პირის მქონე „გაბრიდი“. ესეც, როგორც ვხედავთ, ნაძალადევი ჩანს.

შევეხოთ ამ სქემის კიდევ ერთ მხარეს. იქნებ წმინდა ფორმალური შედარებების გზით მიიღო ავტორმა ასეთი სქემა? ესეც, სქემის № 1 ცული (ახალქალაქის განიდან) დიდი ზომისაა, იწონის 1115 გრ. მისი ოვალური სატარე ნახვრეტ-მკვეთარწიბოიანი ყუით მთავრდება და წახნაგები რელიეფურად აქვს გამოყოფილი. ყუის თავი ოდნავ ამოტეხილია (ალბათ, ყალიბის გამო), სატარე ხერელის გარეთა ნაწილი სადაა. სამუშაო პირს მალალი და წვეტიანი ფრთები (ნიღრი) აქვს. სიგრძე 18,2 სმ. სიგანე 12,6 სმ. სქემის № 2 ცული პატარაა, იწონის 478 გრ

(ინვ.  $\frac{11-32}{47}$ ). ყუაზე შეერილი აქვს. სატარე ხერელი ოვალურია. ყელი და მხრები ორწახნაგაა. პირი სეგმენტს წარმოადგენს, რომელსაც, თითქმის, მოზრგალებული ფრთები (ნიღრი) აქვს. სატარის გარეთა ნაწილი სადაა. სიგრძე

14 სმ, სიგანე 10 სმ. № 3 ცული (ინვ.  $\frac{11-32}{45}$ ) პატარაა, იწონის 397 გრ. სატარე ხერელი უფრო განიერი აქვს, ვიდრე № 2 ცულს. როგორც ჩანს, ამ ცულსაც ჰქონია ყუაზე შეერილი, მაგრამ ამჟამად იგი დაბლაგულია. სატარის გარეთა ნაწილის ორივე მხარეზე, შუაზე მომალლო წიბური დაყვება. პირი სეგმენტს წაავს. ფრთები აღარა აქვს, წელი კი უფრო მალალია, ვიდრე № 2 ცულისა. სიგრძე

13,5 სმ, სიგანე 9 სმ. № 4 ცული (ინვ.  $\frac{97-11}{15}$ ) მოზრდილია, იწონის 410 გრ. № 4 ცულს ფრთები აქვს, მაგრამ ერთი მათგანი უფრო წაგრძელებულია. მას № 3 ცულზე უფრო დაბალი წელი აქვს, სატარე ვიწრო. ყუის ერთი მხარე მალალია, მეორე კი დაბალი. სატარის გარეთა ნაწილის ორთავე მხარეზე დაყვება ოდნავ შესამჩნევი წიბური. № 5 ცული რაჭაშია აღმოჩენილი

(ინვ.  $\frac{6-02}{95}$ ). იწონის 267 გრ. იგი მალალწელიანია („ტანადი“). მისი გორდა პირი უფრთებოა (უნიღრო), ხოლო სატარის გარეთა ნაწილი სრულიად სადა. ამ ცულთა შედარება შემდეგ სურათს გეძლევის:

<sup>1</sup> ო. ჯაფარიძე. კოლხური ცული. საქ. სახ. მეზეუმის მოამბე, ტ. XVI-B, თბილისი, 1950, გვ. 50.



№ 1 ცულის ყუა უშვერილია, № 2 ცულის ყუაზე კარგად შესამჩნევი შვერილია, № 3 ცულიც შვერილიანია, ხოლო №№ 4 და 5 ცულებს იგი აღარ გააჩნია. მაშასადამე, სქემის №№ 1, 4 და 5 ცულებს ყუაზე შვერილი არ გააჩნიათ, ხოლო სქემის შუა ნაწილში მოქცეულ №№ 2 და 3 ცულები კი შვერილიანია.

№№ 3 და 4 ცულთა სატარის გარეთა ნაწილს აქვს წიბური, №№ 1, 2, 5-ს კი არა.

№ 4 ცულის ყუთის წინა ნაწილი მაღალია, უკანა—დაბალი, ისე როგორც ეს კოლხური ცულისათვის არის დამახასიათებელი. დანარჩენ ცულთა ყუები დარტყმის ცენტრის პერპენდიკულარულია. № 1 ცულს წვეტიანი და მაღალი ფრთები აქვს, № 2-ს ოდნავ შესამჩნევი, № 4-ს მეორესთან შეფარდებით უფრო გამოკვეთილი ფრთები აქვს; იმ განსხვავებით, რომ იგი ასიმეტრიულია, ერთი უფრო მაღალია. №№ 3 და 5 ცულებს ფრთები სრულებით არ აქვთ.

№ 1 და № 2 ცულების წელი დაახლოებით ერთი სიმაღლისაა; № 3 ცულის წელი ოდნავ მაღალია, № 4-ისა ისევ დაბალი, № 5-ისა კი ერთობ მაღალი ხდება. როგორც ამ შედარებიდან ჩანს, ცულთა განვითარების არც ფორმალურ თანმიმდევრობასთან გვაქვს საქმე. ამდენად სქემა ნამალადევი — ხელოვნურია; ამიტომაც № 5 ცული აღმოსავლურ-ქართული და კოლხური ცულის შერწყმის ნაყოფად არ შეიძლება ჩაითვალოს.

ვინაიდან ჩვენ გვსურს დავადგინოთ ნავთლულში აღმოჩენილი ცულის სავარაუდო თარიღი და განვსაზღვროთ მისი ადგილი აღმოსავლურ-ქართული ცულის განვითარებაში, შევეცდებით წარმოვადგინოთ საქართველოს დღევანდელ ტერიტორიაზე აღმოჩენილი აღმოსავლურ-ქართული ცულების თანდათანობითი განვითარების სქემა.

აღმოსავლურ-ქართული ტიპის ბრინჯაოს ცულები ჩვენს ხელთ არსებული მასალების მიხედვით შეიძლება ვაეაერთიანოთ სამ ძირითად ჯგუფში.

I ჯგუფში ჩვენ ვათავსებთ შედარებით მოზრდილ ცულებს, რომელთა წონა მერყეობს 1,7 და 1,4 კმ-ღვ. მათ სატარე ხვრელი ოვალური აქვთ, ხოლო სატარის გარეთა ნაწილი სადა, ან იშვიათად, შუაზე ერთი რელიეფური ზოლით აღნიშნული. ამ ჯგუფის ცულებისათვის უმთავრესი დამახასიათებელი ნიშანია დიდრონი, წვეტიანი ფრთები (ნიღრები) და ყუაზე შვერილები, რაც ჩამოსხმის ტექნიკის თავისებური ხერხის გამოყენების შედეგია<sup>1</sup>. ყუაზე შვერილინი დიდი ზომის ცულები საქართველოში აღმოჩენილ აღმოსავლურ-ქართულ ცულთა შორის ყველაზე ადრეული უნდა იყოს, ამას გვიმტკიცებს ჩვენს ტერიტორიაზე აღმოჩენილი კომპლექსები. ამ კომპლექსთაგან—ნავთლულში, კავთისხევსა და მეტეხში აღმოჩენილი ცულები სამარხეულია, ხოლო დანარჩენები—სასირეთის, ცაგერის და სხვა განძების შემადგენელი ნაწილია.

II ჯგუფში ვაერთიანებთ შედარებით პატარა ზომის აღმოსავლურ-ქართულ

<sup>1</sup> ფრ. მანარი ცულის ყუაზე მოთავსებულ ამ შვერილს ლახტის ელემენტად თვლის, თითქოს იგი დარტყმისათვის იყო გამოყენებული, მაგრამ, ჩვენი აზრით, შვერულები აშკარად ჩამოსხმის თავისებურ ტექნიკასთანაა დაკავშირებული და მათ არავითარი ფუნქცია არ უნდა ჰქონოდა.



ცულებს, რომლებსაც მაღალი, წვეტიანი ფრთები აქვთ; მათი წონა მერყეობს 1,3-დან 1კილოგრამამდე. მათ ყუაზე შევრილი არ გააჩნიათ, მაგრამ ყუის შუა ნაწილზე ასეარად შეიძინევა ამოღრმავებულად დარჩენილი ადგილი, რაც აგრეთვე ჩამოსხმის ტექნიკასთან უნდა იყოს დაკავშირებული.

საფიქრებელია, რომ ეს ცული გარდამავალ საფეხურს წარმოადგენს დიდი შევრილებიანი ცულებიდან პატარა ცულებსაც ყუაზე არც შევრილი და არც მისი ნაკვალევი აქვთ. ამ ცულებსათვის დამახასიათებელია მკვეთრწიბოიანი ყუა. სატარე ხერელის გარეთა ნაწილზე ზოგიერთს დაყვება რელიეფური წიბური; ასეთი ტიპის ცულები გვაქვს სამთავროს № 240 სამარხიდან, ახალქალაქის, ცხინვალისა და ბეჯათუნის განებებიდან.

III ჯგუფის ცულებსათვის დამახასიათებელია კიდევ უფრო პატარა ზომა (თუმცა ზოგიერთი მათგანი მასიურია, ტლანქად ნაკეთები და მძიმე). ამ ჯგუფის ცულების წონა 1,3 კგრ-დან 350 გრ მერყეობს. I და II ჯგუფისათვის დამახასიათებელი ლამაზად აწედილი, მაღალი და წვეტიანი ფრთები და პირის კონტა მოყვანილობა თანდათან ქრება. ერთ შემთხვევაში ფრთები ბლაგვი, „მოტეხილი“ ბოლოთი მთავრდება. მეორე შემთხვევაში ფრთები სრულებით არ გააჩნიათ. წინა ორი ჯგუფისათვის დამახასიათებელი ყუაზე შევრილი, ან ჩამოსხმის შედეგად წარმოქმნილი ნიშანი სრულიად ქრება. ყუა უმთავრესად სქელი და ტლანქია. ერთ შემთხვევაში მის გარე ნაწილზე სამი რელიეფური წიბურია, რომელიც წელთან ერთდება, მეორე შემთხვევაში ეს წიბურები ყუის ზემო ნაწილზე ერთდება და ერთი შეერთებული ნაწიბურის სახით წელამდე აღწევს. არის ერთ ნაწიბურიანიც და ხანდახან ნაწიბურის გარეშეც. მხოლოდ ყუა ისევ ტლანქი და სქელი აქვს. წვეტიანი ფრთების გაქრობა, მათი დამოკლება და დაბლაგვა, როგორც ჩანს, დაკავშირებულია წელის დადაბლებასთან. ცხადია, რომ გრძელი ფრთებისა და დაბალი წელის ქონების შემთხვევაში ტარის დაგება შეუძლებელი იქნებოდა. ასეთი ცულები გვაქვს სამთავროდან 2 ცალი (591 და 195, რკინის შემცველ ორმოსამარხებიდან), კოდის წყაროდან (დუმეთის რაიონი) ზემო აეპალიდან, ალაზნის ველიდან და სხვა. გარდა ამისა მუზეუმში დაცულია მრავალი ასეთი ცული, მაგრამ ბევრი მათგანის წარმოშობა გამოურკვეველია.

აღმოსავლურ-ქართული ცულის განვითარების ჩვენ მიერ წარმოდგენილი სქემა სინამდვილეს უნდა უახლოვდებოდეს (სურ. 5). რადგან იგი აგებულია ქრონოლოგიურ პრინციპებზე, შესაძლებლობის ფარგლებში სთვალისწინება კომპლექსებს, თუ სხვა შემთხვევით მოპოვებულ მასალას.

არ იქნებოდა მართებული იმის მტკიცება, რომ იარაღის ახალი სახის (ფორმის) წარმოშობამ მისი წინაპარი — ადრეული სახე თითქოს სრულიად გააქრო.

იარაღ-სამკაულის ადრეული ტიპის, მაგრამ უკვე სახეცელილი ფორმები აქაი კვლავ შეიძლება შეგვხედეს, რის გამოც ისინი მომდევნო ეტაპისათვის აღარ შეიძლება წამყვან და დამახასიათებელ ფორმებად ჩაითვალოს, ვინაიდან მომდევნო ეტაპი თავის საკუთარ დამახასიათებელ ფორმებს ქმნის.

ცულზე და მასთან დაკავშირებულ ზოგიერთ საკითხებზე მსჯელობის შედეგად მიღებული დასკვნა შეიძლება შემდეგნაირად ჩამოვყალიბოთ:

1. საქართველოს ტერიტორიაზე აღმოჩენილი აღმოსავლურ-ქართული ტიპის ბრინჯაოს ცულები, ფორმა-მოყვანილობისა და ქრონოლოგიური თანმიმ-





დევრობის მიხედვით, შეიძლება გავრთიანებულ იქნეს სამ ძირითად ჯგუფში (იხ. ზემოთ).

აღმოსავლურ-ქართული ცულის განვითარების წარმოდგენილი სქემა შემუშავებულია აკად. ს. ჯანაშიას სახ. საქ. მუზეუმის არქეოლოგიის განყოფილებაში და ცუ-



სურ. 5

ლი მასალების გათვალისწინებით. მისი შემუშავებისას ვეყრდნობოდით მეტნაკლები სიზუსტით ცნობილ პასპორტიზებულ კომპლექსურ მასალებს და უკანასკნელთა დამზადების ხერხების შესაწვლითა და ქიმიური ანალიზებით მიღებულ დასკვნებს.

2. ნავთლულში აღმოჩენილი ცული აღმოსავლურ-ქართულ ბრინჯაოს ცულის ადრეულ სახეობას წარმოადგენს. რამდენადაც მსგავსი ტიპის ცული არსებული მასალების მიხედვით უმთავრესად შიდა ქართლის (გორისა და კასპის რაიონების) ტერიტორიაზეა გავრცელებული, ამდენად მისი წარმოშობის ფესვებიც ამავე რაიონებში უნდა ვეძიოთ.

3. აღმოსავლურ-ქართული ცულის გავრცელების არისა და სათანადო კომპლექსების შესწავლა გვაძლევს უკუვადგოთ პროფ. ბ. კუფტინის მოსაზრებანი ბრინჯაოს პერიოდში აღმოსავლურ და დასავლურ-ქართულ კულტურულ წრეთა საზღვრების შესახებ. დღემდე არსებული მასალების გათვალისწინება არ გვაძლევს უფლებას შიდა ქართლი ძვ. წ. II და I ათასწლეულის მიჯნაზე დასავლურ-ქართული კულტურის ბატონობის სფეროში მოვაქციოთ. არსაიდან არა ჩანს, თითქოს აღნიშნულ კულტურათა საზღვარი მდ. არაგვზე იდო. პირიქით, არაგვის, ქსნის, რუხულას და ლიაჯვის აუზები აღმოსავლურ-ქართული კულტურის გავრცელების სფეროში ექცეოდა, სადაც კოლხურ-ყობანური კულტურისათვის დამახასიათებელი ფორმები მხოლოდ ერთეულების სახითაა წარმოდგენილი.

4. ასევე უარსაყოფია პროფ. ბ. კუფტინის მიერ წამოყენებული მოსაზრება აღმოსავლეთ საქართველოში მცხოვრები ქართველი ტომების ტერიტორიალური ექსპანსიის შესახებ დასავლეთ საქართველოში ჯერ კიდევ ძვ. წ. II და I ათასწლეულთა მიჯნაზე. ავტორის დებულება იმის შესახებ, რომ „აღმოსავლურ-ქართული ტომები ამ დროს უკვე მეტ აქტივობას იჩენენ ტერიტორიულ ექსპანსია-





შიო“ დაუსაბუთებელია; ჩვენი აზრით, არავითარი ექსპანსიის ნიშნები აქ არა ჩანს. ავტორის მიერ მოხაზული ექსპანსიის გზა მდ. არაგვის მარჯვენა ნაპირიდან სვანეთამდე მოიცავს შიდა ქართლის დიდ ნაწილს, სწორედ იმ ნაწილს, სადაც ყველაზე მეტადაა გავრცელებული ცულის ეს ტიპი. უმეტესად, აქ ავტორი წინააღმდეგობაში ვარდება, ვინაიდან თუ მის მსჯელობას მივყევებით, აღმოსავლურ-ქართული ცულის ყველაზე ფართო გავრცელების არე ექცევა აპკულტურის შემქმნელი და მატარებელი ტომის ექსპანსიის ზონაში. რაც შეეხება აღმოსავლურ-ქართული ცულის თითო-ორიოლა ნიმუშის აღმოჩენას მთიანი კოლხეთის ორ-სამ უბანში, ეს ერთეული შემთხვევები არ უნდა ასახავდეს ექსპანსიის ფაქტს. ეს ცულები შეიძლებოდა აქ სრულიად შემთხვევითი ან მეზობელ ტომებთან გაცვლა-გამოცვლის შედეგად მოხვედრილიყვნენ. ასე დგას საკითხი მატერიალური კულტურის არსებული მასალების მიხედვით, სხვა მასალებზე კი ამჯერად ჩვენ არ გვიმუშავნია.

5. სრულიად უმართებულოდ მიგვაჩნია პროფ. კუფტინის მოსაზრება იმ პერიოდში ქართველური ტომების ნაციონალურ-პოლიტიკური დიფერენციაციის შესახებ. არავითარ ნაციონალობაზე თუ ნაციონალურ-პოლიტიკურ დიფერენციაციაზე არ შეიძლებოდა ლაპარაკი იმ ხალხთა მიმართ, რომლებიც ამ დროს ცხოვრობდნენ აქ.

6. დაბოლოს, დაუსაბუთებელია პროფ. ბ. კუფტინის მიერ შედგენილი სქემა, სადაც იგი აღმოსავლურ-ქართული და კოლხური ცულების ურთიერთგავლენის შედეგად ვარაუდობს განსაკუთრებული ფორმის, მისი სიტყვით—„ჰიბრიდის“, წარმოშობას. საამისოდ ავტორს არავითარი საბუთი არ მოეპოვება. ეს სქემა ცულების მექანიკურ-ფორმალისტურ დალაგებად მიგვაჩნია, მასში მეცნიერულად დასაბუთებული თანმიმდევრობა არა ჩანს.

**ქსოვილის შესახებ.** როგორც ზემოთ გვქონდა აღნიშნული, აღმოსავლურ-ქართულ ცულზე შერჩენილია ქსოვილის ნაშთი. აღმოსავლეთ საქართველოში (ქართლში) ქსოვილთა წარმოების შესახებ ძველი უცხოელი მწერლების წერილობით წყაროებში არაფერი არ მოიპოვება. ცნობილია პეროდოტეს ცნობა კოლხური ტილოს შესახებ, საიდანაც ჩანს, რომ კოლხები და ეგვიპტელები სელის ერთნაირ ნაწარმს ამზადებდნენ<sup>1</sup>. პეროდოტეს ეს ცნობა უკვე ანტიკური პერიოდის კოლხეთს შეეხება. კოლხეთის ტერიტორიაზე უფრო ადრეულ პერიოდშიაც ყოფილა სელის წარმოება. იქ მცხოვრები ქართველი ტომები გვიანბრინჯაოს ან მის მომდევნო პერიოდში უკვე დაუფლებული ყოფილან სელის წარმოებას. მათ უმზადებიათ ტილოს ქსოვილები. ამ მხრივ აღსანიშნავია სოფ.

წვერმაღალაში აღმოჩენილი არქეოლოგიური ძეგლი  $\left( \text{კოლექცია } \frac{2-46}{1-8} \right)$ ,

სადაც არის ბრინჯაოს ზოდი, რომელზედაც შემორჩენილია ქსოვილის ნაშთი. ასეთი ქსოვილები მრავლად მოიპოვება კოლხეთის მდამოებში აღმოჩენილ არქეოლოგიურ მასალათა შორის. ჩვენ აღვნიშნეთ, რომ აღმოსავლეთ საქარ-

<sup>1</sup> В. В. Латышев. Известия древних писателей греческих и латинских о Скифии и Кавказе. Том I, выпуск I, 1893, ст. 9.



თველოში—ბერიაში საფეიქრო წარმოების საკითხებზე არაერთი წერილობითი წყაროები არ მოგვეპოვება; ამ უკანასკნელ ხანებამდე არ მოგვეპოვებოდა არქეოლოგიური თხრის დროს აღმოჩენილი ქსოვილთა ნაშთიც.

ამ რამდენიმე წლის წინათ, პროფ. გ. ნაორაძემ, დმანისის ნეკროპოლის გათხრის დროს, ორ სხვადასხვა სამარხში, სხვა ნივთებთან ერთად, ქსოვილთა ნაშთებიც აღმოაჩინა.

პროფ. გ. ნაორაძე № 4 სამარხში აღმოჩენილი ინვენტარის განხილვისას მიუთითებს, რომ რკინის მახვილას ფრაგმენტზე შერჩენილია ქსოვილის ნაშთი, რომელიც მისი აზრით ბამბისა უნდა იყოს<sup>1</sup>.

№ 6 სამარხში, რომელშიაც ჩონჩხი არ აღმოჩენილა, ბრტყელ ქვაზე დაღებულ ყოფილა ბრინჯაოს სამაჯურები, დანატრული ქსოვილის ნაშთები და ბრინჯაოს ერთ სამაჯურზე შედარებით უკეთ შემონახული ქსოვილის ნაშთი, რომელსაც ავტორი შალისად მიიჩნევს<sup>2</sup>. სამარხებს პროფ. ნაორაძე ათარიღებს ძვ. წ. X—IX საუკ.

ამ აღმოჩენას გარკვეული მნიშვნელობა აქვს იმდროინდელ მოსახლეობათა საყოფაცხოვრებო პირობების ერთ-ერთი მხარის შესასწავლად.

კარგად შემონახულია ყაზბეგის განძში აღმოჩენილი შალის (?) ქსოვილის ნაშთი (ინვ. №№ 217, 219, 220) ტაბ. 15, სურ. 4.

1950 წლის ზაფხულში, ნავთლუქის მიდამოებში აღმოჩენილმა არქეოლოგიურმა კომპლექსმა, როგორც ზემოთ იყო აღნიშნული, სხვა მეტად საინტერესო არქეოლოგიურ მონაცემებთან ერთად, შემოგვინახა ქსოვილის ნაშთიც. ქსოვილი, როგორც მიკროსკოპული შესწავლით გამოირკვა, ტილოა სელისაგან ნაკეთები<sup>3</sup>, ტაბ. 15, სურ. 1, 2, 3.

ამრიგად, აშკარა გახდა, რომ გვიანბრინჯაოს პერიოდში კოლხეთის გარდა თბილისის მიდამოებში მცხოვრებნიც ამზადებდნენ სელის ქსოვილს.

კიდევ მეტიც, აღმოსავლეთ საქართველოს იმ დროის მცხოვრებლები არა მარტო სელს ანდა შალს ამზადებდნენ, არამედ სხვა სახის ქსოვილებსაც. ეს გარემოება მიგვიბრუნებს მათი მოთხოვნილებათა მრავალფეროვნებაზე ტანსაცმლის გამოყენების საქმეში.

სამთავროს უძველესი პერიოდის ორმოსამარხებში აღმოჩენილი საკინძების გავრცელების არის დაზუსტებისა და მათი დანიშნულების გარკვევასთან დაკავშირებით, არქეოლოგი ნ. ოქროპირიძე მიდის იმ დასკვნამდე, რომ აღმოსავლეთ საქართველოს მაშინდელი მოსახლეობა ტანის შესამოსავლად ძირითადად შალის ქსოვილებს ხმარობდა, ხოლო შალის მიძე და უხეში ტანსაცმელი ლითონის რაიმე საკმაოდ გრძელ და მაგარ სავანის საჭიროებას წარმოიშობდა, რომ შესაძლებელი ყოფილიყო ამ უხეში ტანსაცმლის შებენვა<sup>4</sup>.

<sup>1</sup> გ. ნაორაძე, დმანისის ნეკროპოლი და მისი ზოგიერთი თავისებურება. საქ. საზ. მეზღუდის მოამბე, XIV-B, თბილისი, 1947, გვ. 17, სურ. 13.

<sup>2</sup> იქვე, გვ. 38—40, სურ. 25—26.

<sup>3</sup> ქსოვილი მიკროსკოპულად გადაიღო პროფ. ბ. კუფტინმა.

<sup>4</sup> ნ. ოქროპირიძე, ბრინჯაოს თავგვია საკინძები სამთავროს ორმოსამარხიდან. ივ. ჯავახიშვილის საზ. ისტორიის ინსტიტუტი, მასალები საქართველოსა და კავკასიის ისტორიისათვის. თბილისი, 1951, გვ. 151.

გორიც სამთავროს უძველესი ორმოსამარხებიდან ამოღებული საკინძებიდან აქ ისინი ერთიმეორის გვერდით და თითქმის ერთგვარი ინვენტარის შემცველ სამარხებში გვხვდება. ჩვენ მაინც გვგონია, რომ აღრეული, უფრო მარტივი სახე ამ საკინძთა შორის მრგვალგანივკვეთიანი, სრულიად სადა საკინძები უნდა იყოს. ამ მხრივ დასაყრდენ მასალას იძლევა სამთავროს ჩრდილო უბანზე გათხრილი № 288 სამარხის ინვენტარი, რომელშიაც ბრტყელი (უქელო) და ვიწრო, ტარშეურჩენელი, არქაული ფორმის სატევარია აღმოჩენილი; ამ სამარხიდანვეა მრგვალგანივკვეთიანი 4 საკინძი, რომელთა სიგრძე მერყეობს 5-დან 6 1/2 ს-მდე, მასათი არქაული ფორმისა, ლუქისფერი სარდიონის ტლანქად დახეხილი მძივები და გაბრტყელებული მავთულისაგან ნაკეთები სპირალის ფრაგმენტები, როგორც ცნობილია, სპილენძის თავმოკავული საკინძები ენეოლითშიაც გვხვდება. ასეთი საკინძები აღმოჩენილია თეფე-ჰისარში (ირანი) შენგავითში და სხვა ადგილებში<sup>1</sup>. ყველა ისინი მარტივი ფორმისაა და განივკვეთში მრგვალი. ასეთივე საკინძები გვხვდება შუა ბრინჯაოს პერიოდში (სახხერე). სამთავროში აღმოჩენილი 81 თავხვია საკინძიდან მხოლოდ 17 ცალია მრგვალგანივკვეთიანი და 64 ცალი განივკვეთში ოთხკუთხა<sup>2</sup>. გარდამავალი პერიოდის სამარხში შემორჩენილი თითქმის ყველა თავხვია საკინძი განივკვეთში ოთხკუთხაა.

თავხვია საკინძები საქართველოს ტერიტორიაზე აღმოჩენილი არქეოლოგიური მასალების მიხედვით არ გვხვდება გვიან-ბრინჯაოს პერიოდის შემდეგ. ეს გარემოება ამ საკინძებს თანხმლები ინვენტარის დათარიღების დროს ერთ-ერთ ანგარიშსასაწევ მასალად ხდის.

ჩვენ ვერ გავიზიარებთ ფრ. ჰანჩარის მოსაზრებას თავხვია საკინძის გენეზისის საკითხში. ავტორი ეყრდნობა გოეტცეს აზრს მსგავსი ტიპის საკინძების წარმოშობის საკითხში და უშვებს მათი ტროა VI-დან აკავკასიაში შემოტანის შესაძლებლობას<sup>3</sup>.

ასეთსავე მოსაზრებას გამოთქვამს იგი ნემსებისა და მახათების შესახებაც. მისი აზრით, ისინიც შესაძლებელია ექსპორტირებული იყვნენ იმავე ტერიტორიიდან. შესაძლებელია, — ამბობს იგი, — რომ ნემს-ქინძისთავეების ფორმები კავკასიის ბრინჯაოს კულტურაში გადმოღებულად, იმიტირებულად ჩაითვალოსო<sup>4</sup>; საერთოდ მას იმ პერიოდის აკავკასიის კულტურა ეგვოსისა და შორეული ხმელთაშუა ზღვის კულტურების გამოშუქებად მიაჩნია<sup>5</sup>.

გვიჩირობ, რომ ფრ. ჰანჩარის ეს მოსაზრება აკავკასიის მრავალრიცხოვან და მრავალისმთქმელ კულტურული მემკვიდრეობის მიმართ, ისევე როგორც მისი ცალკეული ელემენტების — მახვილების, საკინძების და სხვათა მიმართ, ტენდენციურია, მაშასადამე, არ არის დამყარებული უტყუარ ფაქტიურ მასა-

<sup>1</sup> Б. А. Куфтин. Ураратский «колумбарий» у подошвы Арарата. საქ. სახელმწიფო მუზეუმის მოამბე, XIII-В, გვ. 117, სვრ. 70.

<sup>2</sup> ცნობები ამოღებულია ნ. ოქროპირიძის შრომიდან... ბრინჯაოს თავხვია საკინძები სამთავროს ორმოსამარხებიდან. მასალები საქართველოს და კავკასიის ისტორიისათვის, თბილისი, 1951, გვ. 141—155.

<sup>3</sup> ფრ. ჰანჩარი. დასახ. ნაშრომი, გვ. 129.

<sup>4</sup> იქვე, გვ. 128.

<sup>5</sup> იქვე.



ლაზე. ვიხილავთ რა ფრ. ჰანჩარის მოსაზრებას, ჩვენ საჭიროდ მიგვაჩნდა მისი ტანთ აქ მარქსისტული მოძღვრება მსგავსი კულტურული ფორმების წარმოშობის შესახებ ეროვნებისაგან დამოუკიდებლად. კ. მარქსის ცნობილი დებულება ასე გვიხატავს ამ საკითხს: „პირველდაწყებით ისტორიაში ყოველი გამოგონება ყოველდღიურად ახლად უნდა შექმნილიყო და ყოველადგილას—დამოუკიდებლად“<sup>1</sup>.

როგორც ჩანს, ფრ. ჰანჩარი უგულებელყოფდა ა/კავკასიის ტერიტორიაზე მრავლად აღმოჩენილ თავმოკავულს, ხოლო შემდეგ მის მომდევნო, განვითარებული სახის თავხვია საკინძებს, და ბოლოს მას არ შეეძლო გაეთვალისწინებია ის მრავალრიცხოვანი არქეოლოგიური მასალები, რაც ამ უკანასკნელი ოციოდე წლის განმავლობაში იქნა მოპოვებული საქართველოს სხვადასხვა კუთხიდან ინტენსიური — გეგმაშეწონილი არქეოლოგიური მუშაობის შედეგად.

ამრიგად, თავხვია საკინძები, ისევე როგორც ნემსები და მახათები, ადგილობრივი წარმოშობისაა და არა საიდანმე მიგრაციის გზით შემოსული.

როგორც ზემოთ აღვნიშნეთ, თავხვია საკინძები მრავლად გვხვდება კავკასიისა და კერძოდ საქართველოს ტერიტორიაზე. პირველ ყოვლისა აღსანიშნავია სამთავროს სამაროვანზე მოპოვებული დიდძალი თავხვია საკინძები. ორნამენტირებული, განივკვეთში ოთხკუთხი ფორმის საკინძები სამთავროს შემდეგი სამარხიდან გვაქვს.

1939 წელს სამთავროს ჩრდილო უბანზე გათხრილ № 57 სამარხში 2 ცალი ასეთი საკინძია აღმოჩენილი. ჩვენთვის საინტერესოა სამთავროს სამხრეთ უბანზე 1938 წ. აღმოჩენილი № 44 სამარხის ინვენტარი. თავხვია, განივკვეთში ოთხკუთხი, წიწვოვანი ორნამენტით შემკულ საკინძთან ერთად სამარხში აღმოჩენილია მთლიანად სხმული სატევარი, სოკოსთავისებრი თავიანი საკინძი და სხვ. წიწვოვანი ორნამენტით შემკული, განივკვეთში ოთხკუთხი საკინძები აღმოჩენილია აგრეთვე შემდეგ სამარხებში: № 13 სამარხში — ორი ცალი, № 17 სამარხში — 3 ცალი, № 55, 57, 101, 267, 283, 288 და სხვა სამარხებში. ყველა ზემოთ ჩამოთვლილი სამარხი სამთავროს უძველესი ორმოსამარხებისათვის დამახასიათებელი ინვენტარის შემცველია.

1924 წელს ტირიფონის არხის მშენებლობის დროს ფლავისმანის მიდამოებში შემთხვევით აღმოჩენილ არქეოლოგიურ მასალებშიც ვხვდებით თავხვია საკინძებს (ინვ.  $\frac{17-4}{1-48}$ )<sup>2</sup>. კოლექცია, რომელიც ბრინჯაოს ნივთებისა და თიხის ჭურჭლებისაგან შედგება, მეტად საინტერესოა თავისი შემადგენლობით<sup>3</sup>.

<sup>1</sup> კ. მარქსი და ფ. ენგელსი. ანტიურობის შესახებ. თბილისი, 1937, გვ. 20.

<sup>2</sup> ს. მაკალათია. ფლავისმანის უძველესი ნეკროპოლი. საქ. სახ. მეზეუმის მოამბე, V, თბილისი, 1930, გვ. 223—233.

<sup>3</sup> ნ. ოქრობერიძე თავის შრომაში — „ბრინჯაოს თავხვია საკინძები სამთავროს ორმოსამარხებიდან“ — შევდივით აღნიშნავს, რომ ფლავისმანის ინვენტარში რკინის ნივთებიც შედის და, თუ ისინი საკინძებთან ერთად იყო, ამ უკანასკნელს ვერ გავუტოლებთ სამთავროს უძველეს ორმოსამარხებს (გვ. 150). ეს ცნობა არ არის სწორი, ნეკროპოლიდან არა გვაქვს არც ერთი ცალი რკინის ნაყოთობა და არც ს. მაკალათია აღნიშნავს ამას.

ს. მაკალათია ფლავისმანის ნეკროპოლის სამარხებში მოპოვებულ მძევლების იარაღებსა და სამკაულებს კავკასიის ბრინჯაოს კულტურისათვის დამახასიათებელ ფორმებად მიიჩნევს. კოლექცია მრავალფეროვანია. მასში არის ფოთლისებური ტარშეურჩენელი ბრინჯაოს სატყეარი, მასრაგახსნილი შუბის პირი, თავხვია საკინძი, დიდი ზომის თიხის სადღვებელი, დერგი, ქილა სოლისებურა ორნამენტით შემკული, რაც სამთავროს უძველეს ორმოსამარხებისათვისაა დამახასიათებელი.

პროფ. გ. ნიორაძე შრომაში „არქეოლოგიური დაზვერვები მტკვრის ხეობაში“<sup>1</sup> იძლევა გომანს მეორე საფლავში აღმოჩენილი ინვენტარის დახასიათებას და ფართოდ განიხილავს საკინძთა გავრცელების და წარმომავლობის საკითხს. მტკვრის ხეობაში, სახელდობრ, ბორჯომისა და მის მოსაზღვრე რაიონებში რამდენიმე ცალი თავხვია საკინძია აღმოჩენილი. გომანში აღმოჩენილი ნივთები, მიწის სამუშაოთა მწარმოებლის გადმოცემით, 3 სამარხიდან უნდა ყოფილიყო. მათ შორის მეტად საინტერესოა მეორე სამარხის ინვენტარი, თუმცა ნივთების სიმრავლე და მრავალფეროვნება საეჭვოდ ხდის მათ ერთ სამარხში აღმოჩენას. კერძოდ ჩვენ საეჭვოდ მიგვაჩნია ერთ სამარხში ორი ერთნაირა ფორმის მთლიანდსხმული სატყერის არსებობა, ანდა ერთ სამარხში ხუთგვარი ტიპის 11 საკინძის აღმოჩენა. მათ შორის არის უმარტივესი, თავმოკავეული საკინძი, თავხვია, სოკოსებრთავიანი საკინძი 5 ცალი, საკინძი, რომელსაც სოკოსებრი დაბოლოება აქვს, ხოლო ბოლოსა და ყუბუნს შორის ნახევარსფეროსებრი კოპები აქვს. აქვია საკინძი, რომელსაც გვერდზე აქვს ჩამოსაკიდი ყუნწი და ბოლოს სრულიად უთავონი<sup>2</sup>. ვფიქრობთ, რომ ერთ სამარხში საკინძების ასეთი სიჭრელე წარმოუდგენელია.

აქ, ალბათ, არეკას აქვს ადგილი. მაგრამ ამისდა მიუხედავად აქ ფრიად მნიშვნელოვანი, გვიანბრინჯაოს პერიოდის არქეოლოგიური მასალა გვაქვს, და მათ შორის ამჯერად ჩვენთვის საინტერესო თავხვია საკინძიც. თავხვია საკინძებია სხვა სამარხებიდანაცაა.

პროფ. გ. ნიორაძე სწორად შენიშნავს, რომ უბრალოდ თავმოკავეტებულა ქინძისთავი საერთოდ ქინძისთავთა უძველეს ფორმას წარმოადგენს და იგი ფართოდაა ცნობილი, როგორც ა/კავკასიაში ისე სხვაგანაც. ფრ. ჰანჩარის მოსაზრების იმ ნაწილს, სადაც იგი განჯა-ყარაბაღულ კულტურას ადრინდელი რკინის ეპოქის ნაყოფად თვლის, ხოლო ამ უკანასკნელს კი სამთავროს უძველეს ორმოსამარხებზე ადრეულად, პროფ. გ. ნიორაძე საეჭვოდ მიიჩნევს, რაც რა თქმა უნდა სავსებით მართებულია. გ. ნიორაძე საეჭვოდ მიიჩნევს აგრეთვე ჰანჩარის მოსაზრებას თავხვია საკინძების ექსპორტირების შესახებ, თუმცა იქვე შენიშნავს, რომ ეს მოსაზრება ფრიად საყურადღებოა და სპეციალურ კვლევა-ძიებას მოითხოვს.

ყურადღების ღირსია თრიალეთის არქეოლოგიური ექსპედიციის მიერ მოპოვებული თავხვია საკინძები. ბეშთაშენის ორმოსამარხებში აღმოჩენილი თავ-

<sup>1</sup> გ. ნიორაძე, არქეოლოგიური დაზვერვები მტკვრის ხეობაში, საქ. საზ. მეზღუნის შიგნით, XIII-B, თბილისი, 1944, გვ. 173—226.

<sup>2</sup> გ. ნიორაძე, დასახელებული ნაშრომი, ტაბ. XII.





ხვია საკინძები უფრო განვითარებული ფორმისა ჩანს, ისინი სამთავროვო თავ-  
 ხვია საკინძებისაგან არა მარტო სიდიდით განსხვავდება, არამედ შემკობითაც.  
 ისეთებიც არის, რომლებიც თავიდან შუამდე და მეტ ნაწილზე დაგრებილია, რომ-  
 მელთა პარალელები ჩრდილო კავკასიაში გვხვდება. თავხვია საკინძები წარმოდ-  
 გენილია საჩხერის შუა-ბრინჯაოს პერიოდის მასალებშიც, თავხვია მრგვალი გა-  
 ნივკვეთიანი საკინძი ნაპოვნია თბილისშიც, საბურთალოს მიდამოებში, თიხის  
 საინტერესო კურკლებსა და ბრინჯაოს ხეისთან ერთად (საქ. სახ. მუზეუმ. კოლ.  
 4—39). თავხვია საკინძების შესახებ გამოთქმული მოსაზრებები შეგვიძლია შე-  
 მდეგნიარად ჩამოვყალიბოთ:

1. როგორც ზემოთ მოტანილი მასალებიდან ჩანს, თავხვია საკინძები საკუთ-  
 რივ ბრინჯაოს ეპოქისათვის დამახასიათებელი სამკაულია და იგი რკინის გამო-  
 ჩენის შემდეგ აღარ გვხვდება.

2. თავხვია საკინძების ორი ჯგუფიდან (მრგვალი და ოთხკუთხი განივკვეთი-  
 ანი) უფრო ადრეულ მარტივ სახედ ჩავევლით მრგვალგანივკვეთიან საკინ-  
 ძებს.

3. წინააღმდეგ ზოგიერთი მკვლევრის აზრისა (პანჩარი და სხვა), თავხვია  
 საკინძები ადგილობრივი წარმოშობისად მიგვაჩნია; ისინი არ უნდა ყოფილიყო  
 ეგეოსის თუ სხვა სამყაროდან შემოტანის საგანი.

4. არა გვეონია მართებული იყოს ის მოსაზრებაც, რომ თავხვია საკინძები  
 განკუთვნილი იყო მხოლოდ და მხოლოდ შალის უხეშ ქსოვილთაგან ნაკერი ტან-  
 საცმლის შესაკერადად, რომ ისინი არ იხმარებოდა სელის ან სხვა წმინდა ქსოვი-  
 ლებისგან ნაკერი ტანსაცმლის შესაკერადად.

ჩვენ ვეფიქრობთ, რომ განსაზღვრული პერიოდის განმავლობაში ასეთი სა-  
 კინძები იხმარებოდა როგორც შალის უხეშ ქსოვილებისაგან, აგრეთვე უფრო  
 წმინდა მასალისაგან ნაქსოვი ტანსაცმლის შესაკერადად.

**ფიგურული საკინძი** (სურ. 2). ეს საკინძი მით არის საინტერესო, რომ მი-  
 სი თავი ცხვრის თავის სტილიზებული გამოსახულებით მთავრდება. საკინძის და-  
 ბოლოების ერთი მხარე, კერძოდ, ცხვრის თავის შიდა ნაწილი, ამოღარულია, ხო-  
 ლა გარეთა ნაწილი შესაბამისად წახანაგოვანია. რგოლისებრი ყუნწი საკინძს  
 ღეროზე შიგნიდან აქვს მიმაგრებული. ორი ასეთი ყუნწიანი საკინძი აღმოჩენი-  
 ლია გომნას № 2 სამარხში<sup>1</sup>, ოღონდ ამ უკანასკნელთ უბრალო თავები აქვთ  
 ერთს სრულიად სადა, მეორეს ნახევარსფერული; ორივე განივკვეთში მრგვა-  
 ლია. ერთი ასეთ ყუნწიანი საკინძი აღმოჩენილია რაჭაში, არქეოლოგ გ. გობეჯი-  
 შვილის მიერ. მსგავსი ყუნწი აქვს ისტორია-არქეოლოგიის განყოფილების ფონ-  
 დში დაცულ ერთ საკინძს, რომლის დაბოლოება ადამიანის გაწილი თიხებზე  
 მოგვაგონებს. მეორე მხარეზე („ხელისგულზე“) ამ საკინძსაც რგოლისებური  
 ყუნწი აქვს გაშვერილი (სურ. 6). ამ საკინძის აღმოჩენის ადგილისა და ვითარე-  
 ბის შესახებ არავითარი ცნობები არ მოგვეპოვება. ცხოველის გამოხატულებით  
 დაბოლოებული საკინძები მრავლადაა მოპოვებული ყობანში, მეტად საინტე-


<sup>1</sup> Б. А. К у ф т и н. Археологические раскопки в Триалети, I. Тбилиси, 1941, ტაბ. II.

<sup>2</sup> გ. ნ ი ო რ ა ძ ე. დასახ. ნაშრომი, ტაბ. XII ა და ვ.





რესოა ის საკინძები, რომელთაც ბოლო მხედრის ქანდაკების სახით აქვთ გაფორმებული<sup>1</sup>. ყობანშივეა აღმოჩენილი საკინძი, რომლის განშტოებულ ბოლოზე 3 ცხვრის ფიგურა დგას<sup>2</sup>; ხოლო ერთი საკინძის ბოლოზე კი ორი მტაცებლის (საფიქრებელია მგლის) მინიატურული გამოხატულებაა. თრიალეთში (ბაიბურთის მიდამოებში) დიდრონი ქვებით შემოფარგლულ სამარხში აღმოჩენილი საკინძი<sup>3</sup> ჩვენთვის, ერთი მხრივ, იმიტომაა საინტერესო, რომ საკინძის თავი გამოსახავს ცხვარს და დაფანჯრულ, საბრძოლო ცულს. მეორე მხრივ, ამ სამარხებში აღმოჩენილი, რელიეფური გრეხილი სახეებით შემკული კერამიკა ძალიან ახლო დგას ნავთლულში, ნაძალადევსა და ღრმა-ღელეში აღმოჩენილ ასეთივე მოტივებით შემკულ და მსგავსი დანიშნულების მქონე ქურქელთან. ამ ქურქელულის უმრავლესობა, ისევე როგორც თრიალეთური (ბაიბურთისა), უყუროაქმართალია, თვით საკინძის თავებს შორის განსხვავებაა როგორც ჩამოსხმის, ისევე ცხოველთა ფორმების გადმოცემის მხრივ, მაგრამ ფაქტია, რომ ორსავე შემთხვევაში საკინძის მკეთებელმა ცხვრის სახე გადმოგვცა. საქ. სახ. მუზეუმის არქეოლოგიის განყოფილებაში დაცულია ერთი ნივთი, რომელსაც საკინძის ფორმა აქვს



სურ. 6

(ივ.  $\frac{26 - 26}{8}$ ), მაგრამ წვერი გაბრტყლებულია და ამიტომ ილარის (ყურის საწმენდის) სახელწოდებითაა ცნობილი. საწმუხაროდ, ამ ნივთის მოპოვების ადგილი უცნობია. ილარის თავი განშტოებულია: ერთ მხარეზე ცხვრის, ხოლო მეორეზე თხის თავებია გამოსახული (სურ. 7).

პროფ. კუფტინის აზრით, ცხოველთა ფიგურული გამოსახულებიანი საკინძები ცნობილია პისარი III-ის ვახტრებიდან, ამიტომ ბაიბურთის მიდამოებში აღმოჩენილი საკინძიანი სამარხი შესაძლებელია უფრო ადრეული იყოს, ვიდრე ბეშთაშენის ორმოსამარხები<sup>4</sup>.

ჩვენი საკინძის ზუსტი პარალელი ვერ აღმოვაჩინეთ ვერც ყობანისა და ვერც ლურისტანის მასალებში. მართალია, ჯერჯერობით ასეთი საკინძი მხოლოდ ერთი გვაქვს, მაგრამ ეს არ გამორიცხავს მის ადგილობრივ წარმოშობას. რა თქმა უნდა, აღნიშნული საკინძი მოითხოვს მეტ დაკვირვებას და ახალ-ახალი მასალების დაგროვება-შესწავლას.

**მახათი.** ორიოდე სიტყვა ნავთლულში აღმოჩენილი ბრინჯაოს მახათის შესახებ. ფრ. ჰანჩარი ა/კავკასიის ტერიტორიაზე აღმოჩენილ მახათებსა და ნემსებს ადგილობრივ წარმოშობის საგნებად არ თვლის, რადგან ამ ტერიტორიაზე

<sup>1</sup> Уварова. Материалы по археологии Кавказа. Выпуск VIII, 1900, таб. XL<sub>2</sub>.

<sup>2</sup> დასახელებული ნაშრომი, ტაბ. XXVIII-5.


<sup>3</sup> ბ. კუფტინი. დასახელებული ნაშრომი, გვ. 77, სურ. 87<sub>1</sub>.

<sup>4</sup> იქვე, გვ. 77.

4. საქართველოს სახელმწ. მუზეუმის მოამბე, ტ. XVIII-ბ



მოსახლე ხალხისათვის მახათ-ნემსების აღმოჩენილი რაოდენობა არ მისჯდება მარისად. ამდენად, ისინი საოჯახო, სამეურნეო საქმიანობაში დიდ როლს არ



სურ. 7

თამაშობდნენო<sup>1</sup>. ეს მოსაზრება მართებული არ არის. უკანასკნელი წლების განმავლობაში წარმოებულმა არქეოლოგიურმა გათხრებმა აკავკასიის ტერიტორიაზე მრავალი ნემსი და მახათი გამოავლინა. უხვდაა ისინი მოპოვებული სამთავროს ორმოსამარხებში და საქართველოს სხვა ისტორიულ სამაროვნებში. ამასთანავე ჩვენს ტერიტორიაზე თითქმის ყველა სახის მახათია მოპოვებული. მახათები ყუნწის მიხედვით უმთავრესად ორი ტიპისა გვხვდება. პირველი ტიპისა კეთდებაა წაწვეტებული ბოლოს გადმოღუნვით, ღეროს გაბოზით და გადმოღუნული ნაწილის შიგ ჩაკვერვით. ასეთი მახათების ყუნწები უმთავრესად ოვალური მოყვანილობისაა. მეორე ტიპის მახათების ყუნწი მიღებულია მასრის გაბრტყელებული ბოლოს გახერცვით. ამ ტიპის მახათების ყუნწი მრგვალია. სათანადო მასალებზე დაკვირვების შედეგად ირკვევა, რომ ბოლოს გადმოღუნვით ნაკეთები, ოვალურყუნწიანი მახათები უფრო ადრეულია, ვიდრე ბოლოგაბრტყელებულ და გახერცტილყუნწიანი მახათები, რომლებიც პირველთა განვითარებას წარმოადგენს.

სამთავროს სამაროვანზე ორივე ტიპის მახათი მოიპოვება. დავკმაყოფილდეთ ორიოდ მაგალითით. პირველი ტიპის მახათის ნიმუშს წარმოადგენს 1939 წელს, სამთავროს ჩრდილო უბანზე № 17 სამარხში აღმოჩენილი მახათი № 352 (სიგრძე — 12,8 სმ). ამ მახათთან ერთად სამარხში სამი თავხვია საკინძი და სარდიონის უხეშად ნაკეთები მძივებიც იყო აღმოჩენილი. მეორე ტიპის მახათის ნიმუშს ვხედავთ № 127 ორმოსამარხში, სადაც 2 მახათთან ერთად აშკარად მოგვიანო ხანის ინვენტარი იყო აღმოჩენილი (მარტივთავიანი საკინძები, საწივე რგოლები და სხვა). ამ ფორმის მახათები ნაპოვნი არის მაგალითად ქედაბუკის

<sup>1</sup> ფრ. ჰანჩარი. დასახელებული ნაშრომი, გვ. 77.



მახლობლად № 3 ქეაყუთში<sup>1</sup>. გოგჩის ტბის მიდამოებში (№ 73 სამარხში) ნავთ-  
ლუღის ტიპის მახათთან ერთად აღმოჩენილია ბრინჯაოს სატევარი, დანა და  
სხვა<sup>2</sup>. ასეთივე მახათი აღმოჩენილია თბილისში, საბურთალოზე (საქ. სახ. მუ-  
ზეუმის კოლექცია, ინვ. №  $\frac{2-40}{4}$ ).

ამრიგად, როგორც განხილული მასალებიდან ჩანს, ისეთი ნაკეთობის მახა-  
თები, როგორც ნავთლუღშია აღმოჩენილი, გვიანბრინჯაოს პერიოდისათვის ან  
ოდნავ უფრო ადრეული სტადიისათვის არის დამახასიათებელი. ისინი მრავლა-  
დაა მოპოვებული საქართველოს ტერიტორიასა და მის მოსაზღვრე რაიონებში,  
ადგილობრივი წარმოშობისაა და ვფიქრობთ, რომ ოჯახსა და მეურნეობაში გარ-  
კვეული დანიშნულების მატარებელი იყო.

**ბრინჯაოს ტარიანი ფოთლისებური სატევარი** (ტაბ. 17, სურ. 3). თბილისის  
მიდამოებმა მეორე ცალი ფოთლისებური, ბრინჯაოს ტარიანი სატევარი მოგვცა.  
იგი მოყვანილობით, დამუშავების ტექნიკით და შემკულობის ზოგიერთი მოტი-  
ვის მიხედვით ისეთივეა, როგორც ღრმა-ღელისა (საქ. სახ. მუზ. კოლექცია. ინვ.

$\frac{2-50}{1}$ ) (ტაბ. 17, სურ. 2) და წეროვნის სატევრებია. მაგრამ ამათგან ნავთლუ-  
ღის სატევარი იმით განსხვავდება, რომ იგი მოზრდილია და წონითაც მეტი. სა-  
ინტერესოა ამ ტიპის გავრცელება: იგი, როგორც ამის შესახებ ერთხელ გვქონ-  
და აღნიშნული<sup>3</sup>, არსებული მასალების მიხედვით გვხვდება ტერიტორიაზე, რო-  
მელიც მოქცეულია თბილისისა და წეროვნის შორის. არც წეროვნის დასავლეთით  
და არც თბილისის აღმოსავლეთით სატევრის ეს ტიპი ჯერჯერობით აღმოჩენილი  
არ არის. ფორმათა ერთგვარობის მიუხედავად, ნავთლუღის სატევარი შემკუ-  
ლობის ზოგიერთი მოტივით განსხვავდება ღრმა-ღელისა და წეროვნის სატევრე-  
ბისაგან. თუ კი ორი უკანასკნელი სატევარი, გარდა წნული რელიეფური მოტი-  
ვისა, შემკულია აგრეთვე სპირალური სახეებით, ნავთლუღის სატევარს შემკუ-  
ლობის ასეთი მოტივი არ გააჩნია. იგი შემკულია მხოლოდ და მხოლოდ წნული  
რელიეფური ორნამენტით. ეს ორნამენტი გვხვდება ჯერ კიდევ მესამე ათას-  
წლეულის გასულით დათარიღებულ სამარხებში. მაგ., იგი გამოყენებულია აფხა-  
ზეთის დოლმენებში აღმოჩენილი სპილენძის იარაღ-საქურველთა შესამკობად<sup>4</sup>.  
ასეთივე ორნამენტი გვხვდება თრიალეთის შუაბრინჯაოს პერიოდის ოქროსა და  
ვერცხლის ზოგიერთ ნაკეთობაზე<sup>5</sup>. სამთავროს სამაროვანზედაც არ არის იშვი-

<sup>1</sup> А. А. Ивановский. По Закавказью. Археологическая наблюдения и исследования 1893, 1894, 1896 гг., Москва, 1911 г., т. IX, сур. 9.

<sup>2</sup> იქვე.

<sup>3</sup> დ. ქოროძე. გვიანბრინჯაოს პერიოდის არქეოლოგიური ძეგლი თბილისიდან (ღრმა-  
ღელე). საქ. სახელმწიფო მღებუმის მოამბე, ტ. XVII-Б, 1953.

<sup>4</sup> М. М. Иващенко. Исследование арханческих памятников мет. культуры в  
Абхазии. Тифлис, 1935 г., рис. XI.

<sup>5</sup> ბ. კუფტინი. დასახ. ნაშრომი. ტაბ. XIII, XVII და სხვ.



ათი ისეთი ნივთები, რომლებიც წნული რელიეფური სახეებით არის შემკული<sup>1</sup>. სასირეთის განძის ბრინჯაოს სამფეხა, თავსახურიანი ქურპელი მშვენივრადაა შემკული სპირალებითა და აგრეთვე რელიეფური, წნული ორნამენტით<sup>2</sup>. ეს განძი მით უფრო საინტერესოა ჩვენთვის, რომ მისი წამყვანი იარაღები ძალიან ახლო დგანან ნავთლუღის № 1 სამარხის ინვენტართან.

საერთოდ უნდა აღვნიშნოთ, რომ ღრმა-ღელესა და ნავთლულში აღმოჩენილი ფოთლისებური ბრინჯაოს ტაროანი სატევრები ფრად ორიგინალურია და ადგილობრივი ხელოსნების მიერ დიდი გემოვნებითაა ნაკეთები.

აღმოსავლურ-ქართული სატევარი ( ინვ.  $\frac{3-50}{2}$  ) (ტაბ. 16, სურ. 1).

ნავთლუღის № 1 სამარხის ნივთებს შორის ყურადღებას იპყრობს აღმოსავლურ-ქართული ტიპის ბრინჯაოსტაროანი სატევარი. სატევრის პირი სამკუთხედის მოყვანილობისაა; სატევრის წვერთან ოდნავ შესამჩნევი ქედია; პირის დანარჩენი ნაწილი ბრტყელია და ქედის არავითარი ნიშანი არ გააჩნია; მხრები საკმაო ფართოდ აქვს პირს ვადმოფარებული, მაგრამ ისინი ურთიერთ შორის ასიმეტრიულია. ერთი მხარი უფრო განიერია, ვიდრე მეორე. ტარი მთელ სიგრძეზე მრგვალგანაიკვეთიანია, შუა ნაწილში ოდნავ შევიწროებული. მას არ გააჩნია შემკულობის რაიმე მოტივი. ტარის ქუდი კონუსურია, სამკუთხოვნად დაფანჯრული; სატევრის ტარის თავზე სულ 11 ასეთი ფანჯარაა.

დამახასიათებელია, რომ ფანჯრები ხით არის ამოვსებული; ეს უკანასკნელი კარგადაა შენახული. „ფანჯრების“ ხით ამოვსება, ალბათ, მისი უღანაზების — შემკობის მიზნით ხდებოდა. ტარის ყელის ღრუ ცარიელი უნდა იყოს და, როგორც ჩანს, ადრეც ცარიელი ყოფილა; მასში არ უნდა ყოფილიყო სამსხმელო ქვიშა, რომლის კვალი უემქველად შემორჩებოდა, ქუდის ფანჯრებზე მთლიანად ხით ამოვსების გამო. ასევე ცარიელია სამთავროში აღმოჩენილი № 1732 სატევრის ტარის ყელის ღრუ.

ხით ყოფილა შევსებული იმ სატევრის ქუდის ფანჯრები და ტარის ღრუც, რომელიც ანისში მოპოვებულად ითვლება ( ინვ.  $\frac{1-41}{1}$  )<sup>3</sup>. პროფ.

გ. ნიორაძე ზემო ავჭალაში აღმოჩენილი მახვილის ტარის ქედის აღწერისას აღნიშნავს, რომ მახვილის ტარის ბოლოზე დაფანჯრული ადგილები ხის ნაწილებით ავსებოდა<sup>4</sup>. მახვილის ტარის ღრუდ დატოვებას პროფ. გ. ნიორაძე იმით ხსნის,

<sup>1</sup> შავ. № 180 ორმოსამარხში აღმოჩენილია ბრინჯაოს ლაგის ნაწილი (რომელიც იმყოფებოდა თავზე) საკინთან, მასრაგახსნილ შემსპირთან და ტარშეურჩენელ ფოთლისებურ სატევართან ერთად) და სხვ.

<sup>2</sup> G. Nioradse. Der Verwahrfund von Kvemo-Sastrethi, ESA. VII, Helsinki, 1932, გვ. 95, სურ. 17.

<sup>3</sup> ამ სატევრის სტერეოტიპული მსგავსების გამო იმ სატევართან, რომლებიც აღმოსავლეთ საქართველოს ტერიტორიაზეა აღმოჩენილი, გვაძულეს გვეის თვალთ შევხედოთ კატალოგის ცნობას, სადაც სწერია: „იგი მოპოვებული ყოფილა ვინმე არკადიევს მიერ ანისში 1900 წ. და 1941 წ. გადმოსცა მუზეუმს“.

<sup>4</sup> გ. ნიორაძე. ზემოავჭალის სამარე. საქ. მუზეუმის მოამბე, ტ. VI, თბილისი, 1931, გვ. 191.



რომ ასეთი ტარი უფრო მჩატე იქნებოდა და სიმძიმის ცენტრი თავისთავად მახვილის ბოლოსაკენ გადაინაცვლებდა, ამავე დროს ნაკლები ლითონი დაეხარჯებოდა ჩამომსხმელს<sup>1</sup>.

სატევრის პირი შემკულია მხოლოდ ღრმა ღარების სისტემით, რომელიც გამოიყვანებოდა სამსხმელო ყალიბზე<sup>2</sup>.

ნავთლულში აღმოჩენილი აღმოსავლურ-ქართული ტიპის სატევრის პარალელები საქ. სახ. მუზეუმის არქეოლოგიურ კოლექციებში მრავლად მოიპოვება.

პირველ ყოვლისა აღსანიშნავია თბილისში, ნარიყალაზე შემთხვევით აღმოჩენილი სატევარი (ინვ. 1—48, ტაბ. 16, სურ 5). იგი ფორმითა და შემკობით სრულიად მსგავსია ნავთლუღის სატევრისა. მასვე ემსგავსება საქ. სახ. მუზეუმში 1941 წ. ანისიდან (?) შემოსული სატევარიც (ტაბ. 16, სურ. 2). ამ ტიპის სატევრების რამდენიმე ცალი აღმოჩენილია სამთავროში, თუმცა ზოგიერთი დეტალით ისინი ერთმანეთისაგან განსხვავდებიან, რაც გამოიხატება უმთავრესად პირზე გატარებული რელიეფური ხაზებისა და ტარის ქუდის ოდნავ განსხვავებაში, მაგრამ ისინი ძირითადად ერთი ტიპისაა და ერთდროული.

1938 წ. სამთავროს სამხრეთ უბანზე № 44 სამარხში აღმოჩენილია ბრინჯაოსტარიანი სატევარი (ინვ. № 424). მასთან ერთად სამარხში ყოფილა მთლიან-მასრიანი შუბის პირი, თხელფირფიტოვანი ისრის წვერები, საკინძი (ერთი თავხვია, მეორე სოკოსებრი თავიანი), საკმაოდ კარგად ნაკეთები თიხის 8 ჭურჭელი, სარდიონის და ძვლის მძივები.

1939 წელს № 96 სამარხში, ბრინჯაოსტარიან სატევართან ერთად, აღმოჩენილია 9 ცალი თიხის ჭურჭელი, მთლიან-მასრიანი შუბისპირი და ორი თხელფირფიტოვანი ისრის წვერი. № 275 სამარხში (სამხრეთ უბანი, 1940) სატევართან ერთად აღმოჩენილია თხელფირფიტოვანი ისრის წვერები (14 ც.) და თიხის ჭურჭელი (8 ც.). № 87 სამარხში სატევართან ერთად აღმოჩენილია თხელფირფიტოვანი ისრის წვერები (10 ც.), სოკოსებრი თავიანი ბრინჯაოს საკინძი, ბრინჯაოს სამაჯური და ტოტებწათლილი ირმის რქის ძირი. ასეთივე სატევარია აღმოჩენილი №№ 39 და 88 სამარხებში. ამავე ტიპის სატევრებია აღმოჩენილი ბაკურციხეში<sup>3</sup>. მთლიანადსხმული სატევარი აგრეთვე აღმოჩენილია გოსტიბეში, კოლხურ ცულსა და მასრავახსნილი შუბისპირთან ერთად<sup>4</sup> (სურ. 8). აღმოსავლურ-ქართული ტიპის სატევრის ორი ცალი, როგორც ზემოთ გვქონდა აღნიშნული, აღმოჩენილია გომნას № 2 სამარხში (სურ. 9).

<sup>1</sup> გ. ნიორაძე. ზემოვკალის სამარე. საქ. მუზეუმის მოამბე, ტ. VI, თბილისი, 1931.

<sup>2</sup> ამ საკითხზე ჩვენ საცხებით ვიზიარებთ ა. აფაქიძის აზრს, რომელიც შრომაში — „ბაკურციხის არქეოლოგიური ძეგლები“, თბილისი, 1940 წ. — აღნიშნავს, რომ „ღარები ყალიბზე ზღლის თავისუფალი მოკმედებით არის გაულებული“. ამავე აზრისაა გ. ლომთაძეც. იხ. მისი შრომა „ბრინჯაოს სატევრები და მახვილები სამთავროს უძველეს სამარხებში“. თბილისი, 1949.


<sup>3</sup> ა. აფაქიძე ბაკურციხის არქეოლოგიური ძეგლები. თბილისი, 1941.

<sup>4</sup> საქ. სახ. მუზეუმში. ინვ. 8—30, 1—4.

<sup>5</sup> გ. ნიორაძე. არქეოლოგიური დაზვერვები მტკვრის ხეობაში. საქ. სახ. მუზეუმის მოამბე, ტ. XIII-B, თბილისი, 1944.



რამდენიმე ასეთი სატევარი ინახება საქ. სახ. მუზეუმის არქეოლოგიის განყოფილებაში. ზოგიერთი მათგანის აღმოჩენის ადგილისა და პირობების შესახებ კატალოგში არავითარი ცნობები არ მოიპოვება. ასეთებია: ინვ.  $\frac{12-32}{4-5-6-12}$  არის



სურ. 8

ისეთი სატევრები, რომელთა აღმოჩენის ადგილი ცნობილია, ხოლო აღმოჩენის ვითარება და თანმხლები ინვენტარი არ არის ცნობილი. მაგ. სატევარი №  $\frac{12-32}{27}$  აღმოჩენილი ყოფილა ტიბაანში 1924 წელს (ტაბ. 16, სურ. 3). სხვა ცნობები აღნიშნულ სატევარზე არ გავაჩნია. სატევარი №  $\frac{12-32}{41}$  ალაზნის არხის მშენებლობის დროსაა აღმოჩენილი. სატევარი №  $\frac{12-32}{46}$  კი კარდანახში აღმოჩე-

ნილა 1926 წელს, ხოლო სატევარი №  $\frac{7-31}{4}$

ჯიშითში (გარე კახეთში) უბოენიათ.

კოლექცია №  $\frac{2-30}{2-9}$  აღმოჩენილი და

შეგროვილი ყოფილა სოფ. პატარძელუში (კახეთი) სხვადასხვა დროს და სხვადასხვა ადგილას. იგი, როგორც ჩანს, კომპლექსს არ წარმოადგენს. ამ კოლექციიდან ჩვენთვის საინტერესოა ორი ცალი აღმოსავლურ-ქართული სატევარი (ინვ.  $\frac{2-30}{3-4}$ , ტაბ. 16, სურ. ნ ), რომლებიც ახლო დგანან

ნავთლულის სატევართან. ამავე კოლექციიდან ჩვენთვის საინტერესოა სპილენძის თხელკედლება, მრგვალძირიანი, დაკრებული ქურკლის ფრაგმენტი<sup>1</sup>. საინტერესოა შილდის (ყვარლის რაიონი) სატევარი (ინვ. 7-47, ტაბ. 16, სურ. 4), რომელიც აღმოჩენილია ხენის დროს. სატევართან ერთად არის მინიატურული სატევარი (საკიდი) და ბრინჯაოს ჩუგლუგის ფორმის საკიდი. აქვე ყოფილა აღმოჩენილი რკინის საკიდი, წალდის ფორმისა, და ბრინჯაოს ბეჭედი. ძნელი სათქმელია ეს ნივთები კომპლექსია თუ სხვადასხვა სამარხის ინვენტარს წარმოადგენს. საეჭვოა, რომ სამეურნეო და საბრძოლო იარაღთა ეს მინიატურული ფორმები (საკიდები) ერთ სამარხში ყოფილიყო. მიუხედავად ამისა შილდაში აღმოჩენილი სატევარი ყურადღების ღირსია, როგორც თბილისის — ნავთლულის სატევრის ახლო პარალელი.

ასეთი სატევრის დათარიღების საკითხზე არა ერთ მკვლევარს გამოუთქვამს მოსაზრება. ზოგი მას ბრინჯაოდან რკინაზე გარდამავალი პერიოდის ნაყოფად მიიჩნევს, სხვები ცოტა უფრო ადრეული ხანით ათარიღებენ; ხოლო ზოგი კი ცოტა უფრო მოგვიანო ხანით (დაწვრილებით ქვემოთ). ჩვენ კი ჩვენ ხელთ არსებული მასალების მიხედვით შეგვიძლია ვთქვათ, რომ აღმოსავლურ-ქართული სატევრები ძირითადად გვხვდება ისეთ სამარხებში, რომლებიც არც რკინას შეიცავენ და არც გვიანბრინჯაოს პერიოდის ადრე საფეხურისათვის დამახასიათებელ ინვენტარს, თუმცა თითო-ორიოლა შემთხვევა ვვაქვს, როდესაც მთლიანად სხმულ სატევართან ერთად სამარხში თავზეია საკინძი (თბილისი-ნავთლული,



სურ. 9

<sup>1</sup> იქნებ ეს ქურტკელი იმავე სამარხში იყო, რომელიდანაც სატევარია, სკვე, როყო იც ამის შემთხვევა ჩვენ ნავთლულიდან გვაქვს.



სამთავრო № 44 სამარხი) და მასრაგახსნილი შუბისძირია (თბილისი, მთლიანადსხმულ სატვერებთან ერთად ჩვენ ვერ ვხვდებით ან თითქმის ვერ ვხვდებით აღრეული რკინის ხანისათვის დამახასიათებელ ინვენტარს: მაზვილებს, ბრინჯაოს ქაშრებს, გრძელღეროიან ისრის წვერებს, თუ ზოგიერთ სხვა ნივთებს. ამგვარად, ბრინჯაოსტარიანი (მთლიანადსხმული) სატვერების შემცველი სამარხების ინვენტარი შერეული კომპლექტებია. ისინი შეიცავენ, როგორც არქაულობის დამახასიათებელ ელემენტებს, აგრეთვე მომდევნო პერიოდისათვის ჩვეულ ბრინჯაოს ნივთებსაც<sup>1</sup>.

შუბის პირები. ნავთლულის მასალებში 2 ცალი შუბის პირია. ერთი მათგან - ის მასრაგახსნილია, არქაული ფორმისა. იგი № 1 სამარხის კომპლექსის შემადგენელი ნაწილია. მისი არქაულობის მაჩვენებელი არა მარტო გახსნილი მასრაა (მასრაგახსნილი შუბისა და ხელშუბის პირი ჩვენ ჩამოსხმულიც ვიცით), არამედ ისიც, რომ იგი ნაკეთები უნდა იყოს ფურცლოვანი ბრინჯაოსაგან, მისი გამოკვეთის შედეგად მიღებული. პროფ. ფ. თავაძე იძლევა ზოგიერთი მასრაგახსნილი შუბისპირის (მაგ., სამთავროს №№ 2082, 6269) შემდგენიარ ტექნოლოგიას: ადამიანს უნდა ჰქონოდა სპეციალური შემოსაჭედი—სამარჯვი, რომელზედაც შემოეხვევოდა და შემოიჭედებოდა სპილენძის ან ბრინჯაოს თხელი ფურცელი, რომელიც შემოხვევის შემდეგ მჭრელი პირისაკენ ცხელ მდგომარეობაში ჰედვით იწელებოდა, თხელდებოდა. გაკეთების ეს ტექნიკა აშკარად ემჩნევა ჩვენს შუბისპირს. ტ. ჩუბინაშვილი მასრაგახსნილი შუბისპირებს ორ ჯგუფად ყოფს. ერთი ჯგუფი ფურცლოვანი ბრინჯაოსაგან კეთდებოდა, ხოლო მეორე ჩამოსხმით მზადდებოდა<sup>2</sup> (47). სამთავროს სამაროვნის უძველესი ორმოსამარხების მასრაგახსნილ შუბებსა და ხელშუბისპირი, როგორც ჩანს, ამ ხერხით მზადდებოდა. გ. ლომთათიძე აღნიშნავს, რომ მასრაგახსნილი შუბები და ხელშუბების პირები სამთავროს მხოლოდ უძველეს ორმოსამარხებში ვხვდებმა<sup>3</sup>. ალ. კალანდაძემ პირველმა მიაქცია ყურადღება შუბებისა და ხელშუბების კეთების ტექნიკას; მან აღნიშნა, რომ ეს მასრაგახსნილი იარაღები ფურცლოვანი ბრინჯაოს გამოჭედვით კეთდებოდა, ხოლო უფრო მოგვიანო პერიოდის მასრაშეკრული შუბისპირები ჩამოსხმით. როგორც ვხედავთ, ნავთლულის № 1 სამარხში აღმოჩენილი მასრაგახსნილი შუბისპირი ფურცლოვანი სპილენძის გამოჭედვით არის მიღებული და იგი უთუოდ გვიანბრინჯაოს პერიოდის აღრეულ საფეხურს შეესაბამება. მაშინ როდესაც სამარხის ზოგიერთი სხვა ბრინჯაოს ნივთი უფრო ახალგაზრდა ჩანს.

ნავთლულიდანვეა დიდი ზომის მთლიანმასრიანი ჩამოსხმული შუბისპირი (ტაბ. 5, სურ. 1). ასეთი შუბისპირები მრავლად მოიპოვება გარდამავალი პერიოდის და, ხანდახან, უფრო მოგვიანო სამარხებშიც. ასეთი შუბისპირები ნაპოვანია მაგ. სამთავროს №№ 44 და 180 ორმოსამარხში, აგრეთვე გომნას № 1 სა-

<sup>1</sup> სამთავროს მასალების შესწავლის საფუძველზე ამავე დასკვნამდე მიდის გ. ლომთათიძე, იხ. გ. ლომთათიძის დასახელებული ნაშრომი, გვ. 66—67.

<sup>2</sup> Т. Н. Чубинишвили. Древнейшие грунтовые погребения Самтаврского могильника. Краткие Сообщения. ИИМК XLVI, Москва, 1952, стр. 59.

<sup>3</sup> გ. ლომთათიძე, დასახელებული ნაშრომი.

მარხში. იქ აღმოჩენილ არქეოლოგიურ ძეგლებს, პროფ. გ. ნიორაძე ათვალიერებდა. გვიანბრინჯაოს პერიოდით. მისი განსაზღვრით ეს ძეგლები არ უნდა ეკუთვნოდნენ ძვ. წ. XIII საუკუნეზე უფრო ადრეულ ხანას<sup>1</sup>.

**ისრის წვერები.** თბილისის მიდამოებიდან დღემდე ცნობილია ბრინჯაოსაგან ნაკეთები თხელფირფიტოვანი ისრის წვერი. ორი საბურთალოზე, ორი კი ნავთლულშია მოპოვებული. ისრის წვერები ბრინჯაოს თხელ ფირფიტისაგანაა ნაკეთები, სამკუთხედის მოყვანილობისაა. წვერთან ხან შუა ადგილს ვახვრეტილი. ისინი ძალიან ნაზია, თხელი, რის გამოც მათი საბრძოლო გამოყენება საუკუნო ხდება. შესაძლებელია, რომ იმდროინდელი ადამიანი მას ფრინველზე ნადირობისათვის იყენებდა. დამახასიათებელია, რომ თბილისის ტერიტორიაზე არ შეგვხვდრია მძიმე ყუნწიანი საბრძოლო ისრის წვერები—თხელფირფიტოვანის მომდევნო, უფრო განვითარებული ტიპისა. ისინი მრავლად მოპოვება სამთავროს სამაროვნის მოგვიანო პერიოდის ორმოსამარხებში. საინტერესო ფაქტია, რომ სამთავროს უძველეს ორმოსამარხებში პირველად შეხვდრილი თხელფირფიტოვანი, სამკუთხა მოყვანილობის ისრის წვერები ორმოსამარხთა არსებობის დიდ მანძილზე გვხვდება.

საერთოდ უნდა ითქვას, რომ სამთავროს გვიანბრინჯაოსა და გარდამავალი პერიოდის სამარხებისათვის მხოლოდ და მხოლოდ თხელფირფიტოვანი ისრის წვერებია დამახასიათებელი. თბილისის მიდამოებში აღმოჩენილი თხელფირფიტოვანი ისრის წვერები ძალიან ჰგავს სამთავროს უძველესი ორმოსამარხებისა და მის მომდევნო — გარდამავალი პერიოდის სამარხებში აღმოჩენილ მრავალრიცხოვან თხელფირფიტოვან ისრის წვერებს. თხელფირფიტოვანი ისრის წვერები აღმოჩენილი ყოფილა გომნაში (სამარხი № 1)<sup>2</sup>. ასეთი ისრის წვერები თრიალეთშიაც არის აღმოჩენილი. პროფ. კუფტინი აღნიშნავს, რომ სამთავროს ძირა სამარხების ბეშთაშენის სამარხებთან ურთიერთდამაკავშირებელი ნიშანი აღნიშნული ტიპის ისრის წვერები არის<sup>3</sup>. რამდენადაც მასალებს გავეცანით, ასეთი ტიპის ისრის წვერები არ მოიპოვება ან თითქმის არ მოიპოვება სომხეთისა და აზერბაიჯანის სსრ ტერიტორიაზე, ისევე როგორც უფრო შორს სრულებით არა ჩანს ასეთი რამ. ამრიგად თხელფირფიტოვანი ისრის წვერების სამშობლო, მისი წარმოშობის ცენტრი მცხეთა ჩანს, ხოლო მცხეთის მახლობელ რაიონებშიც აკეთებდნენ და იყენებდნენ მას. ამავე მოსაზრებას თავის ერთ-ერთ შრომაში გამოთქვამს არქ. აღ. კალანდაძე<sup>4</sup>.

**კაუჭი ბრინჯაოსი** (ტაბ. 17, სურ. 4). კომპლექსის შემადგენლობაში ბრინჯაოს კაუჭი თუ ჩანგალიც შედის, რომლის დანიშნულება არ შეიძლება სრულიად გამორკვეულად ჩაითვალოს. იგი შეიძლებადა გამოეყენებიათ დიდი ჭურჭლიდან მოხარშული ხორცის ამოსაღებად. საქ. სახ. მუზეუმის არქეოლოგიის განყოფილების გამოყენებაზე ამგვარ ნივთს ასეთი წარწერა აქვს: „პურის ამოსაღები კაუჭი“. იქნებ ეს ნივთი ხორცის ჩამოსაკიდებლადაც იხმარებოდა, მსგავსად

<sup>1</sup> გ. ნიორაძე. დასახელებული ნაშრომი, გვ. 211.

<sup>2</sup> იქვე, ტაბ. X-XI.

<sup>3</sup> ბ. კუფტინი. დასახ. ნაშრ., გვ. 67.

<sup>4</sup> Ал. Каландадзе. К периодизации памятников Самтавро. Тбилиси, 1948.



თანამედროვე საყასბოებში გავრცელებული კაუჭებისა. საზოგადოდ ესგავსი კაუჭი ბრინჯაოს ეპოქის ადრეულ საფეხურზედაც გვხვდება. ადრეული სახე კაუჭისა გვხვდება აფხაზეთის დოლმენებში. აქ აღმოჩენილი კაუჭები განსხვავდება ნავთლულში აღმოჩენილი კაუჭისაგან.

თუ ნავთლულში აღმოჩენილი კაუჭი ნამგლისებურია, აფხაზეთის დოლმენების კაუჭები უფრო ანკესს მიაგავს<sup>1</sup>. ორივე ტიპის კაუჭი მასარაგახსნილია და მასრის ზემო ნაწილში, მოპირდაპირე მხარეებზე თითო სამანქველ აქვს კაუჭის ტარზე დასამაგრებლად. დოლმენების ჩანგლები ორნამენტირებულია, ნავთლულში აღმოჩენილი კაუჭს შემკულობის არაერთი ნიშანი არ გააჩნია. IV დოლმენის კაუჭი შემკულია წნული რელიეფური ორნამენტით და ჩანგლის მასრას გველის მაგარი ისეთი კლაკნილი ორნამენტი გაყვება, როგორც კონსტანტინოვსკაიას სუტევის ტარს ამკობს<sup>2</sup>. აფხაზეთის დოლმენებში აღმოჩენილი ჩანგლების შემდგომი განვითარება — გავრცელება ფართო ტერიტორიას მოიცავს. იგი გვხვდება როგორც ჩრდილო კავკასიაში, ისე აკავკასიის სხვადასხვა მხარეებში.

ჩრდილო კავკასიაში პროფ. ვესელოვსკიმ სტანიცა ცარსკაიას მახლობლად (ყობანის ოლქი) ტყეში, ყორღანების გათხრის დროს, პატარა ზომის (9,5 სმ სიგრძის) ჩანგალთან ერთად აღმოაჩინა კაყის ისრის წვერები, ვერცხლის საკინძები (2 ცალი), სპილენძის ცული და სხვა ნივთები. სხვა ადგილებიდან ჩანგალი ნაპოვნია რუსლერის მიერ სოფ. ზოჯალში, ყორღანულ სამარხის გათხრის დროს. ყორღანში სხვა ნივთებთან ერთად ნაპოვნი ყოფილა მოქიქული ქურჭლის ფრაგმენტი შემკული ფანტასტიკური ცხოველის გამოსახულებით და ბრინჯაოს დანა (22 სმ სიგრძისა)<sup>3</sup>. საქ. სახ. მუზეუმის არქეოლოგიის განყოფილებაში დატულია ჩანგალი — ერთი  $\left( \text{ინგ. } - \frac{1-02}{59} \right)$  სოფ. შროშადან (ერევნის ყოფ.

გუბერნია, ტაბ. 17, სურ. 5), ხოლო მეორე კი  $\left( \frac{50-06}{1} \right)$  სევანის ტბის მიდამოებშია ლალიანის მიერ აღმოჩენილი (ტაბ. 17, სურ. 6). ისინი თბილისის კაუჭთან შედარებით პატარა ზომისაა. ამრიგად კაუჭის გავრცელების არე სცილდება აკავკასიას, მაგრამ, ჩვენი აზრით, მისი ადრეული ფორმა აფხაზეთის დოლმენებში არის დადასტურებული. ვფიქრობთ, აკავკასიისა და ჩრდილო კავკასიის ზემოთ დასახლებული და სხვა ბრინჯაოს კაუჭები დოლმენებში აღმოჩენილი კაუჭების შემდგომი განვითარება უნდა იყოს.

სპილენძის ქვაბი (სურ. 1). ნავთლულის № 1 სამარხი იმითაცაა საინტერესო, რომ მასში ძალზე თხელფირფიტოვანი სპილენძის ქვაბი აღმოჩნდა. იგი სპილენძის მთლიანი ნაჭრისაგანაა გამოქვედილი. მას არ ეტყობა რჩილვის კვალი. ქურ-

<sup>1</sup> გ. ივანოვიჩი. დასახლებული ნაშრომი, სურათი XI 4.

<sup>2</sup> Tallgren A. M. Zu der nordkaukasischen frühen Bronzezeit. ESA, VI, Helsinki, 1931, გვ. 139—140.

<sup>3</sup> Отчет Импер. Арх. Комисии за 1898 г. Кубанская область, раскопки И. Веселовского. გვ. 37.

<sup>4</sup> Отчет Импер. Арх. комисии за 1897 г. გვ. 48, სურ. 311, 312.





ქლის ძირი ნახევარსფეროსებურია, მრგვალი. როგორც ჩანს, მას ხმარების დროს ჩამოჰკიდებდნენ, ანდა სპეციალურ ჩასადგმელს უკეთებდნენ. სპილენძის რამდენიმე ქვაბი თრიალეთის ყორღანულ სამარხებშიაცაა აღმოჩენილი. მსგავსი ქვაბი აღმოჩენილია აგრეთვე ბორჯომის ხეობაში ს. გომნაში. გომნას № 1 სამარხში ქვაბთან ერთად ყოფილა ბრინჯაოს სატევარი, გრძელი შუბისპირი (40 სმ), სამაჯურები, თხელფირფიტოვანი სამკუთხა ისრის წვერები (2 ც.) და თიხის ჭურჭლები. დამახასიათებელია, რომ ამ სამარხის ინვენტარი ახლო ენათესავება საერთოდ ნავთლულში აღმოჩენილ არქეოლოგიურ მასალას (გრძელა შუბის წვერი, ისრის წვერები და სხვა).

ბრინჯაოს პატარა ზომის ქვაბი აღმოჩენილია სამთავროს სამაროვანზე მდებარე № 208 ორმოსამარხში, სადაც დიდძალი იარაღსაჭურველია, თითქმის ყველა ბრინჯაოსი, მხოლოდ ერთი ნივთია რკინის (დანა). ჩვენთვის საინტერესოა მრგვალძირიანა, დაკერებული, სპილენძის ქვაბის ნაწილი, რომელიც აღმოჩენი-

ლი ყოფილა პატარძელში (კახეთი); კოლექცია  $\frac{2-30}{2-9}$  შემთხვევით აღმოჩენილი და შეგროვილი ნივთებისაგან შედგება, მაგრამ ჩვენთვის მაინც საინტერესოა, რადგან მასში, სპილენძის ქვაბის ნაწილთან ერთად, აღმოსავლურ-ქართული ტიპის 2 ცალი სატევარია (მთლიანადსხმული).

**მძივები** აღმოჩნდა №№ 5 და 8 სამარხებში. № 5 სამარხში ერთი ცალი, უხეშად ნაკეთები სარდიონის მძივი იყო. ამგვარი ნაკეთობის მძივები გვიანბრინჯაოს საფეხურისათვის არის დამახასიათებელი. № 8 სამარხში აღმოჩენილი 21 ცალი სარდიონის მძივი, რომლებიც, იმისდა მიუხედავად, რომ ღია ვარდისფერია, დამუშავებით აშკარად ადრეული პერიოდისაა (პოზილი — ნახერხია და უხეშად ნაკეთები). დამახასიათებელია, რომ საერთოდ, პოზილი, ადრეული პერიოდის სამარხებში აღმოჩენილი მძივები მუქი წითელი ფერისაა ან უფრო მოშავო-მოწითალო, მაგრამ ეს არ გამოირიცხავს შესაძლებლობას ერთიმეორის გვერდით, ერთდროულად იყოს ღია ვარდისფერი, მუქი ან მოშავო-მოწითალო მძივები, მით უფრო, თუ კი მათი დამუშავების ტექნიკა ერთგვარია.

### თიხის ჭურჭელი

საყურადღებოა და მეტად მრავალფეროვანია ნავთლულში აღმოჩენილი თიხის ჭურჭლეული. უმთავრესად იგი მორგეზუა ნაკეთები; ზოგიერთი მათგანი მეტად ლამაზია და კონტა. ფერის მიხედვით ჭურჭლები სამ ჯგუფად შეიძლება გაყვით; ლეგა, შავი და იშვიათად — ღია მოვარდისფერო. თიხა უმთავრესად კარგადაა დამუშავებული.

ნავთლულში აღმოჩენილი ჭურჭლეული სახეების მიხედვით შეგვიძლია რამდენიმე ჯგუფად დავყოთ:

1. ქოთნები და ქვაბქოთნები, განიერმუცლიანი;
11. დერგები და ქილები კვერცხისებური მოყვანილობისა;



III. დოქები და ხელადები, მაღალი ცილინდრულ-ყელიანი;

IV. სასმისები, სხვადასხვა ფორმისა და სიდიდისა;

V. ლანგრები და ჯამები სხვადასხვა სიდიდისა და მოყვანილობისა;

VI. რიტუალური დანიშნულების ჭურჭელი, ფეხებიანი და ფიგურულ ყუ-რებიანი.

აღნიშნული კერამიკა დამუშავების ტექნიკისა და შემკულობის მიხედვით შეგვიძლია შემდეგნაირად დავაჯგუფოთ:

პირველი ჯგუფი—მორგვზე ნაკეთები, ლევა ფერის სხვადასხვა დანიშნუ-ლების ჭურჭლებისა შემკულია ე. წ. გოფირებული ან მიმსგავსებული ორნამენ-ტით. ქოთნებსა ან ქვაბქოთნებზე ეს სამკაული მოთავსებულია ჭურჭლის ზემო ნაწილზე, სასმისზე კი—ჭურჭლის თითქმის მთელ ტანზეა განაწილებული. ჭურ-ჭლის ზედაპირზე ასეთი ორნამენტი კონცენტრული განიერი ღარების სახითაა წარმოდგენილი, ხოლო შიდა პირზე მას ყოველთვის არ შეესაბამება სათანადო ამოზნექილ-ჩაზნექილობა. მიუხედავად ამისა, ამ ორნამენტს ჩვენ ყველგან პი-რობით ვუწოდებთ გოფირებულს.

წელში გამოყვანილი ყურიანი სასმისები (ტაბ. 7, სურ. 4; ტაბ. 9, სურ. 4) გოფირებულია მთელ ტანზე; № 7 სამარხში აღმოჩენილი ქოთნის ზედა ტანი (ტაბ. 7, სურ. 9), № 8 სამარხში აღმოჩენილი ქვაბქოთანის და აგრეთვე ქოთანის (ტაბ. 9, სურ. 3) ზედა ტანიც კონცენტრული განიერი ღარებითაა შემკულია. გოფირებული რაიონებში შემკული თიხის ჭურჭელი მრავლად გვხვდება თბი-ლისის მახლობელ რაიონებში აღმოსავლურ-კერამიკულ მასალებში, კერძოდ, ასეთი ჭურჭლები მრავლადაა მოპოვებული სამთავროს სამარხვანზე, იმ ორმო-სამარხებში, რომლებიც ქრონოლოგიურად თან მისდევს უძველეს ორმოსამარ-ხებს.

1939 წ. სამთავროს ჩრდილო უბნის № 54 სამარხში აღმოჩენილია გოფირებული თიხის სასმისი (ტოლჩა, ინვ. 1907) ახლო პარალელს პოულობს ნავთლულში აღმოჩენილ ასეთივე გოფირებულ ორ სას-მისთან. ნავთლულში აღმოჩენილ გოფირებულ ქოთნებისა და ქვაბქოთნების ახლო პარალელად შეიძლება ჩაითვალოს სამთავროს № 18 სამარხში აღმოჩენილი ქვაბქოთანა (ინვ. 461). ამ ჭურჭლის ზედა ტანი გოფირებულია, ზოლო ამავე სამარხის ქოთანს (ინვ. 457) ტანის ზემო ნაწილზე რამდენიმე გა-ნიერი კონცენტრული ღარი აქვს შემოვლებული. საინტერესოა ისიც, რომ ამ სამარხში პატარა სასმისი აღმოჩნდა, რომელიც, ნავთლულის შემთხვევის მსგავ-სად, დიდ ჭურჭელში იდგა. ამავე სამარხში აღმოჩენილია არქაული ფორმის მა-ხათი და კარგად დამუშავებული სარდიონის მძივები. № 232 სამარხში აღმოჩნ-და ქოთანი, რომლის ტანის ზემო ნაწილი გოფირებულია (ინვ. 5003). სამარხში აგრეთვე აღმოჩენილია შემდეგი ნივთები: მაღალქედიანი ფოთლისებური სატევარი (ინვ. 5005), მასრაგახსნილი შუბისპირი და სკოსესურათიანი ბრინ-ჯაოს საკინძი. № 20 სამარხში აღმოჩენილია ზუსტად ისეთივე ქვაბქოთა-ნა (ინვ. 627), როგორც ნავთლულის № 8 სამარხში აღმოჩენილი ქვაბქოთა-ნა. ჭურჭლებთან ერთად სამარხში აღმოჩენილია ბრინჯაოს თავხვია საკინ-ძები, განივკვეთში ოთხკუთხი, წიწვოვანი ორნამენტით შემკული და სარდი-

ონის მძივები. ხოლო № 173 სამარხში გოფირებულ ქოთანთან (ინგ.  $\frac{4-23}{2}$ ) თად აღმოჩენილია შემდეგი ნივთები: ორი საკინძი—ერთი ნახევარსფერულთა-ვიანი, მეორე უთავო, განივკვეთში ოთხკუთხი, ბრინჯაოს მახათი და სარდიონის მძივები. როგორც ვხედავთ, ნავთლულში აღმოჩენილია სამთავროული გოფირებ-ბული ქურჭლების ზუსტი პარალელები, რომელნიც ისეთ სამარხებში გვხვდება, სადაც ჯერ კიდევ არა ჩანს რკინის რაიმე ნაწარმი. ამ სამარხებში არის არქაუ-



სურ. 10

ლობის მომასწავებელი ელემენტები: ფოთლისებური სატევრები, მასრაგახსნი-ლი შუბისპირი, თავზეია საკინძი და სხვა, მაგრამ არის უფრო მომდევნო პერიო-დისათვის დამახასიათებელი ბრინჯაოს ნივთებიც: მრგვალთავიანი საკინძები, კარ-გად დამუშავებული სარდიონის მძივები და სხვა. ამრიგად ნავთლულისა და სამ-თავროს მასალების მიხედვით გოფირებული თიხის ქურჭლები ისეთ სამარხებ-ში გვხვდება, რომლებიც შერეული ხასიათის კომპლექსების შემცველია.

გოფირებული თიხის ქურჭლები აღმოჩენილია ავჭალაშიც 1923 წელს ჰიდ-როელექტროსადგურის მშენებლობის დროს, ასეთებია: ქოთანი (ინგ.  $\frac{4-23}{2}$ ) და ქოთნის ნაწილი (ინგ.  $\frac{4-3}{5}$ ). ორივე ამ ქურჭლის ზედა ტანი გოფირე-



ბული ორნამენტითაა შემკული, ორივე ჭურჭელი თითქმის ასლია აღმოჩენილ გოფირებულ ქთანებისა.

ამრიგად ასეთი მოტივით შემკული თიხის ჭურჭლები ყველაზე მეტ გავრცელებას პოულობს სამთავროს სამაროვანზე. იგი გვხვდება ავჭალის მიდამოებში აღმოჩენილ კერამიკულ ნაწარმში და მრავლადაა წარმოდგენილი ნავთულში აღმოჩენილ თიხის ჭურჭლებს შორისაც. რაც შეეხება ასეთი სახეებით შემკული ჭურჭლების გავრცელების არეს, იგი არ მიდის შორს დასავლეთისაკენ. ეს ორნამენტი, რამდენადაც ჩვენ ვიცნობთ სათანადო მასალებს, თითქმის არ გვხვდება განჯა-ყარაბაღულ კულტურაში. იგივე შეიძლება ითქვას სომხეთის თანამედროვე ტერიტორიაზე აღმოჩენილ კერამიკულ მასალებზედაც.

მეორე ჯგუფი—ნავთულის თიხის ჭურჭლებს შორის კარგად დამუშავებული თიხისაგან მორგვზე ნაკეთები ერთი ქვაბქოთანაა (ინვ.  $\frac{3-50}{32}$ , სურ. 10).

იგი მეექვსე სამარხშია აღმოჩენილი, განიერმუცლიანია, პირმოყრილ ბაკოზე ირგვლივ სამი კონცენტრული ღარი გადასდევს. მხარეზე მიძერწილია ორი ყური განივკვეთში ოთხკუთხა. ყურის ზედაპირი სიგრძეზე ჩალარულია. ღარის ნაპირები ქვემოთ იშლება, განიერდება და ზურგის სახით დაყვება ჭურჭელს, შემდეგ თანდათან პატარავდება და ბოლოს ქრება. ყურების გასწვრივ ჭურჭლის მხარეზე ბრტყელი ოთხკუთხეოვანი შვერილები აქვს, რომლებიც ერთგვარი საყრდენით დამაგრებულია ჭურჭლის ტანზე. თითოეულ შვერილს ორ-ორი ასეთი საბჯენი აქვს. შვერილთა ზედაპირი, ისე როგორც საერთოდ ჭურჭლის ზედაპირი, სადაა, უორნამენტი.

ამ ჭურჭლის მსგავსი ჭურჭლები მრავლადაა აღმოჩენილი როგორც თბილისის მოსაზღვრე რაიონებში, აგრეთვე უფრო დაშორებული ადგილების არქეოლოგიურ მასალებში. ზუსტად ასეთივე ფორმის ქვაბქოთანა სამთავროს ჩრდილო უბანზე გათხრილ № 160 სამარხშია აღმოჩენილი (ინვ. 3270). ის ორყურაა, ორ-შვერილიანი, ნაცრისფერი, დიდმუცლიანი, განსხვავება იმაშია, რომ ამ ჭურჭლის ჰორიზონტალური შვერილი ეყრდნობა არა ორს, არამედ ერთ საბჯენ ფეხს და შვერილთა დონე პირის დონესთან არის გათანაბრებული. № 160 სამარხში აღმოჩენილია აგრეთვე ბრინჯაოს სატევარი, ფოთლისებური, განიერი, მაღალი და მკვეთრი ქედით (ინვ. 3276), მასრაგახსნილი შუბისპირი, თავხვია საკინძი და უძველესი ორმოსამარხებისათვის დამახასიათებელი სხვა ნივთები. სამთავროს ჩრდილო უბანზე გათხრილ № 17 სამარხში აღმოჩენილ მრგვალტანაან, მონაცრისფრო ქვაბქოთანას მხარეზე მიძერწილი აქვს ჰორიზონტალური შვერილი ერთი საყრდენი ფეხით; № 17 სამარხი არქაული ინვენტარის შემცველია. მასში აღმოჩნდა თავხვია საკინძები (ინვ. 351), უხეშად ნაკეთები სარდიონის მძივები, არქაული ტიპის ბრინჯაოს მახათი.

ამჯერად ჩვენთვის მეტად საინტერესოა სამთავროს სამხრეთი უბნის № 39 სამარხის თიხის ჭურჭლები. სამარხში აღმოჩენილ ორყურა ქვაბქოთანას მხარეზე ერთი საყრდენიანი ჰორიზონტალური შვერილია. ამავე ჭურჭლის მხარეზეა მიძერწილი ცხვრის თავის სქემატური გამოსახულება. ამავე დროს სამარხში აღმოჩენილია ქოთანა, რომლის ძირი სპირალურად არის დაღარული, ტანი კი კონ-

ცენტრული ღარებით არის დაფარული. ამგვარი და სამარხში აღმოჩენილი მსგავსი ფორმები ნავთლულშიაც მოგვეპოვება. როგორც წარმოდგენილი მასალიდან ჩანს, სამთაურის უძველეს და მომდევნო ორმოსამარხებში გვხვდება ჰორიზონტალური შვერილიანი თიხის ჭურჭლები, სწორედ ისეთი, როგორც ნავთლულში აღმოჩენილი ორყურა ორშვერილიანი თიხის ქვაბქოთანაა. ამავე ტიპის თიხის ჭურჭლები მოპოვებულია ზემო ავჭალაში ჰიდროტექტროსადგურის მშენებლობის დროს, 1923 წელს. იგი ქილაა, ნაცრისფერად გამომწვარი, მუცელგამობერილი, პირის სიბრტყეზე შემოვლებულია სამი ღარი. პირის ღონეზე მრგვალი, ბრტყელზედაპირიანი შვერილია, რომელიც ერთ საყრდენზეა დაყრდნობილი (ინვ.  $\frac{4-23}{3}$ ). ზემო ავჭალაში ნაპოვნია აგრეთვე ორყურა ქვაბ-

ქოთანა (ინვ.  $\frac{4-23}{1}$ ), ლეგა ფერისა, ბრტყელი, ფართოპირიანი, პირის ში-

და ნაწილი ამღლებულია. ბრტყელ და ფართო პირზე ტალღისებურად კლაკნილი საზებია შემოვლებული. მხარზე ორი პატარა, მრგვალობრტყელი და ჰორიზონტალური შვერილებია, რომლებიც ეყრდნობა მხოლოდ თითო საყრდენს. 1949 წელს ზემო ავჭალის უპატრონო ბავშვთა კოლონიის ტერიტორიაზე აღმოჩენილი ორმოსამარხების ინვენტარიდან ჩვენი ყურადღება მიიპყრო თიხის ორმა

ჭურჭელმა. ერთი მათგანი ქვაბქოთანაა (ინვ.  $\frac{8-49}{1}$ ), მრგვალი განიერმუც-

ლიანი. ბრტყელი პირის ირგვლივ ორი განიერი ღარია შემოვლებული. ჭურჭლის მხარეზე მიძერწილია ორი ოთხკუთხედიანი პატარა ყური და ორიც მცირე შვერილი. ეს უკანასკნელი ზემოთ აღწერილ ჭურჭელთა შვერილების გადაჯვარებული ფორმა უნდა იყოს. ჭურჭლის მხარეზე შემკულია სამკუთხედისებრი სახეებით. სამკუთხედის მოედნები დაღარულია დამრეცი ხაზებით.

ბრტყელშვერილებიანი თიხის ქოთანები და ქვაბქოთნები მრავლად გვხვდება დღევანდელი აზერბაიჯანის და სომხეთის ტერიტორიაზე აღმოჩენილ გვიანბრინჯაოს პერიოდის არქეოლოგიურ მასალებს შორის. პირველ ყოვლისა შევჩერდებით იმ მასალებზე, რომელიც ივანოვსკის აქვს გამოქვეყნებული<sup>1</sup>. XXVI ქვის სამარხში აღმოჩენილია თიხის ქოთანა<sup>2</sup>, განიერმუცლიანი, ბრტყელი პირის გარშემო განიერი ღარები უვლის. ჭურჭლის მხარეზე დაძერწილია ოთხკუთხედიანი შვერილი (სიგრძე 4,5 სმ, სიგანე 2,9 სმ), რომელიც ეყრდნობა სამდენიან საბჯენს. სამარხში ბრინჯაოს მრავალი ნივთი და სხვადასხვა ფორმის 9 ჭურჭელი აღმოჩენილია. ბრინჯაოს ნივთებს შორის აღსანიშნავია ქედბეკური ტიპის მახვილი. მეტად საინტერესოა ივანოვსკის მასალებიდან №№ 18 და 76 სამარხებში აღმოჩენილი ორყურა ქვაბქოთნები<sup>3</sup>, რომელთაც ორ-ორი შვერილი აქვთ. შვერილები და ყურები აქვთ ჭურჭლის მხარეზეა მიძერწილი. № 18 სამარხში ასეთ ჭურჭელთან ერთად აღმოჩენილია სარდიონის მძივები, ბრინჯაოს მძივები, ღვინ-

<sup>1</sup> ივანოვსკი, დასახ. ნაწრომი.

<sup>2</sup> იქვე, ტაბ. X, სურ. 1.

<sup>3</sup> იქვე, ტაბ. X, სურ. 3.





ქილები, მათთან ერთად ანთიმონის ორი ფირფიტა და ბრინჯაოს ორი მსხვილი სამაჯური. 76-ე სამარხში, ასეთივე ჭურჭელთან ერთად, შემდეგი ნივთებია იყო: თიხის რამდენიმე ჭურჭელი, მოწითალო სარდონის მძივები, ბრინჯაოს სატევარი, სადგისი, სამაჯურები და ბეჭდები. ა. ივანოვსკის მიერ გამოქვეყნებული მასალებიდან კიდევ შეიძლება მსგავსი ჭურჭლების მოტანა, მაგრამ ესეც საკმარისად მიგვაჩნია. ამ სამარხთა ინვენტარშიაც რკინის ნიშნებს ვერ კიდევ არ ვხვდებით.

ორყურა და ორშვერილიანი თიხის ქოთანა გამოქვეყნებული აქვს პროფ. გ. ნიორაძეს<sup>1</sup>. ორ- და სამშვერილიანი თიხის ჭურჭლები, ევროპოდ, ქოთნები და ქვაბქოთნები, მრავალადაა მოპოვებული სევანის ტბის მიდამოებში, ლალაიანის მიერ ჩატარებული არქეოლოგიური გათხრების შედეგად. ამ მასალების ნაწილი ინახება საქ. სახ. მუზეუმის ისტორია-არქეოლოგიის განყოფილებაში. მსგავსი ჭურჭელი ცნობილია აგრეთვე მინგეჩაურსა<sup>2</sup> და სხვა ადგილებში. როგორც წარმოდგენილი მასალიდან ჩანს, ჩვენი ქვაბქოთანას ანალოგიური ჭურჭელი ფართოდაა გავრცელებული თბილისის აღმოსავლეთ და სამხრეთ-აღმოსავლეთ რაიონებში. თბილისიდან დასავლეთით კი თითო-ოროლა გვხვდება, ხოლო მცხეთიდან დასავლეთით თითქოს აღარ ჩანს. საინტერესოა აღინიშნოს, რომ ჰორიზონტალურ შვერილიანი ჭურჭლები მხოლოდ ერთი ტიპის ჭურჭლებია, სახელდობრ, ქოთნები და ქვაბქოთნები: საინტერესოა ამ შვერილების დანიშნულების საკითხიც. შვერილებს ჩვენ ვხვდებით ერთს, ორს, ან სამს, როგორც ყურიან, ისევე უყურო ჭურჭელზე. თუ შვერილიანი ჭურჭელი ყურიანია, მას უთუოდ ორი ყური აქვს. შვერილთა დანიშნულების შესახებ ა. ივანოვსკი აღნიშნავს, რომ მათი სამუშაოებით ადამიანი დააფერდებდა ჭურჭელს, როდესაც იგი ჩამოკიდებული იყო<sup>3</sup>.

პროფ. გ. ნიორაძე აღნიშნავს, რომ მეთუნეობის ადრეულ ეტაპზე ჭურჭლებს ხელის მოსაკიდ ბორცვებს უკეთებდნენ, რომლებიც მიმბაძველობის სახით შემორჩა მოგვიანო ჭურჭლებს, ხოლო შემდგომში ჭურჭლის დეკორატიულ მოტივად იქცა<sup>4</sup>.

ჩვენ არ გვგონია მართალი იყოს ა. ივანოვსკი, რადგან შვერილები არა მარტო ყურიან ჭურჭლებს აქვს, არამედ უყუროთაც. და თუ ეს შვერილები დაკიდებული ჭურჭლის დაფერდებისათვის იყო განკუთვნილი, როგორ დააფერდებდნენ იმ ჭურჭელს, რომელიც ვერ დაიკიდებოდა. არც ის გვგონია მართალი, რომ ისინი თითქოს ასაწევი, ხელმოსაკიდი შვერილები ყოფილიყო. ბევრ ყურიან ჭურჭელს აქვს ისეთი შვერილები, ხშირად იმდენად პატარა, რომ ხელის

<sup>1</sup> გ. ნიორაძე, დმანისის ნეკროპოლი და მისი ზოგიერთი თავისებურება. საქ. სახ. მუზეუმის მოამბე, XIV-ბ, სურ. 19.

<sup>2</sup> К а в и ц в. Археологические раскопки в Мингечауре. Мат. культ. Азербайджана, I, Баку, 1949, рис. 2, стр. 14.

<sup>3</sup> ა. ივანოვსკი, დასახ. ნაშრ., გვ. 97.

<sup>4</sup> გ. ნიორაძე, დასახ. ნაშრ., გვ. 33.



მოკიდება შეუძლებელია. ზოგ შემთხვევაში ჭურჭელს აქვს მხოლოდ ერთი პატარა შვერილი, რომელზედაც ხელის მოკიდება შეუძლებელია (ინვ.  $\frac{4-23}{3}$ ,  $\frac{8-49}{1}$  და სხვ.).

ამრიგად, ჩვენ ვიზიარებთ პროფ. გ. ნიორაძის მოსაზრებას და შვერილებს



სურ. 11

ვთვლით ჭურჭლის დეკორატიულ მოტივად. ამ ტიპის ჭურჭლები, როგორც ამ ბეჭირედი მიმოხილვიდან ჩანს, ძირითადად გვხვდება ბრინჯაოს ნივთებიან სამარხებში, სადაც ჯერ კიდევ არ არის რკინა. ისინი გვიანბრინჯაოს პერიოდის ადრეული საფეხურის სამარხებშიაც გვხვდება (სამთავრო).

III. ჭურჭლების მესამე ჯგუფი ისევ ქვაბქოთნები და ქოთნებია. ამ ჯგუფის ჭურჭლებისაგან გამოეყოფთ ორ ქვეჯგუფს:

პირველ ქვეჯგუფში შეიძლება მოვათავსოთ რელიეფურგრებილოვანი სარტყლებით შემკული ჭურჭლები. საერთოდ რელიეფური სარტყლები ჭურჭლის ჩარხზე ტრიალის დროს თითების დაჭერითაა ზოლმე გაკეთებული, ხოლო სარტყელზე გრებილოვი დაწმენვილი კეთდებოდა ჩარხზე ჭურჭლის ტრიალის შეჩერების შემდეგ. ასეთ ჭურჭლებს ძირის ნაპირებიც მსგავსადვე აქვთ დაქმდეული. ასეთი ქმდეული სარტყლები სხვადასხვა ჭურჭელზე სხვადასხვა რაოდენობითაა და სხვადასხვა გვარადაა განლაგებული. არის ჭურჭელი, რომლის მთელი ტანი დასერილია ირგვლივ შემოვლებული გრებილისებური სარტყლებით, რომელთა რაოდენობა ექვსამდე აღწევს. ზოგ ჭურჭელს სარტყლები მხარზე აქვს მოთავსებული. დღესდღეობით თბილისის მიდამოებიდან ასეთი ჭურჭელი სამი ცალი გვაქვს. ერთი ორყურა ქვაბქოთანა ნავთლულის № 6 სამარხშია აღმოჩე-

5. საკართველოს სახელმწ. მუზეუმის მონაბე, ტ. XVIII-5



ნილი  $\left( \text{ინვ. } \frac{3-50}{3} \right)$ . იგი ორიგინალური ფორმისაა. მის ტანზე ძირიდან ყელამდე კონცენტრული, რელიეფური გრეხილის მსგავსი სარტყლებია შემოვლებული, ხოლო ერთი ტალღისებური სარტყელი მხარზე აქვს.

ღრმალელიდან ჩვენ გვაქვს დიდი, უყურო ჭურჭელი—დერგი (სურ. 11), რომელსაც მხარზე რელიეფური სარტყლები გადასდევს. სულ ხუთი სარტყელია. ასეთივე ორსართულიანი, ოღონდ დეფორმირებული ჭურჭელი ნაძალადეგში აღმოჩენილი.

ამ ჭურჭელთან ერთად აღმოჩენილია მასრაგახსნილი, გრძელი შუბისპირი და გრძელი ბრინჯაოს ტარიანი, წვერმომრგვალებული სატეჯარი.

ამ ტიპის ჭურჭლები აღმოჩენილია თრიალეთის არქეოლოგიური ექსპედიციის მიერ ბაიბურთის მიდამოებში<sup>1</sup>. დერგი შემკულია როგორც ტანის ზემო, ისე ქვემო ნაწილზე, რელიეფური სარტყლებით. სარტყლები, როგორც ჩანს, ჭურჭლის ტრიალის დროს ხელის დაჭერის შედეგადაა გამოყვანილი. ბ. კუფტინი აღნიშნავს, რომ გრეხილოვანი სარტყლები ზედნაქერწია<sup>2</sup>. ჩვენი დაკვირვებით ეს არ უნდა იყოს სწორი. ბ. კუფტინი აღნიშნავს, რომ ძნელია ზუსტი ქრონოლოგიური ადგილის მიჩენა და გენეტიური ფესვების პოვნა იმ სამარხებისათვის, რომლებიც ირგვლივ დაწყობილი ქვებით არის შემოფარგლული, ლითონის ინვენტარს ცოტას შეიცავს და ხასიათდება თავისებური კერამიკით, რომელიც ხშირად შემკულია რელიეფურად ზედნაქერწი გრეხილოვანი სახეებით<sup>3</sup>. ავტორს იმ დროს არ გააჩნდა სათანადო მასალა — პარალელები ასეთი ფორმის ჭურჭლეულის გავრცელების არის და წარმომავლობის შესახებ მსჯელობისათვის.

ამჟამად ასეთი ჭურჭლები ჩვენ გვაქვს თბილისიდანაც, ისეთ კომპლექსებში გაერთიანებული, რომლის დათარიღება დიდ სიძნელეს აღარ წარმოადგენს. საზოგადოდ ასეთი ფორმისა და შემკულობის თიხის ჭურჭლები იშვიათად გვხვდება. ისინი სამთავროს სამაროვნის მრავალრიცხოვან კერამიკულ ნაწარმთა შორისაც იშვიათადაა წარმოდგენილი. სამაგიეროდ ამ ტიპის II ქვეჯგუფის ჭურჭლები მრავლად არის წარმოდგენილი როგორც სამთავროს სამაროვნის, ისე თბილისის არქეოლოგიურ მასალებში. ისინი გამოყვავით როგორც ქვეჯგუფი, იმიტომ, რომ ყველა მათგანს ძირზე სპირალისებურად დახვეული ღარი უვლის, ძირის ნაპირები დაქდეულია და მთელ ზედაპირზე კონცენტრული ვიწრო ჩაღრმავებული ხაზები უვლის. ამგვარად შემკული ჭურჭლები ძირითადად პატარა ზომის ქოთნებია, იშვიათად, დიდი ზომისაც.

ნავთლუღის მასალებში ასეთი ჭურჭელი ორია, უფრო სწორად ორი ასეთი ჭურჭლის ნაწილებია  $\left( \text{ინვ. } \frac{3-50}{54} \text{ და } \frac{3-50}{54a} \right)$ .

ერთი მათგანი დიდი ზომის ქოთანი უნდა ყოფილიყო. შემორჩენილი გვაქვს ერთი ჭურჭლის მხოლოდ ნაწილი. შემორჩენილი ნაწილის მიხედვით ჭურჭლის ტანი კვერცხის ფორმისა უნდა ყოფილიყო. ძირზე, როგორც ჩანს, კონცენტრუ-


<sup>1</sup> ბ. კუფტინი. არქ. გათხრები თრიალეთში. ტაბ. II, სურ. 1.

<sup>2</sup> ბ. კუფტინი. დასახ. ნაშრომი, გვ. 76 და 141.

<sup>3</sup> იქვე.



ლად ოდნავ ჩაღრმავებული ღარებია შემოვლებული, ძირის ნაპირები კი დაკედებულია. ზედაპირი შემკულია კონცენტრული ვიწრო ღარებით. მხარზე ორწეხებად გადასდევს დამრეცი ჭდეები (სურ. 12).



სურ. 12

მეორე ჭურჭლისა მხოლოდ მუცლის ქვედა და ძირის ფრაგმენტი გვაქვს. ძირზე აშკარად ჩანს ხეულის განიერი ღარი.

ქვემო ნაწილზე კარგად გაირჩევა კონცენტრულ ღართა ნიშნები (სურ. 13).


ამ ფორმის ქოთანს 1949 წელს აღმოჩენილია ავჭალის უპატრონო ბევშეთა კოლონიის მიდამოებში სხვა ჭურჭლებთან ერთად (ინვ. 8—49). პატარა, ოდნავ შუცელგამობერილ, კოხტა ქოთანს ქუსლისებური დაღარული ძირი აქვს. ძირის ნაპირი დაკედებულია. მთელი ტანა დასერილია ირგვლივი კონცენტრული ღარებით. მხარზე რელიეფური სარტყლებია შემოვლებული, რომელზედაც ირიბი ჭდეებია გამოყვანილი. ყელის ძირზედაც — მახვილი წერტილოვანი ჭდეულები აქვს. პირი ყელზეა გადმოფარებული, განიერია და ბრტყელი.



ასეთივე მოყვანილობის და შემკულობის ჭურჭლები მრავლად აღმოჩენილი სამთავროს სამაროვანზე. მაგ., ასეთი ქოთანი აღმოჩენილია № 12 სამარხში (ჩრდ. უბანი); აქ, აღნიშნულ ქოთანს გარდა, იმყოფებოდა გოფრირებული ორნამენტით შემკული თიხის ქილა, ოთხი თავხვია საკინძი, ბრინჯაოს მახათი და პასტის, სარდიონისა და ბრინჯაოს მძივები.

ამრიგად სამარხი, ინვენტარის მიხედვით, უძველესი ორმოსამარხების ჯგუფს ეკუთვნის.

პატარა ქოთანი აღმოჩენილია № 39 სამარხშიც (სამხრეთ უბანი, ინვ. 297); სამარხში აგრეთვე აღმოჩენილია ორყურა ქვაბქოთანი, შვერილიანი და ცხვრის თავის გამოხატულებიანი, ირმის რქის ძირი (დამუშავებული) და სხვა. ჩვენ მიერ აქ გამოყოფილი მესამე ჯგუფის ჭურჭლეულები (მისი ორი ქვეჯგუფით) დიდ



სურ. 13

რაოდენობითაა ცნობილი თბილისის მიდამოებიდან, იგი მრავლადაა წარმოდგენილი სამთავროს სამაროვნის კერამიკაში, გვხვდება თრიალეთშიც.

ამრიგად, III ჯგუფის ჭურჭელის გავრცელების საზღვრები შორს არ მდის: იგი გავრცელებულია შიდა ქართლისა და სამხრეთ საქართველოს განსაზღვრულ ტერიტორიაზე. სამთავროს, თრიალეთის და აგრეთვე ზემოაღნიშნული თბილისური მასალების მიხედვით აშკარად ჩანს, რომ ჭურჭელთა ამგვარი მოყვანილობა და შემკულობის მოტივები გვიანბრინჯაოს პერიოდისათვის არის დამახასიათებელი.

ჭურჭელთა შემდეგი ჯგუფი სასმისებია. მათგან შეიძლება ძირითადად ორი ქვეჯგუფი გამოეყოთ.

I ქვეჯგუფში მოვათავსებთ სასმისებს, მოზრდილებსა და ყურთან, ლუდის სასმისებს (ე. წ. ტოლჩებს). ამ ტიპის სასმისებიდან ჩვენ უკვე განვიხილეთ

გოფრირებული ორნამენტით შემკული (ინვ.  $\frac{3-50}{26}$  და  $\frac{3-50}{51}$ ). არის სხვა სასმისებიც. ისიც ყურთანია, მაგრამ ფართო ძირიდან პირისაკენ თანდათან გაანეირებული. ასეთი ფორმის ლუდის სასმისი (ტოლჩა) ნაპოვნია ნავთლელის

№ 7 სამარხში (ინვ.  $\frac{3-50}{41}$ ); მას პირთან ორი ღარი აქვს შემოვლებული, ხო-





ლო ყურზე ხელის (ცერის) დასაბჯენია დაძვრული. იგი გარედან აჭრულებულია, მომეტებულად ლევა, ზოგი კი შავი ფერისაა. ამ ტიპის ჭურჭელი აღმოსავლეთ საქართველოს ტერიტორიაზე აღმოჩენილ ყერამიკულ ნაწარმთა შორის მრავლად გვხვდება, იგი გავრცელების არის მიხედვით დიდ ტერიტორიას მოიცავს და ქრონოლოგიურადაც სხვადასხვა პერიოდის სამარხებში გვხვდება. სამთავროს სამაროვანზე, დაახლოებით მსგავსი მოყვანილობის ტოლჩა აღმოჩენილია № 5 სამარხში 1939 წელს. წელში გამოყვანილი და ყურიათი ტოლჩა მაღალ, უყურო

სასმისთან ერთად აღმოჩენილია ნავთლუღის № 3 სამარხში (ინვ.  $\frac{3-50}{20}$ ) ტოლ-

ჩა ხელნაძერწი უნდა იყოს, ძირი ფართო აქვს, თიხა ცუდი დამუშავებულია. დაახლოებით ამგვარი, ხელნაძერწი ტოლჩა, ოღონდ უფრო პატარა ზომის, ყურიათი, სრულიად სადა და უფრო ადრეული პერიოდისა აღმოჩენილია ღრმა-ღელის № 1 სამარხში. მეტად საინტერესოა ნავთლუღის № 7 სამარხში აღმოჩენილი თიხის ჭურჭლის ქვემო ნაწილი (ინვ.  $\frac{3-50}{44}$ ), როგორც ჩანს, იგი ისეთივე

მაღალი და კობტა სასმისი უნდა ყოფილიყო, როგორც სამთავროს სამაროვნის ჩრდილო უბნის № 170 სამარხშია აღმოჩენილი (სარ. ინვ. 3659); ეს უკანასკნელიც მოშაო თიხიდანაა ნაკეთები, მაღალია (19,7 სმ), ძირგანიერი. ძირიდან განსაზღვრულ სიმაღლემდე ტანი ოდნავ ვიწროვდება, ხოლო შემდეგ სასმისი პირისაკენ ისევ განიერდება. სამარხში, სასმისის გარდა, აღმოჩენილია თიხის ჭურჭლები, 4 ცალი და თავხვია საკინძი, ბრინჯაოს მახათი, იასპისა და სარდიონის მძივები; როგორც ვხედავთ სამარხში არქაულობის მონასწავლებელი ინვენტარია წარმოდგენილი (თავხვია საკინძები).

გვხვდება აგრეთვე უყურო პატარა სასმისები; ერთი ასეთი სასმისი აღმოჩენილია ნავთლუღის № 3 სამარხში. იგი მაღალია, წელში გამოყვანილი და სადა, პირის ქვემოთ ღარი გადასდევს. ამგვარი თიხის ჭურჭელი, ოღონდ უფრო პირგადმოშლილი, დაცულია არქეოლოგიის განყოფილებაში (ინვ.  $\frac{20-32}{6}$  ან 1131)<sup>1</sup>.

ის აღმოჩენილი ყოფილა კახეთში, ალაზნის მარჯვენა მხარეს. მასთან ერთად კატალოგში რამდენიმე თიხის ჭურჭელია გატარებული, მაგრამ სხვა არავითარი ცნობა არ არის მოპოვების ვითარების შესახებ.

სამთავროს № 18 სამარხში ასეთივე სასმისია აღმოჩენილი (ინვ. 459). ეს სასმისი, როგორც სველე ჩანაწერებიდან ჩანს, ჩადგმული ყოფილა თიხის დიდ ჭურჭელში. ნავთლუღის № 8 სამარხის დიდ ჭურჭელში იყო აგრეთვე ჩადგმული სასმისი. ასეთი სურათი შეგვხვდა აგრეთვე ღრმაღელის № 3, 4 და 6 სამარხებში. სამთავროს № 18 სამარხში, როგორც ზემოთ გვექონდა აღნიშნული, აღმოჩნდა აგრეთვე ქვაბქოთანა, რომლის ტანის ზემო ნაწილი გოფირირებულია. ქოთანის, რომლის მხარი შემკულია კონცენტრული განიერი ღარებით. ბრინჯაოს მახათი არქაული ფორმისა (ინვ. 463) და კარგად დამუშავებული სარდიონის მძივები, და ბოლოს ნავთლუღიდან გვაქვს სასმისი (№ 8 სამარხში აღმოჩენილი

<sup>1</sup> კატალოგში მისთვის ქილა უწოდებიათ.



ინვ.  $\frac{3-50}{46}$ ), რომელიც თიხის ქვაბქოთანში იდგა. იგი ოვალური მოყვანილობისაა; ძირი იმდენად ვიწროა, რომ დადგმა შეუძლებელია. სასმისი ცუდად დამუშავებული თიხისაგან არის ნაკეთები.

ვეფქრობთ, დიდრონ ქურჭლებში, რომლებშიაც პატარა სასმისებია ჩადგმული, ასხამდნენ სასმელ სითხეს (წყალს, ღვინოს), ამ სითხის ამოსაღებად კხმარობდნენ პატარა სასმისს.

უკანასკნელად განხილული სასმისის მსგავსი ქურჭელი, ასევე ცუდად დამუშავებული თიხისაგან ნაკეთები, აღმოჩენილია ზემო ავქალაში 1923 წელს

(ინვ.  $\frac{4-23}{4}$ ). მასთან ერთად აღმოჩენილია გოფირებული ორნამენტითა და პორიზონტული შვერილით შემკული ქურჭლები. ოვალური ფორმის სასმისი აგრეთვე აღმოჩენილია ფლავისმანის სამაროვანზე<sup>1</sup>. მრავლად გვხვდება ამ ფორმის სასმისები სამთავროში. 1939 წელს სამთავროს სამხრეთ უბანზე გათხრილ № 75 სამარხში აღმოჩენილია ოვალური ფორმის სასმისი, დიდად მსგავსი ჩვენი სასმისისა. ამ სამარხში, გარდა სასმისისა, აღმოჩენილია: თხელფირფიტოვანი ისრის წვერები (ინვ. 715), ბრინჯაოს ფოთლისებრი, მოკლე და დაბალქედიანი სატევარი და ბრინჯაოს თავზეცა საკინძი.

როგორც ზემოთ მოყვანილი პარალელები და მათთან დაკავშირებული კომპლექსები გვეუბნება, ჩვენ მიერ განხილული სასმისები გვიანბრინჯაოს პერიოდისაა.

ნათელულში აგრეთვე აღმოჩენილია რამდენიმე ცალი დოქის ტიპის ქურჭელი. № 7 სამარხში აღმოჩენილი ხელადის (ინვ.  $\frac{3-50}{42}$ ) ზუსტი შესატყვისი ქურჭელი აღმოჩენილია სამთავროს ჩრდილო უბანზე № 228 სამარხში (ინვ. 4855). სამარხში ხელადასთან ერთად აღმოჩენილია ბრინჯაოს ტარშეურჩენელი სამკუთხა, ფოთლისებური მაღალქედიანი სატევარი, მასრაშეკრული ხელშუბის პირი, თხელფირფიტოვანი სამკუთხა ბრინჯაოს ისრის წვერები და ლურსმნისებრი თავიანი ბრინჯაოს საკინძი.

ნათელულში აღმოჩენილ კერამიკულ ნაწარმთა შორის გამოირჩევა ერთი მეტად საინტერესო თიხის ქურჭელი, რომლის აღდგენა, მისი ნაწილების დაკარგვის გამო, სამწუხაროდ, არ მოხერხდა. დარჩენილი ნაწილები საინტერესოა, ერთი მხრივ, იმიტომ, რომ მათზე შერჩენილი ყურები გამოხატავს ცხოველს (ცხვარს), ხოლო ფეხები ადამიანის ფეხს. ქურჭელი, როგორც ზემოთ აღვნიშნეთ, მორგვეუა ნაკეთები, კარგად დამუშავებული ნაცრისფერი თიხისაგან. აქა სრულყოფილი გამოწვის შედეგად მას ერთი ფერი არ აქვს. ქურჭელი გარედან შევპრიალაა, აქა-იქ ლეგა ფერისა. სისქეში გარებიერი შავია, შიდა პირი ნაცრისფერი. ქურჭელს ხმარების კვალი არ ემჩნევა, იგი უთუოდ რიტუალური დანიმ-

<sup>1</sup> ს. მაკალათია. ფლავისმანის უძველესი ნეკროპოლი. საქართველოს მუზეუმის შიდაგეგმა, ტომი V, თბილისი, 1930, გვ. 235, სურ. 18.

ნულებსა ჩანს. პირველ ყოვლისა საინტერესოა ის ფაქტი, რომ ეს ფრაგმენტები საშუალებას გვაძლევს მიახლოვებით მაინც წარმოვიდგინოთ იმდროინდელ ადამიანთა ფეხსამოსი (ფეხთა ჩაცმულობა). ერთი შეხედვით ისეთი წარმოდგენა იქმნება, თითქოს ძვ. წ. II ათასწლეულის უკანასკნელ საუკუნეებში თბილისის მიდამოებში მცხოვრებნი იცვამდნენ მაღალყელიან ფეხსაცმელს. ფეხთსამოსი თბილი ფეხსაცმლის შთაბეჭდილებას ტოვებს.

ფეხიანი თიხის ჭურჭელი მრავლად გვხვდება არქეოლოგიურ მასალებში. იგი არ ისაზღვრება ერთი რომელიმე ვარკვეული დროის მონაკვეთით. თიხის ჭურჭლის ფეხები ხშირად სადაა, ზოგ შემთხვევაში ცხოველის ფეხის გადმოცემაცაა. რაც შეეხება თიხის ჭურჭლის, ადამიანის ფეხის მსგავს ფეხებს, ისინი იშვიათი მოვლენაა არქეოლოგიურ მასალებში.

მეორე მხრივ ფეხის მოყვანილობის ეაზები ან თიხის ჭურჭლები არც ისე იშვიათად გვხვდება. ისინი დიდი რაოდენობით მოიპოვება ანტიკური პერიოდის არქეოლოგიურ მასალებში. ყველაზე ახლო პარალელს ჩვენი ჭურჭლის ფეხისათვის ივანოვსკის მიერ აღმოჩენილი თიხის ჭურჭლის ფეხთან ვხედავთ.

ივანოვსკის № 48 სამარხში (სამარხი ქვისა ყოფილა) თიხის პატარა (8 სმ სიმაღლის) ფეხი აღმოუჩენია<sup>1</sup>.

ავტორის აზრით, იგი ჭურჭლის ყური უნდა ყოფილიყო, რაც ვფიქრობთ შეცდომაა. ფეხს აშკარად ეტყობა, რომ ზემო ნაწილში, მუხლთან მოტეხილია, ხოლო ფეხის ტერფის ალაგას მთელია. ამავე სამარხში ყოფილა ჭურჭლის ყური უნაგირის მოყვანილობისა, თუმცა იგი უფრო ცხოველის სქემატური გადმოცემა უნდა იყოს. ამ სამარხის ინვენტარი ჩვენთვის იმიტომაცა საინტერესო, რომ აქ ადამიანის ფეხის მსგავსი ფეხი ჭურჭლისა, ხოლო ყური ცხოველის სქემატური გამოხატულებაა. აქვე ყოფილა თიხის ჭურჭლის ყური, პაწია ფოსოებით შემკული. ბრინჯაოს ნივთთან აღსანიშნავია სამაჯურები (2 ცალი), დიდ-პატარა დილები (40 ცალი). ისრის წვერები უფრო<sup>2</sup> და ყუნწიანი, ბრინჯაოს სატევარი და სარდიონის მძივები. საქ. საზ. მუზეუმმა ეხლახან შეიძინა თიხის ჭურჭელი, რომელიც აღმოჩენილი ყოფილა ჯერ კიდევ 1900-იან წლებში, ჯულფის მიდამოებში, რკინიგზის მშენებლობის დროს ინჟინერ ვასილევის მიერ. ჭურჭელი ბადიის (?) ფორმისაა, მოწითალო მონაცრისფრო (ინვ. 22—51, 55), პირისაკენ შევიწროებული. ქვემო ნაწილი მომრგვალებულია, ტანის ზემო და ქვემო ნაწილების შეერთების ადგილი წიბოსებურია, ჭურჭელი სამფეხზეა შემდგარი, ორი მათგანი მოტეხილია; ჭურჭლის შერჩენილი ფეხი ადამიანის ფეხის მოყვანილობისაა. ფეხი სქემატურია, კვინტაწეული, არაპროპორციული. წვივის ზემო და ქვემო ნაწილი თითქმის ერთი სიმსხოსია. მუხლის თავთან ფეხი ოდნავ მოხრილია და ბარძაყისაკენ მსხვილდება.

ძნელი ხდება ამ ჭურჭლის თარიღის დადგენა, რადგან ის მრავალრიცხოვანი არქეოლოგიური მასალა, რომელიც ჯულფის მიდამოებში ყოფილა აღმოჩენილი რკინიგზის ხაზის გაყვანის დროს, ერთიმეორეშია სრულიად არეული. მასში არის შუა ბრინჯაოს პერიოდისათვის დამახასიათებელი მონათული კერამიკაც,

<sup>1</sup> ა. ივანოვსკი. დასახ. ნაშრ., გვ. 120, ტაბ. XIII, სურ. 9.

<sup>2</sup> ა. ივანოვსკი. დასახ. ნაშრ., ტაბ. VIII, სურ. 35—36.

გვიანბრინჯაოს პერიოდისათვის დამახასიათებელი შავი თიხის ჭურჭლები, ბრინჯაოს სხვადასხვა იარაღები და სამკაულები. ამასთანავე, ეს კომპლექსი შეიცავს ანტიკურს და უფრო გვიან პერიოდის არქეოლოგიურ მასალებს. ჩვენი აზრით, ზემოთ აღწერილი ფეხიანი თიხის ჭურჭელი ანტიკური პერიოდისაა და, მაშასადამე, უფრო გვიან ხანისა, ვიდრე ნავთლუღის არქეოლოგიური მასალები.

ერთი შეხედვით თითქმის არაფერია საერთო ფეხის ფორმის თიხის ჭურჭლებსა და თვით თიხის ჭურჭლის ფეხებს შორის (აღამიანის ფეხის მსგავსი რომ არის). ზოგიერთი მკვლევარი სწორედ ამ აზრისაა<sup>1</sup>. ერთ შემთხვევაში ჩვენ საქმე გვაქვს თვით ფიგურულ ჭურჭელთან, რომელიც ფეხის ფორმას ატარებს და განსაკუთრებული დანიშნულებისათვისაა გაკეთებული. ჩვენი ჭურჭელი ფიგურული არ არის, რადგან მთლიანად ცხოველის ან რაიმე საგნის სახეს არ გადმოგვცემს, არამედ მხოლოდ მისი ცალკეული ნაწილები გადმოგვცემს გამოსახულებას (ფეხი და ყური). ჩვენ გვგონია, რომ ერთიცა და მეორეც რიტუალური დანიშნულებისა იყო და ერთი და იმავე მიზნით კეთდებოდა, ისე როგორც ერთა და იმავე მიზნით იყო გაკეთებული ცხვრის ქანდაკება და ცხვრის ფორმის თიხის ჭურჭლის ყური. აკად. ნ. მარს გამოქვეყნებული აქვს თიხისაგან გაკეთებული ჩექმა<sup>2</sup>, რომელიც ჭურჭელს წარმოადგენს და აღმოჩენილი ყოფილა ყიზილვანქში მონღოლის მიერ. აკად. მარი ეთანხმება იესენს<sup>3</sup>, რომელსაც გამოუთქვამს მოსახრება, რომ იგი საკულტო დანიშნულებისაა. მას აღნიშნული აქვს ორი მომენტი:

1. ფეხის გამოსახულებას უკავშირებს სიკვდილის კულტს, უფრო სწორად — ის, ერთი მხრივ, იძლევა ფეხის კავშირს სიკვდილთან, მეორე მხრივ, აღნიშნავს, რომ პირველყოფილი აღამიანის აზროვნებაში სიკვდილი წარმოდგენილია, როგორც წასვლა ანდა სხვა სამყაროში მოგზაურობა<sup>4</sup>; ეს ჭურჭელიც ამ ფუნქციის გამოხატველად და მის დამხმარე ძალად მიაჩნია.

ფეხსაცმლის მსგავსი თიხის ვაზა ყოფილა აგრეთვე აღმოჩენილი ჯულფის მიდამოებში 1900-იან წლებში რკინიგზის ხაზის მშენებლობის დროს. იგი მოწითალო-მონაცრისფერია. მისი ზემო ნაწილი (პირისაკენ) წერნაქწასმულია. ზემო ნაწილზე ერთიმეორის გადამკვეთი, ვიწრო, დამრეცი, მოშავო ზოლების გავლებით (ლაქები თითქმის გადასულია) წარმოიქმნება პატარ-პატარა რომბები. ქვინტიდან ფეხსაცმლის დასასრულამდე გაყოლებულია ბრტყელი განიერი შავი ზოლი, ასეთივე უფრო ვიწრო 2 ზოლი შემოვლებულია ფეხსაცმლის ზემო ნაწილზე. ვაზა ხელნაქაობის უნდა იყოს, მიუხედავად იმისა, რომ შედარებით ტლანქადაა ნაკეთები; იგი ოსტატის მიერ რეალისტურად არის შესრულებული. ქვინტი წამოწყებულია. ფეხსაცმლის გაგრძელება მრგვალია, მის წინა ნაწილზე მიძერწილია პატარა შვერილი, მასზე ზონარგადასაყრელი მრგვალი ნახერცია, მის მოპირდაპირე მხარეზე კი მილია ვერტიკალურად აღმართული (ინვ. 22—51 : 49).

<sup>1</sup> პროფ. მაქსიმოვ ა ამ სტრიქონების ავტორთან მოწერილ ბარათში გამოთქვამს ზემოთ აღნიშნულ მოსაზრებას.

<sup>2</sup> Н. Я. Марр. Избранные работы. Том IV, გვ. 71.

<sup>3</sup> იესენს ამ ჩექმის შესახებ გაფუთვება მოხსენება ჯერ კიდევ მისი ასპირანტურაში სწავლის დროს. სამუშაოდ, ჩვენ არ გვქონდა საშუალება გაცნობოდით ამ შრომას.

<sup>4</sup> ნ. მარს. დასახ. ნაშრ., გვ. 71.



პროფ. გ. ნიორაძემ სპეციალური წერილი მიუძღვნა გვიანფეოდალური პერიოდის რკინის ფეხსაცმლის საკითხის შესწავლას<sup>1</sup>. ავტორი აღნიშნავს, რომ საფლავში ჩატანებული რკინის ფეხსაცმელი მიცვალებულის კულტთან უნდა იყოს დაკავშირებული. ჭირისუფალი, როდესაც მიცვალებულს რკინის ფეხსაცმელს ატანდა, ფიქრობდა, რომ იგი საჭირო იყო მიცვალებულისათვის შორაგზის გასავლელად<sup>2</sup>. მაგრამ ამ ერთი ახსნით არ კმაყოფილებოდა. იგი ეყრდნობა, რა ეთნოგრაფიულ მონაცემებს, აღნიშნავს, რომ რკინის ქალამნით აღამიანები საკულტო აღვილს მიდიოდნენ და ხანდახან მას იქვე ტოვებდნენ. ეს მომენტი დაკავშირებული ყოფილა ოჯახის ავადმყოფ წევრის მორჩენასთან<sup>3</sup>. ბოლოს ავტორი ლაპარაკობს იმაზე, რომ არქეოლოგიაში კარგადაა ცნობილი თიხის ჩექმები და ფეხის ფორმის თიხის ჭურჭელი. იგი აღნიშნავს, რომ ისინი არ უნდა იყოს იმავე მიზნით გაკეთებული და გამოყენებული, რა მიზნითაც რკინის ფეხსაცმელი კეთდებოდა და იხმარებოდა<sup>4</sup>.

მუზეუმში დაცულია მეტად საინტერესო ფეხის ფორმის თიხის ჭურჭელი მოპოვებული ლალიანის მიერ (იხვ.  $\frac{20-05}{2}$ ).

ჩვენ ჭურჭლის ანალოგიების ძიების დროს პროფ. მ. მაქსიმოვას შრომაში<sup>5</sup> წაეაწყდით თიხის ფიგურულ ჭურჭლებს, რომლებიც აღამიანის ფეხის ან ფეხსაცმლის ფორმისაა. ასეთი რამდენიმეა (იხ. ტაბ. № 18). მ. მაქსიმოვა ამ ჭურჭლების დანიშნულების გარკვევისას მიუთითებს, რომ ფეხებისა და ფეხსაცმლის გამოსახულებას ისეთივე აზრი ჰქონდა, როგორც დელფინებისა და თევზების გამოსახულებას. სამარხებში მათ ატანდნენ იმიტომ, რომ მიცვალებულთათვის შეემსუბუქებიათ მძიმე გზა ნეტართა ქვეყნისაკენ. ამრიგად, აქ ვხედავთ წარმოდგენას სამარეში მიცვალებულის შემდეგი ცხოვრების შესახებ და რწმენას სულის ნეტართა ქვეყანაში გადასახლების შესახებ.

აღნიშნულ ვაზებს პროფ. მაქსიმოვა ათარიღებს ძვ. წ. VII ს-ით, ხოლო ავად. მარი ყიზილვანქსში აღმოჩენილ თიხის ჩექმას—ამავე წელთაღრიცხვის I ათასწლეულის დასაწყისით. მიუხედავად იმისა, რომ ფიგურული ფეხსაცმლის ფორმის თიხის ჭურჭლები, სახელდობრ პროფ. მაქსიმოვას მიერ შესწავლილი ფეხსაცმლის ფორმის ანტიკური ვაზები ასაკით უფრო ახალგაზრდაა ჩვენს ჭურჭელთან შედარებით. ისინი იმიტომ მოვიტანეთ, რომ გესურდა მათში გვეპოვა საერთო რამ, მოტივი, რაც ამოძრავებდა აღამიანს, როდესაც აკეთებდა ფეხსაცმლის ფორმის ჭურჭლებს ანდა თიხის ჭურჭლებს ფეხის მსგავს საყრდნობს უკეთებდა. ვგონებ არ შეეცდებით ოუ ვიტყოდით, რომ ორივე შემთხვევაში გამოკეთებული მათ ერთსა და იმავე მნიშვნელობას ანიჭებდა.

<sup>1</sup> გ. ნიორაძე, საკულტო დანიშნულების რკინის ფეხსაცმელი, საქ. სახ. მუზეუმის შრომებ, XVI-B, თბილისი, 1950.  
<sup>2</sup> გ. ნიორაძე, დასახ. ნაშრომი, გვ. 4.  
<sup>3</sup> იქვე, გვ. 6.  
<sup>4</sup> იქვე.  
<sup>5</sup> М. И. Максимова. Античные фигурные вазы. Т. I, Москва, 1916.





როგორც უფრო აღრუელ ეტაზე, ისე მის მომდევნო პერიოდში, ერთიც და მეორეც მიცვალებულს „ეხმარებოდა“ ნეტარ ქვეყნისაკენ მიმავალი გზის ადვილად გავლაში<sup>1</sup>. ამრიგად ყველა მკვლევარი, რომელმაც კი განიხილა ფესხაცმლის მოყვანილობის თიხის ჭურჭლების საკითხი, ამ უკანასკნელს რიტუარულ-საკულტო დანიშნულების ჭურჭლებად თელიან და განიხილავენ მათ, როგორც ადამიანის სიკვდილის შემდეგ ნეტარ ქვეყნისაკენ „მოგზაურობის“ გასაადვილებელ საშუალებას. ალბათ, ასეთივე აზრით ჩაატანა კირისუფალმა მიცვალებულს ის ჭურჭელი, რომელსაც ადამიანის ფეხის მსგავსი სადგამი ჰქონდა გაკეთებული.

ამავე ჭურჭლის ყურები წარმოადგენს ცხვრის სქემატურ გამოხატულებას. თიხის ჭურჭლები, რომელთა ყურები ცხოველებს გამოხატავენ, მრავლად გვხვდება აკაკეასიასა და სხვა ადგილებში აღმოჩენილ არქეოლოგიურ მასალებში. ამავე მასალებში ხშირად ვხვდებით ბრინჯაოს ნივთებს, რომელთა დაბოლოება ცხოველს გამოხატავს, ან კიდევ თვითონ ეს ნივთები წარმოადგენს ცხოველთა ქანდაკებებს. ცხვრის გამოხატულება ჩვენს ჭურჭლებზე სქემატურია, ცხოველის ფეხები სრულებით არ არის გამოყვანილი; მომრგვალო თავი და მოკლე სახე მწელი გასარჩევი იქნებოდა, რომ თავზე არ ყოფილიყო მოხვეული რქები. ეს უკანასკნელი იმდენად კობტადაა გამოყვანილი თავზე, რომ ადვილად გამოიცინება ცხვრის სახე. ტანის მოხრილობა კარგად შეესატყვისება ყურის პატარა მრგვალ ხერელს. კუდი ან ღუმა არა ჩანს. გამოხატულება თავდახრილია; მკრთალად გამოყვანილი წინა ფეხები ჭურჭლის მხარეზე უნდა ყოფილიყო დაყრდნობილი. ცხოველის პირი მოქცეულია ჭურჭლის პირისაკენ. გამოსახულება მარტივი და დამაჯერებელი ხერხითაა მოცემული — იგი რეალისტურია. ცხვარი, როგორც სათაყვანო, საკულტო საგანი დაკავშირებულია რელიგიურ წარმოდგენებთან. იგი გვხვდება არა მარტო თიხის ჭურჭლის ყურებად, არამედ თიხისაგან ან ლითონისაგან გაკეთებული დამოუკიდებელი ქანდაკების სახით. ისინი, ჩვენი აზრით, იმავე დანიშნულებით კეთდებოდა, როგორც ზემოთ აღნიშნულ შემთხვევაში (მხედველობაში გვაქვს ცხვრის გამოხატულები ყურები).

სანამ ამ გამოხატულების განხილვას შევეუდგებოდეთ, საჭიროდ მიგვაჩნია ნათელდღშივე აღმოჩენილი ბრინჯაოს საკინძი მოვიფიქროთ, რომლის თავი ცხვრის თავის ულაზათო და მეტად სქემატურ გამოსახულებას წარმოადგენს. თუმცა მხოლოდ დაგრებილი რქების მიხედვით შეიძლება ჩაითვალოს ის ცხვრის თავის გამოსახულებად, მაინც საყურადღებოა, რამდენადაც ნათელდღის არქეოლოგიურ მონაპოვარში ორი შემთხვევა გვაქვს ცხვრის მხატვრული გადმოცემისა: ერთი თიხაში, მეორე ბრინჯაოში. თიხის ჭურჭლის ყურზე რელიეფურად დანაძერწი ცხვრის თავის გამოხატულების კიდევ ერთი მაგალითი გვაქვს თბილისის მასალებში  $\left( \text{ინვ. } \frac{20-32}{144} \right)$ . იგი გრძელპირაა და მეტად სქემატური, ცხოველი აქაც რქების მიხედვით ირკვევა; ეს ჭურჭელი ნაძალადეგშია ნაპოვნი.

თბილისის მიდამოებში დღემდე აღმოჩენილ არქეოლოგიურ მასალებში ცხვრის გამოხატულება ყველაზე მეტი რაოდენობით გვხვდება. იქნებ ეს მომენ-

<sup>1</sup> მ. მაქსიმოვა. დასახ. ნაშრ.



ტი დაკავშირებული არის იქ მობინადრე ხალხის სამეურნეო ცხოვრებასთან? ცხვრის ან ცხვრის თავის გამოსახულებიანი თითო-ოროლა ჭურჭელი სამთავრო-დანაც მოგვეპოვება. № 39 სამარხში აღმოჩენილ ორყურა ქვაბქოთან (ინვ. 396) მხარზე ცხვრის თავის მეტად სტელიზირებული გამოხატულებაა.

აკად. ს. ჯანაშიას სახელობის საქართველოს სახ. მუზეუმის ისტორია-არქეოლოგიის განყოფილებაში დაცულია ბრინჯაოსაგან ნაკეთები ცხვრის ქანდაკებები ან მხოლოდ ცხვრის თავის გამოსახულებანი. ასეთები მრავალია ყაზბეგიდან (ყაზბეგის განძი). ამ მხრივ ყველაზე საინტერესოა ჯოხზე ჩამოსაცმელები, ბრინჯაოსი (ინვ. 183, 184, 185).

აღწერით ერთ მათგანს (184), რადგანაც ყველანი თითქმის ერთგვარი ტექნიკითაა ნაკეთები: მას მილისებრი ტანი აქვს. მილის ზემო ნაწილის ორივე მხარეზე მოთავსებულია ცხვრის თავის თითო ქანდაკება, წაგრძელებული კისრით, თავშექცევით. მათი დაგრეხილი რქები წინ არის გაშვერილი. ცხვრის თავი რეალისტურადაა გადმოცემული. საინტერესოა ცხვრის რქებიც, რომლებზედაც ზანზალაკებია ჩამოკიდებული. საყურადღებოა მანგლისში აღმოჩენილი ბრინჯაოს საკიდი თუ ჯოხზე წამოსაცმელი (ინვ. 2245): მას მოკლე მილისებური ტანი აქვს, მილის ერთ ბოლოზე მოზრდილი ყუნწია. მილის მოპირდაპირე გვერდებზე თავშექცევით ცხვრის თავის გამოსახულებებია. დაგრეხილი რქები წინაა გაშვერილი და ოდნავ ზევით აზნექილი; თვალები დაკაკლული, სახე მოკლე აქვს. თუ რქები არა, სახის მეტისმეტი სქემატურობის გამო, ძნელი გასარკვევი იქნებოდა, რა ცხოველთან გვაქვს საქმე.

ჯორის რაიონის, სოფ. როკში აღმოჩენილი ყოფილა ცხვრის თავის გამოსახულება ბრინჯაოსი, მეტად სქემატური (ინვ.  $\frac{83-14}{3}$ ). იგი ბაზარზეა შესყიდული და მისი აღმოჩენის ვითარება უცნობია. სახე გრძელი აქვს, ზემოთკენ წაწეული დაგრეხილი რქებით.

საინტერესოა ბრინჯაოს ცხვრის ქანდაკება აღმოჩენილი სოფ. ყორნისში (სამხრეთ-ოსეთი, ინვ.  $\frac{57-14}{2}$ ). იგი მასიურია. ქანდაკება სქემატურია, კული არ გააჩნია. ფეხებიც მკვეთრად არაა გამოკვეთილი, იგი თანაზომიერად წვრილდება ზევიდან ქვემოთ. თავაწეულია; მსხვილი, გრძელი ორჯერ დაგრეხილი რქები წინაა წაწეული და ოდნავ დაბლა ეშვება. ცხვრის სახე ლამაზადაა გამოყვანილი. ზურგზე ყუნწი აქვს. მიუხედავად იმისა, რომ ფიგურა სქემატურია, ცხვარი რეალისტურად არის გადმოცემული. საქართველოს სახ. მუზეუმის ისტორია-არქეოლოგიის განყოფილებაში დაცულია აგრეთვე ჩრდილო-კავკასიაში აღმოჩენილი ცხვრის სქემატური ქანდაკებანი. ასეთებია სოფ. იოურთადან (ინვ.  $\frac{11-37}{17}$ ) და დიგორიდან (ინვ.  $\frac{30-02}{209}$ ). დიგორიდანვეა აგრეთვე ცხვრის თავის სქემატური



გამოსახულება, დაგრეხილი რქებიანი  $\left( \text{ინვ. } \frac{3-02}{204} \right)$ . კობიდან ცნობილია ცხვრის თავის თვალბადმოკარკლული სქემატური გამოსახულება, რომელსაც უკან გადაწეული რქები მოტეხილი აქვს, დიდი და განიერი ყუნწი თავს სცილდება ზევით  $\left( \text{ინვ. } \frac{1-02}{137} \right)$ ; მეტად საინტერესოა მუზეუმში დაცული ბრინჯაოს ილარი თუ საკინძი, რომლის თავს ამკობს ორი თავშექცეული სკულპტურული გამოსახულება, ერთი ცხვრისა, მეორე კი თხისა  $\left( \text{ინვ. } \frac{26-26}{3} \right)$ , აღმოჩენის ადგილი უცნობია.

ცხვრის გამოსახულებიანი ბრინჯაოს ნივთები დიდი რაოდენობით არის აღმოჩენილი რაჭაში (ბრილი, შოშეთი)<sup>1</sup>. არქეოლოგი გ. გობეჯიშვილი არა ერთგზის მიუთითებს ცულის თუ სხვა ნივთების ყუასა თუ ბოლოებზე გამოყვანილ ვერძის თავის გამოსახულებებზე და მასთან ვერძისა და ცხვრის დამოუკიდებელ სკულპტურულ გამოსახულებებზედაც.

ბრილის № 12 სამარხის ერთ-ერთი ცულის ყუა შემკული ყოფილა ცხვრის თავის 5 ქანდაკებით, იმავე სამარხის მეორე ცულის ყუა კი ორი ასეთივე ქანდაკებით.

№ 31-ა სამარხში ყუამილიანი ცული შემკულია ცხვრის თავის ორი ქანდაკებით, რომლებიც ერთმანეთს უყურებენ. №№ 54 და 62 სამარხებში ვერძის თავის სხვადასხვა ზომის სკულპტურული გამოსახულებანი ყოფილა, სქემატურად ნაკეთები. № 64 სამარხში ჯოხზე ჩამოსაცმელი ცილინდრული მილის ორივე ბოლოზე ცხვრის თავის თითო ქანდაკება ყოფილა, რომლებიც ერთმანეთს უყურებენ. ასევე № 65 სამარხში აღმოჩენილია ჯოხზე ჩამოსაცმელ ცხვრის თავები. შოშეთის № 1 სამარხში ვერძის ქანდაკება და ცხვრის თუ თხის გამოსახულება ყოფილა აღმოჩენილი. საინტერესოა აგრეთვე თხის ერთი ჭურჭელი ბრილიდან, რომლის ყურზე დაძერწილია ცხვრის თავის გამოსახულება და კიდევ სხვა მრავალი.

ცხვრის გამოსახულებიანი ყურების მქონე თხის ჭურჭელი გვხვდება სხვა ქვეყნის თუ მხარის არქეოლოგიურ მასალებშიაც. კ. სკალონი სარმატული პერიოდის კერამიკაზე ცხოველთა გამოსახულებების საკითხის განხილვისას გამოყოფს ჭურჭლების ერთ ჯგუფს, რომლის ყურები ცხვარს გამოსახატავს<sup>2</sup>.

მიუხედავად იმისა, რომ ჩვენ მიერ მოპოვებულ ჭურჭლებს მთელი ათასწლეული თაშავეს სკალონის მიერ განხილულ ჭურჭელთაგან (I საუკუნე), მორფოლოგიურ-ტიპოლოგიური მსგავსება მათ შორის მაინც საგრძნობია.

ჩვენ მიერ აქ დასახელებული იყო ცხვრის გამოსახულების მატარებელი დიდძალი მასალა, რომელიც მოპოვებულია საქართველოსა და მისი მოსაზღვრე

<sup>1</sup> გ. გობეჯიშვილი. ბრინჯაოს ქართული უძველესი ბალთები, ნაწილი პირველი. თბილისი, 1942.

<sup>2</sup> К. М. Скалон. Изображение животных на керамике сарматского периода. Гос. Эрмитаж. Труды отдела истории первобытной культуры. Том I, Ленинград, 1941.

რაიონების ტერიტორიაზე. აქედან ზოგი ისეთია, რომელიც ჩვენს მასალებს ასაკით წინ უსწრებს, ზოგიც მათზე უფრო ახალგაზრდაა. ამით ჩვენ გვსურდა აშკარა გავგეხადა, თუ რა დიდი და ხანგრძლივი ტრადიცია აქვს ცხვრის გამოსახულებას ადგილობრივ, როგორი დიდი მსგავსება არსებობს ამ, საუკუნეებით დაშორებულ, გამოსახულებათა შორის. ეს გარემოება, ჩვენი აზრით, მათი ერთი-სა და იმავე დანიშნულების მანიშნებელი უნდა იყოს. ისმის კიოხვა: რა მოზნით კეთდებოდა სახელდობრ ამ ცხოველის გამოსახულება და რატომ გვხვდება იგი განსაზღვრულ ადგილებში დიდი რაოდენობით, ზოგიერთ ადგილას კი სრულებით არა?

ცნობილია, რომ საქართველოს მთიან ადგილებში მცხოვრები ხალხისათვის ცხვარი უდიდესი სამეურნეო მნიშვნელობის ფაქტორი იყო და ამდენად არ არის გასაკვირი, რომ აღამიანს იგი გაეხადა სათაყვანებელ ცხოველად.

ს. მაკალათიას გამოქვეყნებული აქვს საინტერესო მასალა იმის დასამტკიცებლად, რომ ცხვრის კულტი უკანასკნელ პერიოდად იყო შემორჩენილი მოხვევებში<sup>1</sup>.

ყაზბეგის ჩრდილოეთით სოფ. ცდომი არის ცხვრის კერპი, რომელსაც კვირიეის ყოჩს ეძახიან. კვირიეის ყოჩის ხატობა ეწყობა აღდგომის შემდეგ მესამე კვირას. ხატობის დღეს კლავენ შესაწირავ ცხვარს და თხოვენ კერპს ცხვრისა და მამაკაცების გამრავლებას, ხოლო მეცხვარე მწყემსები გაზაფხულის პირველ ბატკანს კლავენ და ლოცულობენ მხეცებისაგან უვნებლობას. ამ რიტუალში ცხვრის კულტი დაკავშირებულია ღმერთ კვირისთან, რომელიც ნაყოფიერების ღმერთად ითვლებოდა საქართველოში.

მოვიყვანთ კიდევ მეორე მაგალითს: მოხვევებს აქვთ დღესასწაული „სპარსანგელოზობა“<sup>2</sup>. ამ დღესასწაულში ცხვრის კერპი დაკავშირებულია წვერის ანგელოზის კულტთან, რომელიც ალბური საძოვრების მფარველს წარმოადგენდა. ამრიგად, აქ გვაქვს ორი საღმერთებელი ძალა, რომელიც ხალხის წარმოდგენით, მისი ეკონომიური კეთილდღეობის შემოქმედი იყო: ერთი მათგანი — ცხვარი კვირია ხელს უწყობდა ცხვრის მომრავლებას, ხოლო მეორე კი ცხვარს აძლევდა საკვებს და მფარველობდა მას. ამგვარად არქეოლოგიური და ეთნოგრაფიული მონაცემები ავსებენ ერთიმეორეს და აშკარად მიგვიჩვენებენ, რომ მოხვევებში ცხვრის კულტი უძველესი დროიდან მომდინარეობს, რაც თავის მხრივ სამეურნეო ცხოვრების სპეციფიკური პირობებიდან მომდინარეობდა. თბილისის არქეოლოგიურ მასალებში არსებული ცხვრის გამოხატულებები შემოდანიშნული გარემოების მომასწავებელი უნდა იყოს.

მეორე მხრივ, ჩვენ ვფიქრობთ, რომ ეს იქნებოდა ცალმხრივი გაშუქება. მისთვის ნახევრად შინაარსის გამოცლა, თუკი მხოლოდ საკულტო დანიშნულებით ავხსნიდით იმ შესანიშნავ სახეებს თუ გამოსახულებებს, ანდა თვით ფიგურულ კურტლებს, რომლებსაც ჩვენი უძველესი წინაპრები აკეთებდნენ. იმ პერი-

<sup>1</sup> С. Макалатия. Культные места и связанные с ними ритуальные обряды у Грузин-Мохевцев. Академия Наук СССР, XLV, академику Н. Я. Марру. Москва—Ленинград, 1935 г., 83. 517—522.

<sup>2</sup> ს. მაკალათია. დასახ. ნაშრომი.



ოღში მცხოვრები ადამიანები ქმნიდნენ რა მაღალი გემოვნების საგნებს, აკეთებდნენ რა იარაღთა და სამკაულთა შედევრებს, შესანიშნავ თიხის ჭურჭლებს მრავალი გამოხატულებებით, ამით ქმნიდნენ გარკვეულ ტრადიციებს, რაც გამომდინარეობდა მათი ესთეტიკური გრძნობებიდან.

რაც შეეხება განხილული ჭურჭლის წარმოშობის საკითხს, უნდა ითქვას, რომ აღნიშნული ჭურჭელი ადგილობრივი ხელოსნის ნაკეთებია. ამის თქმის უფლებას გვაძლევს შემდეგი გარემოება: პირველი: ჩვენ არსად არ მოგვეპოვება ამ ჭურჭლის ზუსტი პარალელი; მეორე: თიხა და დამუშავების ტექნიკა თბილისის ტერიტორიაზე მოპოვებული კერამიკის შესატყვისია და მესამე — ცხოველთა გამოსახულებიანი ჭურჭელთა ტრადიცია თბილისის მიდამოებში მცხოვრებთ ადრე საფეხურიდან (თითქმის ძვ. წ. II ათასწლეულის შუახანებიდან) მოსდევთ.

### დათარიღებისათვის

ნავთლუღის მცირე, მაგრამ მრავალფეროვანი არქეოლოგიური მასალის ზუსტი თარიღის გარკვევა ჩვენთვის მრავალ საინტერესო საკითხს მოპვნენდა ნათელს, ჯერ ერთი იმიტომ, რომ № 1 სამარხის ინვენტარი შერეული კომპლექსია და შეიცავს ისეთ მასალას, რომელიც გვიანბრინჯაოს ან უფრო ადრეული პერიოდისათვის არის დამახასიათებელი (თახვია საკინძი, მასრაგახსნილი შუბისპირი, ნაჭედი, თხელფირფიტოვანი სპილენძისა).

მეორე მხრივ, ბრინჯაოს მასალასთან ერთად ნავთლუღში აღმოჩენილი მრავალფეროვანი კერამიკა საშუალებას გვაძლევს დავსვათ საკითხი თბილისის ტერიტორიის იმდროინდელი მოსახლეობის და მოსაზღვრე რაიონების მცხოვრებთა შორის არსებული ურთიერთობის შესახებ.

კავკასიის არქეოლოგიური, კერძოდ, ბრინჯაოსა და რკინის კულტურის დათარიღებისა და წარმოშობის საკითხებზე არა ერთ უცხოელსა და ჩვენს სპეციალისტ არქეოლოგს გამოუთქვამს მოსაზრება. ამ საგანზე გამოთქმულ შეხედულებათა შორის ხშირად დიდი სხვადასხვაობაა.

მიუხედავად იმისა, რომ საბჭოთა მოწინავე არქეოლოგიურმა მეცნიერებამ მარქსისტულ-ლენინური მეთოდოლოგიის საფუძველზე ამ უკანასკნელი წლების განმავლობაში თავისებურად დააყენა და გადაჭრა კავკასიის სხვადასხვა პერიოდის არქეოლოგიური ძეგლების დათარიღების საკითხი, მიუხედავად იმისა, რომ საკმაოდ მხილებული და გაკრიტიკებულია ზოგიერთი უცხოელი ბურჟუაზიული მეცნიერის მოსაზრება კავკასიის მრავალფეროვანი არქეოლოგიური მონაცემების დათარიღების და წარმოშობის საკითხის შესახებ, ჩვენ მაინც საჭიროდ მიგვაჩნია განვიხილოთ ზოგიერთი მკვლევრის მოსაზრებები, რადგან ისინი პირდაპირ, თუ არაპირდაპირ დაკავშირებულია ჩვენს მასალებთან.

უკ-დვ-მორგანი წინა აზიის და მის მოსაზღვრე რაიონების ბრინჯაოს კულტურის თარიღს დიფერენცირებულად იძლევა: როგორც ჩანსო, — აღნიშნავს იგი. — ელამსა, ქალდეასა და ეგვიპტეში ბრინჯაოს ინდუსტრია წარმოიშვა ჩვენს წელთაღრიცხვამდე მეხუთე ათასწლეულის დასასრულს, გალიციაში კი ჩვენს წელთაღრიცხვამდე ორი ათასი წლის წინ, ხოლო ჩრდილო ირანსა და კავ-





კასიაში ათასწლეულთა ადრე<sup>1</sup>. მაშასადამე ჩრდილო ირანისა და კავკასიის ბრინჯაოს კულტურის თარიღად იგი ძვ. წ. 3000 წ. სდება.

ფრ. პანჩარი მრავალგზის იხილავს კავკასიის ბრინჯაოს კულტურისათვის დამახასიათებელ ცალკე ნივთების ასაკს. მან შეისწავლა კავკასიის საკინძები და აღნიშნა, რომ აქ აღმოჩენილ საკინძთა შორის თავხვია საკინძები შეიძლება ჩაითვალოს ამ ტიპის სამკაულის ადრეულ, მარტივ ფორმად, თუმცა, როგორც ვიცით, იგი თავხვია საკინძებს საერთოდ არ თვლის ადგილობრივ წარმოშობილად<sup>2</sup>. სხვა შრომაში იგი იხილავს კავკასიის კულტურის თარიღს და მრავალგზის მიუთითებს, რომ განჯა-ყარაბაღული კულტურის ყველაზე ადრეულ თარიღად შეიძლება მიღებულ იყოს ძვ. წ. XV—XIV საუკუნეები<sup>3</sup>. იგი განჯა-ყარაბაღული კულტურისათვის დამახასიათებელ მახვილებს თვლის აღმოსავლურ-ქართული მახვილების პროტოტიპად და, იხილავს რა ორივე მხარის არქეოლოგიურ მონაცემებს, თვლის, რომ განჯა-ყარაბაღული და აღმოსავლურ-ქართული კომპლექსების შედარება ნებას გვაძლევს ეს უკანასკნელი პირველის თანადროულად თუ არა, ცოტა უფრო ახალგაზრდად ჩავთვალოთ, ხოლო განჯა-ყარაბაღული კულტურის საერთო თარიღად ძვ. წ. XIV—XIII სს. დავდეთ<sup>4</sup>. რუსმა არქეოლოგმა გოროდცოვმა პროფ. გ. ნიორაძისადმი მოწერილ პირად წერილში გამოთქვა მოსაზრება, სამთავროს უძველესი ორმოსამარხების ძვ. წ. XV საუკუნით დათარიღების შესახებ<sup>5</sup>.

უვაროვი<sup>6</sup> სამთავროს კულტურის ზემო საზღვრად ძვ. წ. VIII საუკუნეს იღებს, ისე როგორც ფილიმონოვი<sup>7</sup>; ორივენი სამთავროსა და ყობანის ნივთებში ასურულ გავლენას ხედავენ.

ბ. კუფტინი ნავთლულის არქეოლოგიური მასალების თანადროულ ძეგლებს რამდენიმე ნაშრომში იხილავს. ერთ შემთხვევაში ბეშთაშენის სამარხების ინვენტარის თარიღის დადგენის დროს, მას იგი სამთავროს სამარხების ქვედა სართულის სამარხების ინვენტარს ამგავსებს, მაგრამ ამ უკანასკნელზე „ხნიერად“ თვლის. იგი აღნიშნავს, რომ ბეშთაშენის სამარხების ინვენტარი რკინას სრულებით არ შეიცავს, არ შეიცავს აგრეთვე ბრინჯაოს მახვილებს და სარდონის მძივებს. ამ სამარხების აბსოლუტურ თარიღად იგი ძვ. წ. XII—XI სს. თვლის<sup>8</sup>. ის, რომ თითქოს ბეშთაშენის სამარხები სამთავროს უძველეს ორმოსამარხებზე „ხნიერია“, მცდარ მოსაზრებად მიგვაჩნია. ეს შეცდომა იმის შედეგია, რომ, ალბათ, ავტორი არ იცნობდა სამთავროს უძველესი ორმოსამარხების ინვენტარს, თუმცა ბაიერნისეული მასალებიც შეიცავს სამთავროს უძვე-

<sup>1</sup> Жакоб-де-Моргеи. Доисторическое человечество. Общий очерк доисторического периода. Перевод с французского В. Хуадова, Москва, 1926, 83. 128.  
<sup>2</sup> F. H a n č a r. Die Nadelformen des prähistorischen kaukasus gebietes ESA. VII, Helsinki, 1932.  
<sup>3</sup> F. H e n č a r. Kaukasus Luristan ESA. IX, Helsinki, 1934.  
<sup>4</sup> ფ. პ ა ნ ჩ ა რ ი. დსახ. ნაშრ., 83. 65.  
<sup>5</sup> G. N i o r a d s e. Der Verwahrfund von Kvemosasirethi. ESA VII, Helsinki, 1932, 83. 97.  
<sup>6</sup> Уваров. Труды арх. Сѣзда в Тифлисе. Приложение, 1867, 83. 1.  
<sup>7</sup> Филимонов. О доисторической культуре Осетий. Изв. общест. антр. и этногр., т. XXX, Москва, прилож., 83. 33.  
<sup>8</sup> ბ. კ უ ფ ტ ი ნ ი. დსახ. ნაშრომი, 83. 141.



ლეს ორმოსამარხებისათვის დამახასიათებელ არქეოლოგიურ (ტარშეურჩენელი ფოთლისებრი სატევრები, თავხვია საკინძები, მასრაგახსნილი შუბისპირი და სხვა). ასეთი მასალები თვით ბორის კულტინსაც აქვს გამოქვეყნებული<sup>1</sup>.

ბ. კულტინი რომ დაკვირვებოდა, ერთი მხრით, ბაიერნის მიერ გათხრილ ე. წ. მეომრის სამარხის (№ 591) ინვენტარს, რომელიც მრავალრიცხოვან ბრინჯაოს ნივთებთან ერთად აგრეთვე რკინის შუბისპირის შეიცავს, ხოლო, მეორე მხრით, № 583 სამარხში აღმოჩენილ წმინდა ბრინჯაოს შემცველ, არქაული იერის მქონე ნივთებს<sup>2</sup>, მაშინ მისთვის აშკარა გახდებოდა, რომ სამთავროს ორმოსამარხები არ არის ერთი ფენისეული და რომ სამთავროს უძველესი ორმოსამარხები უფრო არქაული ელემენტების შემცველია, ვიდრე ბეშთაშენისა. კულტინი არა ერთგზის იხილავს კოლხურ-ყობანური კულტურისათვის დამახასიათებელ ფორმებს და, არჩევს რა აღმოსავლურ და დასავლურ-ქართულ კულტურათა ურთიერთობის საკითხს, ცდილობს განსაზღვროს ამ ორი კულტურის წამყვანი იარაღების ხნოვანება. ბ. კულტინის ცალკეულ შრომებში ამ კულტურების დათარიღების საკითხში წინააღმდეგობაცაა; ერთ შემთხვევაში, როგორც ზემოთ გვექონდა აღნიშნული, ბეშთაშენის არქეოლოგიური ძეგლის თარიღს გვიანბრინჯაოს პერიოდით ძვ. წ. XII—XI სს. განსაზღვრავს, ხოლო შეიძლება ითქვას, მის თანადროულ კოლხურ-ყობანური კულტურის თარიღს ვანის სამეფოს ეპოქას უკავშირებს და ამ კულტურას ვანის ეპოქის სინქრონულად მიიჩნევს<sup>3</sup>. იგი ამის დამადასტურებლად მალაქლუში აღმოჩენილ ბრინჯაოს ქურძლის (სიტულას) ყურს მიიჩნევს. ბ. კულტინი პირდაპირ მიუთითებს, რომ ერთად ერთი ნივთია—ბრინჯაოს სიტულას ყური, რომელიც ტიპურია ყობანის კომპლექსისა და დასავლეთ საქართველოსათვის, ურარტული კოლუმბარიუმის კომპლექსს კავკასიის კულტურასთან აერთიანებს.

ეს მონაპოვარი ახალ უტყუარ მასალად ჩაითვლება „ყობანის“ და კოლხეთის ბრინჯაოს თარიღის დასაზუსტებლად<sup>4</sup>.

რა თქმა უნდა, ვერავითარ შემთხვევაში ჩვენ ვერ დავეთანხმებით ავტორს ამ კულტურათა თარიღის ამგვარად დაზუსტებისა და სიტულოს საშუალებით კოლხურ-ყობანური კულტურის ამგვარად „გაახალგაზრდავების“ საკითხში<sup>5</sup>.

კოლხური ცულის თარიღისა და მისი გაჩენის შესახებ, იგი მიუთითებს, რომ

<sup>1</sup> ბ. კულტინი. დასახ. ნაშრ., გვ. 71, სურათი 76, ბაიერნისეული სამარხი 583.

<sup>2</sup> თქმვა ერთ-ერთ თავის შრომაში „К вопросу о ранних сталях бронзовой культуры на территории Грузии“ იგი პირდაპირ აცხადებს, რომ, როდესაც საქართველოს მუზეუმის არქეოლოგიური გამოყენის მოსაწყობად მიმდინარეობდა მუშაობა, მის მიერ დაჯგუფებული იყო მუზეუმის არქეოლოგიური მასალები სამარხებზე და კომპლექტებზე—სამთავროს (ბაიერნის მიერ გათხრილი მასალები), რედკინლაგერისა და სხვ. დასახ. ნაშრ., გვ. 7.

<sup>3</sup> Б. А. К у ф т и н. Урартский „колумбарий“ у полошвы Арарата и Куро-Аракский энселит. საქ. სახ. მუზეუმის მოამბე, XIII-В, 1947, გვ. 26, 27, 68.

<sup>4</sup> ბ. კულტინი. დასახ. ნაშრ., გვ. 68.

<sup>5</sup> ი. ჯაფარიძე თავის შრომაში „კოლხური ცული“ სწორად შენიშნავს, რომ ბ. კულტინის ცდა კოლხური კულტურის „გაახალგაზრდავებისა“ არ უნდა იყოს სწორი. იხ. ი. ჯაფარიძე. კოლხური ცული. საქ. სახ. მუზეუმის მოამბე, XVI-В, გვ. 84.

კოლხური ცული ყალიბდება ძვ. წ. II და I ათასწლეულთა მიჯნაზე. მთიან რაიონებში, — აღნიშნავს იგი, — რკინა გაცილებით გვიან ჩნდება, არა უადრეს II და I ათასწლეულთა მიჯნისა. ამავე ქრონოლოგიურ ზღვართან მივყევართ აღმოსავლეთ შავი ზღვისპირეთში კოლხურ-ყობანური ცულის გაფორმებას<sup>1</sup>. თუ სწორია, რომ კოლხური ცული ძვ. წ. II და I ათასწლეულთა მიჯნაზე ჩამოყალიბდა, ან კოლხურ-ყობანური ბრინჯაოს კულტურაა, თავისი წამყვანი საომარი ცულებით ურარტუ-ვანის სამეფოს დროინდელია, კოლხური ცული როგორღა მოხვდა გვიანბრინჯაოს პერიოდის ბეშთაშენის სამარხებში?

ამრიგად, როგორც ზემოთ გვქონდა აღნიშნული, ერთისა და იმავე დროისა და ხასიათის ძეგლის დათარიღებისას ბ. კუფტინი სხვადასხვა შრომაში სხვადასხვა თარიღს იძლევა, უფრო სწორად წინააღმდეგობაში ვარდება ერთი ხასიათის სხვადასხვა ძეგლების ხროვანების განსაზღვრის დროს.

პროფ. გ. ნიორაძე არაერთხელ შეხებია ისეთი ინვენტარის დათარიღების საკითხს, რომელიც ჩვენი მასალის ახლო პარალელს წარმოადგენს. ათარიღებს რა სასირეთის განძს, იგი მას სამთავროს ორმოსამარხთა ინვენტარს უკავშირებს და აღნიშნავს, რომ იგი ძვ. წ. XIII საუკუნეზე ადრეული არ იქნებაო<sup>2</sup>. გომნაში აღმოჩენილ არქეოლოგიურ ნივთებსაც გ. ნიორაძე სამთავროს „ქვენიადგის“ სამარხების სინქრონიულად თვლის და მათაც იმავე აბსოლუტურ თარიღს აძლევს<sup>3</sup>. დმანისის ნეკროპოლს კი ავტორი ძვ. წ. X—IX საუკუნეებს მიაკუთვნებს<sup>4</sup>.

შრომაში „ქვიშარის არქეოლოგიური ძეგლები“ პროფ. გ. ნიორაძე აღნიშნავს, რომ „სოფ. ქვიშარის განძი (ე. წ. ყობანის ტიპის ცულები და მათთან დაკავშირებული სხვადასხვა სახის ნივთები) არ უნდა მივაკუთვნოთ XII საუკ. უფრო ადრეულ დროს ჩვენს წელთაღრიცხვამდე“<sup>5</sup>.

ივანოვსკი არჩევს რა მის მიერ წლების განმავლობაში მოპოვებულ მასალებს (ქელაბეკის, ყალაქენის, ყარა ბულაღსა და სხვა ადგილებში მოპოვებულს), რომელთაგან ზოგიერთი (განსაკუთრებით კერამიკა) ახლო პარალელს პოულობს ჩვენს მასალებთან, მიუთითებს, რომ ქვაყუთებში აღმოჩენილი (როგორც ქალთა, ისე მამაკაცის სამარხების) ინვენტარი თითქმის მთლიანად ბრინჯაოსია, ეს ბრინჯაოს ხანაა, მაგრამ იგი დასასრულს უახლოვდება, რადგან დრო და დრო ბრინჯაოს ინვენტართან სამარხებში რკინის ტლანქი ნაკეთობაც ჩნდება<sup>6</sup>.

ე. ი. კრუპნოვი ცდილობს რა მოგვეცეს ა. კავკასიის ბრინჯაოს კულტურის თარიღი, მიუთითებს ორ მომენტს; ერთია ხოჯალის № 11 ყორღანში აღმოჩენილი მძივი, რომელზედაც ადადნიარის სახელია ამოკვეთილი. ამ ასურულ მძივს ავ-

<sup>1</sup> Б. А. К у ф т и н. Арх. рас. в Триалети. გვ. 72.

<sup>2</sup> გ. ნიორაძე. დასახელებული ნაშრომი, გვ. 97.

<sup>3</sup> გ. ნიორაძე. არქეოლოგიური დახვედრები მტკვრის ხეობაში. საქ. სახ. მუზეუმის მოამბე, ტ. XIII-B, თბილისი, 1947, გვ. 211.

<sup>4</sup> გ. ნიორაძე. დმანისის ნეკროპოლი და მისი ზოგიერთი თავისებურება. საქ. სახ. მუზეუმის მოამბე, ტ. XIV-B, თბილისი, 1947, გვ. 56.

<sup>5</sup> გ. ნიორაძე. ქვიშარის არქეოლოგიური ძეგლები. საქ. სახ. მუზეუმის მოამბე, ტ. XV-B, თბილისი, 1948 წ. გვ. 20.

<sup>6</sup> ივანოვსკი. დასახ. ნაშრ., გვ. 170.



ტორი უკავშირებს მეფე ადადნიარ მეოთხეს, რომელიც მეფობდა VIII საუკუნეში, და დასკვნის, რომ ა/კავკასიის ბრინჯაოს კულტურის ერთი ყველაზე ადრეული თარიღი ძვ. წ. VIII საუკუნეაო.

მეორე მაგალითად მას კარმირ-ბლურზე აღმოჩენილი აღმოსავლურ-ქართული ცულის ტუფისაგან გაკეთებული ყალიბი მოაქვს, რომელთანაც თითქოს ყოფილა ურარტუს მეფე რუსა II-ის ლურსმული წარწერიანი ფრაგმენტი (ძვ. წ. VII საუკუნე) და დასკვნის—ეს არის ა/კავკასიის ბრინჯაოსათვის მეორე დასაყრდენი თარიღი<sup>1</sup>. ჩვენ ვერ დავეთანხმებით ავტორს ამ საკითხში. არავითარ შემთხვევაში მის მიერ მოტანილი მასალები არ არის დასაყრდენი ამ კულტურის თარიღის დასადგენად. ერთი მხრივ, იმიტომ, რომ არ არის გარკვეული, რომელი ადადნიარის სახელია მძივზე ამოკვეთილი; აკად. მეშჩინინოვმა შეცვალა თავისი ძველი მოსაზრება ადადნიარ IV-ით, რომ თვლიდა მძივზე ამოკვეთილ სახელს.

მეორე მხრივ, აღმოსავლურ-ქართული ცული ა/კავკასიაში დიდი დროის განმავლობაში განაგრძობდა არსებობას. იგი გვხვდება, როგორც გვიან ბრინჯაოს პერიოდში (როდესაც კავკასიაში ჯერ კიდევ არ არის შემოსული რკინა) ისე ისეთ სამარხებშიაც, სადაც რკინა ბატონობს. რა თქმა უნდა, დროს ამ დიდ მონაკვეთზე (ძვ. წ. XIII-VII სს.) თავიდანვე საგულისხმებელია ცულის ჩამოსასხმელი ყალიბიც. ამდენად მისი აღმოჩენა VII ს. ლურსმულ წარწერასთან ერთად არ იქნებოდა გასაკვირველი. მეორე მხრივ, არც ის არის ზუსტად დადგენილი, ნამდვილად იყო თუ არა წარწერა და ცულის ყალიბი ერთ ფენაში. ამდენად ა/კავკასიის ბრინჯაოს კულტურისათვის ე. კრუპნოვის მიერ დადგენილი თარიღი შემცდარი გვევლინა. არქ. ვობეჯიშვილი თავის საკანდიდატო დისერტაციაში ჩუგლუგა ცულის ფორმის საკიდების განხილვისას აღნიშნავს, რომ „როგორც ზემოთ დასახელებული განძები, აგრეთვე სომხეთში აღმოჩენილი ყალიბები, იმაზე მიგვითითებს, რომ ამაზონური ტიპის ნაჯახები გავრცელებული ყოფილა კოლხურ-ყობანური უძველესი კულტურის პერიოდიდან და არსებობას განაგრძობდა ვანის სამეფოს დასასრულამდე“<sup>2</sup>.

ს. მაკალათია ერთ-ერთ თავის შრომაში ერთსა და იმავე დროს განიხილავს სასირეთის განძსა და გოსტიბეში აღმოჩენილ იმ არქეოლოგიურ მასალებს, რომელიც შედგება კოლხური ცულისა, მასრაგახსნილი შუბისპირისა და ბრინჯაოს-ტარიანი აღმოსავლურ-ქართული სატევრისაგან. მოჰყავს რა რიგი ანალოგიები სამთავროდან, ყობანიდან და სხვა ადგილებიდან, ის ასკვნის, რომ ქვემო გოსტიბესა და სასირეთის აღნიშნული არქეოლოგიური ძეგლები შეიძლება მივაკუთვნოთ ყობანურ-სამთავროულ კულტურათა ჯგუფს, ე. წ. კავკასიური ბრინჯაოს ხანას. რომელიც დათარიღდება ჩვენს ერამდე დაახლოებით XIII საუკუნით<sup>3</sup>. ხოლო ფლავიუსიანის ნეკროპოლის არქეოლოგიურ მასალებს იგი ყობანის, დელიჯანის, სამთავროს, ახტალა-ალიეერდის არქეოლოგიურ მასალებს უკავშირებს და ასკვ-

<sup>1</sup> Е. И. Крупнов. Каагентский могильник—памятник древней Албавии. Труды гос. истор. музея, вып. XI, сборник статей по арх. СССР, Москва, 1940, 83. 15.

<sup>2</sup> ვ. ვობეჯიშვილი. დასახ. ნაშრ. გვ. 142.

<sup>3</sup> S. Makalatiia. Decouvertes archeologiques en Georgie en 1930. Sonderabdruck aus den Mitteilungen der Anthropologischen Gesellschaft in Wien. Bd 62, Wien, 1932, 83. 109.



ნის, რომ ყველა ეს მასალები ბრინჯაოდან რკინაზე გარდამავალ ხანას და რომ ეს სამარხები დათარიღებულია ძვ. წ. XIII—IX საუკუნეებით<sup>1</sup>. სამთავროში, ყობანსა და სხვა ადგილებში არა მარტო გარდამავალი პერიოდის სამარხებია, არამედ უფრო ადრეული და გვიანიც. ამდენად ამგვარი ზოგადი დათარიღება ამ ძეგლებისა, ვფიქრობთ, დღეს უკვე უარყოფილ უნდა იქნეს. რაც შეეხება ფლავისმანის ნეკროპოლის არქეოლოგიურ მასალებს (თავზეა საკინძი, ფოთლისებური ტანშეურჩენელი სატევარი, თიხის სადღვებლები და ზოგიერთი სხვა ნივთები), მათი შედარება სამთავროულ და სხვა არქეოლოგიურ ძეგლებთან უფლებას გვაძლევს ისინი სამთავროს უძველესი ორმოსამარხების თანადროულად ჩავთვალოთ.

არქ. ა. აფაქიძე ბაკურციხის არქეოლოგიურ ძეგლთა დათარიღებისას ასკვნის, რომ ბაკურციხის, ზემოაქვალისა და სამთავროს ორმოსამარხები მიეკუთვნება ჩვენს წელთაღრიცხვამდე II ათასწლეულის დასასრულსა და პირველის დასაწყისს, როცა ბრინჯაოს კულტურა თანდათანობით გზას უთმობდა ახლად აღმოჩენილ რკინის კულტურას<sup>2</sup>.

აღ. კალანდაძე, როდესაც სამთავროს სამაროვანის ჩრდილო უბნის სამარხების ზოგად მიმოხილვას იძლევა, შემდეგ მოსაზრებას გამოთქვამს: ჯერჯერობით კი ჩვენთვის დასაბუთებულად უნდა ჩაითვალოს დებულება (სანამ უადრესი პერიოდების აშკარა და ყოველმხრივ შესწავლილი დოკუმენტები არ გაგვაჩნია), რომ მცხეთის ისტორია განვითარებული ბრინჯაოს ხანით, შეიძლება, მისი უკანასკნელი საფეხურით უნდა დაიწყოს და შემდეგ, ეხება რა უშუალოდ სამარხების ტიპებს, სამარხებიდან დაახლოებით ერთ მეექვსედზე ცოტა ნაკლებს გამოყოფს, რომლებსაც განვითარებულ ბრინჯაოს აკუთვნებს<sup>3</sup>.

გ. ლომთათიძე სამთავროს ორმოსამარხებში აღმოჩენილ მრავალრიცხოვან იარაღთან ერთად თვით სამარხებსაც იხილავს და ამ უკანასკნელთა მიხედვით იარაღთა ცალკეული ქრონოლოგიური ჯგუფის თარიღსაც იძლევა.

ერთადერთ ყორღანული ტიპის სამარხს, რომელშიაც ოთხწახნაგოვანი საგმირავეი მახვილი იყო აღმოჩენილი, იგი შუაბრინჯაოს ხანით ათარიღებს. მომდევნო პერიოდის მასალებს დაჯგუფებას შემდეგნაირად წარმოგვიდგენს:

„სამთავროს ორმოსამარხთა უძველესი ფენა და მასში წარმოდგენილი ფოთლისებური სატევრის პირები განვითარებული ბრინჯაოს ხანის და II ათასწლეულის ბოლო ორიოდ საუკუნის კუთვნილად უნდა ჩავთვალოთ, მომდევნო ფენები ბრინჯაოსტარიანი სატევრებისა და მახვილების შემცველი, II და I ათასწლეულთა მიჯნისა და მიჯნის აქეთ სამიოდე საუკუნის კუთვნილად, ხოლო რკინის სატევარმახვილთა შემცველი სამარხების ასაკი I ათასწლეულის VII საუკუ-

<sup>1</sup> ს. შაკალაძე. ფლავისმანის უძველესი ნეკროპოლი. საქ. სახ. მუზეუმის მოამბე, ტ. V, თბილისი, 1930.

<sup>2</sup> ა. აფაქიძე. ბაკურციხის არქეოლოგიური ძეგლები. სადისერტაციო ნაშრომი, თბილისი, 1940, გვ. 187.

<sup>3</sup> აღ. კალანდაძე. მცხეთა-სამთავროს არქეოლოგიური ექსპედიციის ჩრდილო ჯგუფის 1938—39 წწ. მუშაობის წინასწარი მოკლე ანგარიში. თბილისი, 1940.





ნიდან აქეთ უნდა ვიანგარიშოთ<sup>1</sup>. ჩვენ ვიზიარებთ გ. ლომთათიძის მიერ ორმოსამარხთა ამგვარად დაჯგუფებას, მაგრამ შეიძლებოდა მის მიერ წარმოდგენილი შუაფენის კიდევ უფრო დიფერენცირება, უფრო დაზუსტება და ვიწრო მონაკვეთების მიხედვით ცალკე ფენების გამოყოფაც კი. საქმე იმაშია, რომ ავტორის მიერ წარმოდგენილი შუა ფენა, რომლის თარიღი XII-დან VIII საუკუნემდე მოდის<sup>2</sup>, სამთავროს სამაროვანის ორმოსამარხთა ძირითადი ფენაა და შეიცავს დიდძალ და მრავალრიცხოვან მასალას, არა მარტო სამარხთა რაოდენობის თვალსაზრისით, არამედ თვით ნივთების სიმრავლით, მისი სხვადასხვაობით; ამავე დროს ამ პერიოდში საკმაო რაოდენობითაა წარმოდგენილი, მეტ-ნაკლები რაოდენობით, რკინის ნივთების შემცველი სამარხები.

სხვადასხვა სამარხების კომპლექსების შესწავლამ დაგვარწმუნა, რომ ამ დიდი მონაკვეთის ფარგლებში მოქცეულ მასალებში დიდი და აშკარა განსხვავებაა. ჩვენ შევხვებით მთლიანადსხმული სატევრიანი სამარხების განხილვას, რადგან ამ უკანასკნელს უშუალო დამოკიდებულება აქვს ჩვენს მასალასთან. ექვსჯერ ჩატარებულმა არქეოლოგიურმა ექსპედიციამ სამთავროს სამაროვანზე ბრინჯაოს ტარიანი ნ. სატევარი გამოავლინა. ასეთი სატევრის შემცველი სამარხები აშკარად ოთხ მომენტზე მიუთითებს: ერთი, რომ ჯერ კიდევ სატევრის შემცველ ორმოსამარხებში არ ჩანს რკინა. მეორე — უძველესი ორმოსამარხების „ტრადიციების“ საფუძველზე ჯერ კიდევ სამარხთა ინვენტარი ერთფეროვანია, არ არის ე. წ. მდიდრული მრავალი ინვენტარის შემცველი სამარხები, რაც შემდეგ პერიოდში აშკარად ჩანს. მესამე — ჯერ კიდევ სამარხებში არქაულობის მომასწავებელი ელემენტებია შემორჩენილი და მეოთხე — ბრინჯაოს ტარიანი სატევრები ჩნდება უძველესი ორმოსამარხების „წილში“, იმ პერიოდში, როდესაც ჯერ კიდევ განაგრძობენ არსებობას ფოთლისებური ტარშეურჩენელი სატევრები, თავზეა საკინძები და სხვა. საილუსტრაციოდ საკმარისია დავასახელოთ რამდენიმე მაგალითი. სამთავროს სამხრეთ უბანზე გათხრილი № 44 სამარხში ბრინჯაოსტარიანი სატევართან ერთად აღმოჩნდა თავზეია და სოკოსებურთავიანი საკინძები. ასევე № 87 და სხვა სამარხები, რომლებშიც აღმოჩენილია ბრინჯაოსტარიანი სატევრები, შეიცავენ ისეთ მასალებს, რომლებიც გვხვდება ფოთლისებურ ტარშეურჩენელ სატევრებთან და სხვა ასეთ მასალებთან ერთად. № 263 სამარხში ფოთლისებურ ტარშეურჩენელ სატევართან ერთად აღმოჩნდა თავზეია და სოკოსებურთავიანი საკინძები. №№ 284, 261, 232, 5, 22, 228 და სხვა სამარხებშიაც ასეთივე რიგის ნივთებია აღმოჩენილი.

ამრიგად, როგორც ჩანს, არა ერთეული შემთხვევაა სამთავროში, როდესაც ნამდვილად აღრეული პერიოდის სამკუთხა ფოთლისებურ ტარშეურჩენელ სატევართან ერთად ზუსტად ისეთივე ინვენტარი გვხვდება, როგორიც ბრინჯაოსტარიანი მთლიანადსხმულ სატევრებთან სამთავროსა და თბილისის სამარხებში.

ამიტომ ჩვენ გვგონია, რომ სამთავროში აღმოჩენილი ბრინჯაოსტარიანი სატევრების წარმოშობა სამთავროს უძველეს სამარხთა იმ ეტაპს უნდა დაუკავ-

<sup>1</sup> გ. ლომთათიძე. ბრინჯაოს სატევრები და მახვილები სამთავროს უძველეს სამარხებში. საქ. ნდი. ბტო. დ. სტრატეგია, თბილისი, 1944, გვ. 335—356.

<sup>2</sup> მისივე, დასახ. ნაშრომი.

შიროთ, როდესაც ამ სამარხების შემცველი ინვენტარი ნელ-ნელა გზას უთმობს უფრო განვითარებულ იარაღ-სამკაულებს, რომ, სწორედ, ამ უძველესი ორმო-სამარხების უკანასკნელ ეტაპზე წარმოიშობა ბრინჯაოსტარიანი სატევრები, რომლებიც სამთავროს ფოთლისებური ტარშეურჩენელი სატევრების უშუალო შემცველია. მთლიანადსხმული სატევრები არსებული მასალების მიხედვით განვითარებული ბრინჯაოს პერიოდის ნაყოფია, იმ პერიოდისა, როდესაც აღმოსავლურ-ქართული კულტურა ჯერ კიდევ არ იცნობს რკინას, არ იცის მისი დამუშავება და მოხმარება, მაგრამ, მეორე მხრივ, არქეოლოგიური მონაცემები მოწმობენ, რომ სამთავროსა და სხვა ადგილებში იგი დიდხანს არ ყოფილა ხმარებაში, როგორც გარკვეულად ჩამოყალიბებული იარაღი, იგი მალე გამოსულა ხმარებიდან და გზა დაუთმია დიდი ზომის სატევრებისათვის, რომლებიც მოყვანილობით ისეთებია, როგორიც მთლიანადსხმული სატევრები, იმ განსხვავებით, რომ პირველები უფრო დიდებია, ამიტომ სხვა სახელით — მახვილადაა წოდებული.

გვიანბრინჯაოს მასალებიდან მრავალი მაგალითის მოტანა შეიძლებოდა იმის საჩვენებლად, რომ მთლიანადსხმულ სატევარს მალე ცვლის შედარებით მოკლე მახვილები (45,00, 45,46 სმ სიგრძისა). ამ მასალებში<sup>1</sup> არ გვაქვს არც ერთი ისეთი შემთხვევა, რომ მთლიანადსხმულ სატევართან ერთად სამარხში ძახვილი ყოფილიყოს, ისევე, როგორც ფოთლისებურ სატევართან ერთად მთლიანადსხმული სატევარი. ეს კიდევ ერთხელ ადასტურებს იმ ფაქტს, რომ ისინი ერთი დანიშნულების და ერთიმეორის შემცველი, სხვადასხვა პერიოდში გამოყენებული იარაღებია.

ასეთივე სურათი გვაქვს იმ ადგილებშიც, სადაც კი მთლიანადსხმული სატევარი ჩნდება.

ნავთლულის № 1 სამარხის ინვენტარი მხარს უჭერს და საესეებით ადასტურებს ზემოთ მოყვანილ მოსაზრებას.

როგორც არქეოლოგმა ა. აფაქიძემ გადმოგვცა, ბაკურციხის სამაროვანის გათხრის დროს აღმოჩენილია რამდენიმე სატევარი და მთლიანადსხმული სატევრის შემცველ სამარხებში რკინის რაიმე ნიშანი არ ყოფილა. ასეთივე მდგომარეობაა გომნაშიც. ქვემო გოსტიბეში, სატევართან ერთად, კოლხური ცული და მასრაგასნილი შუბისპირია აღმოჩენილი. ყოველივე ზემოთ აღნიშნულის შემდეგ შეგვიძლია გამოვიტანოთ დასკვნა, რომ აღმოსავლურ-ქართული ტიპის მთლიანადსხმული სატევრები იმ პერიოდის ნაყოფია, როდესაც საწარმოო და საომარ იარაღად ადამიანებს მხოლოდ ბრინჯაო აქვთ გამოყენებული. მას მალე გზა უნდა დაეთმო უფრო მნიშვნელოვან, ხალხთა ცხოვრების წინსვლისათვის უფრო გადამწყვეტი ფაქტორისათვის, რკინისათვის, რომლის შესახებ ენგელსი წერს: „რკინა უკანასკნელი და უმნიშვნელოვანესი იყო იმ ნედლ მასალათა შორის, რომელნიც ისტორიულ რევოლუციურ როლს ასრულებდნენ“<sup>1</sup>.

განხილული მასალა უფლებას გვაძლევს მთლიანადსხმული სატევრების არსებობისა და გამოყენების პერიოდად ვიგულისხმოთ არა მთლიანად XII—VIII სს. (რომელთა მთელ მანძილზე მათ ფაქტიურად არ უარსებიათ), არამედ

<sup>1</sup> ე. ენგელსი. ოჯახის, კერძო საკუთრების და სახელმწიფოს წარმოშობა. თბილისი, 1933, გვ. 194.



უფრო ვიწრო ჩარჩოებით შემოვფარგლოთ დრო, სახელდობრ, ძვ. წ. XII — XI სს.

ო. ჯაფარიძე ცხინვალისა<sup>1</sup> და ბეჟათუბნის<sup>2</sup> განძში შემავალ ნივთებს (რომლებსაც ჩვენ ნავთლულის არქეოლოგიური მასალების თანადროულად ვთვლით) გვიანბრინჯაოს პერიოდს აკუთვნებს. იძლევა რა კოლხური ცულის განვითარების სქემას და კლასიფიკაციას, ო. ჯაფარიძე, არსებულ მასალებზე დაყრდნობით, კოლხურ კულტურას განვითარებულ ბრინჯაოს ხანას მიაკუთვნებს, რაც ქრონოლოგიურად II ათასწლეულის ბოლო საუკუნეებით შემოიფარგლება. კოლხური კულტურის შემცველი კომპლექსები თითქმის მხოლოდ ბრინჯაოს ინვენტარისაგან შედგება და მათში სრულებით არ ვხვდებით რკინას<sup>3</sup>. ამ მოსაზრებას აშკარად მხარს უჭერს ბეშთაშენის № 11 და სამთავროს № 260 სამარხებში აღმოჩენილი კოლხური ცულები. ასევეა სასირეთის განძში, ახალქალაქისა და ცაგერის განძის მასალებში და სხვა.

ბოლოს ო. ჯაფარიძე ასკვნის, რომ გვიან ბრინჯაოს ხანის კოლხური და აღმოსავლურ-ქართული კულტურები სინქრონულად არსებობდნენო; მას კოლხური კულტურის ქვედა ქრონოლოგიური საზღვარი ძვ. წ. XIII საუკუნემდე დაჰყავს<sup>4</sup>.

ამრიგად ჩვენ მეტ-ნაკლები სისრულით წარმოვადგინეთ ის მოსაზრებები, რაც ნავთლულში აღმოჩენილი არქეოლოგიური მასალების თანადროული ძეგლების დათარიღებას შეეხებოდა და ზოგიერთი მათგანის შესახებ ჩვენი მოსაზრებაც გამოვთქვით.

ზოგიერთი არქეოლოგი აღმოსავლურ-ქართული გვიანბრინჯაოს პერიოდის კულტურისა და ამ კულტურის თანადროულ კოლხურ-ყობანური კულტურის დათარიღებისას, როგორც დავინახეთ, სხვადასხვა შრომაში ერთმანეთის საწინააღმდეგო თარიღებს იძლევა (პროფ. კუფტინი).

საქართველოს ტერიტორიაზე აღმოჩენილი მრავალრიცხოვანი არქეოლოგიური მასალების შესწავლამ ზოგიერთ სხვა მკვლევართან ერთად იმ დასკვნამდე მიგვიყვანა, რომ აღმოსავლურ-ქართული ბრინჯაოს კულტურის აყვავება კოლხური კულტურის არსებობის პერიოდს ემთხვევა.

როგორც დავინახეთ, აღმოსავლურ-ქართული ტიპის, მთლიანადსხმული სატევრები ხმარებაში მცირე დროის განმავლობაში ყოფილა (თუ ძირითადად სამთავროს არქეოლოგიური მასალების მიხედვით ვიმსჯელებთ). აშკარაა, რომ ეს იარაღები ფოთლისებური ტარშეურჩენელი სატევრის შემცველია და მას უშუალოდ უძველეს ორმოსამარხთა მომდევნო სამარხები შეიცავენ. დღესდღე-

<sup>1</sup> ო. ჯაფარიძე, ცხინვალის განძი, საქ. სახ. მუზეუმის მოამბე, ტ. XIV-ბ, თბილისი, 1950, გვ. 99—109.

<sup>2</sup> ო. ჯაფარიძე, ბეჟათუბნის განძი, საქ. სახ. მუზეუმის მოამბე, ტ. XIV-ბ, თბილისი, 1950, გვ. 217—221.

<sup>3</sup> ო. ჯაფარიძე, კოლხური ცული, საქ. სახ. მუზეუმის მოამბე, ტ. XVI-ბ, თბილისი, 1950, გვ. 82.

<sup>4</sup> იქვე, გვ. 85.



ობით არც ერთი შემთხვევა არ არის ცნობილი, რომ მთლიანადსმული სატევრის შემცველი სამარხის კომპლექსი რკინას შეიცავდეს. მახვილების გაჩენასთან ერთად მთლიანადსმული ბრინჯაოს სატევრები ქრება და ამ დროიდან სამთავროს სამაროვანზე ნელ-ნელა იწყებს შემოსვლას რკინა.

არც ერთი შემთხვევა არ არის დადასტურებული, რომ მთლიანადსმული სატევრების არსებობის და გამოყენების დროს, რომელიმე სხვა ტიპის მახვილს ეარსება. ამიტომ გვსურს გამოვყოთ მახვილების შემცველი სამარხებიდან მთლიანადსმული სატევრებიანი სამარხები, ჩავთვალოთ ისინი შუალედად უძველეს ორმოსამარხებსა და მახვილების შემცველ ორმოსამარხებს შორის და მათი თარიღი მიახლოებით ძვ. წ. XII—XI საუკუნეებით განვსაზღვროთ.

ამასვე უჭერს მხარს მთლიანადსმულ სატევრებთან ერთად თავხვია საკინძის თანამგზავრობა.

ფოთლისებური ბრინჯაოსტარიანი სატევარი აშკარად უფრო ადრეული პერიოდის სამარხშიაც შეგვხვდა (ღრმა-ლელე), მაგრამ ეს არ გამორიცხავს მომდევნო პერიოდში ასეთი იარაღის შემონახვის შესაძლებლობას, რაც კიდევ უფრო ამტკიცებს იმ მოსაზრებას, რომ ნავთლულის ორმოსამარხთა თარიღი ძვ. წ. XI საუკუნის აქეთ არ უნდა გადმოვწიოთ. იგივე შეიძლება ითქვას მასრაგახსნილ შუბისპირზე, რომელიც ჩამოსხმული კი არ უნდა იყოს, არამედ ნაჭედი. ბოლოს, აღმოსავლურ-ქართული კულტურის ერთ-ერთი წამყვანი იარაღი — საომარი ცული, როგორც ზემოთ გვქონდა აღნიშნული, ხანგრძლივ გამოყენებაშია, რომლის დროსაც იგი თანდათანობით იცვლის ფორმასა და წონას. იგი გვხვდება ისეთ სამარხებში, სადაც ჯერ კიდევ რკინა არა ჩანს და ისეთ სამარხებშიც სადაც რკინისა მხოლოდ ნიშანია, ან უკანასკნელი ბატონობს კიდევ.

ეს დიდი, ყუაზე შვერილიანი, აღმოსავლურ-ქართული ტიპის ცულები სამარხის ცულთა ყველაზე ადრეული სახე ჩანს.

ასევე შეგვიძლია ვილაპარაკოთ კერამიკის შესახებ, რომლის ირგვლივ ძუნწად, მაგრამ მაინც გვქონდა საუბარი. მოტანილი მასალის შესწავლის საფუძველზე, ვფიქრობთ, არ შეეცდებით, თუ ვიტყვით, რომ ნავთლულში აღმოჩენილი ნივთები განვითარებული ბრინჯაოს პერიოდისაა, რომ ამ მასალის ასაკის ზედა საზღვარი არ უნდა გადმოცდეს ძვ. წ. XI საუკუნის მიწურულს, ხოლო ქვედა საზღვარი შეიძლება მიტანილ იქნეს ძვ. წ. XII საუკუნის საწყისამდე.

ამრიგად, ნავთლულში აღმოჩენილი მცირედი, მაგრამ მრავალფეროვანი არქეოლოგიური მასალა, კერძოდ, № 1 სამარხის საინტერესო კომპლექსი, აღმოსავლურ-ქართული კულტურის გვიანბრინჯაოს ხანის შესანიშნავ ნიმუშად უნდა ჩაითვალოს. იგი, ალბათ, დიდ დახმარებას გაუწევს მკვლევარ არქეოლოგებს აღმოსავლურ-ქართული კულტურის, მისი ერთი მონაკვეთის გვიანბრინჯაოს პერიოდის კულტურის შესწავლის საქმეში. მეორე მხრივ, იგი იძლევა საშუალებას ნაწილობრივ მაინც დავაზუსტოთ ჩვენი წარმოდგენა აქაური მოსახლეობის და მის მოსაზღვრე რაიონების მოსახლეობას შორის არსებულ ურთიერთობაზე. კერძოდ, ნავთლულში აღმოჩენილ მასალებში ვხვდებით ისეთ ნივთებს (ფოთლისებური ბრინჯაოსტარიანი სატევარი), რომლის მსგავსს ჯერჯერობით არ იცნობს თბილისიდან აღმოსავლეთით აღმოჩენილი კომპლექსები და დასავლეთითაც მისი გავრცელების საზღვარი შორს არ მიდის (წეროვანი), საომარი ცულის



ზუსტი პარალელი ძირითადად შიდა ქართლშია მოპოვებული (სასირეთი, მეტეხა, მეჯვრისხევი), თუმცა ერთი ასეთი ცული ცაგერის განძშიც არის. აღმ. ქართული სატყვერის უახლოესი პარალელები მოპოვებულია როგორც კახეთში, ისე სამთავროში. საინტერესოა ის ფაქტიც, რომ ნავთლუღის საკინძი, რომელიც ბოლოვდება ცხვრის თავის სტელიზედული გამოსახულებით, ზუსტ პარალელს ჯერჯერობით ვერსად ვერ პოულობს. საინტერესოა აგრეთვე კერამიკული ნაწარმის ცალკეული სახეები, სახელდობრ, ნავთლულში არის ისეთი ჭურჭელი, რომლის ზუსტი პარალელი არ შეგვიწინავს თბილისის მოსაზღვრე, თუ არამოსაზღვრე რაიონებში (ფეხებიანი ჭურჭელი). ჭურჭელთა დიდი ნაწილის პარალელები უმთავრესად მცხეთასა და ავჭალაში გვხვდება. აზერბაიჯანისა და სომხეთის ტერიტორიაზე დიდი რაოდენობითაა აღმოჩენილი იმ ჭურჭლის ახლო პარალელები, რომელსაც ორი ყური და სადგამიანი ჰორიზონტალური შვერილები აქვს. როგორც მოტანილი შესადარებელი მასალა გვიჩვენებს, ნავთლუღის არქეოლოგიური ნივთები ყველაზე მახლობელ ანალოგიებს ზემო ავჭალის, მცხეთის, გორისა და კასპის რაიონის არქეოლოგიურ მასალაში პოულობს.

ამრიგად შეგვიძლია დავასკვნათ, რომ თბილისის გეოგრაფიული მდებარეობა გზაჯვარედინზე მას უძველეს პერიოდშიაც დიდ მნიშვნელობას ანიჭებდა.

განხილული არქეოლოგიური მასალა უფლებას გვაძლევს ვთქვათ, რომ აქაური მესაქონლე და მიწათმოქმედი მოსახლეობა იმ ძველ ხანაშიც ჰქმნიდა იარაღ-საჭურვლის თუ სამკაულის და კერამიკული ნაწარმის ორიგინალურ სახეებს, უხვად უზიარებდა მეზობლებს თავის კულტურულ მონაპოვარს და მეზობელ ტომების მიღწევებითა და გამოცდილებებითაც საქმარისად სარგებლობდა.

Д. КОРИДЗЕ

## ПОЗДНЕБРОНЗОВЫЕ АРХЕОЛОГИЧЕСКИЕ ПАМЯТНИКИ ИЗ ТБИЛИСИ (НАВТЛУГИ)


Резюме


Автором монографически исследованы археологические материалы, добытые им на юго-восточной окраине гор. Тбилиси, в Навтлуге.

Материалы эти происходят из 8 грунтовых погребений некрополя; количество предметов доходит до 55, из коих керамика—в наибольшем количестве, исключительно интересна; бронзовые предметы—имеются в малом количестве и сердоликовые бусы.

Изучив немногочисленный, но исключительно многообразный инвентарь, в частности инвентарь погребения № 1,—бронзовый топор и кинжал с рукояткой, наконечник копья с открытой втулкой, глиняный сосуд с ножками в виде человеческих обутой ног и ручками в виде фигурок барана, бронзовый крюк, бронзовую булавку с закрученной головкой, медный котел,—автор приходит к выводу, что Навтлугский некрополь должен быть отнесен к восточно-грузинскому культурному кругу периода









1




2



3




4




b









5
























ქართული  
ენების  
სამეცნიერო  
ცენტრი





1



3



4



6




5




7























поздней бронзы и что, таким образом, он умещается в рамках XII—XI в. до н. э.

Изучение этого материала имеет весьма важное значение, оно, с одной стороны, устанавливает факт заселения и этой части территории столицы Грузии еще в XII в. до н. э., с другой—дает возможность проследить связи, имевшие место между населением этой территории и других отдельных областей, а также дает твердо установленные положения для определения памятников позднебронзовой эпохи.

---



6. რახვიაშვილი

ქართული სამეშრნეო იარაღი

ქსნური ქარჩი<sup>1</sup>

საქართველოს ეთნოგრაფიულ სინამდვილეში უკანასკნელ ხანებამდე შემონახა ძველი სამეშაო იარაღების საყურადღებო ტიპები, რომელთა შორის განსაკუთრებულ ინტერესს იწვევს „ქარჩი“. იგი გვხვდება უმთავრესად მთიანეთში, კერძოდ იმ ადგილებში, რომელთაც მიწისპირისა და ნიადაგის ნაირობა ახასიათებთ.

ქარჩის ძირითად ფუნქციას წარმოადგენს მიწის დამუშავება სათესავად<sup>2</sup>. ამ დანიშნულებით მისი გამოყენების ერთ-ერთ ბუდედ უნდა მივიჩნიოთ ქსნის ხეობა, კერძოდ, ამ ხეობის ზემო მხარე—ახალკორის რაიონი, სადაც ქარჩი ფართოდ იმხარებოდა.

„ქსნური ქარჩი“ (იხ. სურ. 1) წარმოადგენს წერაქვის მსგავს ვიწროპირიან თოხს, რომელიც ორი ნაწილისაგან შედგება: თავისა და ტანისაგან. თავი შეიცავს—„ყუას“, „ყვრიმალთ“ და „სატარეს“. ტანი—„პირს“, „ფხას“, „ნიღრს“ და „გვერდებს“. ქსნური ქარჩის „ყუა-ყვრიმალი“ ერთი სისქისაა. მოყვანილობით „ლულაა“ (ოვალური) და „ქქოა“<sup>3</sup> არ გააჩნია. ტანი—დაქნილი აქვს სოლივით, რომელიც სისქით თანდათან თხელდება, ხოლო სივანით უფრო და უფრო იშლება და წამახულია. ახასიათებს: „მოქანდული“ აღნაგობა, „უფახო“ პირი, თანაზომიერი და „მრგვალი“ ფორმის „სატარე“ (შდრ. სურ. 1ა და 1ბ, ქსნური ქარჩის სახესხვაობები).

ქარჩის დამზადება-გაყვანა

ქარჩის გაქედვას აწარმოებს მკედელი. გაქედვა იმავე წესით წარმოებს, რა სახითაც სხვა სამეურნეო იარაღის—თოხის, წერაქვის, ლორეჩოს და სხვ.

მკედელი იღებს საქარჩედ განკუთვნილ რკინას, რომლის წონა უდრის დაახლოებით ორ კილოგრამს, ახურებს ქურაში საქირო დონემდე და კვერავს მას, ვიდრე დააგვარებდეს. კვერვის გზით ჯერ „შოლტად“ გაიყვანს, შემდეგ „ორტოლად“ მოხრის, ტანს შუა ნაკეცში „სარჩულს“ დაუდებს<sup>4</sup>, რათა ქარჩის

<sup>1</sup> ქსნის ხეობაში ქარჩს ეწოდება—„ქოჩი“, „ქორჩი“, ხოლო მის ნაქნარს—ქორჩანა, შდრ. „ხაჩქა“ (მეგრ.), „აქქუ“ (სვან.).


<sup>2</sup> „სათესავი ყანაა და სათიბელი ქვეყანაა“ (ცხ. გვლ ნმძთლს, იბ, 50).

<sup>3</sup> ქქოა—ამოხეული კისერი (საბა).

<sup>4</sup> ამასთანავე, სწარმოებს ქარჩის დაფოლადება, ე. ი. ფოლადის დართვა იმ შემთხვევაში, თუ მთელი ტანი მძალადი ხარისხის რკინას, ან ფოლადს არ წარმოადგენს.



ჩამოყალიბება—მისი ტანის „დაქნა“ სოლურად შესაძლებელი გახდეს. ამგვარად გამართულ ქარჩის „დედანს“ კვლავ მიაბრუნებს ქურაში, შეუდუღებს სარჩულს, შემდეგ პირს და როდესაც კარგად შეამტყიცებს გამოკვეთს, გამოსახავს ქარჩს. გასრულებული ქარჩი საბოლოოდ „გაიკაზმება“, მკედელი მას სისწორეში მოიყვანს, „მოქანდავს“, აწრობს და ქარჩი უკვე „შედამოთავე-



სურ. 1. ქსნური ქარჩი


ბულ ხელადს“<sup>1</sup> წარმოადგენს. მას ტარის დაგებალა აკლია, რაც მკედლის საქმესარ შეადგენს<sup>1</sup>.

აღსანიშნავია, რომ ქარჩის გაქედვა იმეორებს ძირითადად ძველი ქართული მკედლობის დამახასიათებელი რკინეულის დამზადების წესებს, რომლის მიხედვითაც პირველად კეთდება გასაქმელი ნივთის „დედანი“, ხოლო შემდეგ ყალიბდება თვით საგანი. მეორე მხრით, ქარჩის სატარე, მსგავსად ძველი ქართული ნაქმედი ხელადისა, ხასიათდება თავისებური ფორმით<sup>2</sup>. სატარის ასეთი აგებულება იმდენად ტიპიურია და დამახასიათებელი ქართული მკედლობის ნახელავისა, რომ იგი ერთნაირად ახასიათებს როგორც გაქედელს, ისე ჩამოსხმულ რკინისა და ბრინჯაოს იარაღს. სატარის თავისებურება შეპირო-


<sup>1</sup> ანუ უფრო სწორად და ყაშირში ფესვის ამოსაყრელად ვაკეთებდით ორგვარ ქარჩს. ერთი ბარივითაა—იმას მოსრილი ტარი ეგება და მეორე წერაქვივითაა, იმას სწორი ტარი უნდა (ს. იკოთი, ნასყიდა ზაქარიას-ძე მელაძე, მკედელი, 75 წლისა).

<sup>2</sup> მხედველობაში გვაქვს სატარეს ტიპიური, განსაკუთრებული აღნაგობა, რასაც საფუძვლად უდევს ტარის დაგების გარკვეული პრინციპი. სატარეს ეს სახე მოითხოვს თავისებულ ტარს და მის „გაგებას“ სატარეში ბოლოთი, რადგანაც „სატარეს ხანი“, ანუ ნახვრეტი პირგანიერია ბოლოდან წინამხრით.

ბებულია, კერძოდ, „მუშა-რკინის“ სიმარჯვითა და მოქმედების ეფექტურობით. ქართული „ხელადის“ დაკვირვება გვიჩვენებს, რომ სატარეს აგებულე-



სურ. 1 ა. ქარჩი (მთიულეთი), საქ. მუხ. ეთნ. განყ. კოლ., № 148—13/35




სურ. 1 ბ. ქარჩი გუდამაყრიდან

ბის პრინციპი ითვალისწინებს არა მარტო ტარის მყარად დაგებას, არამედ სიმძიმისა და ძალის წონასწორობის მოწესრიგებას იარაღის მოქმედების პროცესში.



ამგვარად, ქარჩის გაჭედვა, რომელიც ერთი შეხედვით მსგავსაა მსგავსად, საკმაოდ ძნელი და რთული საქმეა. მისი დამზადება გამოცდილ და დახელოვებულ მჭედელს მოითხოვს. რაც მთავარია, სამეურნეო იარაღი საერთოდ „შეთაბუნებული“ უნდა იყოს იმ გარემოსა და ფუნქციას, რომელიც მის პირ-



სურ. 2. „ჩენგი“ (ქარჩი) სამეგრელოდან

დაპირ დანიშნულებას წარმოადგენს. ამ მიმართულებით გარკვეულ როლს თამაშობს როგორც მჭედელი, ისე „მეჭედური“, ვინაიდან ადგილის შესაფერი „მუშა იარაღის“ გაჭედვა მოითხოვს არა მხოლოდ გამოცდილ მჭედელს, არამედ საქმისმცოდნესა და დაკვირვებულ „მეჭედურსაც“<sup>1</sup>. ეს მომენტი „ხელადის“ დამზადების ვითარებაში არსებით მთავარს წარმოადგენს და ამა თუ იმ იარაღის ფორმა-შინაარსს ძირითადად განსაზღვრავს. მჭედელს მოეთხოვებოდა როგორ გამოეჭედა ქარჩი, მაგრამ, თუ როგორი გაეკეთებია, ამას-

<sup>1</sup> „მეჭედური“ ხალხური ტერმინია და მნიშვნელობით უდრის მომზადებულს, შემკვეთელს. იგი აშავე ახრითაა ნახმარი ჩვენ მიერაც. შდრ. „მაშინ სად იყავ ძმა ბადრო, როს ჩემი ხმალი წვლთებოდა; მჭედელი, მეჭედურება დედაბოჲს ეტოლებოდა“ (ნ. რეხვიაშვილი, ხეყურული თქმულებანი, ხელნაწერი).



თანავე მემკედღორს ეხებოდა. ჩვეულებრივ, იმ მკედლის ნახელავი რკინიხელი, რომელიც მემკედღორთა მიერ შემოწმებული და „დაცდილი“ იყო, გარკვეული უპირატესობით სარგებლობდა, მეტი წონა და ფასი ჰქონდა.

### ბარჩის სამეურნეო დანიშნულება

როგორც ზემოთ აღვნიშნეთ, ქარჩი განეკუთვნება „მუშა“ იარაღს. მის „საქარა“ წარმოადგენდა საყანე მიწის ქარჩვა<sup>1</sup>, ერთგვარი ხენა. ამ მხრით ქარჩი დამოუკიდებელი, სპეციალური ფუნქციის სამეურნეო იარაღად გვევლინება. განსაზღვრულ პირობებში—მძაფრად დაქანებული გვერდი ადგილები, „ახალპირი“<sup>2</sup>, უსწორო ზედაპირის მქონე ან ქვიანი ნიადაგის შემცველი მიწები და სხვა—ხენა-თესვა მხოლოდ ქარჩით წარმოებდა, ვინაიდან მიწის რელიეფისა და ნიადაგის თავისებურება მიწის დამუშავების სხვანაირ ტექნიკას ვერ მოირგებდა. ჩვეულებრივი ხარსახენელით ხენა და ხენის წესი არ გამოდგებოდა. ეს რეალური ვითარება განაპირობებდა ქარჩის სამეურნეო დანიშნულებასა და კონკრეტულ ფუნქციას.

საერთოდ, „საქარჩავი“ მიწები უმთავრესად მთის ზოლში ექცევა, თუმცა ზეგანისა და ბარის ფარგლებშიც ამგვარი „ლაკადა“, „კოდი“ ადგილები საქმოდ მოიპოვება. როდესაც სათესი მიწები შედარებით ვაკეა და მათ ხარსახენელითა ხნავენ, ქარჩი დამხმარე იარაღის ფუნქციას ასრულებს. იგი, ნახნავეში დარჩენილი ყამირის მოსათოხნად იხმარება. მაგრამ იქ, სადაც ნიადაგისა და მიწის ზედაპირის განსხვავებული პირობებია მოცემული—ძლიერ დაქანებული ფერდობები, ოღრო-ჩოღრო ადგილები, ქვიანი ნიადაგი და სხვა—ხენა-თესვა მხოლოდ ქარჩით<sup>3</sup> წარმოებდა. ამ შემთხვევაში იგი ასრულებდა „ხარ-სახენელის“ როლს და წარმოადგენდა ერთგვარ „ხელსახენელ“<sup>4</sup> იარაღს.

სახენელის როლს ასრულებდა ქარჩი იმ შემთხვევაშიც, როდესაც სათესი მიწა „ახალპირს“, ახალ გატეხილ ახოს წარმოადგენდა, ან ქვიანსა და

<sup>1</sup> „ქარჩვა“ ნასახელარი ზმნა, ქარჩისაგან ნაწარმოები. მნიშვნელობით იგი შეესატყვისება „ხენას“, ხოლო შინაარსით—„თოხნას“. გაუკვეული გაგებით „ხენა“ გულისხმობს ძვარი, უბირი მიწის დაშლასა და მის შემზადებას დასათესად. თოხნა კი—დარღვეული, დახნული მიწის დაფშენასა და ნათესის გამარჯვლას. ამ მიმართულებით ქარჩვა წარმოადგენს თავისებურ ხენას, თუმცა გარეგანი შესრულების მიხედვით უფრო თოხნას წააგავს. ამიტომ ქარჩი პირველ რიგში სახენელ იარაღად უნდა მივიჩნიოთ.

<sup>2</sup> „ახალპირი“ ეწოდება ახლად გატეხილ ახოს, რომლის დახენა პირველ ორწლიანი წინა დროს მხოლოდ ქარჩით შეიძლებოდა. შდრ. „ახალი ნაქვარი“ (მეგრ.), „ახალნატეხი“ (ქართლის მთიანეთი), „ახალნაყი“ და სხვა.

<sup>3</sup> საყურადღებოა, რომ ძველადაც მთიანი და მიუვალი „კორტობი“ ადგილების დამუშავება თოხნითა და ორთოხნითა სწარმოებდა. ვიორგი მთაწმიდელი აღნიშნავს: „ბურღალთოხან (შდრ. „ბურღი“) ყოველნი სოფელნი ქირსა შინა იყენეს დაწინილა უჯარულ და ქირსა მაგიერ უფროთისი სათესავი მთასა შინა იქნებოდა თოხნითა“ (ცხ-იე და ვფთჟს. 48).

1639—40 წწ. რუსეთის მეფის მიერ სამეგრელოში წარმოგზავნილ დესპანს თ. ელინის თავის მოხსენებაში დასახელებული აქვს, რომ „პურს თოხნით სთესვა მთებსა და ბორცვებზე“ (4, გვ. 337); იოტა უფრო მოგვიანებით, 1650—1652 წწ. იგივე ფაქტი აღნიშნული აქვთ რუსეთის ელჩებს—ნიკიფორე ტოლოჩანოვსა და დიაკი იველევს, რომელიც ხახვასმით მიუთითებენ, რომ XVII ს. იმერეთსა და სამეგრელოში გუთანთან ერთად სათესი მიწის დამუშავება თოხნითაც სწარმოებდა (6, გვ. 187).

<sup>4</sup> „ხელსახენელი“, ისევე როგორც „ხარსახენელი“, ვინმარეთ პირობითად, ისე როგორც მას ხალხი ასევეებს და ხშირობს გარკვეული მნიშვნელობით.



„პირგაბმულ“ კორდს. ხარსახენელით ასეთ ადგილებს ვერ ხანდახან აქაც ქარჩი ცვლიდა. ქარჩი შეპირობებული იყო ნიდავისა და რელიეფის თავისებურებებით, ამ შემთხვევაში სამეურნეო ზონას გადამწყვეტი მნიშვნელობა არა ჰქონდა.

ამგვარად, ქარჩი ასრულებდა სახენელის ფუნქციას ხან დამოუკიდებლად და ხან ხარსახენელთან ერთად. მართალია, ქარჩით მიწის „ქარჩვა“ და სახენელით ხენა მიწის დამუშავების განსხვავებულ ტექნიკურ წესს წარმოადგენს, ისევე როგორც თითოეული ეს იარაღი სამეურნეო განვითარების სხვადასხვა საფეხურს გამოხატავს. „ქარჩვის“ დროს ხენა, მიწის ნგრევა სწარმოებს „ცერად“. ქარჩის კვეთება დარტყმითი ხასიათისაა, რომლის დროსაც მქარჩავი პირი, მონგრეულ მიწას თავისკენ აქცევს და აბრუნებს აღმა. ჩვეულებრივი ხენისას მიწის გარღვევა გასწვრივად სწარმოებს. სახენელი მორღვეულ მიწის ბელტებს აღმა-დაღმა აგებს და ხენას უწყვეტელი თანმიმდევრობით ახორციელებს. პირველს მხენელი ამოქმედებს, მეორეს—ამასთანავე გამწევი ძალა. ქარჩი კორტინს, „ჩეკავს“ მიწას; სახენელი—„თინგავს“ და აპობს მას. ქარჩი უფრო თოხის, წერაქვის და მათ თანაგვარ სამუშაო იარაღებს უახლოვდება, ვიდრე გამწევი ძალით მოქმედ სახენელს. ეს პრინციპული განსხვავება არსებით დაბრკოლებას წარმოადგენს იმ შეხედულების მიმართ, რომლის მიხედვითაც სახენელი იარაღის შემუშავება უშუალოდ თოხიდან მომდინარეობს<sup>1</sup>.

საკურადლებოა, რომ მეგრულში ჩვენ გვაქვს თოხნის აღსანიშნავად ორი ტერმინი: „ხაჩქა“ და „ბარგუა“, როგორც პირველი, ისე მეორე ამჟამად დაკავშირებულაა ძირითადად სიმინდის კულტურასთან, მაგრამ ახლო წარსულამდე ეს სახელები უფრო ფეტვისა და მის თანაგვარ მარცვლეულის ხენა-თესვისთან იყო შეთვისებული. სახელები: „ხაჩქა“ და „ბარგუა“ რომ ყოველთვის სინონიმური მნიშვნელობისა არ უნდა ყოფილიყვნენ, ჩანს იქიდან, რომ „ხაჩქა“ დღესაც ზოგადი შინაარსის მატარებელი ცნებაა. იგი აღნიშნავს არა მხოლოდ საკუთრივ „თოხნას“ (მიწის გაფხვიერებას, არამედ—ხენათესვას ზოგადად. „ოხაჩქალი დიხა“ ნიშნავს საერთოდ სახნავ-სათესად განკუთვნილ და გამოსადეგ მიწას (იქნება იგი დახნული, თუ უხნავი), პარალელურად იგი შეიძლება აღნიშნავდეს საკუთრივ „თოხნას“ („ბარგუას“), ამ სიტყვის ვიწრო გაგებით. შექველია, ძველად ტერმინი—„ხაჩქა“ უფრო კონკრეტული მნიშვნელობისა უნდა ყოფილიყო. შეიძლება ვივარაუდოთ, იგი ქართული „ქარჩვის“<sup>2</sup> სატყვისი მეგრული ტერმინი იყო და თავისი პირდაპირი მნიშვნელობით იმასვე აღნიშნავდა, რასაც—„ჩენგერა“ აწინდელ სინამდვილეში. ამ მოსაზრებას ამაგრებს და ნიშანდობლივსა ჰხდის ის გარემოებაც, რომ სამეგრელოს ეთნოგრაფიულ სინამდვილეში შემონახული ერთი საკურა-

<sup>1</sup> აკად. ივ. ჯავახიშვილის შეხედულებით საქართველოში უძველეს დროშივე ორი ტიპის სახენელის შეერთების საფუძველზე, რომელთაგან ერთი წერაქვანირი, ვერტიკალურად გამკვეთი, ხოლო მეორე თოხნაირი ჰორიზონტულად მჭრელი უნდა ყოფილიყო, შეშუშვადერთი სახენელი, რომელსაც შეეძლო ერთდროულად შესრულებია ორივეს ფუნქცია (7, 257).

<sup>2</sup> „ხაჩქისა“ და „ქარჩის“ ურთიერთკავშირი ქართული და მეგრული ენის კანონზომიერების მიხედვით ქართველ ენათმეცნიერთა შესაძლებლად მიიჩნიათ.



დღეობო ხალხური თქმულება გუგულის შესახებ სიტყვა—„ხაჩკე“ სწორედ ამგვარი მნიშვნელობითა ხმარობს: ამ თქმულებით, ახალგაზაფხულზე თბილი ქვეყნიდან დაბრუნებული გუგული მხენელ-მთესველს მიმართავს პირველი მოწოდებით: „ხაჩკე“, „ბარგეშ“-ით, სადაც სიტყვა—„ხაჩკე“ არ წარმოადგენს „ბარგეშ“-ის უბრალო განმეორებას და პარალელური მნიშვნელობით ნახმარს. საფიქრებელია, იგი ქართული „ქარჩე“ (ხანის) სატყვისი ტერმინი იყოს, რომელსაც თან სდევს შემდგომი სიტყვა „ბარგეშ“-ი (თოხნე), როგორც „ხაჩკეშ“-ის ლოგიკური გავრცელება.

ქარჩითი წესით მიწის დამუშავება ნაკლებად ინტენსიური იყო. მიწის, შედარებით დიდი ნაკვეთის დამუშავება მხოლოდ მქარჩავთა რიცხოვრებით გადიდების გზით შეიძლებოდა. თუ დასახნავი ნიადაგი საკმაოდ ფხვიერი, რბილი და ქვიშნარი იყო, ქარჩის ნამუშევარს ერთგვარი ხვავი ჰქონდა, მაგრამ როდესაც იგი „მძინე“, „ლაზე“, „აყალო“, თიხნარი, „ნეკეზი“, „ქვიანი“, „მელქვილი“, „კეჩიხი“ და მგვარი იყო ქარჩით მუშაობას სრულიად მცირე ეფექტი გააჩნდა. ამასთანავე უნდა აღინიშნოს, რომ გამწვევი ძალით მოქმედი სახენელი იარაღების გვერდით, რომელნიც ტექნიკური აგებულებითა და მუშაობის პრინციპით ძირითადად განირჩევიან უბრალო, მარტივი „ხელსახენელისაგან“, ქარჩისათვის ფართო ასპარეზი არც შეიძლებოდა დარჩენილიყო. მხოლოდ უწინარეს ხანში—, „ქარჩითი მეურნეობის“ პერიოდისათვის უნდა ჰქონოდა ქარჩის წამყვანი სამუშაო იარაღის მნიშვნელობა. საქარჩავი იარაღების საქართველოში დამოწმებული ტიპები ადასტურებს მიწათმოქმედების მაღალ კულტურას ძველიდანვე.

აკად. ივ. ჯავახიშვილისა და პროფ. გ. ჩიტაიას ნაშრომებში ფაქტობრივ მასალის ღრმამეცნიერული ანალიზის საფუძველზე გარკვეულია საქართველოს სინამდვილეში სახენელი იარაღებისა და მიწათმოქმედების დაწინაურებული ფორმების შემუშავების საკითხი ისტორიული ხანისათვის<sup>1</sup>.

საქართველოს სხვადასხვა კუთხეში წარმოდგენილია ნაირსახისა და სახელწოდების რიგი სხვა „ხელსახენელი“ ქარჩი: „ჩენგი“, წარკატი (სამურზაყანო, სამეგრელო), „თოხწალკატა“ (გურია), „ბერჯუგი“, „კაფია“, „თოხწერაქვა“ (რაჭა), „თოხურა“, „ბართობა“, „კეკოთობი“ (იმერეთი), საკოდელი, „წალკარტი“ (ლეჩხუმი), „ლაბარჯა“, „ოკრიპულა (სვანეთი), „ჩერკნი“, „ცულწერაქვა“ (ლიახვის ხეობა), „ახოსთოანი“ (ბორჯომის ხეობა), „ქოჩი“ „ქორჩი“ (ქსნის ხეობა), „ქარჩი“, „ცულქარჩი“ (ხევსურეთი, გუდამაყარი, მთიულეთი), „თაძინ“ (სამხ. ოსეთი) და სხვ.

„ჩენგი“ (იხ. სურ. 2)<sup>2</sup>, რომელიც ჩრ. სამეგრელოსა და აფხაზეთის მთიან, „ალაკადა“ ადგილებსლა შემორჩა, გარეგნულად ქსნური ქარჩისაგან

<sup>1</sup> ივ. ჯავახიშვილი. საქართველოს ეკონომიური ისტორია. წიგნი პირველი, ტფ., 1930. გ. ჩიტაია. რაჭული სახენელი. ვნიშვი-ს მოამბე, ტ. I, 1937.

<sup>2</sup> „ჩენგი“ ეწოდება აგრეთვე ვიწროპირიან ცულს, რომელსაც მეტივეები ხმარობენ უმთავრესად. ტერმინოლოგიურად „ჩენგი“ დაკავშირებული უნდა იყოს სახელხნა—„ჩენგულსთან“. რომელიც საერთოდ რისამე ტლანჯად, ბლაგვდ. „უაწიოდ“ შესრულებასა და ასევე უწინა და მოუხენელ შემსრულებელსა ნიშნავს. ჩენგით ნამუშევარ-ნახნავს ეწოდება „ჩენგურელი“, ხილო თვით პროცესს—„ჩენგურა“.

დიდად არ განსხვავდება. ეს ის იარაღი უნდა იყოს, რომლის შესახებაც რუსეთის მეფის მიერ 1639—40 წწ. სამეგრელოში წარმოგზავნილი დესპანი თევდოტე ელჩინი თავის მოხსენებაში აღნიშნავს: „სამეგრელოში პურს თოხებით სთესავენ, ისე რომ საამისოდ სახნავ მიწებს წინასწარ ასუფთავებენ ტყისა და ქვებისაგან (იგულისხმება მოახოება—ნ. რ.)“ [4].

საქარჩავი წალკატი<sup>1</sup> (სურ. 3) წარმოადგენს ძირითადად ორპირ წერაქვას, თუმცა შეიძლება იგი ორმხრიანიც იყოს და ერთმხრიანიც. ცალი პირი საკრელი აქვს, ცალი „საკორტნი“. მუშაობისას მქარჩავს იგი ორივე ხელით უჭირავს და ამოქმედებს საჭიროებისამებრ — ხან ერთი პირით და ხან მეორეთი. წესით ბრტყელი და სოლური პირი მიწის მოსაპრელად გამოიყენება, ხოლო წამახული, წვეტიანი თავი—ქვიანი, პირგაბმული მიწის მოსანგრევად. ამ მხრით წალკატი ასრულებს ორმაგ სამუშაოს ქარჩვის საქმეში. განსაკუთრებით ქვიან ნიადაგში, სადაც „ხარსახენელს“ ძლიერ უჭირდა მუშაობა, წალკატი კარგად მოქმედებდა. იგი უკანასკნელ დრომდე შემოინახა ეთნოგრაფიულ სინამდვილეში.



სურ. 3. წალკატი (რაჭა), საქ. მუხ. ეთნ. განყ. კოლ., № 63—39—54

„ბერჯუგი“ II ბარჯუგი დიდად საყურადღებო იარაღია (სურ. 4). იგი განსაკუთრებით გამოირჩევა თავისი „მტკიცე“ და წარმოსადეგი ტანადობით. ბერჯუგი ფუნქციით ორპიროვანი იყო, სოფლისმეურნეობაში იხმარებოდა სათესი მიწების სახნავად, ხოლო მეღვინეობაში—მადნის შემცველი ქანების სანგრევად. ამჟამად, ბერჯუგი ხმარებაში არ არის.

კაფია<sup>2</sup> წარმოადგენს მალალმხრიან თოხს, რომელიც ერთი შეხედვით ჩვეულებრივი ტიპის თოხისაგან დიდად არ განსხვავდება (სურ. 5). მის დამა-

<sup>1</sup> სტუდენტი გიორგი ბათლომეს-ძე გოგუაძის ცნობით, სათონი „წარკატი“ გურიაშიც იცაან. იგი ჩვეულებრივი ტიპის თოხზე უმძიმესი და უმტკიცესია. იხმარება საბარავ-საქარჩავად მთაგორიან „ლაკადა“ ადგილებში.


საბას მიხედვით—„წალკატი ორწვეროსანი წერაქვია“ [1]. საბას ამ განმარტებიდან ნათლად ჩანს, რომ „წალკატი“ „ორწვერის“, ორთავიანი წერაქვის სატყვისი სახელია. საყურადღებოა, რომ ხალხური ეტიმოლოგიით ამ სატყვის პირველი ნაწილი—„წალ“ წყვილს, ორსა ნიშნავს, ხოლო მეორე ნაწილი—„კატი“ ანუ „კარტი“—წვერს, ნიღრს, კიმს რისამე. ამ შემთხვევაში „წალკატი“ უდრის ორწვეროსან წერაქვს, რაც რეალურ ვითარებას კარგად გამოხატავს და საბას განმარტებას არ ეწინააღმდეგება. შდრ. ფშაური ტერმინი „წაწალი“ (წალ-წალი), ბევსურული „სწორფერი“, რომელიც საერთო აზრით „და-ამობილს“, ტოლებს, წყვილთ აღნიშნავს.

<sup>2</sup> კაფია, ხოჯერთი ცნობით (ხ. ბიძიშვილი, ს. გლოლა), ეწოდებოდა ხის თოხს, რომელიც ერთიანი ხისგან იყო გამოკვეთილი. მისი წინა თავი მოკალედი, პირგამოღილი და თოხი-






ზასიათებელ თავისებურებას წარმოადგენს მალალი, მკვეთრად ჩამოქნილი მხრები, ვიწრო და შვეტი ტანი, სქელი და მძიმე ყუა—ყვრიმლები. ამგვარი აღნაგობისა გამო იგი „ხელმარჯვე“ იარაღი იყო და თავის საქმეს ზედმიწევნით ასრულებდა.



სურ. 4. „ბერჯუგი“ (რაქა), საქ. მუზ. ეთნ. განყ. კოლ., № 61—39—38



სურ. 5. „კალია“ (რაქა), საქ. მუზ. ეთნ. განყ. კოლ., № 63—39—28

„თოხ-წერაქვა“ (იხ. სურ. 6), როგორც სახელიდანაც ჩანს ორმხრიანი საქარჩავი იარაღი იყო, იგი თავს უყრიდა ფუნქციის მიხედვით ბარჯუკისა და კაფიას საქნარს. მხმარებელი თოხწერაქვას ორივე ხელით ხმარობდა. ცალ პირს მიწის „სააფავად“ იყენებდა, მეორე პირს—ფესვთა და ქვათა საწვდელად.

აღსანიშნავია, რომ სატარეს მოყვანილობის მიხედვით თოხ-წერაქვა საკმაო სიძველის ნიშან-კვალს ატარებს.

ბართოხა წარმოადგენს ჩვეულებრივი სახის მიწის საბარავი იარა-

ვით წამახული იყო. უკან მხარე კი ტარს წარმოადგენდა. კაფიას საერთოდ მაგარი ჯიშის ხისას აკეთებდნენ, ცეცხლით შერუჯავდნენ და ისე ხმარობდნენ ხოლმე მიწის დასამუშავებლად. ხის ქარჩი დამოწმებულია სვანეთშიაც. აღ. დავითულაიანის (ენის ინსტიტუტის მუშაკი) ცნობით, ასეთი ხის თოხი სახელად ატარებდა „ლაპარჯს“ და იხმარებოდა ანოებში სამუშაოდ. ზემო რაჭის რიგ სოფლებში კაფია ეწოდებოდა ბოსტნის სამარგულ თოხს ასევე რკინის საკოდელს, რომელიც წისქვილის ქვათა მოსაკოდად იხმარებოდა.

აღსანიშნავია, რომ მიწის სანგრევე იარაღები, მთლიანი ხისა: „ჩეკი“, „ბარულა“ (რაქა), „წამ.“ (სვან.), სულ ბოლო დრომდე შემორჩა საქართველოს ეთნოგრაფიულ ყოფას.






ლის—„ბარის“ მსგავს ქარჩს. მის დამახასიათებელ თავისებურებას წარმოადგენს მაღალი, განიერი და „მწყაზარი“ მზებები. სამკუთხი მოყვანილობის ტანი და წამახული პირი (შდრ. ჩრდ. კავკასიური წერაქვი, საქ. სახ. მუზ. ეთნ. განყ. კოლ. № A 232—89, სურ. 8).

„ქეკო თოხი“ (სურ. 7) რაქული კაფიასაგან მხოლოდ ჩამოკვეთილი მხრებითა და სამკუთხა მოყვანილობის ტანით განიზღე-



სურ. 6. „თოხწერაქვა“ (რაჭა), საქ. მუზ. ეთნ. განყ. კოლ., № 63—39—38



სურ. 7. „ქეკო“ (იმერეთი), საქ. მუზ. ეთნ. განყ. კოლ. № 30—40—5


ვა. ახასიათებს ბასრი და წვეტიანი ნიღრები. სქელი და „ქეჩოიანი“ ყუა. მცირედით მოქანდული აღნაგობა. პირველი დახენა, ანუ „ამზადება“, როგორც ამას იმერეთში უწოდებენ, კეკო თოხით წარმოებდა მიწის მოახრებისას.

ქარჩის სახესხვაობას წარმოადგენს იმერული „თოხ-წალკატა“ (სურ. 7 a), სვანური „ოკრიბულოა“ (სურ. 9, საქ. სახ. მუზ. სვანეთის ეთნოგრაფიული გამოფენა, ფარი მე-5), ქართლური „ჩერკნი“ II „ჩეკი“ (სურ. 10); აფხაზური „აჩავა“ (შდრ. „ჩინგი“, მეგრ.), „აწრკანტ“ (სურ. 11), მრგვალპირიანი წერაქვი (სურ. 12), „იმერული თოხი“ (სურ. 13), რომელიც ფუნქციის შეცვლასთან დაკავშირებით (ანუამად იხმარება სიმინდის სათოხნელად) შედარებით დიდი ზომისა და „პირგორდა“ კეთდება (შდრ. „იმერული თოხი“, გურიიდან, სურ. 14; ლეჩხუმიდან, სურ. 15; სამეგრელოდან, სურ. 16; იმერეთიდან, სურ. 17 და სხვ.). განსაკუთრებით სანტერესოა ამ მხრით მესხური „ყაზმა“ (სურ. 17 a) სოფ. უღედან.

ქარჩი ანალოგს პოუვებს ძველი ხანის სამუშაო იარაღთან, კერძოდ, წინა აზიის მასალასთან (სურ. 18, ბრინჯაოს „ქარჩი“, ტემპეაგრა, E. Speiser-ის მიხედვით, სურ. 19, სპილენძის „ცულწერაქვა“, მესოპოტომია, G. Childe-ის მიხედვით; სურ. 20, ბრინჯაოს „წალკატი“ (წერაქვი), G. Contenau-ს მიხედვით).-ოსური „თაძინი“ ქსნური ქარჩისაგან თითქმის არ განიზღევა. იგი განეკუთ-

ვენება ცალთავიან ქარჩთა წყებას და რაიმე განსაკუთრებული თავისებურება არ ახასიათებს.


ამგვარად, ქსნური ქარჩი განმარტოებით კი არ დგას, არამედ წარმოდგენილია მრავალი სახესხვაობით. ყველა ისინი ძირითადად ერთი დანიშნულებისაა. ფუნქციითა ამ ერთობლიობის ნიადაგზე იქმნება „ხელსახველი“ იარაღების წყება, რომელთა შორის ქსნურ ქარჩს გარკვეული ადგილი უჭირავს.




სურ. 7 a. „თოზ-წალკატა“ (იმერეთი),  
საქ. მუხ. კოლ. № 30—40—3



სურ. 8. წერაქვი (დაღესტანი), საქ. მუხ.  
ეთნ. განყ. კოლ., № 232—89



სურ. 9. „ვკრიბულაა“ (სვანეთი)



სურ. 10. „საჩერკი“, ანუ „ჩერკი“ (ქართლი), საქ.  
მუხ. ეთნ. განყ. კოლ., № 21—48—2



ზემოთ დასახელებული და რიგი სხვა საგულვებელი საქარჩავი იარაღები, გარეგანი მოყვანილობის მიხედვით, შეიძლება რამდენიმე ძირითად ტიპად დანაწილდეს. ეს საქიროცაა, ვინაიდან ნაირსახისა და სახელწოდების ქარჩათა არსებობის ფაქტები სიცხადესა და გარკვეულობას მოითხოვს.

საერთოდ ქარჩი ბეკრნაირი გვხვდება: „ცალთავიანი“, „ორთავიანი“, მათგან — „პირგამახული“, „ბლაგვ-პირიანი“, ტანდობით — „მოქან-დული“, „მყაფრი“ (ვერტიკალური) მათგან: „პირბრტყელი“, „წვერიანი“ და სხვ. სატარეს მიხედვით<sup>1</sup>: „ბრგვალი, კუთხედი, „ლულუ“ (ოვალური); მათგან — „გულლია“, „სარჩილიანი“, „ბუ-ლიანი“, „ყუამალაღი“, „ქეროიანი“ და სხვ....

საერთოდ, საქარჩავი იარაღები საქართველოს ეთნოგრაფიულ ვითარებაში ნაირი სახითა და მდიდრად არის წარმოდგენილი, რაც ერთხელ კიდევ ადასტუ-



სურ. 11. „აწკანტ“, ანუ „აჩაგა“ (აფხაზეთი),  
 მუხ. კოლ. № 14—51—13

სურ. 12. „პირმრგვალი“ წერაქვი (რაჭა),  
 საქ. მუხ. კოლ. № 69—39—35

რებს სოფლის მეურნეობის მაღალ განვითარებასა და ქართველი მეურნის მოწიფულობას ადგილისა და დროის შესაფერისი სამუშაო იარაღის შემუშავების საქმეში. უნდა ვივარაუდოთ, რომ ადგილის „მორგებელი“ და თავისი ფუნქციისათვის „ხელმარჯვე“ სამუშაო იარაღის ჩამოყალიბებას განაპირობებდა მელითონეობის მაღალი კულტურა, აგრეთვე, საქართველოს მიწის რელიეფისა და ნიადაგის თავისებურება. ამ მხრით გასაოცარი ნაირსახეობა სახენელი იარაღებისა საეცებით კანონზომიერ მოვლენას წარმოადგენს, როგორც ეს მეცნიერულად დასაბუთებულია აკად. ივ. ჯავახიშვილისა და პროფ. გ. ჩიტაიას ნაშრომებში.

როგორც ზემოთაც ითქვა, „სახნაე“ ქარჩებს სიმარჯვითა და სახეთა სიუხვით არც „სათოხნი“ თოხები ჩამოუგარდებიან. აქაც ქართველი მიწათ-

<sup>1</sup> სატარეს მიხედვით ქარჩათა შორის ყველაზე უძველესი ჩანს „ბუღემოციელი“ სატარეს ტიპი (იხ. სურ. 12).


მოქმედის ღრმა დაკვირვებით „ძელი“ (წმინდა) და ქვიშნარი ნიადაგის და-  
 სანუშავებლად უმჯობესია საშუალო ტანის, მხარგაშლილი და მცირედით  
 წამოხრილი თოხი, მძიმე, ლამიანი ნიადაგისათვის—დიდი ტანის, ბეკმაღალი  
 თოხი, ხოლო კორდი, ქვიანი ნიადაგის გასატეხად—მძიმე ტანის, პირვიწრო  
 და მხრებდაქნილი თოხი. ამას გარდა, მძაფრი „გამბული“ და „ჯელგი“ მი-  
 წების დასამუშავებლად განკუთვნილია „ბასრიღრიანი“ სამკუთხე მოყვანი-



სურ. 13. „იმერული თოხი“ (ხემო იმერეთი)

ლობის თოხი, ხოლო ფხვიერი, მოსახვეტი ნიადაგისათვის—„კუტი“, „გულ-  
 ჩადრეკილი თოხი“.

ამგვარად, საქართველოს სხვადასხვა კუთხეში იქ, სადაც გამწვევი ძალით  
 მოქმედი სახენელი ვერ უღებოდა ხენა-თესვას თოხ-წერაქვებით აწარმოებ-  
 დნენ. ამ უკანასკნელთ საერთო სახელად ქარჩები ან „ხელსახენლები“ უწო-  
 დეთ. თითოეული ქარჩის დამახასიათებელი თავისებურება ნაკარნახევი იყო



სურ. 14. „იმერული თოხი“ (გურია), საქ. მუხ. კოლ. № 7—40—7

კონკრეტული ფუნქციით. მაგალითად, როდესაც ნიადაგი ქვიანი და პირმტკი-  
 ცე იყო, მიწის მუშაკს სათანადო ქარჩი სჭირდებოდა, სახელდობრ—სქელტა-  
 ნიანი და პირწამახული ქარჩი და ა. შ.

დიფერენცირებული ფუნქციის შესრულების საპირობით იყო გამოწვეუ-  
 ლი ორი ცალკეული ხასიათის ქარჩის გადაბმა და ერთ იარაღში მოქცევა, შერწყ-



მული ქარჩის შემუშავება. ამგვარი ორმაგი იარაღი ადრევე უნდა გამოქვეყნებულიყო პრაქტიკაში. სერაპიონ ზარზმელის ცხოვრებაში მოხსენებული „ორთობი“<sup>1</sup> — „...აღილო ხელითა თვისითა ორთობი რკინისა და გამოქანდაკნა ჯვარნი ლოდ-თა რათმე ზელა დიდთა“ — ნიშანდობლივად მიგვითითებს, რომ წმ. მამას ქვაზე ჯვარის გამოსაქანდაკებლად ორთავიანი თოხი, საკოდელი ჰქონია ხელთ. ორთავიანი სამუშაო იარაღების აღსანიშნავად კომპოზიტური ტერმინების გამოყენება დღემდე შემოინახა, მაგალითად, „თოხ-წერაქვა“, „ბართობა“, ცულ-ქარჩი, „თოხწალკატა“, „ცულ-წერაქვი“<sup>2</sup> და სხვ...

სერაპიონ ზარზმელის ცხოვრებაში (160, 20) მოხსენებული „ორთობის“ გარეგანი ფორმის შესახებ გარკვეულად რაიმეს თქმა შეუძლებელია. არავითარი ცნობები მისი მოყვანილობის შესახებ, სამწუხაროდ, არ დაცულა. სახელწოდების მიხედვით „ორთობი“ ნაწარმოები სახელი ჩინს. იგი, როგორც „სათხროლი“, ორთავიან თოხს უნდა გულისხმობდეს. ამჟამად ეს ტერმინი რეალურად აღარ ჩანს, მხოლოდ მოიპოვება მნიშვნელობის მხრით მისი სატყვისი იარაღი და ასევე სახელი: „თოხწერაქვა“, „ბართობა“, „ცულ-ქარჩი“, „თოხწალკატი“ და სხვ. მათ შორის იგივეობის ნიშნის დასმა, რა თქმა უნდა, არ შეიძლება. უნდა ვივარაუდოთ, რომ „ორთობი“ ნაწილობრივ მინც განსხვავებული ხასიათისა და ფორმისა იყო, მაგრამ ძირითადად რომ ისიც ორთავიანი იარაღი იყო, ამას მისი სახელიც ადასტურებს. მეორე მხრით, თუ გავითვალისწინებთ იმ გარემოებას, რომ საერთოდ სახელი ისტორიულად იცვლიდა შინაარსს და ახალი ცნების აღმნიშვნელი ხდებოდა, გამორიცხული არ არის, რომ ტერმინი „ორთობი“ ხმარებიდან გავიდა და იგი სხვა სახელით შეიცვალა<sup>3</sup>.

ის მცირე ცნობები, რომელიც ამ საკითხთან დაკავშირებით ძველ წერილობით წყაროებშია დაცული, სამწუხაროდ, უფრო ფართო მსჯელობის საშუალებას არ იძლევა.

ამგვარად, ორმაგი ხასიათის ქარჩები წარმოადგენს, ძირითადად, შერწყმას სხვადასხვა ხასიათის მიწის „სათხრელ“ იარაღთა. ამ ნიადაგზე თითოეული მათგანის თითოეული მხარე განსხვავებული ფორმა-მოყვანილობისაა. ერთი თავით რომ მიწას თხრის, მეორეთი — ქვათა ამოწვდას, ან ფესვთა ამოკვეთას აწარმოებს. ამ მხრით საინტერესოა ხევისურული ორთავიანი ქარჩი — „ცულქარჩი“, რომელიც ცალი მხრით მიწას ხნავს, ცალით — საკვეთლის როლს ასრულებს. ხევისურული „ცულ-ქარჩი“ თავისი მოქმედებით მიწის მუშაობისას ახლო დგას ერქვნის იმ ტიპთან, რომელიც თავს უყურის სახნის-საკვეთლის ერთობლივ მოქმედებას და საქმიანობას გარკვეული მიზნით.


<sup>1</sup> ცხ—სსრპ-ნ ზარზმელისა, 17—18.

<sup>2</sup> „...სამყინვარი ფერცხლისა უნდა ტაპაკი, ცულწერაქვი პატარა კერისაგან უმძიმესი, ტარის ბოლო მოქედით, ტარმოკლე, მოქედითი მას ტაბაკსა ზე ძეს...“ (იხ. ხელმწიფის კარის გარიგება, პრ. თ. ვ. თაყაიშვილის რედ., ტფ., 1920, გვ. 10 (20, 223—5)).

<sup>3</sup> „ორთობთან“ დაკავშირებით უნდა ითქვას, რომ ტერმინი „თოხი“ ამჟამადაც ნაირ მნიშვნელობით იხმარება. თოხი ეწოდება ქვის საკოდ იარაღს (გუჩია, თუშეთი), წისკვილის რკინას — „არქს“ (ხევსუთეთი) და საერთოდ მიწის გასათოხნ იარაღს.




წინამდვილეში, თუ მათი ამგვარი სიახლოვე ცალმხრივი არ არის, შედეგად ვიფიქროთ, რომ სახნის-საკვეთლიანი ერქვენის იდეა, წინამორბედი, ქარჩის ნიადაგზე წარმოსდგა. ამ მიმართულებით ერქვენი, საზოგადოდ, წარმოგვიდგება ქარჩის ლოგიკურ გაგრძელებად. კულტურულ-ისტორიული განვითარება



ქანკ. 1-2

სურ. 15. „იმერული თობი“ (ღეჩხუმი), საქ. მუხ. ეთნ. განყ. კოლ. № 62-39-22

რების თვალსაზრისითაც ქარჩითი „მიწარობა“ ერქვენით მეურნეობის უძველეს ფორმას წარმოადგენს. ასევე, თობწერაქვა (იხ. სურ. 6) ერთი თავით „კორტნის“, მეორეთი „თიღავს“ მიწას. არსებითად იგი წარმოადგენს თანა-



სურ. 16. „იმერული თობი“, საქ. მუხ. ეთნ. განყ. კოლ. № 51-39-141

შედროვე თობისა და წერაქვის შეერთებას ერთობლივი მოქმედებისათვის. მხმარებელი იმის კვალობაზე, რომელი სახის მუშაობასაც ცნობს მიზანშეწონილად, იცვლის ხელს და ხან ერთი თავით ხნავს, ხან მეორეთი.

როგორც ცნობილია, ქარჩითი „მიწარობა“ წინ უსწრებდა საერთოდ საყანური მიწის ხვნას ერქვენით (გამწევი ძალის საშუალებით მოქმედი სა-

ხენელი). ამ მიმართულებით ქარჩი, საერთოდ, ერქვანთა უწინარეს სახენელ-იარაღად უნდა იქნეს მიჩნეული<sup>1</sup>. რა თქმა უნდა, ეს არ ნიშნავს—მიწის ქარჩვა ყველგან და ყოველთვის საყანური მიწის დამუშავების უმარტივეს და უწინარეს წესს წარმოადგენდა. დადასტურებულია, რომ კულტურის დაბალ საფეხურებზე მყოფი ხალხები მიწარობის დაბალ ფორმებს იცნობენ<sup>2</sup>. ამასთანავე, ამ საქმეს, უმთავრესად, დედაკაცი უძღვება. მიწარობის ეს თავისებური ფორმა არ შეიძლება გაიგივებულ იქნეს განვითარებული წესებით მიწის დამუშავების გვერდით არსებულ საყანური მიწის დიქარჩვის წესებთან. უკანასკნელი მოვლენა არსებითად განსხვავებული ხასიათისაა და იგი პირობადებულია გარკვეული ფაქტორებით.

ამგვარად, ქარჩვითი „მიწარობის“ ჩვენ მიერ დამოწმებული ფაქტები არავითარ შემთხვევაში არ შეიძლება გაიგივებულ იქნეს დაბალ საფეხურზე მყოფ ხალხთა ანალოგიურ საქმიანობასთან, მიუხედავად იმისა, რომ ერთგვარი გარეგანი მსგავსება მათ შორის არსებობს, მაგრამ მსგავსება, როგორც ითქვა, იგივეობას არ ნიშნავს. პირველ შემთხვევაში მიწის დამუშავების აღნიშნული წესი მეურნეობის დაბალი დონის მაჩვენებელია და იგი ხალხის ტექნიკური ჩამორჩენის შედეგია. მეორე შემთხვევაში დიამეტრალურად განსხვავებულ ვითარებასთან ვეაქვს საქმე. დიდად განვითარებულ მიწის დამუშავებასთან ერთად ადგილი აქვს ძველი, პრიმიტიული სახის მიწარობას. ერთი სიტყვით ქარჩვის წესით დამუშავება მიწისა, ყოველ ცალკე შემთხვევაში, არ შეიძლება მიჩნეულ იქნეს დაბალი, ექსტენსიური მეურნეობის გამოხატველად, რამდენადაც ობიექტური პირობები—მიწის რელიეფის და კონფიგურაციის თავისებურება—ინტენსიური სახით ნიადაგის დამუშავების საშუალებას არ იძლევა. ეს გარემოება ქარჩისა და ქარჩვითი მიწარობის შესახებ მსჯელობისას გათვალისწინებულ უნდა იქნეს.

აღსანიშნავია, რომ დროთა განმავლობაში, მას შემდეგ, რაც ხმარებაში შემოდის თანდათანობით სრულყოფილი სახის სახენელები, ქარჩი არ გადის ხმარებიდან და კვლავინდებურად განაგრძობს არსებობას. რიგ შემთხვევაში იგი ერთადერთს სახენელს წარმოადგენს გარკვეულ უბანზე მიწის სახნავად. მდგომარეობა ისეთია, რომ ადგილობრივი ნიადაგის მოურავებელი არათუ სახენელი, ჩვეულებრივი თოხი და წერაქვი ვერ ასრულებენ თავის დანიშნულებას. ყველა ეს მდგომარეობა განსაზღვრავდა ქარჩითა ფორმა-შინაარსს და აქცევდა მათ ამა თუ იმ კუთხისათვის „შეთაბუნებულ“ სამეურნეო იარაღად. საბოლოოდ, ამ ნიადაგზე ყალიბდებოდა და იქმნებოდა ნაირსახის ქარჩი, რომელსაც გარკვეული ასპარეზი მოეპოვებოდა, განსაკუთრებით „ლაკადა“ ადგილების სახით, როგორც მთის, ისე ზეგანის ზოლში. ამგვარად, ქარჩვითი მიწარობა, ვითარცა პირველი საფეხური ხენა-თესვის კულტურისა<sup>3</sup>, საერთოდ,


<sup>1</sup> მოქმედებისა და ხმარების პრინციპით, აგრეთვე აღნაგობის სიმარტივის მიხედვით, ქარჩი ერქვანთა მწკრივში უქვედადს ფორმად უნდა ჩაითვალოს.

<sup>2</sup> Ф. Ратцель, Народоведение. Т. I.

<sup>3</sup> საქართველოს ისტორიაში, სადაც ადრინდელი მიწათმოქმედების საკითხის შესახებ მსჯელობა, შემდეგს ვკითხულობთ: „...თანდათან შეითვისა აღმნიშნა მიწათმოქმედებაც, წვეტიანი ჯოხისა და სადა თოხის (ქარჩის) საშუალებით აწმუშავებდნენ მიწას და სოფლდნენ ქეოს, ფეტვს, ხორბალს“ (3, 5).




წინ უსწრებდა ერქვინითი მიწარობას, შემდეგ შიდაც გაუმჯობესებული სახე-  
ლი იარაღების გვერდით და მათ პარალელურად ქარჩი თავის დანიშნულებას  
ასრულებდა, რადგანაც ქარჩვით მიწარობას განსაზღვრულ უბანზე თავისი



სურ. 17. „ჭალის თობი“ (იმერეთი)

სამოქმედო ასპარეზი გააჩნდა და მასზე აღმომთხვერელ ზეგავლენას ვერ ახდენ-  
და საზოგადოებრივ ცხოვრებაში შექმნილი სამეურნეო ცვლილებანი და ტექ-  
ნიკური წინსვლა. თავისი ტექნიკითა და ორგანიზაციით მეურნეობის ეს ერთ-




სურ. 17 a. „ყაზმა“ (თობი), მესხეთიდან

ერთი არქაული ფორმა — ახოს აღების წესი („Подсечное земледелие“)  
საბჭოთა კავშირის ჩრდილოეთ კუთხეებში მე-20 საუკუნემდე აღწევს<sup>1</sup>.

<sup>1</sup> იხ. П. Н. Третьяков. Подсечное земледелие в Восточной Европе. Известия ГАИМК, т. XIV, вып. 1, 1932, стр. 1—2.



თავისი დასაწყისი ფორმით ქარჩვითი მიწარობა სოციალურად დემთავრულ ხანას ემთხვევა, როდესაც წამყვანი როლი მეურნეობაში ქალს ეკუთვნის<sup>1</sup>. შემდეგში, როგორც ცნობილია, მიწარობის საქმეც მამაკაცმა დაიჭირა და ხელით ხვნა-ქარჩვაც, როგორც წესი, მუშა პირუტყვის საშუალებით ხვნამ შესცვალა. ამ ეთარებაში ქარჩი თანდათანობით ადგილს უთმობდა „სა-



სურ. 18. წერაქვი ბრინჯაოსი, ტემგავრა, E. Speiser-ის მიხედვით



სურ. 19. წერაქვი სპილენძისა, მესოპოტამია, V. Gordon Childe-ს მიხედვით

ხენელს“ და საქარჩავი მიწის ფარგლები ნელ-ნელა წვეწროვდებოდა საბოლოო საზღვრამდე, რომლის იქიან სხვა სახენელს, გარდა ქარჩისა, ხელი არ ჰქონდა.



სურ. 20. წალკატი ბრინჯაოსი, G. Contenau-ს მიხედვით

ამ მიმართულებით საქართველოს ეთნოგრაფიულ სინამდვილეში შემონახული საყანური მიწის ქარჩვა, ვითარცა გადმონაშთი ერთ დროს საყოველთაოდ გავრცელებული მიწარობის წესისა, საყურადღებოა კულტურულ-ისტორიული

<sup>1</sup> უნდა ვივარაუდოთ, რომ ქარჩვა საქალებო მიწარობასთან ერთად დაკავშირებული იყო გენეტიურად გარკვეული პურეული კულტურის განვითარებასთან. ქარჩვას ამ-ეაზად სამაკაცები აწარმოებენ, მაგრამ ეს საქანარი არც ქალებისთვისაა შორეული. საქ-ოს ზო-ვიერთ კუთხეში (ხევსურეთი, ზემო რაქა) ქარჩვის სამუშაოებს უმთავრესად ქალი ეწეოდა.

თვალსაზრისით, კერძოდ, ქართველ ტომებში შემუშავებული მიწარობის სტადიალური განვითარების გასარკვეველ ქრონოლოგიური თანმიმდევრობით.

ქართველი მიწის მუშაკი უბირი მიწის დახვნას, დახნულის ხელმეორედ გადახვნას და გადახნულ დარღვევულის დაშლა-გათხვიერებას არსებითად განასხვავებდა და თითოეულ მათგანს თავისებური ხასიათის სამუშაოდ თვლიდა, მასთან თითოეულ ამ სამუშაოს განსხვავებული ტერმინით აღნიშნავდა. პირველს უწოდებდა—„მიწის გატეხვას“, მეორეს—„აოშვას“, მესამეს—„თოხნას“, თავისმხრით „გასატეხი მიწა“ შეიძლებადა ყოფილიყო:

„ახო“, თუ იგი „ახლად მოქნილი“ ნატყვეარი იქნებოდა, „კორდი“, თუ იგი თავიდანვე უხნავი იქნებოდა, ყამირი—თუ ერთი, ან რამდენიმე წლით დასვენებული მიწა იყო და სხვ... ხალხური ემპირიული ცოდნა-გამოცდილების მიხედვით მიწის „გატეხვის“ მთავარ მიზანს წარმოადგენდა ნიადაგის შემზადება სათვისად („დაწვა“, „მონამბილება“, „მომწიფება“, „მოყვანა“, ფესვთა და ხის ძირთაგან გაწმენდა). მიწის გასატეხად საჭირო იყო შემდეგი სამუშაო იარაღი: „საწერა“<sup>1</sup>, რკინის კეტი, ქარჩი. პირველი მიწის

<sup>1</sup> „საწერა“ მარტივი აგებულების იარაღია. გარგნულად ახლო წააგავს სახენელ კავს, რომლისაგანაც ქუხლის უქონლობით განიჩრჩება. იგი შედგება „შოლტას“, საკვეთლისა და ხელნასაგან. შოლტა და ხელნა ხისაა, საკვეთელი—რკინისა. ეს უკანასკნელი ჩასმულია შოლტაში კოთხელი „ხანის“ (ნახერტის) საშუალებით ცვრად, მახვილი პირით წინისაკენ მიმართული ისე რომ საჭიროების შემთხვევაში მისი აწვე-დაწვეა და აქეთ-იქით მიხვრა-მოხვრა შეიძლება. მოსამართავად იხმარება ხის სოლები. ამვე ბოლოზე შოლტას მიმარტებული აქვს, რაც შემთხვევაში, „სატერფე“ ლელეტი, რომლის საშუალებითაც „მწერავი“ აწესრიგებს საწერას მოქმედებას ფებით.

ამგვარი აგებულების გამო „საწერა“ მიწის პირს კი არ ანგრევს, არამედ სერავს და „ფათრავს“ მას. საწერას ნაკალევი წარმოადგენს არა „ორნაკს“, არამედ „ნაწერას“, რომელმაც მომდგენო სახნისიან სახენელს გზა უნდა გაუწათოს. ამ მიმართულებით მიწის გაწერვა არ ჩათვლება დასრულებულ ხენად. ეს საქმე სხვა სახენელ იარაღმა უნდა განახორციელოს და მოათავოს (5,286).

საწერას სინონიმური სახელებია: „საწერა“ (მთიულ.), „კავსაკვეთი“ || „საკვეთი“ (რაჭა, ლეჩხ.), „კაწერა“ (ხევისურ.) და სხვ. მათგან ძირითადია „საწერა“ და საკვეთი. როგორც ერთი, ისე მეორე წარმოადგენს ნახმარ სახენელს და მიღებულია პირველი ტერმინი ხენა „წერა“-საგან, ხოლო მეორე—„კვეთა“-საგან. ორივე ეს სახელი, თუ ზემოხსენებული იარაღის ფუნქციის მიხედვით ვიმსჯელებთ, ზედმიწევნით გამოხატავს ცნების შინაარსს.

საკურადღებოა, რომ ტერმინი—„წერვა“ იხმარება სხვადასხვა მნიშვნელობით: მაგალითად, „წერვა“ ერთ შემთხვევაში აღნიშნავს დაჭრელებას, დასახვას (დაწერილი დედამოძი—დაჭრელებული დედამოძი და სხვ.), მეორე შემთხვევაში—რისაზე შეღებვას შავად (შდრ.: „წერი, საწერავი, ამოწერილის საღებავი“, საბა; დაწერილი შალი—შავად შეღებილი შალი; დაწერილი ჯდომა—დაწმურებული, შავებში მყოფის მღგომარეობა, ხალხ.); სხვა შემთხვევაში „წერვა“, „წერა“ შეიძლება ნიშნავდეს მოძიკილი და მნად შეკრული პურის მიზმას „მიმთხვევას“ სარზე (შდრ.: „წერი“ = ზინი, მოწერვა = დაზინვა, „მწერავი“ = მზინავი) ან უსაროდ მის შექმნას „სერკვად“ (ხეინად), ასევე ვალის, ხაზის გავლებას (საქონლის ტყავის გაწერვა შოლტების მისაღებად, დასახვრის ან გასაკოიტეხელი ხის მორის დაღარვა და სხვ.). ან ბზარს საერთოდ („გაწერილი“ კვამი, ფიკარი და სხვ. შდრ.: „წიკრილი“ = გაზბარული, მჭერა). ამ მიმართულებით საინტერესო ჩანს ხელკერის სკანური სახელი—„წიროლა“ და გურული სასიმღერო ყანუტრისა—„წეროდი“. ამგვარად, ტერმინი—„საწერა“ მრავალმხრივ საინტერესო სახელი ჩანს.





„გასაწერად“ (ცინიდან სახენელი პირველ ორ წელიწადს მაინც ახოს-საწინააღმდეგვერდ მუშაობდა), მეორე-ქვეათა და ფესვთა ამოსაწვდელად, მესამე—დასაქარჩად, დასახნავად. ამ შემთხვევაში, როგორც ითქვა, მთავარ როლს ასრულებდა ქარჩი, რომელსაც საქირო შემთხვევაში დახმარებას უწევდა კავწერა და რკინის კეტი.

ლეჩხუმში სისო ასათიანის (სოფ. ალპანას მცხოვ.) ცნობით ხშირი იყო ახოს „მოქნა“ და მისი „დაწალკატება“. უკანასკნელ დრომდე ისეთი „მამულეები“, რომლებიც ახოს წარმოადგენდნენ ან მიუდგომელ ადგილას იდგნენ, წალკატის საშუალებით მუშავდებოდა, რაც შეეხება დიდი ხნის უხნავ მიწას — „უქს“ (კორდი), მას ჯერ საკვეთით („კავწერათი“) „დაასაკვეთებდნენ“ (დასერავდნენ) და შემდეგ სახენელით ხნავდნენ. ასევე სვანეთში ახალ ახოს სპეციალური იარაღით — „ლაბარჯა“-თი გადახნავდნენ, რასაც „ლიბარჯე“ ეწოდებოდა. „ლაბარჯა“ ხისა იყო. ამისათვის სავანგებოდ შერჩევდნენ მაგარი ჯიშის ხეს, რომელიც „მუხლმოდრეკილი“ უნდა ყოფილიყო და მისგან „ლაბარჯას“ გამოთლიდნენ (შდრ. რაჭული „კაფია“) <sup>1</sup>.

ქარჩვითი მიწათმოქმედებასთან დაკავშირებით ქარჩთა ნაირობასთან ერთად აღსანიშნავია საყურადღებო და მდიდარი ტერმინოლოგია. ქართველი მიწათმოქმედის პრაქტიკულ ცხოვრებაში ცხოვლად შემონახული სამიწათმოქმედო ემპირიული ცოდნა და მისი მკაფიო სიტყვიერი გამოსახულება მეურნეობის მაღალ და ღრმა ტრადიციებს მოწმობს, საერთოდ, ქართული სამეურნეო იარაღები და მათი მოქმედების ყველა ცალკეული პროცესი წარმოდგენილია სავანგებო და განსხვავებული სახელით. ხშირად ესა თუ ის ტერმინი იმდენად ნიშანდობლივად გამოხატავს ცნების სავანს, რომ შესაძლებელი ხდება რეალური ნივთის თავისებურების წარმოდგენა. ეს გარემოება მნიშვნელოვანია იმ მხრივაც, რომ სინამდვილიდან აწგადასული ესა თუ ის სამეურნეო იარაღი შეიძლება დაახლოებით მაინც აღვადგინოთ ამ ნიადაგზე. ამ მიმართულებით საყურადღებო სახელებია შინაარსის მხრით: „კაფია“, „ბარჯუკი“, „ჩერკნი“, „ჩენგი“ და სხვ. აგრეთვე — „დაქარჩვა“, „ჩანგარუა“, „მობართობება“, „მოკაფიაგება“, „დაჩორკნვა“ და სხვ.

ამგვარად, როგორც ცალთავიანი, ისე ორთავიანი ქარჩის ტიპები, რომელნიც დანიშნულებით ერთნი არიან, ფორმა-შინაარსით გარკვეულ თავისებურებებს ამჟღავნებენ და სპეციფიკური ხასიათის ნიშნებით ხასიათდებიან.

ამგვარად, ქარჩი წარმოდგენილია ნაირი ქვესახითა და სახელწოდებით. ხელსახენელი იარაღების ეს ტიპები და მასთან დაკავშირებული მდიდარი ტერმინოლოგია მკაფიოდ გვისურათებს მიწათმოქმედებისა და მეურნეობის განვითარებულ წესებს — ძველადვე საქართველოში.

<sup>1</sup> საყურადღებოა, რომ კლასიკური ქვეყნების მწერალთა ცნობის მიხედვით (11,142) ძველად ალბანეთში ხუნას აწარმოებდნენ ხის სახენელით, რომელსაც რკინის სახნისი არ გააჩნდა. შდრ. „წებმა“ დიხას ჯვეშო ხვალში ჯათ ნოხოთედეს, კინახონა ვანოჩქედეს... (ი. ჯალალანია, 69 წლ., სოფ. სკურდიდა, წალენჯ. რაიონი).



Н. Б. РЕХВИАШВИЛИ

## ГРУЗИНСКОЕ СЕЛЬСКО-ХОЗЯЙСТВЕННОЕ ОРУДИЕ—„КАРЧИ“

## Резюме

В фонде металла отдела этнографии Музея Грузии им. акад. С. Джанашиа хранятся старые орудия интересных типов. Среди них обращает на себя внимание земледельческое орудие особого характера „карчи“, которое известно под многими названиями: „корчи“, „окрибулай“, „барджуки“, „цалкати“, „тохи“, „ченги“ „церакви“, „барула“, „цулкарчи“, „тохцеракви“ и др. В грузинской этнографической действительности вообще засвидетельствовано „карчи“ различного вида и характера.

„Карчи“ изготовлялось кузнецом с соблюдением специальных условий.

Основной функцией карчи являлась обработка земли, особенно в таких местностях где невозможно было применение тягловой силы (тесные и крутые склоны) или же когда эти местности представляли из себя впервые обрабатываемую целину или же многолетний пар.

Карчи представляло из себя единственное орудие с помощью которого земледелец мог в особых географических условиях производить посеы. Этим самым карчи заменяло обработку земли с помощью быка и выполняло функцию сохи. Карчи представляло из себя некоторого рода „ручную соху“.

Выработка карчи и его разновидностей была обусловлена своеобразностями местности и функций. В отношении устройства карчи были одианрные и двойные. В свою очередь как первые, так и вторые могли быть разного рода: лезвиеобразные, с острым концом, плоские, круглые, подогнутые, изогнутые и т. д.

Разного вида и характера карчи и связанные с ними приемы работ, терминология и др. засвидетельствованные в этнографической действительности Грузии говорят о высокой культуре обработки земли в Грузии.

В истории развития земледелия обработка земли мотыжением является одним из древнейших способов, предшествующим, как известно, обработке земли с использованием тягловой силы.

Использование некоторых особенностей „карчи“ для нового социалистического сельского хозяйства в деле выработки соответствующих рабочих орудий имеет практическое значение и может принести определенную пользу.

## ლიტერატურა—ЛИТЕРАТУРА

1. სულხან-საბა ორბელიანი. ქართული ლექსიკონი. პროფ. ი. ყიფშიძისა და პროფ. აკ. შანიძის რედაქციით, ტფ., 1928.



2. გ. ჩიტაია. რაჭული სახენელი. ვნიშვი-ს შობებ, ტ. I, 1937.
3. ივ. ჯავახიშვილი, ნ. ბერძენიშვილი, ს. ჯანაშია. საქართველოს ისტორია. აკად. ს. ჯანაშვიას რედ., თბ., 1943.
4. С. Белокуров. Материалы для русской истории. М., 1888.
5. გ. ჩიტაია. ქსნის ზეონის ეთნოგრაფიული ექსპედიციის მოკლე ანგარიში. ვნიშვი-ს შობებ, ტ. IV.
6. მ. პოლივეტოვი ტ. ტალჩიანოვისა და დიაკი იველივის ელჩობა იმერეთში 1650—1652. ტფ. 1926.
7. ი. ჯავახიშვილი. საქართველოს ეკონომიური ისტორია. წიგნი პირველი, ტფ., 1930.
8. Сборник сведений о Кутаисской губернии. Вып. IV, Очерк имеретии.
9. П. Н. Третьяков. Полесное земледелие в Восточной Европе, Известия ГАИМК, т. XIV, вып. I, 1932.
10. ზელმწიფის კარის გარიგება, პრატ. ე. თავაიშვილის რედ., ტფ., 1920.
11. В. Латышев. Известия древних писателей греческих и латинских о Скифии и Кавказе. СПб., 1893.
12. E. Speiser. The historical significance of Tepe Gowra, report of the Smithsonian Institution. 1933.
13. G. Contenau. Manuel d'archeologie orientale. T. I, Paris, 1927.
14. V. Gordon Childe. The Aryans, a study of Indo-European, origins. London, 1926.



ნ. ზოზიაშვილი

XIII ს-ის საქართველოს ისტორიული ქრონოლოგიის  
 საკითხისათვის

(XIII ს-ის 40-იანი წლების კათალიკოსთა რიგი)

XIII ს-ის საქართველოს ისტორიული ქრონოლოგია არ არის დადგენილი. ამ პერიოდის ფაქტიური მასალა შედარებით უკეთ არის შესწავლილი, ვიდრე ქრონოლოგია. მკვლევართა მიერ ამ საკითხზე გამოთქმული მოსაზრებები ხშირად არ ეთანხმება ერთიმეორეს. ამის მიზეზი ის არის, რომ ამ პერიოდის ჩვენ არ გვაქვს შემონახული არც ერთი თანადროული წარატიული წყარო. მისი შესწავლა გვიხდება XIV ს-ის ქართველი ისტორიკოსის ქამთაალ-მწერლის თხზულების მიხედვით, რომელმაც ფაქტიური მასალა იცის, მაგრამ მოვლენათა თანმიმდევრობას ხშირად ურეეს, ამასთან არ იძლევა თარიღებს. XIII ს-ის ყველა დღემდე შემონახული საბუთიც უთარილოა. ამდენად, XIII ს-ის საქართველოს ისტორიული ქრონოლოგიის კვლევა (ისევე, როგორც სხვა პერიოდისაც) მნიშვნელოვანი ამოცანაა. წარმოდგენილი ნაშრომი მიზნად ისახავს დაადგინოს XIII ს-ის 40-იანი წლების კათალიკოსთა რიგი. XIII ს-ის საბუთებში, რომლებიც, როგორც აღვნიშნეთ, უთარილოა, მოხსენებელია რამდენიმე კათალიკოსი. მათი კათალიკოსობის დროის დადგენა თავის მხრივ არკვევს XIII ს-ის მრავალ ქრონოლოგიურ საკითხს.

— : —

XIII ს-ის I ნახევრის კათალიკოსთა რიგზე მოსაზრებები გამოთქმული აქვთ თ. ქორდანიას<sup>1</sup> და ს. კაკაბაძეს<sup>2</sup>.

თ. ქორდანიას ქრონოლოგია XIII ს-ის I ნახ-ის კათალიკოსებზე დამყარებულია მოძველებულ და მეცნიერების მიერ უარყოფილ მოსაზრებებზე.

ს. კაკაბაძემ თავისი სქემა XIII ს-ის კათალიკოსთა რიგზე ერთხელ შეცვალა<sup>3</sup>, ხოლო შემდეგ მთლიანად უარყო ეს სქემა „მიქელ კათალიკოსის დაწერილის“ ახლებური დათარიღებით<sup>4</sup>. ახალი მოსაზრებები მას ამ საკითხზე აღარ წამოუყენებია.

<sup>1</sup> ქრონიკა, II, გვ. 94—97; 108; 125—126; 152.

<sup>2</sup> ს. კაკაბაძე, XIII ს-ის I ნახევრის კათალიკოსები; აგრეთვე, საისტ. მ-ბე, II, 1925, გვ. 124, 131.

<sup>3</sup> ს. კაკაბაძე, საისტ. მოამბე, II, 1925, გვ. 124, 131.

<sup>4</sup> საისტორიო მოამბე, 1, 1945, გვ. 3.



აკად. ნ. ბერძენიშვილი თავის შრომაში „სავაზირო ფეოდალურ საქართველოში“ არსენ ჭყონდიდელთან დაკავშირებით, რომელიც შემდეგ კათალიკოსიც გახდა, შეეხო XIII ს-ის არსენ კათალიკოსებს და გააკრიტიკა ს. კაკაბაძის მოსაზრებები მათ შესახებ<sup>1</sup>.

სანამ ჩამოვაყალიბებდეთ ჩვენს მოსაზრებას XIII ს-ის 40-იანი წლების კათალიკოსთა რიგზე, საჭიროა გავითვალისწინოთ თ. ჟორდანიას და ს. კაკაბაძის სქემები XIII ს-ის I ნახ-ის კათალიკოსთა რიგზე და აკად. ნ. ბერძენიშვილის კრიტიკა ს. კაკაბაძის მოსაზრებებისა არსენ კათალიკოსებზე.

თ. ჟორდანიას სქემა XIII ს-ის I ნახ-ის კათალიკოსთა რიგში:

1. არსენი

კათალიკოსობს 1218—1227 წლებში;

1227—1240 წლებში შიო მღვიმეშია ბერად აღკვეცილი;

დათარიღების საფუძველი:

ა. 1218 კათალიკოსად ჩანს ეპიფანე;

ბ. 1227 წელს, ან ცოტა ადრე, კათალიკოსადაა გიორგი — ამას მოწმობს გიორგის მოხსენება ვაჰანის ტიბიკონში, რომელიც დაწერილია 1227 წელს (რადგან ამ წელს გარდაიცვალა ივანე მხარგრძელი — ავტორი ამ ტიბიკონისა);

გ. შიომღვიმის „ზატიკის“ კათალიკოსთა სიაში გიორგი არსენის შემდეგაა მოხსენებული;

2. გიორგი

კათალიკოსობდა 1227 წ-დან;

3. ნიკოლოზი

კათალიკოსად გახდა 1246 წლის ახლოს, გადადგა 1282 წლის ახლოს;

დათარიღების საფუძველი:

ა. კათალიკოსი ნიკოლოზი ქართლის ცხოვრებაში იხსენიება 1246 წლის ახლოს;

ბ. ქართლის ცხოვრების ცნობითვე ნიკოლოზი 1280 წლის ახლოს გადადგება და თავის მაგიერად აკურთხებს მეფის ჯვარისმტვირთველს აბრაამს.

თ. ჟორდანიას შეცდომით თვლის ივანე მხარგრძელს ვაჰანის ტიბიკონის ავტორად და, ამდენად, შეცდომით განსაზღვრავს გიორგის კათალიკოსობის დროსაც. გარდა ამისა, ის არსენი, რომელიც თ. ჟორდანიას აზრით კათალიკოსობდა 1218—1227 წლებს შორის, მისივე აზრით, იყო შიომღვიმის „ზატიკში“ დართულ კათალიკოსთა სიის „უყოვლად განთქმული საღმრთოთა წიგნთა თარგმანი“ არსენი — თ. ჟორდანიას ყურადღება არ მიუქცევია იმ ფაქტი-

<sup>1</sup> ენიშის მონაბე, V—VI, 1940 წ., გვ. 398—409.





სათვის, რომ ეს უკანასკნელი არსენი აღნიშნულ სიაში გიორგის შემდეგაა მოხსენებული და, ამდენად, განსხვავდება იმ არსენისგან, რომელიც ამავე სიაში გიორგის წინაა მოხსენებული; არსებობს არსენ ბულმაისიმის-ძე<sup>1</sup>, მაგრამ თ. ჟორდანიას ამაზე არაფერს ამბობს. შესაძლოა მასაც იგივე 1218—1227 წლებს შორის მყოფ კათალიკოსად თვლის. გარდა ამისა, თ. ჟორდანიას, როგორც შენიშნავს აკად. ნ. ბერძენიშვილი, ყურადღება არ მიუქცევია, რომ გრიგოლ სურამელის დაწერაღს, სადაც კათალიკოს — მწიგნობართუხუცეს-ყოფილი არსენი ურთავს ხელს, ხელს ურთავს აგრეთვე სხვა არსენ კათალიკოსი<sup>2</sup>.

თ. ჟორდანიას მოსაზრება, რომლის თანახმად ნიკოლოზი კათალიკოსად ჩანს 1246 წლის ახლოს, შემცდარია: მართალია ქართლის ცხოვრება ნიკოლოზის მიერ ყენისგან „იერლაყის“ ჩამოტანას აუგ ათაბაგისა და დავით მეფეების ყარაყორუმისა და ბარუნების წინ აღნიშნავს, მაგრამ ეამთაღმწერელი აქ ცდება: გვიან მომხდარი ფაქტი გადააქვს წინა ხანებში (ისე, როგორც სხვა მრავალ შემთხვევაში). ამას მოწმობს თუნდაც ის ფაქტი, რომ ნიკოლოზი მიდის ულოსთან (ჰულაგუ!, ხოლო ეს უკანასკნელი ერანის ილხანია 1256 წლიდან<sup>3</sup>. შესაძლოა გვეფიქრა, რომ ეამთაღმწერელი სწორად აღნიშნავს ნიკოლოზის გამგზავრების დროს, მაგრამ შეცდომით ასახელებს ჰულაგუს. მაგრამ ასეთ შემთხვევაში გამოდის, რომ ნიკოლოზს საქართველოს ეკლესიის დაცვის „იერლაყი“ მიუღია ნოინისგან (ჰულაგუ პირველი ილხანია). ეს კი, როგორც წყაროებიდან ჩანს, ნოინის კომპეტენციაში არ შედიოდა და იგი საქართველოს კათალიკოსს ასეთი „იერლაყის“ მისაღებად ყარაყორუმში გაგზავნიდა დიდ ყენთან, ან ყოველ შემთხვევაში ბათუ ყენთან<sup>4</sup>. ნიკოლოზი კი არც ბათუსთან წასულა და არც ყარაყორუმში, არამედ მხოლოდ ერანში. ამიტომ ამას, ალბათ, მართლაც ჰულაგუს დროს ჰქონდა ადგილი, ე. ი. არა უადრეს 1256 წლისა.

ს. კაპაბაძის სმამ XIII ს-ის I ნახევრის ქათალიკოსთა რიგში

1 ვარიანტი

1. იოანე  
XIII ს-ის დასაწყისში (ქართლის ცხოვრება, 313—317);
2. ეპიფანე  
ჩანს 1218 წელს (ანისის ქართ. წარწერა);
3. არსენი III {
4. გიორგი { 1218—1224 წლებში.

<sup>1</sup> თ. ჟორდანიას ქრონიკები, II, 103—111.

<sup>2</sup> ნ. ბერძენიშვილი. დასახ. ნაშრ., გვ. 393.

<sup>3</sup> С. Леи-Пухъ. Мусульманские династии, ст. 182.

<sup>4</sup> ისე, როგორც, მაგალითად, კილიკიის მეფემ მსგავსი „იერლაყის“ მისაღებად ჯერ თავის ძმა გაგზავნა გუფუქთან, ხოლო როცა ყენად მანგუ დაჯდა (ე. ი. 1251 წელს), თვით გაემგზავრა მასთან იმავე მიზნით (იხ. კირაკოზ კანაკელი, *ყაშიქიან ჯაყი*, 1909, გვ. 350—357).





დათარიღების საფუძველი: შიომღვიმის „ზატიკში“ დართულ კათალიკოსთა სიაში ეპიფანეს შემდეგ არსენი და გიორგი არიან მოხსენებულო, ხოლო გიორგი ვაჰანის ტიბიკონში იხსენიება 1224 წელს;

5. არსენ IV

„ზატიკთან“ დართულ სიაში იხსენიება გიორგის შემდეგ, ე. ი. 1224 წლიდან;

1233 წელს იხსენიება უნივერსიტეტის სიძე. საც. საბ. № 85-ში (იხ. ქრონიკები, II, გვ. 103—111), სადაც იწოდება არსენ ბულმაისიმიძედ;

1236 წელზე არა უადრეს დაწერილ „გრიგოლ სურამელის დაწერილში“ მოხსენებულია კათალიკოს-მწიგნობართუხუცესყოფილად, შემონაზვნებულად;

ცოცხალია 1249 წლამდე — ამას მოწმობს ამ წელს დაწერილი „მიქელ კათალიკოზის დაწერილი“, რომელსაც ის (არსენი) ხელს ურთავს;

6. არსენ V

მოხსენებულია „გრიგოლ სურამელის დაწერილში“;

7. მიქელი

ცნობილია მის მიერ 1249 წელს დაწერილი საბუთიდან;

8. ნიკოლოზი

ხელს ურთავს 1250 წელს დაწერილ „გრიგოლ მსახურთუხუცესის დაწერილს“.

II. შესწორებული ვარიანტი:

1. იოანე

XIII ს-ის დასაწყისში;

2. ეპიფანე

ჩანს 1218 წელს;

3. არსენი III

4. გიორგი

{ 1218—1224 წლებში;

5. არსენი IV ბულმაისიმიძე

ჩანს შიომღვიმის „ზატიკის“ სიაში გიორგის შემდეგ, ე. ი. 1224 წლიდან; 1233 წელს იხსენიება უნიე. სიძე. საც. საბ. № 85-ში (ქბი, 11, გვ. 103—111);

6. არსენი V—ჰყონდიდელი—კათალიკოსი (შემდეგ შემონაზვნებული); 1242—1245 წლებში ჩანს ჰყონდიდელ-მწიგნობართუხუცესად—არსენ ჰყონდიდლის დაწერილში“;

1245—1245 (? — კორ. შეც.) წლებში უკვე შემონაზვნებული ჩანს „გრიგოლ სურამელის დაწერილში“, სადაც თავის თავს უწოდებს მიქელ კათალიკოსის „მრწემს“;



## 7. არსენ ბულმაისიმის ძე

1242—1245 წლებში ჩანს „არსენ ჭყონდიდლის დაწერილში“— როგორც ჩანს, მეორედ გამხდარა კათალიკოსად; შემდეგ, ხელს ურთავს „გრიგოლ სურაშელის დაწერილს“;

## 8. მიქელი

ცნობილია მის მიერ 1249 წელს დაწერილ საბუთიდან;

## 9. ნიკოლოზი

ხელს ურთავს 1250 წელს დაწერილ „გრიგოლ მსახურთ უხუცესის დაწერილს“.

აქად. ნ. ბარძენიშვილის კრიტიკა არსენ კათალიკოსთა შესახებ  
 ს. კაპაბადის მოსაზრებებისა

## I. არსენ ბულმაისიმისძე

1. 1224 წელს არსენ ბულმაისიმისძე არ ყოფილა კათალიკოსად:

ა. „ზატიკის“ სიით უკანასკნელი კათალიკოსი გიორგია, ხოლო მის შემდგომი არსენი აშიაზე სახარების გადაწერის ხელით 1270 წელს მიწერილი და ალბათ მისივე ჩამატებულია;

ბ. თუნდაც აშიაზე მიწერილი არსენი ტექსტში შედიოდეს, ის მაინც ვერ იქნება არსენ ბულმაისიმისძე, რადგან: 1. აშიაზე მინაწერის არსენი გარდაცვლილი ჩანს იე. ი. 1224 წელს), ხოლო არსენ ბულმაისიმისძე უნივ. სიძე. საც. საბ. № 85-ის ცნობით ცოცხალია 1233 წელს (და ს. კაპაბადის აზრით — 1245 წელსაც); 2. აშიაზე მინაწერის არსენი განთქმულია როგორც „საღმრთოთა წიგნთა თარგმანი“, ხოლო ბულმაისიმისძე, უნივ. სიძე. საც. საბ. № 85-ის მიხედვითა, ცნობილია მხოლოდ როგორც ჰიმნოგრაფი (იხ. კ. კეკელიძე, ქართ. ლიტ. ისტ., 1,343—346);

2. 1233 წელს არსენ ბულმაისიმისძე ქართლის კათალიკოსი არ ყოფილა:

ა. ხელნაწერში ბულმაისიმისძე ქართლის კათალიკოსად ერთხელ იხსენიება აშიაზე რაღაც ანაფხეკის ადგილზე სხვა ხელით გაკეთებულ მინაწერში; მეორედ მართალია თვით ტექსტში, ტექსტისვე ხელითაა მოხსენებული, მაგრამ „ქართლის კოც“ ანაფხეკზეა დაწერილი. შესაძლოა ანაფხეკის ადგილზე აქ იყო „აფხაზთა“ ან „იმერთა“ კათალიკოსი.

3. არსენ ბულმაისიმისძის საერთოდ კათალიკოსობა შეაქვევო არაა:

ა. ტექსტში ის კათალიკოსადაა მოხსენებული.

დასკვნა: ს. კაპაბადის სქემის როგორც ის ნაწილი, სადაც ის ბულმაისიმისძეს 1224 და 1233 წლებში ქართლის კათალიკოსად მიიჩნევს,



აგრეთვე ის ნიწილიც, სადაც მას 1240—1245 წლებში მეორედ-გაკათალიკოსებულად აღიარებს, სადაო და საეკეოა.

## II. არსენ ჰუმონდილი

1. არსენ ჰუმონდილის მწიგნობართუხუცესობას 1242—1245 წლებში საფუძველი არა აქვს:
  - ა. „არსენ ჰუმონდილის დაწერილი“ შედგენილია არა 1242—45 წლებში, არამედ—1241—42 წლებში;
2. არსენ ჰუმონდილი მწიგნობართუხუცესად შეიძლება გამხდარიყო 1235—38 წლებში დაახლოებით (წლოვანების მიხედვით);
3. არსენ ჰუმონდილი შემდეგში (ე. ი. 1242 წლის შემდეგ) კათალიკოსიც გამხდარა („გრიგოლ სურამელის დაწერილში“ ის უკვე კათალიკოსყოფილია), მაგრამ არ ჩანს როდის;
4. 1249 წლის „მიქელ კათალიკოსის დაწერილში“ ხელის ჩამართველი არსენი არის არა მწიგნობართუხუცესყოფილი არსენი, არამედ აფხაზთა კათალიკოსი არსენ ბულმაისიძისძე:
  - ა. საბუთის მინაწერი, სადაც აღნიშნულია: „ამის ღმრთისა მიერ ქართლისა კათალიკოზებთა დაწერილისა“, ექვს იწვევს: 1. „ღმრთისა მიერ“ შეუფერებელია — უნდა იყოს „ქს მიერ“; 2. „კათალიკოზებთა“ გრამატიკულად არაა სწორი; 3. მინაწერი საბუთის ავტორებად ორივე კათალიკოსს თვლის, ხელრთვაში კი არსენი მხოლოდ დამამტკიცებლად ჩანს საბუთის და არა ავტორად;
  - ბ. ხელრთვაში არსენი თავის თავს უწოდებს: „მრწემი სიწმინდისა მათისა“ (ე. ი. მიქელ კათალიკოზისა)—ასე კი არ შეეძლო თავის თავისთვის ეწოდებინა არც ქართლის კათალიკოსს, არც მწირად შემდგარ ქართლის კათალიკოსყოფილს. ასეთი თქმა შეპყვროდა მხოლოდ კათალიკოსს, მაგრამ უმცროსს — ე. ი. აფხაზთა.
  - გ. როგორც უნევ. ხელნაწ. № 85-დან ჩანს, ბულმაისიძისძე უნდა ყოფილიყო აფხაზთა კათალიკოსი (ეს ზემოთ იყო აღნიშნული). ამდენად, „მიქელ კათალიკოსის დაწერილის“ დამამტკიცებელი არსენი ალბათ სწორედ ის იყო;
5. „არსენ ჰუმონდილის დაწერილში“ ბასილ ჰუმონდილს ხელი ჩართული აქვს გვიან (იხ. ამის შესახებ ი. ცინცაძე. „არსენ ჰუმონდილი“, საქ. არქ. 11, 1927 წ. გვ. 14—28); ამისთან, არსენ კათალიკოსთან ერთდროულად; ეს ხელრთვა არ შეიძლება მომხდარიყო 1249 წელზე გვიან, რადგან ამ წელს კათალიკოსად მიქელია.

ჩვენ გვანტერესებს მხოლოდ XIII ს-ის 40-იანი წლების კათალიკოსთა რიგი.



ამასთან დაკავშირებით, საქიროა განვიხილოთ XIII ს-ის 40-იანი წლები რამდენიმე საბუთი, განვსაზღვროთ მათი დაწერისა და მათში კათალიკოსთა ხელრთვის თარიღები, ეს საბუთებია:

1. „მიქელ კათალიკოსის დაწერილი“<sup>1</sup>;
2. „გრიგოლ სურამელის დაწერილი“<sup>2</sup>;
3. „არსენ ჭყონდიდლის დაწერილი“<sup>3</sup>;
4. „მსახურთუხუცეს გრიგოლ სურამელის დაწერილი“<sup>4</sup>;

ამ საბუთების განხილვა და დათარიღება, გარდა XIII ს-ის 40-იანი წლების კათალიკოსთა რიგის დადგენისა, როგორც აღვნიშნეთ, გააჩვევს XIII ს-ის ზოგიერთ სხვა ქრონოლოგიურ საკითხსაც.

#### „მიქელ კათალიკოსის დაწერილი“

საბუთი წარმოადგენს კათალიკოს მიქელის წყალობის წიგნს მის მსახურთუხუცეს ვაჩე გვარამასძისადმი, რომლითაც მიქელი გვარამასძეს განუჩენს ეკლესიის „სასამსახურო“ სოფელს ორომაშენს.

საბუთს ხელს ურთავენ შემდეგი პირები:

1. კათალიკოსი;
2. დავით მეფე;
3. „მრწემი სიწმინდისა მათისაი გლახაკი არსენი კათალიკოზივე“<sup>5</sup>;
4. ავაგ ათაბაგ-ამირსპასალარი;
5. შაპანა მანდატურთუხუცესი;
6. იოანე მაწყვერელი;
7. ბასილი ჭყონდიდელი და მწიგნობართუხუცესი;
8. გამრეკელი მეჭურჭლეთუხუცესი<sup>6</sup>.

საბუთი სამჯერ იქნა გამოცემული; ორჯერ არასრული სახით და მესამედ — სრული სახით.

საბუთის პირველმა გამომცემელმა თ. ყორღანიამ შეცდომით მიიჩნია ის XIV საუკუნისად და დაათარიღა 1310—1318 წლებით<sup>7</sup>. საბუთის შემდგომმა გამომცემელმა ს. კაკაბაძემ დაათარიღა ის 1249 წლით; აკად. ნ. ბერძენიშვილმა შესაძლებლად მიიჩნია ს. კაკაბაძის დათარიღების სისწორე, თუმცა ვადაქრით აზრი ამ დათარიღებაზე არ გამოუთქვამს<sup>8</sup>.

<sup>1</sup> ქრონიკები, II, 176; ს. კაკაბაძე, XIII ს-ის I ნახ-ის კათალიკოზები; ს. კაკაბაძე, საისტორიო მოაზრებ., I, 1945, გვ. 3; დედანი იხ. საქ. ც. არქ., ფ. 226, № 9253.

<sup>2</sup> ქრონიკები, II, 97; შიომღვიმ. ისტ. საბ., გვ. 52—58; დედანი, იხ. საქ. მუხ., ფ. Ad, № 1.

<sup>3</sup> ს. კაკაბაძე, შიომღვიმ. 3 ისტ. საბ., 1913; ს. კაკაბაძე, საისტ. მოაზრებ., II, 1925, გვ. 123—133; საისტ. კრ., II, 1928; საქ. არქ., II, 1927, გვ. 14—28; დედანი იხ. საქ. ცენტრ. არქ. ფ. 226, № 5003.

<sup>4</sup> ქრონიკები, II, 127—128; შიომღვიმ. ისტ. საბ., 63—65; ს. კაკაბაძე, სიგელი მსახ. უბ. გ' გლ სურ-სა; დედანი, იხ. საქ. მუხ., ფ. Ad, № 4.

<sup>5</sup> ხელრთვათა თანამდევრობა დატულია საბუთის დედნის მიხედვით.

<sup>6</sup> ქრონიკები, II, გვ. 176.

<sup>7</sup> ენიმის მოაზრებ., V—VI, 1940, გვ. 409.

ს. კაკაბაძემ საბუთი ორივე დავით მეფის ხელჩართულად დათარიღებისას დაემყარა სწორედ ამას. მაგრამ, 1945 წელს ს. კაკაბაძემ დაბეჭდა ეს საბუთი მის მიერ აღმოჩენილი დედნის მიხედვით, საიდანაც ცხადი გახდა რომ საბუთს ხელს ურთავს მხოლოდ ერთი დავითი. ამის გამო, ს. კაკაბაძემ უარყო თავისი ძველი დათარიღება და შეცვალა ის 1241 წლით<sup>1</sup>. საბუთის ამ ახალი დათარიღებისას ს. კაკაბაძე, გარდა იმისა, რომ ხელჩართველად გვევლინება მარტო ერთი დავითი, გყრდნობა აგრეთვე იმ ფაქტს, რომ ერთ-ერთი ხელჩართველი ამ დავითს იხსენიებს არა მეფედ, არამედ მეფის ძედ. მეფედ კი, ალბათ, გულისხმობს რუსუდანს.

ჩვენი აზრით, ს. კაკაბაძის ახალი დათარიღება „მიქელ კათალიკოსის დაწერილისა“ სწორია. ამ დათარიღების ზემოაღნიშნული დასაბუთება დამაჯერებლად მიგვაჩნია. უნდა აღინიშნოს, რომ საბუთის ასეთი დათარიღება ხსნის უამისოდ გაუგებარ ერთ ფაქტს: რომელსაც ადგილი აქვს მის ხელრთვაში: ბასილ ჭყონდიდლის ხელრთვა მოთავსებულია იოანე მაწყვერლის ხელრთვის შემდეგ. წესით კი ბასილს, როგორც ჭყონდიდელს და ვაზირთა უპირველესს, ხელი უნდა ჩაერთო როგორც იოანე მაწყვერლის, ისე შანშა მანდატურთუხუცესის და ავაგ ათაბაგის წინ. ეს უადგილო ხელრთვა ახსნილი იქნება, თუ დავუშვებთ, რომ ბასილ ჭყონდიდლის ხელრთვა არ არის საბუთის დაწერის თანადროული, რომ მისი ხელრთვის დროს საბუთი კარგა ხნის წინ დაწერილი და განსაზღვრულ პირთა მიერ ხელჩართული იყო. ცხადია, ასეთ შემთხვევაში ბასილი თავისთვის შესაფერის ადგილს ეღიარა ჩაურთავდა ხელს<sup>2</sup>.

ამასთან, შესაძლოა საბუთი დაიწერა სწორედ იმ დროს, როცა ბასილის წინამოადგილე არსენ ჭყონდიდელი ბათოსთან იყო გაგზავნილი (საბუთის დაწერის აღნიშნული თარიღი — 1241 წელი და არსენ ჭყონდიდლის ბათოსთან გამგზავრების დრო მართლაც ემთხვევა ერთმანეთს) და ამიტომ მან ვერ ჩაურთო საბუთს ხელი სხვა ვაზირებთან ერთად.

#### „ბრიტოლ სურამელის დაწერილი“

ამ საბუთით გრიგოლ სურამელი ქართლის ერისთავი უსამართლოდ დაქსრებულ გამოსაღებთაგან ათავისუფლებს შიომღვიმის მონასტრის მიერ ფავენელთაგან ნასყიდ სოფელს.

საბუთს ხელს ურთავენ შემდეგი პირები:

1. იოანე მეაზგრეთუხუცესი (გრიგოლ სურამელის ძმა);
2. ბეგა ქართლის ერისთავი (გრიგოლ სურამელის ძე);
3. ქართლის კათალიკოსი არსენი;
4. ქართლის მთავარეპისკოპოსი გიორგი;
5. იოანე ალავერდელი;
6. არსენი მანგლელი;

<sup>1</sup> საისტ. მოამბე, I, 1945, გვ. 3.

<sup>2</sup> მართლაც, თუ საბუთის დაწერის თარიღად 1241 წელს მივიღებთ, მაშინ, ცხადია, ბასილი ჭყონდიდლის ხელრთვა გვიანდელად უნდა მივიჩნიოთ, რადგან ამ წელს, როგორც ჭვეშთ დავინახავთ, ჭყონდიდლად არსენი იყო და არა ბასილი.



7. „სამნივე უდაბნონი გარესჯისანი“;

8. კათალიკოს და მწიგნობართუხუცესყოფილი არსენი, შიომღვიმეში მწი-  
 რად შემდგარი<sup>1</sup>.

როგორც ვხედავთ, საბუთს ხელს ურთავენ კათალიკოსი არსენი და კა-  
 თალიკოს მწიგნობართუხუცესყოფილი არსენი. საქიროა აჰ ხელრთვათა  
 დათარიღება.

ჩვენი აზრით, „გრიგოლ სურამელის დაწერილის“ ყველა ხელრთვა სა-  
 ბუთი დაწერის თანადროულია. ამას მოწმობს ის ფაქტი, რომ ყველაზე ბო-  
 ლო ხელრთვა საბუთში ეკუთვნის კათალიკოს და მწიგნობართუხუცესყოფილ  
 არსენს, რომლის შუამდგომლობის შედეგად დაიწერა სწორედ ეს საბუთი. ცხა-  
 დია, მისი ხელრთვა საბუთის დაწერის თანადროულია და, ამდენად, მასზე წინ  
 მოთავსებული ხელრთვებიც არ შეიძლება საბუთის დაწერის თანადროული არ  
 იყოს. ამას მხარს უჭერს ის გარემოებაც, რომ საბუთის ხელჩართველთა თან-  
 მიმდევრობა წესიერად ჩანს დაცული, რაც, ცხადია, ვერ მოხერხდებოდა, ეს  
 ხელრთვები რომ სხვადასხვა დროს იყოს საბუთზე მოთავსებული. ამდენად,  
 საბუთის დაწერის თარიღი იქნება არსენ კათალიკოსისა და არსენ მწირად  
 შემდგარის ხელრთვათა თარიღიც.

საბუთს მისი გამომცემელი თ. ჟორდანიას თვლის 1227—30 წლებში და-  
 წერილად<sup>2</sup>; ს. კაკაბაძე ათარიღებს მას 1245—45 (ჯორ. შეკდ.?) წლებით<sup>3</sup>;  
 აკად. ნ. ბერძენიშვილი საბუთს თვლის 1245 წლის შემდეგ დაწერილად<sup>4</sup>.

თ. ჟორდანიას დათარიღება ემყარება, ერთი მხრივ, მის მცდარ სქემას  
 XIII ს-ის კათალიკოსთა რიგისას, ხოლო, მეორე მხრივ, იმ მოსაზრებას, რომ  
 დაწერილში აღნიშნული „მეოთხედ წასვლა თათართა შიგან ქრისტეს სჯულის  
 დასაცავად“ გულისხმობს ან ჯალალედინის წინააღმდეგ საბრძოლველად წას-  
 ვლას მისი მეორედ შემოსევის დროს, რაც თ. ჟორდანიას აზრით 1230 წ. მოხ-  
 და, ან მონღოლთა წინააღმდეგ ქართველთა პირველ გალაშქრებას, რაც, მისივე  
 აზრით, 1217—19 წლებს შორის უნდა მომხდარიყო<sup>5</sup>.

ს. კაკაბაძე გრიგოლ სურამელის „მეოთხედ თათართა შიგან წასვლას“ რა-  
 ტომლაც თვლენ დიპლომატიური მიზნით მოქმედებთან მის მეოთხედ წას-  
 ვლად. ეს კი, ს. კაკაბაძის აზრით, უნდა მომხდარიყო 1245—45 წლებს შო-  
 რის<sup>6</sup> (არ ჩანს, თუ რატომ ათარიღებს ს. კაკაბაძე გრიგოლის „თათართა  
 შიგან წასვლას“ ამ წლებით).

გრიგოლ სურამელის „თათართა შიგან წასვლის“ შესახებ ჩვენ ვიზიარებთ  
 აკად. ნ. ბერძენიშვილის მოსაზრებას, რომლის თანახმად აქ იგულისხ-  
 მება გრიგოლის წასვლა იმ სამხედრო სამსახურის მოსახდელად, რომელიც

<sup>1</sup> ხელრთვათა თანმიმდევრობა დაცულია საბუთის დედნის მიხედვით.

<sup>2</sup> ქრონიკები, II, 97; შიომღ. ისტ. საბ., გვ. 52.

<sup>3</sup> ს. კაკაბაძე. არსენ ჭყონდ. სიგ., საისტ. მოამბე, II, 1925, გვ. 131.

<sup>4</sup> ენიშვის მოამბე, V—VI, 1940, გვ. 405, 406.

<sup>5</sup> ქრონიკები, II, 97.

<sup>6</sup> საისტ. მოამბე, II, 1925, გვ. 131.



ქართველებს მონღოლებმა დააკისრეს მათი დუმნებად დაყოფის შემდეგ მოხდა, ალამუტის წინააღმდეგ საქართველოდან დამსმარე ჯარის გამოყვანის მიზნით<sup>2</sup>.

მაგრამ საბუთის დასათარიღებლად, გარდა იმის ახსნისა, თუ რას გულისხმობს გრიგოლ სურამელის „თათართა შიგან ქრისტეს სჯულის დასაცავად მეოთხედ წასვლა“, გადამწყვეტი მნიშვნელობა აქვს აგრეთვე ერთ ფაქტს: საბუთს ხელს ურთავს გრიგოლ სურამელის ძე ბეგა. როგორც ზემოთ აღვნიშნეთ, საბუთის ყველა ხელრთვა თანადროულია საბუთის დაწერისა, ბეგა კი პირდაპირ იხსენიება თვით საბუთის ტექსტში, როგორც დამსწრე მისი დაწერისა (ესე ყოველი ჩემითა ნებითა დამიწერია... მე გ'ვლ ქ'ს ე—ვ'სა ჯელითა ჩემითა... მარჯუნით დგუშუაა ძმისა ჩემისა ივენესსა და წინა დგუშუაა ძმისა ჩემისა ბეგასსა“)<sup>3</sup>. ამევე დროს, ჟამთააღმწერელი გვაუწყებს, რომ ბეგა სურამელი თან გაჰყვა ნარინ-დავითს მონღოლთა ურდოში, როგორც მისი თანშეზრდილი<sup>4</sup>. როცა ულუ-დავითი ყარაყორუმში ჩავიდა, აქ ნარინ-დავითის ამაღლაში სხვა ქართველთა შორის, მას ბეგა სურამელიც დახვდა<sup>5</sup>. როცა საქართველოში დაბრუნებული ნარინ-დავითი იძულებული იყო გაქვეუდროეო დასავლეთ საქართველოში, მას აგრეთვე თან ახლდა ბეგა სურამელი (თუმცა შემდეგ, როგორც ჩანს, ეს უკანასკნელი აღარ დარჩენილა დასავლეთ საქართველოში და ისევ დაბრუნებულა უკან — თავის საგვარეულო მამულში<sup>6</sup>). უნდა ვიფიქროთ, რომ ბეგა სურამელი ურდოდან საქართველოში დაბრუნებულა ნარინ-დავითთან ერთად.

ამდენად ცხადია, რომ „გრიგოლ სურამელის დაწერილი“ შედგენილია ან ნარინ-დავითის მონღოლთა ურდოში წასვლამდე, ან მისი საქართველოში დაბრუნების შემდეგ.

თუ მივიღებთ, რომ „თათართა შიგან მეოთხედ სალაშქროთ წასვლა“ გულისხმობს იმ სამხედრო ბეგარის მოსახდელად წასვლას, რომელიც ქართველებს დუმნებად დაყოფის შემდეგ დაეკისრათ და რაც თვით საბუთში „ჯერით ლაშქრათ წასვლად“ იწოდება, მაშინ თავისთავად იხსნება იმის შესაძლებლობა, რომ საბუთი დაწერილიყო ნარინ-დავითის წასვლამდე (რომ საბუთი ნარინ-დავითის წასვლამდე ვერ დაიწერებოდა, ამას მოწმობს კიდევ ერთი ფაქტი: საბუთის დაწერის დროს არსენ კათალიკოსი და მწიგნობართუხუცესი უკვე ბერადაა შემდგარი, ხოლო 1241—42 წლებში, როგორც ამას ქვემოთ დავინახავთ, ის ვაზირია და ჯერ კათალიკოსობაც კი არა აქვს წიღებული. საეპეოა,

<sup>1</sup> ენიშკის მოამბე, V—VI, 1940, გვ. 405—406.

<sup>2</sup> ქართლ. ცხ. (მარიაშ.), გვ. 622—624.

<sup>3</sup> შიომღვიმის ისტ. საბუთი, გვ. 54.

<sup>4</sup> ქართლ. ცხ. (მარიაშ.), გვ. 620—621.

<sup>5</sup> დასახ. წყარო, გვ. 642; მიუხედავად იმისა, რომ ჟამთააღმწერელი ფაქტების თანმიმდევრობას სწორად ურვეს. მისი ცნობების სხვა, როგორც ქართულ, ისე სომხურ, წყაროებთან შედარებით ირკვევა, რომ თვით ფაქტები ჟამთააღმწერელმა იცის და ამდენად სს. ცნობები ნდობის ღირსია.

<sup>6</sup> დასახ. წყარო, გვ. 655.

1241—42 წლებიდან 1242 წლის ბოლომდე, ან 1243 წლის დასაწყისამდე მას მოესწრო კათალიკოსობის მიღებაც და შემდეგ გადადგომა და ბერად შედგომა(3).

ე. ი. საბუთი დაწერილია ნარინ-დავითის საქართველოში დაბრუნების შემდეგ. ივ. ჯავახიშვილი დავით მეფეების საქართველოში დაბრუნებას ვარაუდობს 1248 ან 1249 წელს<sup>2</sup>, თ. ჟორდანიას—1247—48 წლებს შორის<sup>3</sup>, ს. კაკაბაძე—1249 წელს<sup>4</sup>.

იმისათვის, რათა გავარკვეოთ საქართველოში დავით მეფეების დაბრუნების დრო, საჭიროა ვიცოდეთ, თუ როდის დაამტკიცეს ყარაჯორუმში ისინი მეფეებად.

პ. კარპინი, რომელიც ყარაჯორუმში იმყოფებოდა 1246 წლის აგვისტოდან ნოემბრამდე, მოგვითხრობს დავითების მეფეებად დამტკიცების ამბავს გულუქ ყაენის მიერ. ამდენად, დავითები მეფეებად დაუმტკიცებიათ 1246 წლის აგვისტოსა და ნოემბერს შორის. ამის შემდეგ ისინი დიდხანს აღარ დაყოვნებდნენ და გამოემგზავრებოდნენ სამშობლოში. თუ სხედელობაში მივიღებთ მგზავრობის მაშინდელ ტემპებს, საქართველოში დაბრუნებულად ისინი უნდა ვიცვლეთ 1247 წელს.

ე. ი. «გრიგოლ სურამელის დაწერილი» შედგენილია არა უადრეს 1247 წლისა. ყველა მისი ხელმოწევი საბუთის დაწერის თანადროულია. ამდენად, არსენ კათალიკოსისა და არსენ კათალიკოს-მწიგნობარა:უხუტეცყოვილის ხელმოწევიც უნდა მივაკუთვნოთ 1247 წლის არაუადრეს ხანას.

#### „არსენ ბჟონდიდელის დაწერილი“

ამ საბუთით არსენ ჭყონდიდელი, ბათუ ყაენთან მოციქულობიდან დაბრუნებული, ამ მოციქულობის დროს მისთვის ერთგულად სამსახურისათვის აბულახტარისძეს უწყალობებს თავის „ჭყონდიდისა ქონებასა შიგა“ სოფ. ლუერკს.

საბუთს ხელს ურთავენ შემდეგი პირები:

- |  |            |
|--|------------|
| 1. არსენ ჭყონდიდელი მწიგნ. უხ.;                              | } II კეფი; |
| 2. რუსუდან მეფე;   |            |
| 3. დავით მეფე;   |            |
| 4. ქართლის კათალიკოსი არსენი;                                | } III კეფი |
| 5. ბასილი ჭყონდიდელ მწიგნ. უხ. და პროტოიპერტიმოსი;           |            |
| 6. დიდი მონასტრის წინამძღვარი ნიკოლოზ;                       |            |
| 7. ავაგ ათაბაგი;   | } IV კეფი  |
| 8. ნაჰანშა მანდატურთუხუცესი;                                 |            |
| 9. იშხნელყოფილი და საწოლისა და საჭურჭლისა მწიგნობარი ანტონი; |            |

<sup>1</sup> ე. ი. ნარინ-დავითის წახელის დრომდე. იხ. ნ. ბერძენიშვილი, დასა. ნაშრ., გვ. 403.

<sup>2</sup> ქართველთა ისტ., III, 1949, გვ. 137.

<sup>3</sup> ქრონიკები, II, 125.

<sup>4</sup> ს. კაკაბაძე, მსახურთუხ. გრიგოლ სურამელის სიგელი.



10. მმრჩაი მეჭურჭლეთუხუცესი<sup>1</sup>

საბუთის გამცემმა არსენ ჭყონდიდელმა შემდეგ კათალიკოსობაც მიიღო, როგორც ამას მოწმობს ზემოთ განხილული „გრიგოლ სურამელის დაწერილი“. აქ კი, როგორც ვხედავთ, ის მხოლოდ ჭყონდიდელ-მწიგნობართუხუცესია. ამდენად, საბუთის დათარიღება დაგვეხმარება იმის გარკვევაში, თუ როდის მიიღო კათალიკოსობა არსენ ჭყონდიდელმა.

საბუთის პირველ გამოცემელს ს. კაკაბაძეს ის მიაჩნია 1242—45 წლებს შორის დაწერილად<sup>2</sup>.

აკად. ნ. ბერძენიშვილი საბუთს ათარიღებს 1241—42 წლებით: და ამასთან იქვე აღნიშნავს, რომ ამ თარიღის მეტი საფუძვლიანობით დასაზუსტებლად საჭიროა მთელი ეპოქის ქრონოლოგიის კრიტიკული შესწავლა. ჩვენ ვცადეთ ეპოქის ასეთი კრიტიკული შესწავლა, მაგრამ, სამწუხაროდ, მეტი საფუძველი ამ დათარიღების უძველესაყოფად მაინც ვერ მოვიპოვეთ. მაინც საბუთის დაწერის თარიღად ჩვენ გიღებთ 1241—42 წლებს, როგორც არსებული მასალების მიხედვით ყველაზე სარწმუნოს. მაგრამ ჩვენი მიზნისთვის საინტერესოა არა მარტო საბუთის ტექსტი, არამედ მისი ხელრთვითი ნაწილიც, სადაც ხელს ურთავს კათალიკოსი არსენი. საჭიროა გაირკვეს ამ ხელრთვის თარიღიც.

პროფ. ი. ცინცაძემ ცხადყო და აკად. ნ. ბერძენიშვილმაც დაადასტურა ის ფაქტი, რომ იმ 4 კვებისგან, რომელთაგანაც შედგება საბუთი, 2 უკანასკნელი კეფი გვიანაა მიკერებული საბუთზე და ამდენად ამ კეფებზე მოთავსებული ხელრთვებიც არ არიან საბუთის დაწერის თანადროული. ამ ხელრთვებში შედის არსენ კათალიკოსის ხელრთვაც (ის მოთავსებულია მესამე კეფის თავში).

III კეფზე, გარდა არსენ კათალიკოსისა, ხელს ურთავენ აგრეთვე ბასილი ჭყონდიდელი და დიდი მონასტრის წინამძღვარი ნიკოლოზი. ვფიქრობთ, შეცდომა არ იქნება, თუ სამივე ამ ხელრთვის, ან ყოველ შემთხვევაში პირველ ორს მაინც ერთდროულად მივიჩნევთ: საეჭვოა, რომ მარტო ერთი ხელრთვისთვის საკმაოდ დიდი ზომის კეფი მიეკერებინათ საბუთზე, მით უმეტეს, რომ როგორც დედნის შემოწმებისას გამოიჩვენა, წინა კეფზე საკმაოდ გილია დარჩენილი ერთი ხელრთვისთვის, ე. ი. არსენ კათალიკოსის ხელრთვა თანადროულია ბასილი ჭყონდიდლის ხელრთვისა.

როგორც დავინახეთ, ამ საბუთის დაწერისას, ე. ი. 1241—42 წლებში, ჭყონდიდლად ყოფილა არსენი, შემდეგ მას მიუღია კათალიკოსობაც და ბოლოს ბერად შემდგარა. კათალიკოსობის მიღებას და შემდეგ ბერად შედგომას არსენი 1244 წელზე ადრე მაინც ვერ მოასწრებდა: არაბუნებრივი იქ-

<sup>1</sup> ხელრთვათა თანმიმდევრობა დაცულია საბუთის დედნის მიხედვით (იხ. საქ. ცენტრ. არქ., ფ. 226, № 5003).

<sup>2</sup> საისტ. მოაზრ., II, 1925, გვ. 131, XIII ს. I ნახ. კათალიკოსები; შიომღვ. 3 ისტ. საბ.; საისტ. კრებ., II, 1928.

<sup>3</sup> ნ. ბერძენიშვილი. დასახ. ნაშრ., გვ. 409.

ნებოდა, რომ არსენს კათალიკოსობა მიეღო და მაშინვე გადამდგარიყო. ამრიგად, ბასილი 1244 წელზე ადრე მაინც ჭკონდიდლად ვერ გახდებოდა და ამდენად მისი ხელრთვაც „არსენ ჭკონდიდლის დაწერილში“ ამაზე ადრინდელი ვერ იქნება.

1244 წელი იქნება არსენ კათალიკოსის ხელრთვის ქვედა ზღვარიც (terminus ante q. n.).

არსენ კათალიკოსზე ქვევით (IV კეფის თავში) საბუთში ხელი ჩართული აქვს ავაგ ათაბაგს. ამდენად, არსენ კათალიკოსის ხელრთვის ზედა ზღვრად (terminus p. q. n.) შეგვიძლია ავიღოთ ავაგის გარდაცვალების თარიღი. ეს თარიღი ზუსტად გაურკვეველია. სომხური წყაროები ასახელებენ 1249<sup>1</sup> და 1250 წლებს<sup>2</sup>.

არსენ კათალიკოსის ხელჩართვის ქვედა ზღვარი უფრო დაზუსტდება, თუ დაეუშვებთ, რომ ავაგ ათაბაგსა და არსენ კათალიკოსს ერთდროულად აქვთ საბუთში ხელი ჩართული<sup>3</sup>, რადგან ავაგის ხელრთვისთვის ამ ზღვრის დადგენა უფრო ზუსტად ხერხდება.

როგორც ქამთაალმწერელი იუწყება, ავაგი მონღოლთა ნოინმა გააგზავნა ბათუ ყაენთან, იქიდან ის გაემგზავრა ყარაყორუმში, საიდანაც მეფეებზე ადრე დაბრუნდა საქართველოში<sup>4</sup>. ჩვენი აზრით, ავაგმა საბუთს ხელი ჩაურთო მონღოლთა ურდოდან საქართველოში დაბრუნების შემდეგ და არა საქართველოდან წასვლამდე — შემდეგი ფაქტების საფუძველზე:

ა. საბუთი დაწერილია 1241—42 წლებს შორის. ამ დროს ავაგი ან უკვე წასული იყო ბათუ ყაენთან, ან ძალიან მცირე ხნის შემდეგ წავიდა (ნარინდავითი ურდოში წავიდა 1242 წლის ბოლოს, ან 1243 წლის დასაწყისში<sup>5</sup>, ხოლო ავაგი ამაზე ადრე). თუ ავაგი წავიდა საბუთის დაწერამდე, ცხადია, თავისთავად იხსენბა შესაძლებლობა მის მიერ წასვლამდე საბუთში ხელის ჩართვისა, ხოლო, თუ ავაგი საბუთის დაწერიდან მცირე ხნის შემდეგ წავიდა, მაინც არ არის დასაშვები წასვლამდე ავაგის ხელჩართვის შესაძლებლობა: ავაგზე წინ (გვიან მიკერებულ III კეფზე) საბუთს ხელს ურთავს ბასილი ჭკონდიდელი, რომელიც, როგორც აღვნიშნეთ, 1244 წელზე ადრე მაინც ჭკონდიდლად ვერ იქნებოდა.

ბ. როგორც „გრიგოლ სურამელის დაწერილიდან“ ჩანს, არსენ ჭკონდიდელს კათალიკოსობაც მიჰქონდა, შემდეგ გადამდგარა და შიომღვიმის მონასტერში აღკვეცილა ბერად. არსენ ჭკონდიდლის დაწერილის<sup>6</sup> გვიან მიკერებულ კეფებს ხელს ურთავს კათალიკოსი არსენი, რომელიც, ცხადია, სხვა არ-

<sup>1</sup> კირაკოზ განძაკელი. *ჟამთ. საკიე*, 1909, გვ. 377.

<sup>2</sup> სტეფანოზ ორბელიანი. *საზანღუნ თაშნ შიასქან*, 1910, გვ. 398, 412;

ვარდანი, *ჟამთ. თხიყერქან*, 1851, გვ. 194.

<sup>3</sup> ამ დაშვებას მხარს უჭერს აკად. ნ. ბერძენიშვილის მოსაზრება, რომ III და IV კეფები საბუთზე ერთდროულადაა მიკერებული (იხ. სავაზირო, ენ-მკის მოამბე, V—VI).

<sup>4</sup> ქართლ. ცხ. (მარიამ), 607, ქამთაალმწერლის ამ ცნობას კირაკოზ განძაკელიც ადასტურებს. იხ. *ჟამთ. საკიე*, გვ. 248—253.

<sup>5</sup> ნ. ბერძენიშვილი. დასა. ნაშრ., გვ. 403.





სენია და არა ქყონდიდელყოფილი (ჯერ ერთი, ერთი და იგივე პირი საბუთს ორჯერ ხელს არ ჩაუბრუნებდა და, მეორეც, ეს არსენი არსენ ქყონდიდელს მესამე პირში იხსენიებს); ე. ი. საბუთის დაწერიდან მასზე გვიანდელი კვების მიკერებამდე არსენ ქყონდიდელს მოუსწრია კათალიკოსობის მიღებაც და გადადგომაც — მის მავიერად ამ დროს სხვა კათალიკოსი ყოფილა. ეს კი, ცხადია, ვერ მოესწრებოდა ავაგის წასვლამდე (რაც, როგორც აღვნიშნეთ, თუ არ დაემთხვა საბუთის დაწერის დროს, ბევრით მაინც ძიარ გადასცილდა მას).

მაშასადამე, ავაგს საბუთში ხელი ჩაურთავს ყარაყორუმიდან საქართველოში დაბრუნების შემდეგ.

ქამთაღლმწერლის ცნობით, ავაგი ულუ-დავითს ყარაყორუმიში დახვდა<sup>1</sup>. შემდეგ ის სხვა დიდებულებთან ერთად მონაწილეობს იმ ცილობაში, რომელიც აქ ქართველებს გამართული ჰქონდათ მეფის კანდიდატურის საკითხზე. შემდეგ „ვითარ განგრძელთა მათ შორის ცილობა, მაშინ ავაგ ათაბაგი წარმოავლინეს და მისცეს იერლიყი შეწყალებისა“<sup>2</sup>. ე. ი. ავაგი ყარაყორუმიდან წამოსულა დაახლოებით 1246 წლის შუა ხანებში (თუ მივიღებთ, რომ დავითები მეფეებად ამ წლის აგვისტოდან ნოემბრამდე დაამტკიცეს). საქართველოში ის 1247 წლის დასაწყისს უნდა ვიგულოთ ჩამოსულად.

ამრიგად, ავაგის ხელრთვის ქვედა ხლარი „არსენ ქყონდიდლის დაწერილში“ იქნება 1247 წელი. ხოლო, თუ ავაგისა და არსენ კათალიკოსის ხელრთვები თანდართულია, მაშინ ამ უკანასკნელის ხელრთვის ქვედა ხლარიც 1247 წელი იქნებოდა და არა 1244.

ამგვარად, „არსენ ქყონდიდლის დაწერილის“ ტექსტი და ხელრთვები II კეფზე მიეკუთვნება 1241—1242 წლებს. III კეფზე მოთავსებული ხელრთვები უნდა დათარიღდეს 1244—1250 (ან იმ შემთხვევაში, თუ III და IV კეფები ერთდროულადაა საბუთზე მიკერებული — 1247—1250) წლებით.

#### „მსახურთუხუცეს ბრიზოლ სურამელის დაწერილი“

საბუთი დაწერილია შიომღვიმის მონასტრის კრებულის სახელით, მსახურთუხუცეს გრიგოლ სურამელისათვის. საბუთიდან ირკვევა, რომ გრიგოლ სურამელს აუშენებია შიომღვიმის მონასტრისთვის წისქვილი, ხოლო მეწისქვილედ შეუწირავს მონასტრისგანვე ნასყიდი გლეხი<sup>3</sup>.

საბუთს ხელს ურთავენ შემდეგი პირები:

1. კათალიკოსი ნიკოლოზი;
2. დემეტრე მოძღვარი;
3. ქართლის მთავარეპისკოპოზი გიორგი.

<sup>1</sup> ქართ. ცხ. (მარიაშ.), გვ. 642.

<sup>2</sup> შვეს. ქართ. ცხ., გვ. 381.

<sup>3</sup> ეს საბუთი ორიგინალურია იმით, რომ იგი წარმოადგენს შეწირულებას „დაწერილს“ და, ამვე დროს, ამ „დაწერილს“ შემწირველი კი არ წერს (ის ხელსაც კი არ ურთავს), არამედ მონასტერი თვით უწერს შემწირველს.



საქიროა გამოვარკვევით კათალიკოს ნიკოლოზის ხელრთვის თარიღი. ნიკოლოზის ხელრთვა საბუთის დაწერის თანადროულია. ამას მოწმობს ის ფაქტი, რომ ნიკოლოზი თავის თავს უწოდებს „მოწამეს და დამამტკიცებელს“. ამასთან, ნიკოლოზის შემდეგ ხელჩამრთველი დემეტრე მოძღვარი თავის თავს უწოდებს „მოწამეს და თანადამჯდომს“ — ცხადია, მის წინ ხელჩამრთველი ნიკოლოზიც „თანადამჯდომი“ იქნებოდა საბუთის დაწერისას. ამდენად საბუთის დაწერის თარიღი იქნება ნიკოლოზის ხელრთვის თარიღიც.

საბუთი მის პირველ გამომცემელს თ. ჟორდანიას დათარღებული აქვს 1246—1257 წლებით<sup>1</sup>.

საბუთის შემდგომ გამომცემელს ს. კაკაბაძეს 1249—50 წლებს შორის დაწერილად მიაჩნია ის<sup>2</sup>.

თ. ჟორდანია დათარიღებისას ემყარება, ერთი მხრივ, იმ მოსაზრებას, რომ კათალიკოსი ნიკოლოზი, მისი აზრით, პირველად იხსენიება ქართ. ცხოვრებაში 1246 წლის ახლოს, ხოლო, მეორე მხრივ, იმ მოსაზრებას, რომ გრიგოლ სურამელი ქართ. ცხ-ში უკანასკნელად იხსენიება 1257 წელს.

როგორც ზემოთ აღვნიშნეთ, კათალიკოს ნიკოლოზის პირველი მოხსენება ქართლის ცხ-ში ეკუთვნის არა 1246 წელს, არამედ 1256 წლის შემდგომ ხანას. რაც შეეხება გრიგოლ სურამელს, ჯერ ერთი, მისი უკანასკნელი მოხსენება ქართ. ცხ-ში ეკუთვნის არა 1257 წელს, არამედ 1260 წელს (იგულისხმება ეგვიპტეზე ლაშქრობის დროს საქართველოს მეფესა და დიდებულებს შორის განხეთქილების დრო). მეორეც, ქართ. ცხ-ში მისი უკანასკნელი მოხსენება არ ნიშნავს მაინცდამაინც იმას, რომ ამის შემდეგ ის ცოცხალი აღარ იყო.

ს. კაკაბაძე დათარიღებისას გამოდის იქიდან, რომ, როგორც ის ფიქრობს, მასში ხელი ჩართული აქვს ორივე დავით მეფეს.

ჩვენი აზრით, საბუთის ორი პირველი ხელრთვა, სადაც პიროვნებები დასახელებული არ არიან<sup>3</sup>, მართლაც, ეკუთვნიან დავით მეფეებს. აშკარაა, რომ ნიკოლოზი სხვას არაფერს შეიძლება გულისხმობდეს, თუ არ დავით მეფეების ხელრთვას, როცა აღნიშნავს: „ესე ვითა წათა და ღმერთ შემოსილთა მამათა მემღუიმს... დაწერია და პატრონთა საუფლოთა ჳელითა დაუმტკიცებია...“

დავითების თანამეფობის ხანას ს. კაკაბაძე საზღვრავს 1249 წლის ბოლოდან ავაგის სიკვდილამდე<sup>4</sup>. ს. კაკაბაძე რატომღაც ასკვნის ქართლის ცხოვრებაზე დაყრდნობით, რომ როცა ნარინ-დავითი დასავლეთ საქართველოში გაიქცა, ავაგ ათაბაგი ჯერ კიდევ ცოცხალი იყო. მაგრამ ეს სრულიად არ ჩანს ქართლის ცხოვრებიდან — აქ მხოლოდ აღნიშნულია, რომ დავითმა გაიარა ავაგის მამულზე<sup>5</sup>. მართალია, ეს ცნობა მოწმობს, რომ ეს მა-

<sup>1</sup> ქრონიკები, II, 127; შიომღვ. ისტ. საბ., გვ. 63.

<sup>2</sup> ს. კაკაბაძე. მსახურთუხუცეს გრიგოლ სურამელის სიგელი. გვ. 4.

<sup>3</sup> იხ. დედანი საბუთისა — საქ. მუხ., ფ. Ad, № 4.

<sup>4</sup> ს. კაკაბაძე. მსახურთუხუცესის გრიგოლ სურამელის სიგ., გვ. 4.

<sup>5</sup> ქართლის ცხოვრება (მარიაშ.), გვ. 655.



მული ჯერ კიდევ ავაგის სახლს ეკუთვნოდა, მაგრამ სრულიადაც არ შეუთმობს იმაზე, რომ ავაგი მაინცდამაინც ცოცხალი იყო.

ნარინ-დავითის დასავლეთ საქართველოში გაქცევის დროზე ჩენ ვიზირებთ აკად. ნ. ბერძენიშვილის მოსაზრებას—იმ საფუძველზე, რომ სტეფანოზ ორბელიანი სუმბატ ორბელის ყაენთან წასვლას უკავშირებს ნარინ-დავითის დასავლეთ საქართველოში გაქცევას; ეს გაქცევა უნდა მომხდარიყო 1250—51 წლებში<sup>1</sup>. ჩენი აზრით, ამ გაქცევით, თუ ფორმალურად არა, ფაქტიურად მაინც, დასრულდა დავითების თანამეფობის პერიოდი (ე. ი. ეს პერიოდი გრძელდებოდა 1247 წლიდან—1250—1251 წლამდე). ჟამთააღმწერელი ამ ფაქტს ასე გადმოგვცემს: გაქცეული ნარინ-დავითი სუმბატ ორბელისგან წამოსული მივიდა თორში ლიპარიტ თორელთან, ხოლო მან „უძღვნა ცხენნი და შესამოსელნი და წარჰყვა ქეთაის, ხოლო ვითარ ცნეს აფხაზთა, სენთა, დადიანთა, ბედიანზან, რაჰის ერისთავმან და სრულიად ლიხთ-იმერთა, შემოკრბეს სიხარულითა დიდითა და მეფე ჰყვეს დავით რუსუდანიის ძე აფხაზთა ვიდრე ლიხთამდე. აქა შინა შეიქმნა სამეფო ესე ორ სამთავროდ. გარნა, ეგრეცა იყუნეს სიყუარულსა ზედა ერთმანეთისასა დავით და დავით. და დარჩა ლიხთ-აქათი ლაშას ძესა და ლიხთ-იმერი რუსუდანიის ძესა. და მოიწყო ყოველი ქვეყანა და მოიგო სიმდიდრე უზომო ლაშას ძე მან და წარმართა სახლი თჳსი სამეფო კეთილად და მონებდა ულო-ყაენსა“<sup>2</sup>. შესაძლოა, საქართველო მაინც ერთ მთლიან სამეფოდ, ითვლებოდა ნარინ-დავითის დასავლეთ საქართველოში დამკვიდრების შემდეგაც, ხოლო ორივე დავითი—ამ მთლიან სამეფოს მეფეებად 1260—1261 წლამდე, როცა, ჟამთააღმწერლის ცნობით, მეფეებმა გაიყვეს ქვეყანა და საპურტლე ორად<sup>3</sup>. მაგრამ, ცხადია, რომ ეს თანამეფობა რეალური არ იქნებოდა. ყოველ შემთხვევაში ცხადია, რომ ნარინ-დავითის გაქცევის შემდეგ მეფეები ერთად ვეღარ ჩაურთავდნენ საბუთს ხელს. ამიტომ „მსახურთუხუცეს გრიგოლსურამელის დაწერილი“, სადაც ეს ერთობლივი ხელრთვაა, უნდა მივიჩნიოთ 1247—1251 წლებში დაწერილ საბუთად (ცხადია, ეს საბუთი დაწერილია არა უადრეს 1247 წლისა, რადგან, ჯერ-ერთი, ამაზე ადრე მეფეები დაბრუნებული არ იყვნენ საქართველოში და, მეორე, ამ წელზე არა უადრეს, როგორც დავინახეთ, „არსენ ჰყონდიდლის დაწერილს“ ხელს ურთავს არსენ კათალიკოსი.

განხილულ საბუთებზე დაყრდნობით, XIII ს-ის 40-იანი წლების კათალიკოსთა რიგი შემდეგი სახით შეიძლება წარმოვადგინოთ:

მიქელი

კათალიკოსად ჩანს მის მიერ 1241 წელს დაწერილ საბუთში.

არსენ ჰყონდიდელი

<sup>1</sup> ნ. ბერძენიშვილი. ეპიზოდი ფეოდალურ საგვარეულოთა სამამულო ბრძოლიდან. თ. ს. უ. შრ., VII, 1938, გვ. 206, შენიშ. 2.

<sup>2</sup> შევს. ქართლ. ცხ., 383.

<sup>3</sup> დასახ. წყარო, 393.

1241—42 წლებში მის მიერ დაწერილ საბუთში ჩანს მხოლოდ კუპრის დიდლად; 1247 წელზე არა უადრეს დაწერილ „გრიგოლ სურამელის დაწერილში“ ის უკვე კათალიკოს-მწიგნობართუხუცესყოფილია და ბერადაა შიომღვიმეში შემდგარი;

#### არსენი

1244 (1247)—1250 წლებს შორის ხელს ურთავს „არსენ ჭყონდიდლის დაწერილს“, როგორც კათალიკოსი; 1247 წელზე არა უადრეს ხელს ურთავს „გრიგოლ სურამელის დაწერილს“;

#### ნიკოლოზი

ხელს ურთავს 1247—1250 წლებს შორის „გრიგოლ მსახურთუხუცესის დაწერილს“.

(ქართლის ცხოვრების ცნობით 1282 წლის ახლოს ნიკოლოზი გადადგა<sup>1</sup>).

რაც შეეხება არსენ ბულმაისიმის ძეს, მის შესახებ ჩვენ ვიზიარებთ აკად. ნ. ბერძენიშვილის მოსაზრებას, რომ ის იყო აფხაზეთის კათალიკოსი და რომ „მიქელ კათალიკოსის დაწერილში“ მოხსენებული „სიწმინდისა მათისა მრწემი“ კათალიკოსის სწორედ ეს ბულმაისიმის ძე აფხაზთა კათალიკოსია<sup>1</sup>.

<sup>1</sup> დასახ. წყარო, 418.



ბ. ზატარაია

ქსნის, მჰადისჯვრის და მუხრანის ციხე-სიმაგრეები

შესავალი

ქართული მონუმენტალური ხუროთმოძღვრების ერთი ნაწილი—ციხე-სიმაგრეები თითქმის არაა შესწავლილი და ფიქსირებულიც ცოტაა. საქართველოს რთული რელიეფის მქონე ტერიტორია დაქსელილია სხვადასხვა ეპოქისა და ტიპის ციხე-კოშკებით.

1948/49 წლებში საქართველოს მუზეუმის ისტორიის განყოფილების მიერ ციხეების შესასწავლად ჩატარებული მუშაობის შედეგის ერთი ნაწილია აქ წარმოდგენილი. ჩვენ, ამ შემთხვევაში, ვარჩიეთ უახლოესი ეპოქის ძეგლების შესწავლა, რადგანაც მათ შესახებ მეტი ისტორიული საბუთები გვაქვს და ძეგლებიც საკმაოდ შეიმორჩენილი<sup>1</sup>.

ჩვენ აქ ვიხილავთ არა მარტო ერთი ეპოქის ძეგლებს, არამედ ერთისა და იმავე ადამიანის მიერ ათი წლის განმავლობაში აგებულ სამ ციხეს. ასეთებია: ქსნის, მჰადისჯვრისა და მუხრანის ციხეები. მათ ამგებად გვევლინება XVIII ს. მეორე მესამედის სახელგანთქმული სარდალი და ქართლში თეიმურაზის მეფობისას სახლთუხუცესი და ქალაქის მოურავი კონსტანტინე მუხრანბატონი.

ქვეყნის განსაკუთრებული მდგომარეობის გამო, დიდი მშენებლობის შედეგად წარმოშობილმა სამუხრანბატონოს ამ ციხეებმა ძალიან დაზიანებული სახით მოაღწიეს ჩვენამდე, მაგრამ მშენებელთა სასახელოდ უნდა ითქვას, რომ ისინი საკმაოდ მტკიცე ნაგებობას წარმოადგენდნენ და მშენებლობის განვითარების მაღალი დონის მაჩვენებლები არიან.


აღებული ძეგლებიდან პირველი—ქსნის ციხე მდებარეობს დღევანდელი მცხეთის რაიონში, მდ. ქსნის მარცხენა ნხარეს სარკინეთის მთაზე; იგი ამ

<sup>1</sup> ეს ძეგლები ჩვენ შეისწავლეთ აკად. ს. ჯანაშიას სახ. საქ. სახელმწ. მუზეუმის მიერ მოწყობილი ექსპედიციების შედეგად. ქსნის ხეობის ხუროთმოძღვრული ძეგლების შემსწავლელ ექსპედიციაში 1948 წ. ჩვენთან ერთად მონაწილეობდნენ: არქიტექტორები ვ. წილთაძე, ნი. ი. ქავთარაძე, ა. აშბრიაშვილი და ფოტოგრაფი ვ. თულაშვილი, ხოლო არაგვი-თერგის ხეობების ძეგლების შემსწავლელ ექსპედიციაში 1949 წ. მონაწილეობდნენ: არქიტექტორი ს. ბოლქვაძე და ფოტოგრაფი ი. გოგუაძე.

აქ წარმოდგენილი ნახაზებიდან სურ. 2 და 20 ამ შრომის ავტორის მიერაა შესრულებული, სურ. 1, 7 და 8—ს. ბოლქვაძის მიერ, ხოლო დანარჩენი—ვ. წილთაძის მიერ.



ადგილიდან დარაჯობდა მტკერისა და ქსნის ხეობებს (ტაბ. I და II). მეორე—შქადისჯერის ციხე დუშეთის რაიონშია. იგი ცენტრიდან დაცობებულია 5—6 კლმ. ჩრდილო-დასავლეთის მიმართულებით და დვას მდ. ნარეკვავის ნაპირს (ტაბ. III). ნესაზე ციხე—ნუსხანისა მათ შუა მდებარეობს (სურ. 1), ისევე ქსნის მარცხენა მხარეს (ტაბ. IV).




სურ. 1. რუკა

## აღწერა

ქსნის ციხე შეიქმნა ძირითადად ორი პერიოდის ნაგებობას (სურ. 2). თავდაპირველი ციხის კედლებიდან ძალიან ცოტაა გადარჩენილი და მალთანავე აბრისის აღდგენაც კი არ ხერხდება. მაშინ, როდესაც კონსტანტინე სახლთუხუცესი შესდგომია მის მეორედ აგებას, იგი მცირე ზომისა და მარტივი აგებულების ყოფილა. დაიწყებთ პირველი ფენის აღწერით.

მთის წვერზე წამოდგმული ციხის კედლები მისდევს მთის რელიეფს და ცხოველხატული სურათი იქმნება. ციხის შიგნითა ტერიტორია სწორ

ზედაპირს წარმოადგენს. ციხის გეგმა რელიეფით არის ნაქარნახევი, ისევე როგორც  
 თო მოხაზულობით უწყსო წრავალგვერდა და ოდნავ ჩრდილო-სამხრეთითაა  
 დაგრძელებული. ვალაყანი სხედასხვა ზომისა და ფორმის ბურჯებით ყოფი-  
 ლა გამაგრებული.



სურ. 2. ქსნის ციხე. გეგმა


ციხეს მხოლოდ ორი კოშკი ჰქონია: ერთი წრიული გეგმისა ჩრდილო-  
 აღმოსავლეთით და მეორე — სწორკუთხა ჩრდილო-დასავლეთით. არც ერთსა  
 და არც მეორე კოშკს თავდაპირველი სახე არ შერჩენია და ამიტომ მათ სა-  
 ერთო ფორმაზე და ფუნქციაზე მხოლოდ მიახლოებითი წარმოდგენა შეიძ-  
 ლება ვიქონიოთ.

ცილინდრული კოშკი ოთხ მეტრამდეა შერჩენილი. მას შესასვლელი ეზო-  
 დან ჰქონია და პირველი სართული ეზოს დონეზე დაბლავ. მის კედლებში სარ-  
 კმლებისა და სათოფურების კვალი არ ჩანს. იგი, შეიძლება, საწყობად იყო  
 გამოყენებული და არც ისაა გამორიცხული, რომ საპყრობილედ ყოფილიყო.

ჩრდილო-დასავლეთის კუთხის კოშკის შიდა კედლები მთლიანად მოშ-  
 ლილია. ჩანს, ნაწილობრივ, მხოლოდ მისი კვალი. შერჩენილი ნაწილის მიხედ-  
 ვით შეიძლება დავასკვნათ, რომ ის რამდენიმე სართულიანი ყოფილა. სარ-  
 თულშუა გადახურვა ხისა იქნებოდა, მაგრამ კედლებში კოჭების ბუდეები არ-  
 სად ჩანს.



ციხის კედლებიდან ყველაზე მეტად დაზიანებული დასავლეთისა. დღეს მისი კვალის აღდგენა მხოლოდ მიახლოებით ხერხდება და რადგან სხვა კედლების ქვედა ნაწილები ყველგან შემონახულია და შემოსასვლელი კი არასად არ ჩანს, ამიტომ უნდა ვიფიქროთ, რომ ციხეში შესასვლელი, თუ იგი მიწის ღონზე იყო, სწორედ ამ დასავლეთის მონაკვეთში იქნებოდა. დანარჩენი კედლებიდან, სამხრეთისა ორ მეტრამდეა, აღმოსავლეთის კედელმა კი მის მარცხენა ნაწილში 7—8 მეტრის სიმალით მოაღწია, ხოლო მარჯვენა ნაწილი გადაკეთებულია შემდეგი დროის კოშკში შესასვლელის მოსაწყობად. ამ კედელში ხუთი მეტრის სიმაღლეზე სხვადასხვა ზომისა და ფორმის სათოფურები ყოფილა მოწყობილი (სურ. 3). ამათგან ხუთი—მარცხენა მონაკვეთშია, ორი (გარეთ შეერთებული)—მარჯვენაში (იგი დღეს დიდი კოშკის ტერიტორიაზე).



სურ. 3. ქსნის ციხე. განაკვეთი ჩრდილო-დასავლეთით

ჩრდილო კედლის ბოლოებში, როგორც უკვე აღვნიშნეთ, კოშკებია და თვით კედლის თითქმის ერთი მესამედი მარჯვენა ნაწილში შემდეგი დროისაა. ძველ ნაწილში კი ორი მაღალი სათოფურია, თითქმის იმავე ჰორიზონტზე, როგორც აღმოსავლეთით.


ციხის მეორედ აგების დროს გალავნის შემორჩენილ ნაწილს სჭირდებოდა გამაგრება და კედლების დამატება. აღმოსავლეთით და სამხრეთით ამოუყვანიათ დამატებითი კედლები, რის გამოც ძველი კედლები გარედან სრულებით არ ჩანს, ხოლო დასავლეთისა და ჩრდილო კედელი გაუმაგრებიან და ზედაც დაუშენებიათ. ამ ახალ ნაწილებში ყველგან სათოფურ-სალოდეებია მოწყობილი, მაგრამ გარკვევით არ ჩანს, თუ როგორ იყო მოწყობილი მეტრძოლთა ჩამოსადგომი, არა მარტო ახალი ფენის ზედა ნაწილში, რომელიც მიწის დონიდან ცხრა მეტრზეა, არამედ ქვედა ნაწილებშიც, სადაც სათოფურების დონე 4—5 მეტრზეა. უნდა ვიფიქროთ, რომ ამ ადგილებში ხისგან გაკეთებული ჩამოსადგომი იქნებოდა. ასეთი ჩამოსადგომი მიჰყვებოდა, ალბათ, გალავანს.



შიგნიდან და შერტთებული იქნებოდა კოშკების შიგნითა ხის შვერილ აივნებთან. აღმოსავლეთის კედლის ზედა ნაწილის სათოფურებისათვის კი ჩამოსადგომად ძველი კედელი გამოუყენებიათ. შესაძლოა, ასეთი კომბინირებული, უწყვეტი გარსშემოსავლელი ჰქონოდა გალავანს. ციხის ძველი კედლები მთლიანად რიყისქვით არის ნაგები.

როგორც აღწერიდანაც ჩანს, თავდაპირველი ციხიდან ძალიან ცოტაა გადარჩენილი. არანაკლებადაა დაზიანებული მეორე ფენაც, მაგრამ აქ შედარებით უკეთ ჩანს ფორტიფიკაციული ნაგებობის სისტემა და ზოგიერთი დეტალი.

კონსტანტინე სახლთუხუცესს დიდი მასშტაბით უწარმოებია მშენებლობა და მთლიანად სახე უცვლია ამ ციხისათვის. უპირველეს ყოვლისა, მას გაუმაგრებია გალავანი და აუგია ოთხი სხვადასხვა ზომისა და ფორმის საომარ-საცხოვრებელი კოშკი.



სურ. 4. ქსნის ციხე. განაკეთი ჩრდილო-აღმოსავლეთით

აღმდგენელს კოშკები გალავნის ირგვლივ შემდგენაირად განულავებია: ერთი, ყველაზე დიდი, მოთავსებულია სამხრეთ-აღმოსავლეთის კუთხეში, მეორე — სწორკუთხა გეგმის მქონე — დასავლეთის კედლის თითქმის ცენტრში, მესამე — ცილინდრული, ჩრდილო-დასავლეთის კუთხეში და მეოთხე — ისიც ცილინდრული — აღმოსავლეთის კუთხის ძველ კოშკზეა შემოშენებული.

კოშკი I ყველა კოშკზე მაღალია და გეგმით კვადრატს უახლოვდება. აქვე ბანზე იქნებოდა მოთავსებული სათვალთვალ პუნქტი, რაც გამართლებულია მისი მდებარეობით. სწორედ ეს კუთხე გადაპყურებს მტკვრისა და ქსნის ხეობებს. ციხეში შესასვლელიც აქედანვე იყო მოწყობილი.

კოშკის აღმოსავლეთისა და სამხრეთის კედლებიდან კვალიც კი არ დარჩენილა (ჩამოზვავებულ ფერდობს გაჰყოლია), დასავლეთის კედლის ჩრდილო ნახევარიც ნაწილობრივია დარჩენილი. ჩრდილო კედელი კი შედარებით დაცულია (სურ. 2, 3 და ტაბ. V). ამ ექვსსართულიანი კოშკის (სიმაღლე 16 მეტრს აღწევს) პირველი სართული, როგორც ეტყობა, ყრუ კედლებიანი ყოფილა და ჩასვლა მეორე სართულის იატაკიდან ხდებოდა. ასეთი სადგომი, ალბათ,



საწყობად თუ გამოდგებოდა. ზედა ოთხი სართული საცხოვრებელ-საბრძოლო იყო და ბოლო, მეექვსე — ჩვეულებრივ ბანს წარმოადგენდა.

მეორე სართულის ჩრდილო კედელში (კედლის სისქე 1,7 მ) მოთავსებულია კარი, რომელიც შიგნით გადახურულია ხის კოჭებით და გარედან ისრული ფორმის თალით. გვერდითა დასავლეთის კედლის მთელ სიგანეზე ერთი თალია, რითაც იქმნება ღრმა ნიშა. ამ ნიშის ზედა ნაწილში რაღაც ოთხკუთხედი ფორმის საგანი ყოფილა ჩასმული, დღეს მხოლოდ მისი ბუდე ჩანს. თუ ვიმსჯელებთ ამ თალის მიხედვით, ეს სართული ყველაზე მაღალი ყოფილა (მისი სიმაღლე 4 მეტრია, მაშინ როდესაც დანარჩენი 2 ან 2,5 მეტრია), რაც გამართლებულია იმ გარემოებით, რომ ციხეში შემომსვლელი პირველად სწორედ ამ სადგომში ხვდებოდა და იგი სხვებისაგან გამოირჩეული უნდა ყოფილიყო.

შესამე სართულს საცხოვრებელ ელემენტებთან ერთად საბრძოლოც აქვს. ჩრდილო კედელში განლაგებულია ქვედა სართულში მდებარე შემოსასვლელის დასაცავი ელემენტები. კარის ღერძზე მაღალი და განიერი ნიშაა, რომელიც გარეთ გამოდის სარკმლის სახით და ზოგიერთ შემთხვევაში სალოდელაც გამოადგებოდა. მის ორივე მხარეს ნიშებია: მარცხნივ წვერილა და მაღალი, მარჯვნივ იმავე სიმაღლისა, მაგრამ ორჯერ განიერი. ამ ნიშებში მოთავსებულია ორ-ორი სათოფური. ერთი მათგანი ოღნავ გადაქანებულია და იქიდან შორს შეიძლება დამიზნება, მეორე კი თითქმის ვერტიკალურია და კოშკის ძირს იცავდა. გვერდითა კედლებზე, დაახლოებით თანაბარი ზომის სამი ღრმა ნიშაა. ცენტრალური ნიშას ზედა ნახევარში პატარა სარკმელია. მარჯვენა კედელში კი ცერად მინის სათოფური და გარედან ძლიერ შეიმჩნევა. განაპირა ნიშებშიც უნდა ყოფილიყო სათოფურები, მაგრამ მარცხენა მორღვეულია, ხოლო მარჯვენის დათვალიერება ქვემოდაც შეუძლებელია (ზემოთ ასვლა კი სპეციალური მოწყობილობის გარეშე არ ხერხდება). შესაძლოა დანარჩენი ორი კედელიც ასე რთულად ყოფილიყო მოწყობილი. ყოველ შემთხვევაში, ეტყობა, რომ ჩრდილო-აღმოსავლეთ კუთხეში კარი ან სარკმელი იყო მოთავსებული.

მეოთხე სართული უფრო რთული და უკეთ მოწყობილი ყოფილა. ქვედა სართულები შელესილი არ იყო, მაგრამ მესამე სართულის კედლების ზედაპირი მოსწორებულია ხსნარით; მეორე და პირველ სართულს ესეც არ გააჩნია. მეოთხე სართულის კედლების ნაღესობა მოსართავადაც ყოფილა გამოყენებული. ამ სართულის დასავლეთის კედლის ცენტრში ნახევარწრიული გეგმის ბუხარა ყოფილა. მისი მარჯვენა მხარეა გადაჩენილი და აქ შემონახულა ბათქაშით გამოყვანილი რთული პროფილის მოჩარჩოება. ბუხრის ორივე მხარეს და ჩრდილო კედელში მთელი სიმაღლის კარებია, რაც გვაფიქრობინებს, რომ გარედან აქ შევრილი აივანი იქნებოდა. ამავე კედელზე ორი კვადრატული ნიშაა მაღლა. ამ ორი კედლის ფრაგმენტში სათოფური და სალოდე არ ჩანს და არც იყო მოსალოდნელი, თუ იქ აივნი არსებობას დავუშვებთ. სათოფურები და სალოდეები შეიძლება ყოფილიყო დანარჩენ ამჟამად არარსებულ კედლებში.





მეხუთე სართული უფრო მეტადაა დაზიანებული. შემორჩენილია მხოლოდ ჩრდილო კედლის ნაწილი. ამ კედლის ცენტრში სარკმელია (და არა კარი მეთოხე სართულის მსგავსად) გვერდებზე კვადრატული ნიშებით. ეს სართულიც ისევე ყოფილა შელესილი, როგორც მეოთხე.

მეექვსე — უკანასკნელი სართული, როგორც აღვნიშნეთ, ბანს წარმოადგენდა. შერჩენილია მხოლოდ ჩრდილო კედლის ნაწილი სამი ქონგურით. კოშკის სართულებზე ხის გადახურვა არ შერჩენილა.

კოშკის კედლები შიგნიდან ნაწყობია რიყისქვით, მაგრამ ყველა სპასუსისმგებლო ადგილი, როგორცაა თალები, კარ-სარკმლები, თახჩები, სათოფურები და ქონგურები ამოყვანილია აგუოთ (აგურის ზომები, როგორც აქ ისე სხვაგან მერყეობს 20 და 24 სანტ. შორის, სისქეც 4 ან 5 სანტ.).

კოშკი II. ამ ციხის ყველაზე რთულ ნაწილს სამხრეთ-აღმოსავლეთით მდებარე კოშკი წარმოადგენს. იგი დანარჩენი კოშკების მსგავსად, საბრძოლო-საცხოვრებელია და ზომით დიდი და ფორმით ორიგინალურია. მისი გეგმა გრძელი უწყისო ოთხკუთხედიან სამხრეთით ნახევარწრივ დაშავრებული (სურ. 2, 4, ტაბ. VI).

კოშკის სართულები დიფერენცირებულია დანიშნულების მიხედვით. ხუთი სართულიდან, მხოლოდ მესამე ჩანს საცხოვრებლად განკუთვნილი. ქვედა სართულებს დამხმარე დანიშნულება ჰქონია და ზედა ორი საომარი იქმნებოდა.

კოშკი, როგორც უკვე აღვნიშნეთ, მთლიანად მეორედ აგების პერიოდისაა. იგი გალანისთვის გარედან ნიჟდგამით და მასში შესასვლელის მოსაწყობად ძველი კედელი გაურღვევიათ (ეს ადგილი ისეა დაზიანებული, რომ არ ჩანს, თუ როგორი არქიტექტურული ფორმა ჰქონდა კედელს გადაკეთების შედეგ). ციხის ეზო სამი მეტრით მაღლაა, ვიდრე კოშკის ქვედა სართულის დონე და კავშირი როგორც ეზოსთან, ისე სართულებს შორის ხის კიბით უნდა ყოფილიყო.

კოშკის ქვედა ნაწილში სამხრეთის მხარე კედლით ყოფილა გამოყოფილი და მოპირდაპირე ეზოსკენ მდებარე ორი სართულის დონეზე აქ ერთი სართულია. ამ მაღალი სადგომის იატაკის ქვემოთ მოთავსებულია ცილინდრული ფორმის დიდი წყალსაცავი. მისი კედლები შელესილია და ხსნარი ისეთი მაგარი ყოფილა, რომ დღესაც კარგადაა დაცული. წყალსაცავი დახლოებით 30 კმ. ტევაბობისაა (ჩვენ შიგ ჩასვლა ვერ მოვახერხეთ. ხოლო მიწის ზემოთ არსად შეგვინიშნავს წყალსადენის მილები. თუ წყალსაცავი წყალსადენით მარავდებოდა, მაშინ იგი ჩრდილო-აღმოსავლეთის მხრიდან უნდა ყოფილიყო გამოყვანილი, რადგან მხოლოდ ამ მხრიდანაა მაღალი მთები).

პირველი სართულის ორი ნაწილის გამოყოფი კედლიდან, მხოლოდ კვადრატულია შემორჩენილი. მაგრამ კარის მდებარეობის გარკვევა მაინც ხერხდება. წყალსაცავის მხარე ნათლემოდა ნახევარცილინდრული ფორმის, კედლის ცენტრში და ზემოთ, დას. კუთხეში გაჭრილი მაღლა „აშვერილი“ სარკმლებით. კედლების დანარჩენი ნაწილი დაუნაწევრებელ სიბრტყეს წარ-



მოადგენს, გარდა აღმოსავლეთის ზედა მხარისა, სადაც სამი პატარა ნიშაა მოთავსებული.

ამ სადგომის მოპირდაპირე მხარე, როგორც აღვნიშნეთ, ორსართულიანია. პირველი სართულის იატაკქვეშ სხვადასხვა ზომის თხუთმეტი ქვევრია ჩადგმული, რის მიხედვითაც შეიძლება დავასკვნათ, რომ აქ მარანი ყოფილა. ამ სართულს მხოლოდ ერთი სათოფური ჰქონია აღმოსავლეთ კედელში და მოპირდაპირე მხარეს—ერთი სარკმელი. ამ სართულსაც სარკმელი მალა ჰქონია, ქერის სისქეში, აღმოსავლეთიდან. იმავე მხარეს, ქვემოთ სხვადასხვა ზომის სამი ნიშაა. მარჯვენა ნიშა ქვევრის მსგავსადაა და შელესილია, მეორე ჩვეულებრივია და მესამეში კი სათოფურიცაა. სართულშია გადახურვა როგორც ამ სართულებს, ისე დანარჩენებსაც არ შერჩენია, ეტყობა კი რომ ყველგან ხისა ყოფილა.

მესამე სართული, როგორც ზემოთაც აღვნიშნეთ, წარმოადგენს ამ კოშკის ყველაზე რთულ ნაწილს და იგი, ძირითადად, საცხოვრებლად ყოფილა განკუთვნილი. სამხრეთით, ცენტრში, მორთული ბუხარია, მის გვერდებზე კი ღრმა და მალალი ნიშებია თითო სათოფურით. სამხრეთის ნაწილი მთლიანად, განსხვავებით ზედა და ქვედა სართულებთან, წახნაგოვანია. გვერდის კედლები ერთნაირადაა დანაწევრებული ვერტიკალურ მონაკვეთებად, მაგრამ თითოეული მონაკვეთის შიდა გადაწყვეტა განსხვავებულადაა მოცემული. დასავლეთის კედელში დიდი ზომის ოთხი სარკმელია, ამათგან სამი—ქვედა ჰორიზონტზეა, თითო—ცალკეულ მონაკვეთში და მეოთხე—ცენტრალურ მონაკვეთში, ზემოთ. მოპირდაპირე მხარეს ქვედა რიგის დიდ ნიშებში სათოფურებია, ზოგში სამი და ზოგში ოთხი, ზედა რიგზე კი ფიცრით გამოყოფილი თაროები ყოფილა განლაგებული. ამავე კედლის მარცხენა მონაკვეთში ხის კიბე ყოფილა მოთავსებული, რომლითაც, ალბათ, ასვლა ხდებოდა ზედა სართულში და ციხის აღმოსავლეთის გალავანზე.

კოშკის მეოთხე სართული მთლიანად საბრძოლოდ ყოფილა განკუთვნილი. სალოდეები და სათოფურები თითქმის თანაბარი ინტერვალით ყველა კედელზეა განლაგებული, ხოლო სამხრეთითა და დასავლეთით ამათ გარდა სამი საზარბაზნეცაა (ამ სართულის გადახურვა შესაძლოა სხვადასხვა დონეზე იყო, რადგან კოშკების ბუდეები არაა ერთ ჰორიზონტზე).

უკანასკნელი, მეხუთე სართული მხოლოდ ქონგურებიანი ბანი ყოფილა და აღმოსავლეთის მხარე უფრო მალაა, ვიდრე ორი დანარჩენი.


კოშკის აგებისას, როგორც სხვაგან, ისე აქაც, ნახმარია აგური და ქვა. სარკმელ-სათოფურების ხერელომების გადასახურავად კი ხის მასალაა გამოყენებული.

კოშკი III. ამ კოშკში, როგორც ვწერდით, ორი სართულია გადაჩენილი. მათ არც სარკმელი და არც სათოფური არ გააჩნიათ და დღეს ძნელი დასადგენია, თუ რა დანიშნულება ჰქონდა ამ ორი მეტრის დიამეტრის მქონე ცილინდრულ ნაგებობას. შეიძლება ვიფიქროთ, რომ იგი ციხესთან არსებული საპყრობილე იყო (სურ. 5, 3 და 4).



ციხის მეორედ მშენებელმა კოშკს ირგვლივ შემოაშენა კედლები ძველი ფორმის დაცვით, რითაც მისი შიდა დიამეტრი ორი მეტრით გადიდდა. ეს ახალი კოშკი ოთხსართულიანია, ამათგან სამი საბრძოლო-საცხოვრებელი ყოფილა, მეოთხე კი ქონგურებიანი ბანი.

ამ ახალი კოშკის პირველ სართულში, შემოსასვლელის პირდაპირ, ნახევარწრიული გეგმის მქონე ღრმა ბუხარია და მის გვერდებზე კი სათოფურებია.



სურ. 5. ქსნის ციხე. ჩრდილო-აღმოსავლეთის კოშკის გეგმები

თითქმის თანაბარი ინტერვალით განლაგებული, მარჯვნივ სამი და მარცხნივ ოთხი. მეორე სართულსაც მხოლოდ იგივე ელემენტები აქვს (განსხვავებით, ბუხარი თაღოვანია და იგი კონსტრუქციულ მოსაზრებათა გამო მოწყობილია ქვედა ბუხრის ვერტიკალური ღერძის მარცხნივ). მის მარჯვნივ სამი და მარცხნივ ორი მარტივი სათოფურია. მესამე სართულზე მხოლოდ საბრძოლო ელემენტებია განლაგებული. აქ მოწყობილია სათოფურებიანი სამი სალოდე, ორი საზარბაზნე და ორიც ცალკეული სათოფური. უკანასკნელ მეოთხე სართულზე ისევ ქონგურებიანი ბანი ყოფილა. ნაგებია იმავე წესით, როგორც პირველი და მეორე კოშკი. სართულშია გადახურვა აქაც ხისა ყოფილა, რომელიც არ შერჩენილა.

კოშკი IV. ყველაზე მცირე ზომის ეს კოშკი, მიღგებულია გარედან გალავნის ჩრდილო-დასავლეთ კუთხეზე. კოშკი ცილინდრულია, მაგრამ იგი ისეა მოდგმული, რომ გალავნის კუთხე შიგ იჭრება ცილინდრში (სურ. 2 და ფასადები). ეს კოშკი ორსართულიანი ყოფილა და მესამე ჩვეულებრივ ქონგურებიანი ბანი იქნებოდა. ხის მასალის სართულშია გადახურვა აქაც არ შერჩენილა. საბრძოლო ხერგლობები კოშკს არ გააჩნია. პირველი სართულის ჩრდილო კედელში ბუხარია მოთავსებული ოთხკუთხა გეგმით და მის გვერდებზე, საკმაოდ მოგრძო თითო სარკმელია. მეორე სართულზე სარკმლები მეორდება ქვედა სარკმლების ასწვრივ, ხოლო ბუხარი კი არა აქვს.



ამ პატარა კოშკში შესასვლელის მოსაწყობად თავდაპირველი კოშკის ჩრდილო კედლის კუთხე გაუჭრიათ და დაბალი კარი დაუტანებიათ. ამ კოშკის პირველი სართულის იატაკში ქვევრებია ჩამარხული, რაც აქაც მარნის არსებობაზე მიგვიჩვენებს.

გარე მასები, მაღალი მთის წვერზე წამოდგმული ციხის გარე მასები რელიეფთან შეხამებულადაა ვანლაგებული. მისი სახე ბრტყელი კედლებისა და ცილინდრული და პრიზმული კოშკებისაგან ყოფილა მიღებული.

როგორც შიდა ნაწილებს აღწერისას აღვნიშნეთ, გარედანაც ციხის კედლების ორი ფენა ჩანს. პირველი, — XVI ს. დასაწყისის კედელი ჩანს ჩრდილოეთით და დასავლეთით, ორი დანარჩენი კი XVIII საუკუნისაა. თავდაპირველი კედლები რიყისქვითაა ნაგები და არაერთარი გაფორმება არ გააჩნია, მეორე ფენა კი უდავოდ დიდი გემოვნების მქონე ხუროთმოძღვრის მიერაა აგებული.




სურ. 6 ქიჩი ციხე. ჩრდილო-აღმოსავლეთის ფასადი

ახალი, XVIII ს. გალავნისა და კოშკების რიყისქვის კედლები მთლიანად ერთი სისტემითაა ნაგები: 30—50 სანტიმეტრის დაცილებით მასში პორიზონტალურად აგურის ფენებია დაყოლებული (სურ. 6 და ტაბ. I, II, VII). აგურის პორიზონტალურ რიგებს ამ შემთხვევაში კონსტრუქციულ-დეკორატიული მნიშვნელობა ჰქონდა. კედლების შედაპირი მოსწორებულია და მასალა — ქვა და აგური ყველგან ჩანს.

ფასადებზე წმინდა დეკორატიული ელემენტი თითქმის არ არის, მაგრამ აუცილებელი საბრძოლო ელემენტი მათერულადაა გადაწყვეტილი. კედლებს სხვადასხვა სიმაღლეზე ამთავრებდა ნახევარწრიული ფორმის ქონგურები (დღემდე ცოტაა შერჩენილი). მათ ქვემოთ ერთი-ორი მეტრის დაცილებით

მიჰყვებოდა ნისკარტივით გამოშვებული სალოდნები და ისევე ქვემოთ კი — თოქურები (მათი რიგების რაოდენობა დამოკიდებულია კოშკების სართულების რაოდენობაზე).

ციხეში შესასვლელი კი. განსხვავებით ფასადების სხვა ნაწილებთან, დეკორირებულია და არა ნარტო შესასვლელი, არამედ ეს პრიზმული კოშკი სხვებზე მეტად ყოფილა მორთული, მაგრამ, სამწუხაროდ, ყველაზე მეტად სწორედ ესაა დაზიანებული. კოშკის შერჩენილი ჩრდილო-დასავლეთის წიბო სამილლის ნახევრამდე მომრგვალებულია და გადასვლის ადგილი აგურის კბილანა წყობითაა მორთული. თვით შესასვლელი კი, როგორც ეტყობა, ისრული ფორმის თაღით ყოფილა გადახურული, მაგრამ დანამდილებით ვერ ვიტყვი, რადგან თაღი განზრახ ვილაცას ჩამოუვარგევია და მხოლოდ მისი ზედა მოხაზულობაა დარჩენილი. კარი და თაღი მთლიანად ოთხკუთხედში ყოფილა ჩასმული და ზედა ჰორიზონტზე აგურის ორი კბილანა წყობა გასდევს. კარის ღერძზე ზემოთ მცირე ზომის ოთხკუთხა ქვაა ჩასმული, რომელზედაც მოთავსებულია სამშენებლო წარწერა.



სურ. 7. მკადისჯვრის ციხე. გეგმა

მკადისჯვრის ციხე. ეს ციხე განსახილავი ციხეებიდან ყველაზე მეტადაა დაზიანებული და ამიტომ ზოგიერთი საკითხი გაურკვეველი რჩება.

ციხის გეგმა მოგროძო სწორკუთხედიან კუთხეებში ცილინდრული კოშკებით (სურ. 7 და ტაბ. III). პირველად ამ ადგილას აგურით ნაშენი დიდი ზომის ცენტრალურ-გუმბათოვანი ეკლესია მდგარა და მისი აღმოსავლეთისა და სამ-





ხრეთის კედლების ჩატანებით აუგიათ ციხე. ციხეში შესასვლელი სამხრეთ კედლის თითქმის ცენტრში ყოფილა (დამატებით შესასვლელად შეიძლება მივიჩნიოთ ეკლესიის სამხრეთის კარი, გარედან ეკლესიის დასავლეთის კარში შემოსული სამხრეთისას ვაშოვილიდა).

ციხის დაზიანება, როგორც ეტყობა, ერთი და ორი დღის საქმე არ არის, ის მრავალი ათეული წლის განმავლობაში გრძელდებოდა. განსაკუთრებით იგი დაზიანებულია XIX ს. ბოლოს და მის მომდევნო პერიოდში, მაშინ, როდესაც დაუწყიათ კედლებისათვის შიგნით და გარეთ საცხოვრებელი სახლების მიშენება-დაშენება. ამ ნგრევის პროცესში სულ დაკარგულა ციხის აღმოსავლეთის კედელი (მისი კვალი ზოგან ძლივსა ირკვევა). მოპირდაპირე დასავლეთის კედელი ორივე მხრიდან მიშენებულ სახლებს დაუფარავს, სამხრეთის კედელზე კი შიგნიდან და ზემოდანაა დაშენებული, ხოლო ჩრდილო მოკლე კედლიდან ნაწილი, კოშკის ირგვლივ დაფარულია მინაშენით, შუაში კი იგი გარღვეულია და ეკლესიის კედელთან ორ მეტრამდეა დარჩენილი.

ციხის კედლების სიმაღლისა და ფორმების დადგენა არ ხერხდება. ცხადია, რომ მას ექნებოდა სათოფურები და, შესაძლოა, ქონგურებითაც იყო დამთავრებული. ცილინდრული კოშკების მიხედვით თუ ვიმსჯელებთ გალავანი მაღალი არ უნდა ყოფილიყო. ერთგან, ეკლესიასთან მომიჯნავე ჩრდილო კედელში დარჩენილია პატარა ზომის სამი სათოფური, მაგრამ სხვაგან ამ სიმაღლეზე სათოფურები არ ჩანს.

ციხის კედლები მთლიანად ნაგებია რიყისქვით სქელ დულაბზე. აგური ცოტაა ნახმარი შესასვლელის ირგვლივ და სხვაგანაც (აგური კვადრატულია, მათი გვერდების ზომები მერყეობს 22 და 24 სანტ. შორის, სისქე კი 4 სანტ.).

გალავანში სამხრეთის შესასვლელი მცირე ზომისაა (სიგანით 120 სანტ.), რაც გვაფიქრებინებს, რომ ციხეში საურმე შესასვლელიც უნდა ყოფილიყო (საურმე შესასვლელი ყველა ციხეში არაა სავალდებულო, მაგრამ ვაკე ადგილას ავებულ „სათემო“ ციხეებში თითქმის ყველგანაა). თუ ასეთი შესასვლელი არსებობდა, იგი არ ყოფილა სამხრეთით და ჩრდილოეთით, ორი დანარჩენი მხრიდან მოსალოდნელია იგი დასავლეთისაში ყოფილიყო.

სამხრეთის კარი მარტივადაა გადაწყვეტილი. მშვილდით მოხრილი თაღოვანი ვადახურვის მქონე კარი სწორკუთხა ჩარჩოშია ჩამჯდარი. გვერდითა პილასტრები ვერტიკალურად აწყობილი რომებებითაა დამუშავებული. კარის ზემოთ კი სპეციალურ ჩარჩოში ღრმად ჩასმული ორი ქვაა სამშენებლო წარწერით.

ციხის ოთხი კოშკიდან სამი თანატოლია, მეოთხე—ჩრდილო-დასავლეთისა ერთნახევარჯერ აღემატება თითოეულ მათგანს და მიდგმულია არა გალავანზე, არამედ ეკლესიის კუთხეზე.

აღნიშნული სამი ერთნაირი კოშკი შემდეგში საცხოვრებლად და სხვადასხვა დანიშნულებისათვის იხე გადაუკეთებიათ, რომ დღეს არ ჩანს კარ-სარკმლებისა და საბრძოლო ელემენტების განლაგება. ერთი რამ კი ცხადია: ისინი ორ-ორი სართულიანები ყოფილა ბანით. სართულშუა ვადახურვა ხისა იქნე-



ბოდა. კარი თავდაპირველი სახით შემორჩენილია მხოლოდ სამხრეთ-დასავლეთი კოშკის კვედა სართულში გალავნის შიგნიდან, ასე უნდა ყოფილიყო ორ დანარჩენშიაც. მეორე სართულზე ასასვლელიც გარკვევით არ ჩანს. ერთგან სამხრეთ-აღმოსავლეთის კოშკში შემორჩენილია კედლის სისქეში მოთავსებული ვიწრო კიბე, იყო თუ არა სხვაგან ასეთი კიბე, ვერ ვიტყვით.

კოშკებს საბრძოლო ელემენტებიდან მხოლოდ სათოფურები და სალოდეები ჰქონია. პირველი სართული, როგორც მოსალოდნელი იყო, გარედან ყრუა, მეორე სართულზე თითქმის სიმეტრიულადაა განლაგებული სამ-სამი სალოდე და სათოფური, ზედა უკანასკნელი კი მხოლოდ ქონგურებიან ბანს წარმოადგენდა.

საშინ მასალად აქაც რიყისქვა და აგურია ნახმარი. კედლის მასა მხოლოდ რიყისქვითაა ამოყვანილი, ხოლო აგური გამოყენებულია შესასვლელისა და სათოფურ-სალოდეების წირთხლებზე და ქონგურებზე.

მეოთხე კოშკი, როგორც აღვნიშნეთ, ყველაზე დიდი და რთულია (სურ. 8). იგი მიდგმულია ეკლესიის კუთხეზე და გალავანთან უშუალო კავშირი არა აქვს. ეს კოშკიც დაზიანებულია, მაგრამ არც ისე, როგორც დანარჩენი სამი.


კოშკი სამსართულიანია. ამთგან პირველი დამხმარეა, მეორე საცხ-საბრძოლო და მესამე ბანია. შესასვლელი მხოლოდ მეორე სართულზეა, აღმოსავლეთით, მაღლა, ეკლესიის კედელთან. ამ პატარა კარიდან შეიძლება მოხვედრა როგორც მეორე სართულზე, ისე ბანზე, იქვე, კედლის სისქეში დატანებული კიბით. აღნიშნული კარი კოშკს აკავშირებდა მხოლოდ გალავნის გარეთა ნაწილთან, რაც მიზანშეწონილი არ იყო მტრის ალყის დროს, რადგან მაშინ კოშკი მოწყვეტილი იქნებოდა ციხისგან, ამიტომ კოშკის მეორე სართულის სამხრეთ კედელში მოქცეული მეორე კიბე კოშკს აკავშირებდა ეკლესიასთან (ეს საიდუმლო კარი დღეს ამოქოვლილია და ცუდად ჩანს).

კოშკის პირველი სართული თითქმის ამოცხებულია, იგი დამხმარე დანიშნულების სადგომი იქნებოდა. მეორე სართული ისრული ფორმის კამაროვანი გადახურვის მქონე სადგომია. მას ხის იატაკი ჰქონია და ჩაქცეულა. ამ სადგომის უწყსო ფორმის ცილინდრულ კედლებში სხვადასხვა ზომისა და ფორმის ნიშებია განლაგებული. ნახევარწრიული გვერდის მქონე ნიშა მდებარეობს ჩრდილო-დასავლეთით, მის ორივე მხარეს ორ-ორი დიდი და მცირე ზომის ნიშაა განლაგებული. მათ კედლებში კი განსხვავებული ზომისა და ფორმის სათოფურებია მოთავსებული, ზოგში ორი და ზოგში სამი. ორი სათოფური ბუხრის კედელშიცაა დატანებული. ამათ გარდა, სამხრეთის კედელში, ეკლესიის მომიჯნავედ, პატარა სათავსოა მოწყობილი, რომელსაც საწყობის დანიშნულება ექნებოდა. ამ სართულის კამარა და წირთხლები აგურითაა ამოყვანილი, სხაგან რიყისქვა და აგურია ნარევი.

კოშკის მესამე სართული, როგორც აღვნიშნეთ, ბანს წარმოადგენს და მხოლოდ საბრძოლო ხერელობებიტაა აღჭურვილი. ამ სართულის ფართობი თითქმის ორჯერ აღემატებოდა კვედას, რადგან კედლის სისქე ნახევრდება (ქვემოთ საშუალოდ ორი მეტრი იყო, აქ კი ერთი მეტრია მხოლოდ). ამ ეკლესიის კუთხეზე შემორჩალულ კედელში, თითქმის თანაბარი ინტერვალით, გან-




ლაგებულია ექვსი სალოდო და ორი საზარბაზნე. ამათ გარდა, მთელი კედელი დასერილია სხვადასხვა ზომის, ფორმისა და მიმართულების სათოფურებით (მათი საერთო რაოდენობა ოცდახუთს აღწევს). ამათ ზემოთ კიდევ მცირდება კედლის სისქე და თანაბარი სიმაღლის ქონგურების ნწყრივის წინ მებრძოლთა ჩამოსადგომი საფეხური კეთდება.



სურ. 8. გველისჯვრის ციხე. ჩრდილო-დასავლეთის კოშკი

საშენ მასალად აქაც აგური და ქვა გამოყენებული, აგურით ისევ ქონგური და წითხლებია ამოყვანილი, დანარჩენგან კი ნარეგია. შელესილი არამც თუ ეს სართული, არამედ ქვედაც არ ყოფილა.

**მუხრანის ციხე.** ეს ციხე განსახილავი ციხეებიდან ყველაზე რთულია გეგმობა და მრავალი სხვადასხვა სახისა და დროის ძეგლისაგან შედგება. ციხეში ერთმანეთისაგან გამოყოფილი ორი ეზოა და საერთო ფართობი 2,5 ჰექტარს მოიცავდა (სურ. 9). პირველი მათგანი შედარებით პატარაა, მისი გეგმა თითქმის კვადრატია (56×54 მეტრ.) და კუთხეებში თითო ცილინდრული კოშკია.




სურ. 9. მუხრანის ციხე. გეგმა

მოთავსებული, ხოლო შიგნით ერთი ცალნაგვიანი ეკლესია დგას. მეორე გალავანი დიდია (160×155 მეტრ.) და იგი მიდგმულია პირველზე ჩრდილოეთით და აღმოსავლეთით. ამ ტერიტორიაზე კი ორი ეკლესია მდებარეობს. ერთი მათგანი, ჩრდილოეთით მდგარი, შვერილაფსიდიანი ცალნაგვიანი ეკლესიაა, მეორე კი ტიპით ცენტრალურ-გუმბათოვანია, მაგრამ თვით გუმბათი არ გააჩნია, დაუმთავრებელია.

პირველ, კვადრატული გეგმის მქონე ციხეს შესასვლელი აღმოსავლეთის კედლის ცენტრში აქვს, დანარჩენი კედლები ყრუა და ერთი სივლითაა. კუთხის კოშკთაგან ჩრდილო-აღმოსავლეთისა ყველაზე დიდია, დანარჩენები კი პატარები და თანატოლებია.


ციხის კედლები ორ იარუსიანია: ქვედა—სქელი ნაწილი 4—4,5 მეტრი სიმაღლისაა და ზედა ნაწილი 50—70 სანტიმეტრით თხელია ქვედასთან შედ-

რებით და ამ განსხვავებაზე იქმნება მებრძოლთა ჩამოსადგომი ანუ ბილიკი, რაც მთელ სიგრძეზე შიგნიდან მიჰყვება კედლებს (სურ. 10, 11 და ტაბ. IV). კედლის ქვედა ნაწილი მთლიანად ყრუა და საბრძოლო ზერელობები მხოლოდ ზედა იარუსზეა. აქ არის თითქმის თანაბარი ინტერვალით (4—5 მეტ. დაცილებით) ერთ ჰორიზონტზე განლაგებული სათოფურები. ციხის კედლებს ამთავრებდა ნახევარწრიული მოყვანილობის ქონგურები. დღეს ამ ქონგურების მხოლოდ კვალია აქა-იქ შერჩენილი, დანარჩენი დაუნგრევით.



სურ. 10. მუხრანის ციხე განაკვეთი ჩრდილოეთით

გალავანი ნაგებია რიყისქვით კირის სქელ დულაბზე და ზედაპირი თითქმის მოსწორებული აქვს. აგური კი ნახშირია სათოფურებზე და ქონგურებზე როგორც გარედან, ისე შიგნიდან (აგურის ზომები მერყეობს 21—25 სანტიმეტრს შორის).



სურ. 11. მუხრანის ციხე. აღმოსავლეთის ფასადი


გალავნის ჩრდილო კედლის მარცხენა ნაწილში სამი ნიშაა, ერთი დიდი და ორი პატარა. ამათგან დარჩენილია მხოლოდ დასავლეთისა, რომლის წირთხლებიც აგურითაა ამოყვანილი და ისრული თალით—გადახურული.

გალავანში შესასვლელი საკმაოდ გემოვნებით ყოფილა შორთული. გარდა თალის საბრჯენი პილასტრებისა ეს ნაწილი მთლიანად აგურითაა ამოყვანილი. ნახევარწრიული თალი პროფილირებულ კაპიტლებს ეყრდნობოდა და თალის არე მთლიანად მაღალ ოთხკუთხედშია ჩასმული, რომელიც ზემოთ ხერხისებრ ნაწყობი აგურის კარნიზით მთავრდება. შესასვლელის ღერძზე, უშუალოდ კარნიზს ქვემოთ, ცხრასტრიქონიანი სამშენებლო წარწერის შემცველი სწორკუთხა ქვაა ჩატანებული. თუ როგორ მთავრდებოდა ეს შესასვლელი არ ჩანს, შეიძლება ფრონტონი ჰქონდა.



თუ გადავალთ კოშკების აღწერაზე, უნდა დავიწყოთ ყველაზე წინ რესო და უკეთ შემონახულ ჩრდილო-აღმოსავლეთის კოშკიდან.

კოშკი I. როგორც აღრევე აღნიშნეთ, ეს კოშკი ოთხსართულიანია. ამათვან პირველი სართული სამეურნეო დანიშნულებისაა, ზედა ორი საცხოვრებელია და მეოთხე ბანია, საბრძოლო (სურ. 12, 13 და ტაბ. IV).



სურ. 12. მუხრანის ციხე. მთავარი კოშკის გეგმა


კოშკში შედიოდნენ მეორე სართულიდან, ეზოს მხარეს მდებარე კართით (იქამდე ასვლა მისადგმელი კიბით იქნებოდა), პირველ სართულში კედლის სისქეში ჩაყოლებული კიბე ჩადის. ამ სართულის იატაკის დონე მიწის ზედაპირზეა და ცენტრში ჭაა მოთავსებული (დღეს ქვები ყრია და მხოლოდ სამი მეტრის სიღრმეზე ჩანს). მისი კედლები ქვემოთკენ განიერდება და საკმაოდ რთული პროფილისაა. თვით სადგომი დაბალია, ცილინდრული მოყვანილობის კედლებითა და გადახურული „დამჯდარი“ ფორმის კამაროვანი გუმბათით. იგი ნათდება მაღლა  $45^\circ$  „ამართული“, სამი სარკმლიდან შემოსული შუქით.

მეორე სართული დაბალი რვაგვერდა პრიზმის სხივისებრ-კამაროვანი გადახურვით. იგი ნათდება კამარებში მოთავსებული ოთხი სარკმლით, ბუხარი კი ჩრდილოეთის ერთ-ერთ წახნაგშია. ღრმა ოთხკუთხა ნიშებში წყვილ-



წყვილად ისეთი სათოფურებია მოწყობილი, რომლებიც გარეთ ეოთინდებიან. დანარჩენი სათოფურები განლაგებულია მესამე სართულზე ასასვლელი კიბის გარე კედელში.

მესამე სართული გვემაც ოქტოგონურია, მხოლოდ გაცილებით უკეთაა მოწყობილი. პრიზმის წახნაგები სხივისებრ-კამაროვანი ვადახურვისაგან კარ-




სურ. 13. მუხრანის ციხე. მთავარი კოშკი

ნიშითაა გამოყოფილი. როგორც ზედა, ისე ქვედა ყველა წახნაგში მოთავსებულია სხვადასხვა ელემენტი. ერთ წახნაგში კიბიდან შემოსასვლელი კარი, მის მარცხნივ—ღრმა ნიშა, ხუთი წვრილი სათოფური, შემდეგ ორ წახნაგში სწორკუთხოვანი სარკმლებია ორ-ორი სათოფური. ასეთივე სისტემის სარკმლები სამია კიბის მარჯვენა მხარეს. ამათგან ცენტრალური წახნაგი მაღალ, მორთულ ბუხარს უჭირავს. თვით მორთულობა ბათქაშზეა შესრულებული და რთული პროფილისაა, გეომეტრიული და ფოთლოვანი ჩუქურთმით (სურ. 14).

კამარის წახნაგებზე სქელი ბათქაშით რვა ფართო სხივია გამოყვანილი ცენტრში მედალიონით. ოთხ წახნაგში სიმეტრიის დაუცველად მაღლა „ამართული“ სარკმლებია განლაგებული, დანარჩენებზე კი ნიშებია. ყველა ესენი ოთხკუთხა პროფილირებულ ჩარჩოშია ჩასმული და თვით ნიშებისა და სარკმ-

ლების თაღებს ისრული ფორმა აქვს. საერთოდ, უნდა აღვნიშნოთ, რომ მხოლოდ ეს სართული ყოფილა შელესილი.

მეოთხე სართულზე — ბანზე ასეა ისევ კედელში დატანებული კიბით ზღბა. ამ სართულზე მხოლოდ რთული სისტემის საბრძოლო ხერელობებია.



სურ. 14. მუხრანის ციხე. მთავარი კოშკის მესამე სართულის ბუხარი

აქ ძირითადად სამი საბრძოლო ელემენტი გამოყენებული: სალოდე, საზარ-  
ბაზნე და სათოფური (კოშკის დამაგვირგვინებელი ქონგურებიც, განსაკუთ-



რებულ შემთხვევებში, შეიძლება გამოყენებინათ ყველა ამ დანიშნულე-ბით).

სათოფურები მოწყობილია როგორც ცალკე კედლებში, ისე სალოდებსა და საზარბაზნების კედლებშიც და მათი რიცხვი ოცდაათამდე აღწევს. უმრავლეს მათგანს ჰორიზონტალური მიმართულება აქვს, მაგრამ ნაწილი დახრილია კოშკის ძირში მოსული მტრის დასაზიანებლად.

როგორც ზემოთაც აღენიშნეთ, კოშკი მთავრდება ერთ ჰორიზონტზე განლაგებული თანატოლი ქონგურებით. განსხვავებით კედლებისაგან, ისინი მთლიანად აგურითაა ამოყვანილი და ზემოდან ნახევარწრიული ფორმა აქვთ (დღეს ქონგურების ნახევარზე მეტი მორღვეულია). კოშკის კედლები, როგორც მოსალოდნელი იყო, ქვემოთ სქელია და ზემოთკენ ვიწროვდება (კედლის სისქე: პირველ სართ. 2,5 მ, მეორე სართ. 2,3 მ, მესამე სართ. 1,75—2,2 მ-მდე და მეოთხე სართულზე 1,25 მ ქვედა ნაწილში, ხოლო ქონგურებთან 0,5 მ).


ეს კოშკი გარედან, ოდნავ, ზემოთკენ დავიწროებულ ცილინდრულ მასას წარმოადგენს. მისი ფასადები მარტივია და სიბრტყის ერთიანობას არაფერი არღვევს, გარდა შვერილი სალოდებისა (სარკმლებისა და სათოფურების ხვრელები მკრთალი აქცენტებია ასეთ დიდ მასივზე). კოშკი ნაგებია განსაზღვრული წესით აგურისა და რიყისქვის მორიგეობით. ასეთ წყობას კონსტრუქციული მნიშვნელობა უფრო ენიჭებოდა, ვიდრე დეკორატიული, რადგან ზემოდან ნალესობა ისე ჰფარავდა კედლის ზედაპირს, რომ წყობა ძალიან მკრთალად მოსჩანდა (წყობის წესი ასეთია: აგურის ჰორიზონტალური ფენები 30—40 სანტიმეტრითაა დაცილებული ერთმანეთს, მათ შუა კი ქვების ორორი ან სამ-სამი რიგია ერთმანეთის საწინააღმდეგოდ, ცერად—ეზურად ნაწყობი).

დანარჩენი სამი კოშკი ერთი ტიპისა და ერთი სიმაღლისაა, მაგრამ განსხვავება მაინც არის, ამიტომ მათ ცალ-ცალკე აღვწერთ.

კოშკი II. შესასვლელი პირველ და მეორე სართულს ეზოდან ჰქონდა ცალ-ცალკე ქვედა სართულის შესასვლელის კედლები შემდეგში გაუგანიერებით და ამიტომ არ ვიცით, თუ როგორი ფორმა ჰქონდა მას თავდაპირველად (სურ. 15 და 16), ეს სართული პირველი კოშკის პირველი სართულის ფორმას იმეორებს: ზუსტ ცილინდრზე დაბალი კამაროვანი გუმბათია დადგმული, ყოველგვარი შვერილებისა და დეკორის გარეშე. განათება გუმბათის საწყისში მოთავსებული სამი ვიწრო, მაღლა „აშვერილი“ სარკმლით ხდებოდა (ამ უკანასკნელ წლებში იქვე მდგომ მოსახლეს კედელი სამხრეთით გაუნგრევია მისი საწყობად გამოყენების მიზნით).

მეორე სართული რვაგვერდა პრიზმა კამაროვანი გადახურვით. აქაც, ყველა წახნაგი დაკავებულია რომელიმე ელემენტით. ერთში ეზოდან შემოსასვლელი კარია (ასეა მისადგმელი კიბით ხდებოდა), მის მარჯვნივ მეორე სართულზე ასასვლელი კიბეა, პირდაპირ კი ბუხარია, დანარჩენი ხუთი წახნაგი თალოვანი გადახურვის ღრმა ნიშებს უჭირავს. ამ ნიშების ასეთი სიღრმე გამოწვეულია კოშკის კედლებში სათოფურების მოწყობის აუცილებ-

ლობით; კედლის სისქე ორი მეტრია, საპირო იყო მისი შემცირება, თანდათანობით. ღრმა ნიშების გამოყენება შეიძლებოდა კოშკში ცხოვრების დროს სხვადასხვა დანიშნულებისათვის. განათება აქაც კამარაში ზოთავსებული სამი მალა აშ-



სურ. 15. მუხრანის ციხე. სამხრეთ-აღმოსავლეთის კოშკის გეგმები

ვერილი, ასიმეტრიულად განლაგებული სარკმლით ხდებოდა. ეს სადგომი შელესილია და არაფითარი დეკორი არ გააჩნია, გარდა ბუხრის ზედა ნაწილისა, სადაც ჩაღრმავებული ოთხკუთხედიანი ისრული თაღით.


ზედა სართულზე ასვლა ხდება კედლის სისქეში მოთავსებული კიბით. კოშკის ბანს, როგორც ეტყობა, მხოლოდ საბრძოლო დანიშნულება ჰქონდა. ქონგურების ქვედა ნაწილში რთული საბრძოლო ელემენტებია განლაგებული. აქ, წრეზე არათანაბარი ინტერვალით ოთხი სალოდე, ორი საზარბაზნე და ჩვიდმეტი სათოფურია მოწყობილი (დამატებით თითო სათოფურია სალოდეს ქვედა ნაწილში, დახრილად). ამ ელემენტების სისტემა იგივეა, როგორც პირველ კოშკზე ვნახეთ. ფასაღზედაც პირველი კოშკის მსგავსი მდგომარეობა გვაქვს: წყობა—რიყისქვა და აგურის ზოლები, ნალესობის თხელი ფენა, ზედა ნაწილში დაზიანებული ქონგურები და მათ ქვემოთ შვერილი სალოდეები, რასაც ერთევის სარკმლების ვიწრო ზოლები და ოდნავ შესამჩნევი სათოფურები.

დიდ კოშკთან განსხვავებით, აქ შესაძლებელია აღვწეროთ მეორე სართულის კარის დეკორი (იქ ამის საშუალება არ გვქონდა, რადგან კარს შემდეგში მიღებული სახლი ჰფარავს). კარის არე მთლიანად აგურისაგანაა ამოყვანილი, ამიტომ მისი დეკორიც აგურის წყობის კომბინაციითაა მიღებული.





ისრული თაღოვანი კარი მაღალ სწორკუთხედშია ჩასმული და გვერტიკალურად განლაგებული რომბებია, თვით სწორკუთხედის ზედა ნაწილი კი აგურის ჰორიზონტალური კბილანებითაა დამუშავებული.



სურ. 16. მუხრანის ციხე. სამხრეთ-აღმოსავლეთის კოშკი.

კოშკი III. ამ სამსართულიან კოშკს განსხვავებით წინა ორთან ჰორიზონტალური სართულშუა გადახურვა აქვს. პირველი სართული უფორმო წრეა, ერთი კარით ეზოსკენ და მის პირდაპირ ბუხრით. განათება არა აქვს (სურ. 17 და 18).


მეორე სართული რთულია. შესვლა ისევ ეზოდან ხდებოდა მისადგმელი კიბით. კარის პირდაპირ ბუხარია, მარჯვენა გვერდზე კა კიბეა ბანზე ასასვლელი. ამ წრიული გეგმის სართულიდან ორი სახარბაზნე ორივე მხრიდან დარაჯობს გალავანს. მათ გვერდებზე კი თითო ღრმა ნიშაში განლაგებული სათოფურებია. სათოფურები მოწყობილია აგრეთვე კიბის კედელში და სახარბაზნეების გვერდებზე (სულ ოცდაერთი სათოფურია).

მესამე სართულზე აქაც ბანი უნდა ყოფილიყო, მაგრამ ისეა გადაკეთებული და დაზიანებული, რომ ძნელია ფენების გამოიყვანა და თავდაპირველი ფორმების დადგენა. ფასაღზე გარკვევით ჩანს, რომ მშენებელს კედლები სხვა კოშკების მსგავსად აქაც ქონგურებთ დაუმთავრებია და მათ ქვეშ სალოდევები მოუთავსებია. შემდეგ, ერთიცა და მეორეც ამოტესიათ და შიგნით, შელესვის გამო, მათი კვალი ზოგან არ ჩანს. ამ ნაწილის გადაკეთება მომხდარა მისი საცხოვრებლად გამოყენების მიზნით. ბუხარი აქაც თითქმის ქვედა ბუხრის ვერტიკალზეა მოთავსებული და საკვამლე მიღებიც ერთმანეთს უერთდება.

ჩრდილოეთის მხარეს, ერთმანეთისაგან დაცილებით, ორი განიერი სარკმელია მოთავსებული. მარჯვენა სარკმელი, შეიძლება, კოშკს ციხის დასავ-




ლეთის კედელთან აკავშირებდა, მეორე სარკმლის დანიშნულება კი გაურკვეველია, რადგან ასეთი განიერი სარკმლის მოთავსება გალავნის გარეთ საშიში



სურ. 17. შუბრანის ციხე. სამხრეთ-დასავლეთის კოშკის გეგმები

იყო იმ დროისათვის (ალბათ გადაკეთებული). ორი საზარბაზნე, რომელთაგან პირველი მოთავსებულია კარის ზემოთ და მეორე სამხრეთით, გადაკეთ-



სურ. 18. შუბრანის ციხე. დასავლეთის კოშკების განაკვეთები


ბის შედეგად უნდა იყოს მიღებული, ყოველ შემთხვევაში, პირველი მათგანის ადგილას სალოდე იქნებოდა თავის დროზე.

სართულშია გადახურვაც ატარებს გადაკეთების ნიშნებს. ის, რაც დღეს არის, ხის კოჭებზე ფიცრების დაწყობითა და მიწის დაყრითაა მიღებული. პერი, შეფიცრული და შელესილია.

ფასადი აღწერილი კოშკების ფასადების მსგავსია, ისეთივე მეორე სართულის მორთული კარით და სხვ.

კოშკი IV. ეს კოშკი განხილულებისაგან იმით განსხვავდება, რომ პირველი სართული ნახევარსფერული გადახურვითაა, მეორე კი — ჰორიზონტალური — ხის კოჭებზე (სურ. 19 და 18).

კოშკის ქვედა სართული მეორე კოშკის მსგავსია: კარი — ეზოდან და სფეროს დასაწყისში თითქმის თანაბრად განლაგებული სამი მალლა „აშგერილი“ სარკმელია. კედელი რიყისქვითაა ამოყვანილი, გადახურვა კი — აგურით. მეორე სართულის გვემაც წრიულია. ეზოსთან დამაკავშირებელი კარის მარცხნივ



სურ. 19. მუხრანის ციხე, ჩრდილო-დასავლეთის კოშკის გვეგები

მესამე სართულზე ამავალი კიბეა, მოპირდაპირე კედელზე კი ისევ ბუხარია მოთავსებული; მათ შორის სამ-სამი ღრმა ოთხკუთხა ნიშაა, თითოში ორი ან სამი სათოფურით. თუ პირველი და მეორე კოშკის ასეთი ნიშები თაღოვანი გადახურვით იყო, ორ უკანასკნელში იმავე დანიშნულების ხის ძელით ჰორიზონტალურადაა გადახურული. კარი ხისა ყოფილა და, ისე როგორც დანარჩენებშიც, აქაც შიგნიდან ურდულით იკეტებოდა. მესამე სართულის მეტი ნაწილი მორღეულია, მაგრამ საბრძოლო ელემენტების განლაგების სისტემის



აღდგენა მაინც ხერხდება. მას ჰქონია სხეების მსგავსად სათოფურები, საზარ-  
ბაზნე და სალოდეები, ქონგურებით, მებრძოლთა ჩამოსადგომები და სხე.

ფასადებზეც დანარჩენი კოშკების მსგავსი სურათი გვაქვს. აქაც მთავარ,  
მორთულ ნაწილს ეზოში გამავალი ვიწრო მხარე წარმოადგენს, სადაც ერთ  
ღერძზე განლაგებულია ორი კარი და ზემოთ მათი დამცველი, დახრილი სა-  
თოფური და სალოდე (ასეთი სისტემაა ყველა კოშკზე). კედელი ნაწყობია  
ქვისა და აგურის მონაცვლებით (ქვედა კარის წირთხლები აქაც მოშლილია  
და ამიტომ არ ვიცი, თუ როგორ იყო მორთული.

ისეთ დიდ ციხეს, როგორც მუზრანის ციხეა, უნდა ჰქონოდა თავისი ეკ-  
ლესია. ასეთს წარმოადგენს გალაენის შიგნით, ჩრდილო-აღმოსავლეთ ნაწილ-  
ში მდგარი საყდარი.

გარე სწორკუთხედში მოქცეული ცალნაიანი ეკლესიის გეგმა მარტივია.  
შიდა ოთხკუთხა გეგმის დარბაზი გადახურულია ორი გამბრჯენ თაღზე დაყრდ-  
ნობილი კამარით. ღრმა აფსიდი ორიგინალური გადაწყვეტითაა, რადგან დარღ-  
ვეულია სარკმლების განლაგების ჩვეულებრივ მიღებული წესი. აქ არსებული სა-  
მი სარკმლიდან ერთი მოთავსებულია აფსიდის ცენტრში და გადის აღმოსავ-  
ლეთის ფასადზე, ხოლო თითო—გვერდებზე და გადის სამხრეთისა და ჩრდი-  
ლოეთის ფასადებზე. აფსიდის ვრცელ სიბრტყეზე სამ სწორკუთხა ნიშას  
ცენტრალური ადგილი უჭირავს, ორ-ორი დიდი და პატარა კი გვერდებზეა.

თვით ეკლესიის დარბაზის კედლებში ხუთი სარკმელია. სამი მათგანი  
ჩრდილო კედელზეა სიმეტრიულად განლაგებული, ორი კი — სამხრეთის კედ-  
ლის განაბირა არეგებში. ეკლესიას ორი შესასვლელი აქვს, ერთი დასავლეთით  
და მეორე სამხრეთით. ეკლესია შიგნით მთლიანად შეღესილია და უკანასკ-  
ნელ წლებში ისე შეუთეთრებიათ, რომ შეუძლებელია მისი თავდაპირველი სა-  
ხის აღდგენა.

ეკლესიის ფასადები აგურისა და რიყისქვის მორიგეობით, საკმაო რთუ-  
ლადაა მორთული. ეკლესიის ცოკოლი არ ჩანს, ხოლო ორფერდა სახურავს  
აგურის ორმაგი კბილანა კარნიზი გასდევს. ფასადების დეკორი ორი ელემენტ-  
ის კომბინაციითაა მიღებული. ესენია—კედლის სიღრმეში ჩაჭრილი ჯვარი და  
რომბი, რომლებიც განლაგებულია კედლების შუა ჰორიზონტის ზემოთ, მაგ.  
აღმოსავლეთის ფასადი ამ ელემენტებით შემდეგი სახითაა მორთული: ცენტ-  
რალური, ერთადერთი სარკმლის ირგვლივ სამი ჯვარია: ერთი—დიდი, ზემოთ  
ღერძზეა და თითქმის მთელი ფონტონის არე უჭირავს; ორი თანატოლი კი  
გვერდებზეა. რომბების ერთი მწკრივი გასდევს მთელ ფასადს სარკმლის ქვედა  
ჰორიზონტზე და სამ-სამი რომბი ორ რიგად ჯვრებსა და კუთხეებს შორისაა  
ვერტიკალურად განლაგებული. სამხრეთის ფასადზე დეკორის ეს სახე ისევე  
კუთხეებშია გამოყენებული და ერთი რიგი რომბებისა მიჰყვება კარის ოთხ-  
კუთხა მოჩარჩოებას. ორი ჯვარი, მსგავსი და თანატოლი აღმოსავლეთის ქვე-  
და ჯვრებისა, მდებარეობს მარჯვენა სარკმლის გვერდებზე. თვით სარკმლე-  
ბი მარტივია, საკმაოდ განიერი და მაღალი, ნახევარწრიული გადახურვით,  
კარის არე კი რთულია. სწორკუთხა კარს მაღალი სწორკუთხა ჩარჩო გაჰყ-  
ვება და მათ შუა ისრული ფორმის არეა ცენტრში პატარა ღრმა ნიშით. კა-



რის მოჩარჩოებას, ეკლესიის კარნიზის მსგავსად, ორმაგი კბილანა ამთავრებს. როგორც ეტყობა, ეკლესიის ფასადები შელესილი არასოდეს არ ყოფილა.

შემდეგში, ეკლესიის დასავლეთით, კვადრატული გეგმის ღია, თაღოვანი კარბჭე მიუშენებიათ და ეკლესიის სახურავთან შეერთების ადგილას კეხზე პატარა სამრეკლო დაუდგამთ.

სამრეკლო საქმარდ კოპტაა. ეს ექვსწახნაგა ფანჩატური ცილინდრულ საფუძველზე დგას და პირამიდული გუმბათით მთავრდება.

ციხის სამხრეთ გალავნის გაყოლებაზე, ცენტრალურ ნაწილში, მარანი მდებარეობს. ეს დიდი მარანი (36X5 მ) თავდაპირველადვე კედლებით შემოზღუდული და გადახურული იქნებოდა, მაგრამ არ შერჩენია (ახლა არსებული კედლები, სახურავიანად, ამ უკანასკნელ წლებშია აგებული ადგილობრივი კოლმეურნეობის მიერ). მიწაში სხვადასხვა ზომის ორმოცდაათამდე ქვევრია ჩადგმული.

როგორც ზემოთ აღვნიშნეთ, ამ კვადრატულ ციხეს მეორე გალავანი აკრავს აღმოსავლეთითა და ჩრდილოეთით. ამ ციხეს დიდ ტერიტორიაზე დღეს საცხოვრებელი სახლებია გაშენებული და ციხის კედლები ისეა დანგრეული და სახეცვლილი, რომ გარკვეული დასკვნების გამოტანა შეუძლებელია.

ამ ციხის გეგმა თითქმის კვადრატს უახლოვდება (155X160 მ). შედარებით კარგად არის მოღწეული დასავლეთის კედელი, რომლის მიხედვით შეიძლება დავასკვნათ, რომ ეს გალავანი თავისი სიმაღლით არ ჩამოუვარდებოდა ძირითადი ციხის კედლებს. კედლის მცირე ნაწილია გადაჩენილი სამხრეთის მხარის დაახლოებით ცენტრში და აღმოსავლეთის კედლის სამხრეთ ნახევარში. კედლების დანაჩენი ნაწილიდან მხოლოდ კვალია დარჩენილი, რის მიხედვითაც ირკვევა, რომ გალავნის ჩრდილო-აღმოსავლეთ და ჩრდილო-დასავლეთ კუთხეებში ცილინდრული ფორმის კოშკები მდგარა. ციხის კედლები ნაგებია რიყისქვით, ისევე აღმატერი წყობით. თუ რას წარმოადგენდა კედლის ზედა ნაწილი, არ ჩანს.

მუხრანის ციხის გარე გალავნის ტერიტორიაზე მდებარე ორი ეკლესია ამჟამად ჩვენ მიერ აღებულ თემასთან უშუალოდ არ არის დაკავშირებული და ამიტომ მათ აქ არ ვიხილავთ, მხოლოდ აღვნიშნავთ, რომ „გუმბათოვანი ეკლესია“ აგებულია 1843 წ., ხოლო მეორე ეკლესიას თარიღი არ გააჩნია, მაგრამ ეტყობა, რომ იგი ციხეზე ადრეა აგებული.

### ძეგლების ისტორია

განსახილველი სამი ძეგლის შესახებ მეცნიერული ლიტერატურა არ არსებობს და, სამწუხაროდ, არც ისტორიულ ცნობებში ვპოულობთ ამომწურავ მასალას.

ერთი მხარე მათი ისტორიისა, სახელდობრ, აგების თარიღი და მასთან დაკავშირებული ზოგიერთი საკითხი, მოცემულია ციხეების კედლებზე, მათი აბჯების კონსტანტინე სახლთუხუცესის სამშენებლო წარწერებში. მაგრამ მერმინდლო ცხოვრებაზე ძალიან ცოტა რამ ვიცით.

ამჟამად, ჩვენ ვიხილავთ კონსტანტინე მუხოან-ბატონის მიერ აგებულ სამ ციხეს, მაგრამ ერთ-ერთი მათგანი — ქსნის ციხე, როგორც აღწერიდან ვი-





ციტ, მეორედაა აგებული და მის კედლებში მოქცეულია ძველი ციხის სხვა ნაწილები. ციხის კედლებში მოქცეულია ძველი ციხის ნაწილები.

სხვადასხვა მატანიეებში ვითხოვლობთ, რომ ქართლის მეფის დავითსა (1505—1525) და კახეთის მეფე ავ-გიორგის შორის ბრძოლების დროს აგებულ იქნა ციხე, რომელსაც ერთი საბუთით<sup>1</sup> „მტკერის ციხე“ ეწოდება, ხოლო სხვა საბუთების მიხედვით „მტკერის ციხე“. არსებული ცნობებით ამ ციხის ლოკალიზაცია ზედმიწევნით ხერხდება, რითაც ირკვევა, რომ აქ საქმე გვაქვს ქნის ციხესთან.

ავ-გიორგის შემოტევები როდესაც გახშირდა და მისი თავებლობა იქამდე მივიდა, რომ ქართლის დაპყრობასაც ლამობდა, დავით მეფეს მისმა ძმებმა ნოსთხოვეს ენკრგიული მოქმედება და ბოლოს მოღება კახეთის მეფის თარეშისათვის. მაგრამ როდესაც ამით მიზანს ვერ მიიღწიეს, მაშინ ბაგრატ ბატონიშვილს თვით უკისრია ავ-გიორგისათვის წინააღმდეგობის გაწევა: „სთხოვა უმრწინესმან ძმამან მისმან მეფესა დავით მუხრანი საუფლისწულოდ და დროსა“ და „არაგვისა და ქნისს ხევნი მთიულ-მოხვეითურთ თვსს მორჩილებას ქვეშ“, ამის შემდეგ „მე აღუდგები მტრად ავ-გიორგისო“. მაშინ მეფე იძულებული გამხდარა დაერთო ნება ბაგრატიანთის. „წარმოვიდა ბაგრატ, აღაშენა მუხრანს ციხე მტკერისა“,... „რომელი არს ციხისძირის თავსაო“<sup>2</sup>. ან, როგორც ვახუშტი განმარტავს: „ციხის-ძირის (სოფ. ციხისძირი ამჟამად იქვეა)—სამჯრით არს ციხე მტკერისა, სარკინეთის მთასავე ზედა, რომელიც აღაშენა ოთმეფის კონსტანტინეს ძემან ბაგრატ“<sup>3</sup>.

ციხის აგების თარიღი პირდაპირ არსად არაა მითითებული, მაგრამ სხვადასხვა საბუთების შეჯერებით შეიძლება მიახლოებით მისი დადგენა.

ალექსანდრე I, კახთა მეფე (1466—1511) და მისი უმცროსი შვილი დიმიტრი უშლიდნენ გიორგის ქართლის რბევასა და დაპყრობის განზრახვას, მაგრამ მან არამცთუ შეისმინა და დაიჯერა მამისა და ძმის დარიგება, არამედ „აღივსა შურითა გიორგი და ლალატი მოკლამა თავის ალექსანდრე“ და აგრეთვე: „შეიპყრა ძმა თვის დიმიტრი და დასთხარა თვალები“<sup>4</sup>. ეს საშინელი ბოროტ-მოქმედება მოხდარა 1511 წ. ამის შემდეგ მამისმკვლელს კახეთში დამსუფთავებული არაფერ ჰყავდა და ქართლში მოწინააღმდეგე და დღეს უმწარებდა დავით მეფეს და მის ძმებს. ხოლო, როდესაც ბაგრატის მიერ მის საწინააღმდეგოდ მტკერის ციხის აგების ამბავი გაიგო, მაშინვე გამოეშურა ჯარით და ახლად აგებულ ციხეს ალყა შემოარტყა. გარემოცვა სამი თვე გრძელდებოდა, მაგრამ მას ციხისთვის ვერაფერი დაუკლია და უკანვე გაბრუნებულა. დიდხანს უქმად ხომ არ დადგებოდა ძმათ წიოკობას მიჩვეული ავ-გიორგი და ისევ შემო-

<sup>1</sup> ქართლის ცხოვრების მეორე გაგრძელება, 1906, გვ. 907 (სხვა ისტორიული წყაროებით „მტკერის“ ანუ „მტკერის“ ციხე ზუნანს ეწოდება).

<sup>2</sup> ქნის დამატ. II, გვ. 907; ვახუშტი. საქართველოს ცხოვრება. კიკინაძის გამოც., გვ. 26.

<sup>3</sup> ვახუშტი. აღწ. სამ. საქ. 1941, გვ. 63.

<sup>4</sup> ქნის დამატ. გვ. 906.



ესია ქართლს „ერთარ არა ვისი აქტენდა შიში“. მაგრამ ამჯერად ზედმა უმუხთლა. როდესაც გათამამებული მცირე სპითა ნადირობას შეეჭკვოდა იცა ჟამი მარჯვე ბაგრატი, მიეტევა და მოსრინა მისთანანი და შეიპყრა ავ-გიორგი და პატიმარ-ჰყო მტკვრის ციხესა შინა და იქვე „მოაშ-თვეს ანუ მოკუდა“<sup>1</sup>—გვატყობინებს ვახუშტი.

ეს ამბავი სხვადასხვა მატიანებებსა და ქრონიკებში მცირე განსხვავე-ბითაა გადმოცემული. მაგრამ ცხადი ის არის, რომ ავ-გიორგი 1513 წ. თუ 1514 წ. მოკლეს<sup>2</sup>.

მაშასადამე, ჩვენთვის საინტერესო საკითხი—ციხის აგების თარიღი ამ ორ მიჯნას შორის თავსდება. ერთი მხრივ, 1511 წელსა და, მეორე მხრივ, 1513—14 წლებს შორის, ე. ი. ყველაზე მეტად მოსალოდნელია, რომ მტკვ-რის ციხე ბაგრატი აეგო 1512 წელს.

პირველი, მუხრან-ბატონის მიერ აგებული ციხე, როგორც იმავე მატია-ნეთა ცნობებიდან ირკვევა, საკმაოდ მაგარი ნაგებობა ყოფილა. წინააღმდეგ შემთხვევაში ვერ გაუძლებდა სპეციალურად ციხის ასაღებად მოსული მტრის დიდი ხნის ალყას. ციხის აუღებლობის ერთ-ერთი მიზეზი ამ შემთხვევაში ისიც ყოფილა, რომ იგი დიდი ტევადობისა იყო და სანოვავის მარაგიც საკ-მაო ჰქონიათ. თუ სხვადასხვა ცნობები სიმართლეს შეიცავს, მაშინ ეს შემ-დეგნაირად დასტურდება: „ავ-გიორგი მოვიდა სპითა თვისითა და მოადგა ციხესა მას შინა მყოფს ბაგრატს სამ-თთჳმ და შეამჭირა ფრიად ბაგრატ: მაშინ ავ-გიორგიმ წარუვლინა ღვინო ლიტრითა ბაგრატს: „ხარ ძე მეფისა და არს ჟამი მრავალი, რომელსა არა გისვამს, აწ იკმეი“. ხოლო ბაგრატს ჰყვა ჰასა შინა ორაგული ცოცხალი, წარმოუგზავნა ავ-გიორგის იგი და მოუთხრა: სამ-თთჳმ მყოფ ჰსანსა ზედა და არა გიგემია, იგემე, რამეთუ ცოცხალ არს“<sup>3</sup>. გიორგიმ „მაშინ ჰსცნა სიმრავლე საზრდელთა, და სიმტკი-ცე ციხისა მის“<sup>4</sup>, „უკუნ იქცა, მოაოხრა ქვეყანა და შთავიდა კახეთად“<sup>5</sup>. აქ მოთხრობილი ამბავი დაუჯერებელს არაფერს შეიცავს, პირიქით, იგი გვაძ-ლევს საშუალებას, რომ წარმოვადგინო ვიქონიოთ ყოველმხრივ მოწყობილ ციხეზე.

თუ რა ბრძოლები გადაიხადა „მტკვრის ციხემ“ მომდევნო პერიოდში ჩვენ-თვის უცნობია, მაგრამ, ცხადია, რომ იგი მრავალი ომის მომსწრეა და მათ შედე-გად ისე დაზიანებულა, რომ XVIII ს. დასაწყისში საბრძოლველად არ ვარ-გებულა და მის ნანგრევებზე თითქმის ხელახლა აუგია ციხე მუხრან-ბატონ სახლთუხუცეს კონსტანტინეს, რასაც თვით გვაუწყებს სამშენებლო წარწე-რაში.

<sup>1</sup> ვახუშტი. საქართველოს ცხოვრება ჭიჭინაძის გამ. გვ. 26.

<sup>2</sup> ივ. ჯავახიშვილი. ქართველი ერის ისტორია, წ. IV, თბილისი, 1948, გვ. 222—225.

<sup>3</sup> ვახუშტი. საქართველოს ცხოვრება. გვ. 26; ქართლის ცხოვრების დამატება, გვ. 908.

<sup>4</sup> ქ-ლის ც-ბის დამატება, გვ. 908.

<sup>5</sup> ვახუშტი. საქ. ც-ბა. გვ. 26.



წარწერა მოთავსებულია, როგორც აღწერაში ვნახეთ, შემოსასვლელის ზემოთ, სპეციალურად დამზადებულ მოგრძო ქვაზე. წარწერას წვრილი ლარი ვასდევს ირგვლივ და ბოლოში მარტივი ექვსკუთრა როზეტი უხის. ეს მხედრული წარწერა შემდეგს შეიცავს:

„ქ. ღ-ის მინდობით ჩვენ მუხრანბატონმა  
 სახლთუხუცესმან კონსტანტინემ აღეაშე  
 ნეთ ციხე ესე დავსდევით სახელათ კო  
 ნსტანტილაბათი მტერთა მბრძოლთა  
 განმამნეველად რათა მკვიდრნი მამუ  
 ლთანი არ წარტყუნინლ იქანენ  
 ქს აქათ ჩღ-ზე ქკს ულ-დ“

აქ ყველაფერი გარკვეულია: აგების მიზეზი, ამგები და თარიღი. წარწერა კარგადაა შენახული და ნაწერიც მკვეთრადაა შესრულებული<sup>1</sup>. წარწერაში თარიღი ორი სახითაა მოცემული: „ქრისტეს აქეთ“ და ქორონიკონით ორივე 1746 წელს იძლევა.

საინტერესოა ის გარემოება, რომ ამგებს ამ ციხისათვის სპეციალური სახელი შეურქმევია თავისი სახელისათვის „აბათის“ დამატებით („აბად“ სპარსულში გეოგრაფიული სახელების კომპონენტად ნახმარი სიტყვაა და იმ მნიშვნელობისაა, როგორც ქართულში: ახალშენი, რევაზაშენი, თამარაშენი და სხვ.).

წარწერის მიხედვით ირკვევა, რომ ამ ციხეს მესამე სახელიც ჰქონია და იგი ძეგლზე დანამდვილებითაა დოკუმენტირებული, მაგრამ ეს სახელი, როგორც ჩანს, არ გავრცელებულა. სხვა საბუთებში ჯერჯერობით იგი არსად შეგვხვდრია და ახლო-მახლო მოსახლეობამაც არ იცის ასეთი სახელი. წარწერის გაცნობის შემდეგ გარკვევით ჩანს, რომ ეს ციხე ოთხი სახელის მატარებელია: „მტკერის ციხე“, „მტვერის ციხე“, „კონსტანტილაბათის ციხე“ და „ქსნის ციხე“. სამი პირველი სახელწოდება მხოლოდ ისტორიულ მასალებშია შემონახული, ხოლო ხალხი მას დღეს ქსნის ციხეს ეძახის<sup>2</sup>.

ამავე წელს კონსტანტინე სახლთუხუცესს მეორე ციხეც აუგია სოფ. მჭადისჯვარში. მას გამოუყენებია არსებული ეკლესია და მის აღმოსავლეთისა და სამხრეთის კედლების ჩაყოლებით აუშენებია ოთხკუთხა გალავანი კუთხის კოშკებით. თავისი საქმიანობა კონსტანტინეს გადმოცემული აქვს გალავანში სამხრეთის შესასვლელის ზემოთ ორ ქვაზე მოთავსებულ წარწერაში. მხედრული წარწერა შესრულებულია დაბალი რელიეფით უწესრიგოდ, ქვაც ცუდი ხარისხისაა და იგი გვიან შეუღესიათ. წარწერის გაწმენდის შედეგად ამოვიკითხეთ შემდეგი:

<sup>1</sup> ეს წარწერა მცირეოდენი შეცდომებით გამოქვეყნებულია ჟურნ. „მოგზაურში“ 1901 წ. № 5, გვ. 398–402.

<sup>2</sup> ქსნის ციხის დამცინავი სახელი, რომელიც ხალხშია გავრცელებული, ზემომოყვანილი ლენისა და ორაგულის ურთიერთ მიძღვნასთან უნდა იყოს დაკავშირებული.



„ქ. ოდეს ჟამთა ქვეულებსიგან და ცოდეთა ჩუნთა მიერ  
 მო[ო]ხრებულიყო ქვეყანა ქართლისა ლექთაგან, რომელ არიან  
 კავკას[ს]სა  
 შინა და თვინიერ ციხეთა არსადა ეგებოდა გება კაცთა არც  
 თუ ერ  
 თსა სოფელსა და დაბაცა ესე ოხერქმნილიყო, რომელ  
 არარასა  
 ცნობილ იყო თუცადა სოფელსა ამას პირველ შენობა ყოფილი  
 ყო თვინიერ ეკლესი[ი]სა ამის, რომელი აღწენა ბატო-  
 ნიშვილსა კა  
 თალიკოზსა დომენტის. აწ ჩვენ მუხრანის ბატონმა კონსტა-  
 ნტინე  
 ჯელჯყავ აღწენებად ციხისა ამის სამკ  
 ვიდროსა ჩემსა, რათა კაცრიელ იქნას და და[ე]შენონ კაცთა  
 და მტერთა და მარბ[ი]ელთაგან უვნებელად დაშთენ.  
 აღვაწენ მეფობასა ცხებულის პორფიროვანის  
 [მე]ფის თეიმურაზისა. ქრისტეს აქეთ ჩღმე, ქკს უ[ლ]ლ“

შინა წარწერის მსგავსად აქაც გარკვევითაა მოცემული: აგების მიზეზი, ამგები და თარიღი. თარიღი აქაც ორი სახითაა მოცემული. ამთგან „ქრისტეს აქეთ ჩღმე“ კარგადაა შემონახული, ხოლო „ქკს...“ ორი ასო გადაშლილია. იგი შეიძლება აღსდგეს პირველის გამოყენებით. რის მიხედვით ვლებულობთ, რომ ციხე აგებულია: „მეფობასა ცხებულის პორფიროვანის მეფის მეფის თეიმურაზისა“ 1746 წ.

წარწერის ავტორი გვატყობინებს, რომ მას ამ ადგილს „თვინიერ ეკლესიისა“ სხვა ნაგებობები არ დახვედრია. ეკლესია კი მისივე ცნობით აუწენებია ბატონიშვილ დომენტი კათალიკოსს. ამ ცნობას ზედმიწევნით ადასტურებს თვით ეკლესიაზე არსებული ორი წარწერა. ერთი მათგანი ასომთავრული წარწერაა, მეორე კი მხედრული. პირველი მოთავსებულია დასავლეთის კარის ტიმპანის ქვაზე, მეორე კი—სამხრეთის ტიმპანზე. ამ წარწერების მიხედვით ეკლესია აგებულია 1668 წ.

ეს ორივე წარწერა, ისე როგორც შემომოყვანილი ციხის წარწერა ბროსეს გადმოუწერია 1848 წ. და გამოცემულიც აქვს<sup>1</sup> (მის წაკითხვაში მცირე შეცდომებია). ეკლესიის წარწერები ამჟამად ჩვენ უშუალოდ არ გვჭირდება და ამიტომ არ მოგვყავს.

აღნიშნული საყდარი ვახუშტის დროს, ე. ი. აგების შემდეგ, მხოლოდ რამდენიმე ათეულ წელს გაუვლია და უკვე უმოქმედოდ მდგარა. იგი გვატყობინებს: „ტყვილიანის ჩრდილოთ არს მონასტერი მქადისჯვრისა, საბურღიანოსა შინა, გუმბათიანი აწ უქმი“.

<sup>1</sup> M. Brosset, Voyage archéologique. VI rapp. SPb, 1850, გვ. 86—88.



სწორედ დომენტი კათალიკოსის მიერ აგებული ეს დიდი ზომის ბათოვანი ეკლესია გამოუყენებია კონსტანტინეს და, როგორც ვწერდით, მისთვის ირგვლივ კოშკოვანი გალავანი შემოუგვლია.

ინტერესს მოკლებული არ იქნება აქვე თუ მოვიყვანთ საქ. მუზეუმის ხელნაწერთა ფონდში დაცულ სამღივნო წიგნში მოცემულ ტექსტს (H 18, გვ. 78 შ), სადაც პირდაპირ არაა მითითებული, რომ ის ჩვენს ციხეებს ეხება, მაგრამ ეს აშკარად ჩანს.

### ტექსტი შემდეგი სახისაა:

„ქ: მადლობა, ქება ყოველთა ზედა ღმერთსა ძესა და ღმერთსა სულსა წმიდასა, რომლისა მიერ შეწვენითა და ჩვენ მიერ თაყუანისცემით სასოებით მოქნენთა და მედრებელთა ვიგულსმოდგინეთ და აღვაშენეთ ციხე ესე, წმიდის მთავარანგელოზის ეკლესიის გალავნად ჩვენ მუხრანბატონის კონსტანტინეს ძემან ბატონის შვილმა მუხრანბატონმა კონსტანტინემ, რათა მარად მფარველ გვექმნეს ორთავე ცხოვრებათა შინა. რა ფედ მწუხარე იყუნეს აქა მკვიდრნი მტერთა და მოლაშქრეთა მარბიელთაგან და აჩისგამო იქმნებოდეს მრავალთა წარტყუნეა სულთა. ამისთვის აღვაშენეთ ესე რათა ამათ მიერ განერნეს ტყვეობისა და მოკვრებისაგან მბრძოლთა ჩვენნი მკვიდრნი ყმანი. ქს აქათ ჩღმე, ქკს ულდ.“

### გინა ესე სხვა დაწერეთ:

ქ. ღმრთის საფარვლის მინდობით და მის მიერვე ძალმწივობით აღძრულ ქმნილმან, ჩვენ მუხრანის ბატონმა სახლთუხუცესმა კონსტანტინემ, ქს ძლით ვიგულმოდგინეთ და ველეყავით აღშენებად ციხისა ამის, სამკუთხედროთა მამულთა ჩვენთა ზედა, რომელ ვსდევით სახელად კოსტანტილაბათი. ციხესა ამას და აღვაშენეთ მტერთა მწყობრთა მბრძოლთა წარმართთა განმანდევებად, რათა მკვიდრნი მამულთანი არა წარტყუნილ იქმნენ მტერთა და მარბიელთაგან და უვნებლად განერნენ მკვიდროვანნი მას შინა. აღეშენა მეფობასა ქართლ(ი)ს მპყრობელის ცხებულის მეფის თეიმურაზისსა. ქს. აქათ, ჩ. ღ. მგ. ქკს ულდ.“

ტექსტის ორივე ნაწილს ცალ-ცალკე თარიღად 1746 წ. უზის, ე. ი. იგივე თარიღი, რაც მჰადისჯვრისა და ქსნის ციხეებს აქეთ. ამას გარდა, პირველ ტექსტში ნათქვამია, რომ ციხეს აგებს კონსტანტინე მუხრან-ბატონი „წმიდის მთავარანგელოზის ეკლესიის გალავნად“. ჩვენ უკვე ვიცით, რომ მჰადისჯვრის ციხე თავისთავად დომენტი კათალიკოსის მიერ აგებული მთავარანგელოზის ეკლესიის გალავანს წარმოადგენს. მაშ, ეჭვს გარეშეა, რომ





ხელნაწერის ეს ტექსტი წინასწარ არის დამზადებული მკადისჯვრის ციხის წარწერისათვის.

მეორე, ქვედა ტექსტის შესახებ ასევე ნიშანდობლივ შეიძლება მითითება, რომ იგი დამზადებულია ქსნის ციხისათვის, რადგან მასაც მუხრან-ბატონი კონსტანტინე ავებს: „ვსდევდით სახელად კონსტანტილაბათი ციხესა ამას“, ეკითხულობთ მასში.

როგორც ხელნაწერის ეს ტექსტი და ციხეებზე არსებული წარწერები მოწმობენ, კონსტანტინე მუხრან-ბატონს ქვეყნის განსაკუთრებული მდგომარეობის გამო ერთსა და იმავე დროს—1746 წ. დაუწყია და აუგია თავის სამთავროში ორი ციხე.

იმავე, ენერგიულ კონსტანტინე სახლთუხუცესს ათი წლის შემდეგ აუგია მესამე ციხე შიოსუბანში. ამ ციხის ორმა წარწერამ მოაღწია ჩვენამდე. ერთი მოთავსებულია, როგორც აღრევეც აღენიშნეთ, გალაფანში შესასვლელის თავზე, მეორე კი ჩრდილო-აღმოსავლეთის კოშკზე ყოფილა<sup>1</sup>. კონსტანტინეს სხვა წარწერების მსგავსად ესეც მხედრულია.

პირველი წარწერა ქვიშაქვაზეა შესრულებული. იგი დაბალი რელიეფითაა ნაკვეთი და ცუდადაცაა შემონახული. ბევრი ცდის შეიძლება ჩვენ შემდგომს გარჩევა შეეძლებოდა:

„ქ. შევედრებითა ღთისითა, ჩვენ მუხრანის ბატონ და  
 სახლთ უხუცესმა  
 ნ პატრონმან კოსტანტინემ აღვაშენე გალაფანი ესე  
 და ბურჯნი შიოს უბანი,  
 წარსაგებელითა და საფასითა ჩემითა და მრავალ შრომითა,  
 უამსა ამასა ოდესაცა მტერნი  
 უსჯულონი მძლავრებდენ ქვეყანასა ქართლისასა. ადგილითი  
 ადგილად მოქ  
 რებულ იყო სოფელნი და დაბანი და ესეცა შიოსუბანი  
 მკვიდრთავ  
 ან თვისითა ცარიელ იყო და მიმოდაბნულ იყვნენ  
 მოსახლენი ამისნი  
 და მე შემოვკრიბენ და მოვზლუდენ ქვითაჲრთა  
 ვინადგან სამკვიდრებ  
 ელი იყო პაპის პაპათა ჩემთა და მე ვიყავ მკვიდრი  
 მათი. ვინცა აღმოი  
 კითხოთ, შრომანი ჩემნი მოიხსენენით [ქს აქათ  
 ჩლნვ, ქქს უმდ]“

<sup>1</sup> ეს ქვა ამ ოცდაათიოდე წლის წინათ ჩამოუვდიათ და იქვე მყოფ ზედაციხეს შეუნახავს. 1949 წ. 10 აპრილს იქ შემთხვევით ყოფნის დროს მიგვითითეს ამ ქვაზე. დღეს იგი საქ. საბ. მუზეუმში ინახება.



როგორც წინა წარწერებში, ისე აქაც გარკვევით ჩანს ციხის აგების მიზეზი და ამგებების ვინაობა, მაგრამ თარიღი, მოცემული ბოლო სტრატიონში, თითქმის სრულიად გადაშლილია (ჩვენ 1948 წ. ციხის შესწავლისას საექვოდ აღვადგინეთ 1756 წ. მეორე წარწერის აღმოჩენამ ეს საექვო თარიღი დაადასტურა).

მეორე წარწერა მცირე ზომის მარმარილოს ქვაზე მოთავსებული (ტაბ. VIII) და, პირველი წარწერის მსგავსად, ყოველი სიტყვის შემდეგ ორ-ორი წერტილი უზის. წარწერა ასე იკითხება:

„ქ. ჩვენ, მუხრანის ბატონმან და  
სახლთუხუცესმან, პატრონმა  
კოსტანტინემ აღვაშენე ვალა  
ვანი ესე შიოსუბანისა ბურ  
ჯებითა და ამა ბურჯს უწო  
დე მამა ბურჯი, ვინათგან უდ  
იდეს არს სხვათა ბურჯთა და  
უმრავლესთა დამტევენელ. ქქ ს (sic)  
აქათ ჩინე, ქქს უმღ“.

აქ გარკვევითაა მოცემული თარიღი: როგორც „ქრისტეს აქათ“, ისე ქო-  
რონიკონი 1756 წელს იძლევა. ასევე ორივე წარწერაში პირდაპირაა სამ-  
ჯერ ნათქვამი, რომ ციხე აუგია შიოსუბანში კოსტანტინე სახლთუხუცესს  
მრავალი შრომითა და საკუთარი ხარჯებით. სოფ. შიოსუბანი დღეს არ არ-  
სებობს და ადგილზე არც არავინ იცის ასეთი სახელის არსებობის შესახებ.  
ვახუშტის რუკაზე და აკად. ი. ჯავახიშვილის რედაქტორობით 1923 წ. გა-  
მოცემულ საქართველოს ისტორიულ რუკაზე სოფ. შიოსუბანი მოთავსებულია  
სოფ. დამპალასა და ვარდისუბანს შორის. პირველში სოფ. მუხრანი სულ არ  
არის აღნიშნული, იგი მხოლოდ მხარის სახელწოდებაა, ე. ი. სოფელი მუხ-  
რანი ან მაშინ არ იყო ან ვახუშტის გამორჩა. რაც შეეხება შიოსუბანს, იგი  
საკმაოდ ძველი ჩანს, ყოველ შემთხვევაში იგი იხსენიება 1170 წ. გიორგი III  
დროს<sup>1</sup>. დღეს კი ციხე მდებარეობს სოფ. მუხრანის ჩრდილო-დასავლეთ ნა-  
წილში. ველიჭობთ, რომ ამ ორასი წლის მანძილზე მდგომარეობა შეიცვალა;  
სოფ. მუხრანი გაიზარდა და შიოსუბანი მის ფარგლებში მოექცა. მაგრამ ახ-  
ლა გამოსარკვევია, თუ სად არის ის ციხე, რომელიც აქ ოსმალებმა ააშენეს?  
ვახუშტი ბატონი გვატყობინებს, რომ „შიოსუბანს არს შე-  
ნობა დიდი სასახლეთა, ხოლო ოსმალთა აღაშენეს ციხე ქრისტესა ჩლ  
(1730) აწ არს სახიზრად“<sup>2</sup>. შიოსუბანში ჩვენ სასახლეების კვალი არსად შეგ-

<sup>1</sup> საქ. სიძველენი. ტ. III, დამატება, ტფ., 1926, გვ. 1-7.

<sup>2</sup> ვახუშტი ი. აღწ. სამ. საქ. 1941, თბ., გვ. 63.



ვინიშნავს. ალბათ, ისინიც ისევე გაქრა, როგორც სხვა ბევრი სასახლე საქართველოს ტერიტორიაზე. რაც შეეხება ოსმალთ მიერ 1730 წ. შიოსუბანში ციხის აგებას, ეს, უდავოდ, ღირსშესანიშნავი ცნობაა, მაგრამ საკითხავია, თუ რომელ ციხეზეა აქ საუბარი? შიოსუბანში დღეს მხოლოდ ერთი ციხეა და ის კი, როგორც ზემოთ ვნახეთ, კონსტანტინეს მიერაა აგებული 1756 წ. ამასთანავე აქვე უნდა დავსძინოთ, რომ სოფ. შიოსუბანი აუცილებლად იქნებოდა, რომ მას ორი ციხე დასჭირებოდა (თუმცა აქ შეუძლებელიც არაფერია). საჭიროა ამ საკითხის გამორკვევა. შეიძლება აქ რაიმე გაუგებრობასთან გვკონდეს საქმე.

მემატიანე სეხნია ჩხვიძე ერთგან წერს: „ამავე ქორონიკონს (ე. ი. უკა—პ. ზ.) ააშენა ციხე მუხრანისა ისაყ-ფაშამ აბრილიდამ თიბა-თვის კ (20), იყო მუშა ექუსასი, ქართლი, თუ სომხითი საბარათაშვილო“<sup>1</sup>. აქედან ვიგებთ, რომ ისაყ-ფაშას 1733 წ. აუგია ციხე მუხრანში. ახლა საკითხი ისმება: ვახუშტი და სეხნია ჩხვიძე ხომ არ წერენ ერთისა და იმავე ციხის აგებაზე?

შეიძლება ამ საკითხს ნაწილობრივ უშუალო მოჭფინოს საქ. სახ. მუზეუმის ხელნაწერთა განყოფილებაში დაცულმა ერთმა საბუთმა (Hd 4847). ეს საბუთი ციხეების მშენებლობასთან დაკავშირებით ბევრ საინტერესო ცნობას შეიცავს, ამიტომ მას ჩვენ მთლიანად მოვიყვანთ. სამწუხაროდ, საბუთის დამწერმა, როგორც ეტყობა, ქართული ცულად იცოდა და ხელიც მეტად გაუარკვეველია აქვს. მაგრამ ძირითადის აღდგენა მაინც ხერხდება:

- „ქ. მუხრანს. გალავანი. რომ. გაკეთოს ისაყი ფაშამ. მამუკამ. მუხრანს. ბატონმა: სულ ქართველთ: აბრილს (U) ქრისტეს. აქე თ (ჩლღგ)
- ქ: სარდალი. ქინოსრო. და: ვახუშტი. ა ბაშიძე: იქი. ბძანდებოდა: გორს:
- ქ. მე. ლივან. მუხრანს. ბატონმ. გუგუზენე-და. მუხრანს. ბატონს. მამუკას. აზნაურ. შვილები. გამოეგზავნა. ჩითან: და: გორს იყენენ: და ეთხოვა. ჩითვის: გალავნს. ვაკეთებინებ. ფაშებს. და მახედ ფეშქაშს. ვხარჯავ. და. შენც. ესენი. გამომიგზავნი. ამათი ხელით.
- ქ. აზნაურ. შვილი. რტის. შვილი. თთია.
- ქ. შიოში. ზედგინიძე.
- ქ. მუსხელას. შვილი. გივი. ამათს. ხელით. გუგუზენე: და. მეც. მ მუხრანს. ბატონი. ლივან. წაველ. და წულე ქ. ხანჯალი. დ თვლით. შემკული.

<sup>1</sup> სეხნია ჩხვიძე. საქართველოს ცხოვრება. ზ. ტიკინაძის გამ., თბ., 1913, გვ. 45



ქ. სუშეური (?) ასხმული: თვლით. რო  
გორც. მართებული არის:

ქ. სიასამური. ერთი. ტანი. მეფის. ბაქ  
რის. ნაბოძები.

ქ. ლილი. ოქროსი. ტანი. ერთი. ესეც.  
მეფის. ვახტანგის. ნაბოძები.

ქ. რხტი. დ. უნაგირი. ვერცხლის. ესე  
ც. ბაქარის ნაბოძები.

ზევით. რომ. სწერია. თვალეში. ამასთან. მიმი  
რთმევია. მუხრანს: ბტნს. მამუკასთ  
ვინ. და იმას. მუხრანს. გალაგანი. გაუკეთებ  
ია: მე. ესე. მიმატემინა.

შიოს: უბანს: გალაგანი. აშენა: მუხრანს  
ბტონმ. მამუკამ. მიერ. დ. სულ. ქართ  
ველთ იმუშავეს: აპრილის (წ) დიწყეს  
მუშაობა 1733: ჩლღ

ქ. ხადის. ციხე: და: წირის: გალაგანი. გაკეთ  
ა: მუხრანს: ბტონმა. მამუკამ მიერ: ქრ  
ისტეს. აქათ. ჩლა: 1731: მუხრანს  
ბტონი. ლევან. აბუშელაშვილი. დადგინა  
ცოლითა. და: „შვილითა“.

როგორც ჩანს, ამ საბუთში და სეხნია ჩხეიძის ცნობაში ერთისა და  
იმავე ციხის მშენებლობაზეა საუბარი.

ამ საბუთებში ზედმიწევნით კარგადაა ნაჩვენები როდის და ვისი თაოს-  
ნობით შენდება გალაგანი, მაგრამ თუ სად შენდება, ამაზე ისევ გაურკვეველ  
პასუხს ვღებულობთ.

საბუთის თავსა და ბოლოში ორჯერაა მითითებული, რომ გალაგნის  
მშენებლობა დაწყებულია 1733 წლის რვა აპრილს, მაგრამ არ ჩანს მისი დამ-  
თავრების დრო. თითქოს განგებ, სწორედ ამ ხარვეზის ამოსაცხებად, მემ-  
ტიანე ს. ჩხეიძე ვადაცხობინებს, რომ ციხე შენდებოდა „აპრილიდან თი-  
ბათვის კ“, ე. ი. ციხე შენდებოდა აპრილის რვიდან ივნისის ოცამდე. თუ  
ეს ცნობები მართალია, მასში ეჭვის შეტანის საბაზი კი არ გვაქვს, ციხე-გა-  
ლაგანი აუგიათ ორ თვესა და თორმეტ დღეში.

ახლა გასარკვევია, თუ ვინ არის მშენებელი. ამ საკითხს სხვადასხვანაი-  
რად პასუხობენ ჩვენი საბუთები. ს. ჩხეიძე მხოლოდ ისაყ-ფაშას იცნობს ცი-  
ხის მშენებლად, ხოლო მეორე საბუთის დასაწყისში ვკითხულობთ: „გალა-  
განი გააკეთეს ისაყ-ფაშამ, მამუკამ მუხრან-ბატონმა“, და ბოლოში—„აშენა  
მუხრანს. ბატონმ. მამუკამ“. ჩვენი აზრით, ამ ცნობებიდან შემდეგი დასკვნა  
უნდა გამოვიტანოთ: ციხეს აგებს ადგილობრივი მფლობელი მუხრან-ბატონი  
მამუკა, ხოლო ისაყ-ფაშა, მაშინ, როგორც „ქიქვენის გამგებელი“, მბრძანე-  
ბელია.



გამოსარკვევია აგრეთვე თუ სად იგება ეს ციხე. ამ კითხვაზეც განსხვავებულ პასუხს ვღებულობთ. ს. ჩხეიძე წერს: „ააშენა ციხე მუხრანისაო“, ხოლო მუხეუშვილი დაცული ხელნაწერის თავში წერია: „მუხრანს. გალაგანი. რომ გაკეთეს...“ და შემდეგ იქვე ვკითხულობთ: „შიოს: უბანს: გალაგანი. აშენა...“, ე. ი. ამ საბუთის მიხედვით გამოდის, რომ მამუკა მუხრან-ბატონი ციხეს აგებს მუხრანშია<sup>1</sup> და შიოსუბანშია<sup>2</sup>, რაც ნაკლებად დასაჯერებელია, რადგან ასე ახლოს ორი ასეთი დიდი მასშტაბის ციხე არ იქნებოდა საკირო და თანაც ძნელი წარმოსადგენია, რომ ერთსა და იმავე დღეს, — აბრილის რვაში, ორივეგან დაეწყოთ მშენებლობა და, რაც მთავარია, ტექსტის განხილვა ასეთი ვარიანტის შესაძლებლობას თითქმის სპობს, პირიქით, ტექსტში სოფლების სახელები ისეთ კონტრექსტშია მოცემული, რომ შეგვიძლია დავასკვნათ: მუხრანი და შიოსუბანი ერთისა და იმავე ადგილის აღმნიშვნელია. ასეთი დასკვნა მით უფრო მისაღებია, თუ მივიღებთ მხედველობაში იმ გარემოებას, რომ მუხეუშვილი დაცული ხელნაწერი ლევან მუხრან-ბატონს ეკუთვნის (თუმცა იმის ხელით არ უნდა იყოს დაწერილი), რომელმაც, ეგვი არ არის, ძალიან კარგად იცოდა ციხის მშენებლობის ადგილი.

თუ ამ დასკვნას მივიღებთ, მაშინ უნდა დავუშვათ, რომ ვახუშტის შეცდომა თარიღი: „ჩლო“, უნდა იყოს: „ჩლოგ“, ხოლო რაც შეეხება ციხის აგების ადგილს, მასაც შიოსუბანი აქვს მითითებული.

მაშ, ზემონათქვამს თუ შევჯამებთ, მივიღებთ, რომ მამუკა მუხრან-ბატონი ლევან მუხრან-ბატონის დახმარებით და ისაყ-ფაშის მონაწილეობით აგებს ციხეს შიოსუბანში (მუხრანში). ახლა საკითხავია, სად არის ეს ციხე დღეს?

როგორც აღრევე აღვნიშნეთ, დღევანდელ სოფ. მუხრანში მხოლოდ ერთი ციხეა, მას კი ორი წარწერა აქვს, სადაც პირდაპირაა მითითებული, რომ შიოსუბნის გალაგანი ბურჯებით აუგია კონსტანტინე სახლთუხუცესს 1756 წ. აქედან შეიძლება დავასკვნათ, რომ შიოსუბანში 23 წლის განმავლობაში ორი ციხე აგებულა მამუკა მუხრან-ბატონისა და კონსტანტინე მუხრან-ბატონის მიერ. პირველი ციხე, როგორც ეტყობა, მთლიანად დანგრეულა, ან ისე დაზიანებულა, რომ მისი გამოყენება აღარ შეიძლებოდა და ახალი ციხე-გალაგანი აუგიათ. შეიძლება დავუშვათ, რომ პირველი ციხე იქ თუ იდგა, სადაც დღევანდელი ციხეა, მაშინ მის ნარჩენად მივიღოთ გარე დიდი გალაგანის ფრაგმენტები (შერჩენილი ნაწილები იმდენად უსახოა, რომ დაბეჯითებით ამის მტკიცება არ ხერხდება<sup>3</sup>).

ზემომოყვანილი ლევან მუხრან-ბატონის ნაწერი სხვა მხრივაცაა საინტერესო. უპირველეს ყოვლისა უნდა აღვნიშნოთ, რომ ქვეყნის მდგომარეობა

<sup>1</sup> შეიძლება „მუხრანში“ იგულისხმებოდეს ამ მხარის საერთო სახელი და არა სოფელი.

<sup>2</sup> ვახუშტის თავის „ისტორიაში“ ერთგან მოთხრობილი აქვს ბრძოლა შიოსუბანში, მაგრამ თარიღი არ აქვს მოცემული, დაახლოებით კი 1733 წ. უნდა ყოფილიყო. „ხოლო ესმა უსუფ-ფაშას ძესა ისაყისასა გამოსვლა ლეკთა, წარმოვიდა სპითა ოსმალ-ქართველთა და გვემთა მუხრანს ლეკთა, მოსრნა იგინი და ნეშტნი შევიდნენ შიოს-უბანში, მოადგა გარს და შეესივნენ და სერიდნენ ლეკთა“ და სხვ., ეს ბრძოლა, როგორც ეტყობა, გამაგრებულ ციხეში ხდებოდა (ვ. ახუშტი, საქ. ცნ-ბა, ზ. ტიქინაძის გამოც., 1913, გვ. 137).





რეობა მეტად რთული ყოფილა და საკიროება მოითხოვდა ჩქარი ტემპით მოქმედებას. ასეთი საგანგაშო მდგომარეობისას სათანადო ზომები მიუღიათ. საკმარისი არ ყოფილა მარტო მუხრან-ბატონის ხელქვეითნი და, როგორც ს. ჩხეიძე გვაუწყებს, მობილიზაცია უქნიათ მთელი „ქართული თუ სომხითი საბარათაშვილო“-სთვის და „იყო მუშა ექუსასი“. იმავე ავტორის ცნობით ციხე ააგეს 72 დღეში, ე. ი. ამ ციხის აშენებისათვის დაახლოებით 40000 შრომა დღე დახარჯულა. ეს რიცხვი იმ დროისათვის გრანდიოზულია. სამწუხაროდ, ჩვენ არ ვიცით იმ ციხის ზომები, თორემ ბევრ საინტერესო დასკვნას მივიღებდით.

როგორც ვტყობა, ასეთი გრანდიოზული მასშტაბის მშენებლობა ერთი ფეოდალისათვის, თუნდაც ისეთი, როგორც მამუკა მუხრან-ბატონი იყო, ძნელი ყოფილა და მის შესაძლებლობას აღემატებოდა. ამიტომ მას ეხმარება ლევან მუხრან-ბატონი, რომელსაც სახლიდან გამოაქვს ძვირფასი ნივთები, საგვირეულო საგანძური, რასაც იგი ხაზს უსვამს: „მეფე ვახტანგის ნაბოძები“ და სხვ. ამ საბუთში ერთი ადგილიცაა გაუგებარი, იქ, სადაც ნათქვამია: „გალავანს ვაკეთებინებ ფაშებს და მასხედ ფეშქაშს ვზარჯავ“. ორივე საბუთში კი წერია, რომ „სულ ქართველთ იმუშავესო“. როგორ შევათავსოთ ამასთან ვახუშტის ცნობა: „... ოსმალთა აღაშენეს ციხე“ და ს. ჩხეიძის თითქმის იგივე ცნობა: „ააშენა ციხე... ისაყ-ფაშამ“? როგორც ზემოთ ვნახეთ, ციხეს ქართველები აშენებდნენ. მაშ, რა დარჩა ოსმალთ გასაკეთებელი? თაოსნობა და ბრძანებლობა? მაშინ რაღა საკირო იყო „ფეშქაში“? (ნებართვისათვის?). ყოველ შემთხვევაში, სრულიად გარკვევით შეიძლება ითქვას, რომ დღეს არსებული მუხრანის ციხის არც ძეგლი და არც ახალი ნაწილი არ ატარებს სტილისათვის დამახასიათებელ რაიმე „ოსმალურს“; ციხე მთლიანად, იმ პერიოდისათვის მიღებული, ქართლ-კახური ტიპის მატარებელია.

ზემომოყვანილ საბუთს ერთი ღირსშესანიშნავი ცნობაც აქვს შემონახული. იმავე მამუკა მუხრან-ბატონმა ორი წლის უწინარეს „ხადის ციხე და წირის გალავანი გააკეთა“. ხადის ციხე დღესაც ცნობილია, ხოლო სად არის „წირის“ ციხე ჩვენთვის უცნობია (შეიძლება აქ წირქოლის ციხე იგულისხმებოდეს)?!

იმ წლებში, ლეკთა თარეშის გამო, მდგომარეობა საგანგაშო რომ იყო ეს ჩანს თუნდაც 1734 წ. ს. ჩხეიძის ცნობაშიც: „ააშენა ისაყ-ფაშამ ციხე ავქალასა, კოშკები დიდმის ბოლოდამ ატენის წყლამდის თორმეტი, სადაც ფონი იყო ლეკთ გამოსავალი“<sup>1</sup>. ამ ციხე-კოშკების უმნიშვნელო ნაწილია გადაჩინილი, მაგრამ თავისთავად ფაქტი მათი აშენებისა მეტად მნიშვნელოვანია, კოშკების ტიპი კი ისევ, უცვლელად, ქართლ-კახურია.

როგორც ვხედავთ, მამუკა მუხრან-ბატონს საკმაო ენერჯითა და დიდი ტემპით უწარმოებია მშენებლობა, მაგრამ მისი მშენებლობის შესახებ ჩვენ მხოლოდ ერთი საბუთით ვიცით, ისიც სამ წელაწადს მოიცავს და არ გვაქვს ცნობა არც მანამდე და არც მის შემდეგ. ასევე, ცოტა რამ მოგვეპოვება მისი

<sup>1</sup> ს. ჩხეიძე გვ. 45.



მემკვიდრე კონსტანტინეს მშენებლობის შესახებ, მაგრამ ის, რაც არის, უდავოდ, ღირსშესანიშნავ ცნობას წარმოადგენს.

ჩვენი განხილვის ობიექტის—მკადისჯვრის, ქსნისა და მუხრანის ციხეების მშენებელი კონსტანტინე ჰუხრან-ბატონი ქვეყნისათვის დიდი მოამაგე და თეიმურაზ მეფის მებრძოლებში ერთ-ერთი პირველთაგანი იყო. მან 1747 წ. ქალაქის მოურავობაც მიიღო. სამწუხაროდ, დღემოკლე გამოდგა მისი სიცოცხლე. მცირე რაზმით მიმავალ კონსტანტინეს, მოულოდნელად, ღირსისკარს დაუხვდა მოხეტიალე ლეკის ჯარი და „მოკლეს მუხთლად“. ეს უნდა მომხდარიყო პ. ორბელიანის ცნობით 1756 წ.<sup>1</sup>, ხოლო ხერხეულიძის მიხედვით 1758 წ.<sup>2</sup>.

კონსტანტინე სახლთუხუცესის მიერ თავისი სამელობელოს გამაგრება ზემოაღწერილი სამი დიდი ციხით, როგორც რამდენჯერმეც აღენიშნეთ, გამოწვეული იყო არა სამუხრანოს განსაკუთრებული მდგომარეობით, არამედ სართოდ ქვეყნის მძიმე პირობებით. ქართლ-კახეთის მოსახლეობა კარგა ხანი იყო, რაც დღენიადავ ხმალ ამოწვდილი იდგა ყოველმხრივ მოძალებული მტრების წინააღმდეგ. ოსმალები და ყოზილბაშები საუკუნეების განმავლობაში მრავალჯერ უპირებდა ქვეყანას შთანთქმას. რაც მათ დააკლეს, იმას მოთარეშე ლეკები ამოაგრებდნენ. განსაკუთრებით კი XVIII ს. მეორე მესამედში ლეკიანობა წაღვეკას უპირებდა ქვეყანას. იმ დროს მემატჩიანეთა ნაწილებში მწარე სინამდვილეა გადმოცემული. 1740 წ. ერთ-ერთ საბუთში ვკითხულობთ: „კასპელი კაცი სადღა არის, სულ ამოწყვეტილია. თითო ბიჭი სადღაც გარდარჩომილია, იმათი პოენა ვის შეუძლია? ვერცა იმათს ცოდვაში ჩავდგები, ბატონო“<sup>3</sup>. ყველაზე მეტი ცნობა პაპუნა ორბელიანსა აქვს შემონახული: „გამოგზავნა ხელმწიფეს აქავ ნაგებორალნი მირზა აშუმა: „ქართველნი ჩივიან ქვეყანა ხარბი (ხარაბა—პ. ზ.) არისო და მიდი, დაწერე და მართალი მომახსენო: მოვიდა, დიაირა, დაწერა, მაგრამ არა თუ ციხეში შენობა გერსად დაახელა... ქართლი გათავებულ-იყო თავად ლეკისაგან, მერმე ბევრის სათხოვარისაგან, რომ არას ხელმწიფის დროს ეს არ გარდახედოდა“<sup>4</sup>. მემატჩიანეთა ცნობებს ზედმიწევნით აღასტურებს და ავსებს განსახილვე ციხეების წარწერებიც. იმათში პირდაპირაა მითითებული სიმაგრეთა აგების მიზეზი. როგორც ზემოთაც ვნახეთ, მკადისჯვრის ციხის 1746 წ. წარწერაში ნათქვამია: „ოდეს ჟამთა ქცეულებისაგან და ცოდვათა ჩუნეთა მიერ მო[ო]ხრებულიყო ქვეყანა ქართლასა ლეკთაგან, რომელ არიან კავკასისა შინა და თვინიერ ციხეთა არსად ეგებოდა გემა კაცთა არც თუ ერთსა სოფელსა და დაბაცა ესე ოხერქმნილიყო... გელვყავ აღშენებად ციხისა ამისა სამკვიდროსა ჩემსა, რათა კაცრიელ იქნას და დაქვემონ კაცთა და მტერთა და მარბიელთაგან“. ათი წლის შემდეგ აგებულ შიოსუბნის ციხის წარწერებ-

<sup>1</sup> პ. ორბელიანი. საქ. ცხ-ბა. ზ. ჰიკინაძის გამ., 1913, გვ. 237.

<sup>2</sup> თ. ხერხეულიძე. იქვე, გვ. 261

<sup>3</sup> საქ. სიძველენი. ტ. III (გ. თაყაიშვილას რეაქციით), თბილისი, 1910, გვ. 456.

<sup>4</sup> პ. ორბელიანი. გვ. 75.



შიც ანალოგიური ამბავია მოთხრობილი: „აღვაშენე... ჟამსა ამასა, ოდესაცა მტერი უსჯულონი მძლავრებდენ ქვეყანასა ქართლისასა, აღვილითი აღვილად მო[ოქრებულ იყო სოფელნი და დაბანი და ესეცა შიოსუბანი მკვიდრთაგან თვისთა ცარიელ იყო და მიმოდაბნეულ იყვნენ მოსახლენი ამისნი და მე შემოვკრიბენ და მოვზღუდენ...“

პაპუნა ორბელიანს 1746 წელს, მაშინ, როდესაც მკადისჯვრის და ქსნის ციხე ააგეს, ქართლში ლეკების შემოსვლა თერთმეტჯერ აქვს აღწერილი. ისედაც დასუსტებულ ქვეყანას მათი ასეთი მასშტაბით თარეში, ცხადია, მოახლოებას სიცოცხლეს უმწარებდა და მეორეობა ეცემოდა. ლეკების ერთ ჯარს ერთ მხარეში რომ დაამარცხებდნენ, მეორენი მეორე მხრიდან შემოვიდოდნენ და, როგორც ვთქვომა, მათი მცირე ჯგუფი მაინც სადღაც საქონელს, ან ქალებსა და ბავშვებს იტაცებდა. პ. ორბელიანს ერთგან საინტერესო ცნობა აქვს შემონახული: „ვაბძანდნენ ორივე მეფენი ბორჩალუსა მხარეს და მოვლეს სომხითისა ქვეყანა, მტერი ვერსად დაახვლეს და ინადირეს და შემობძანდნენ ისევე ქალაქსა თბილისისასა“<sup>1</sup>. აქედან, როგორც ზემოთ ვწერდით, ისეთი დასკვნის გამოტანა შეიძლება, რომ ლეკები თითქმის ყოველთვის იმყოფებოდნენ აქ და თეიმურაზი და ერეკლე მიდიან ქვეყნის მოსახილავად, ლეკები ხომ არსად არიანო, და რა დარწმუნდნენ ისინი ამ მხარეში ახლა არ იყვნენ, ნადირობას შეექცნენ.

მუხრან-ბატონის მიერ აგებული ციხეების მიერ გადატანილ ომებზე ცოტა რამ ვიცით, მაგრამ ერთი, 1754 წ. მკადისჯვრის ციხის მიერ გადახდილი ომის ილუსტრაციაც საკმარისია მათი სიმაგრის საჩვენებლად<sup>2</sup>.

ხუნძახის ბატონმა ნურსალ-ბეგმა ლეკის დიდი ჯარი გადმოიყვანა: „რაც დალისტანში ბელადები და უფროსი ჯარები (sic) კაცები იყვნენ, თან-გამოყოლოდნენ“... „ამისთანა ლეკის ჯარი ქართლსა და კახეთში არ ჩამოსულა“—გვიყვება მემკვიდრე.

ერეკლემ და თეიმურაზმა ქართლ-კახეთის მოსახლეობა სულ ციხე-სიმაგრეებში შეიყვანეს. ხუნძახის ბატონმა კახეთი გადმოითარეშა, ჯარი ოთხად გაჰყო, არაგვი გადმოლაზა და არაგვის საერისთავო ანანურს აქეთ სულ მოაოხრა. „მივიდნენ დუშეთს, დაწვეს სასახლე ერისთვისა, შეაბილწეს მონასტერი, ჩამოხდნენ იქ დიდის ნაშოგრაო“. შემდეგ „აიყარა ხუნძახის ბატონი დუშეთიდან თვესა აგვისტოსა ი(10), გარდმოვიდა, შემოაყენა ჯარი ციხესა მკადისჯვრისასა, რომელი აღეშენებინა მუხრანის ბატონს სასლთუხუცეს კონსტანტინეს, ჩამოხდა თითონ ხუნძახის ბატონი ციხის ბოლოს ჭალაში, გაეკეთებინა სანგარი შავარი, დაადგვიენა კარავნი, დადგა შიგ და აბრძოლა ციხესა ჯარი ლეკისა. იყო დღედაღამ ბრძოლა და ომი გაუწყვეტელად: არ ავად იყვნენ მყოფნი ციხისანი, მრავალი ლეკი მოუკლეს და დიდადაც გულმამაცად იყვნენ ციხის კაცნი, უზახენიდა მუხრან-ბატონი ყოველ დღე კაც-

<sup>1</sup> პ. ორბელიანი. გვ. 211—215.

<sup>2</sup> ნ. ბერძენიშვილი, ი. ჯავახიშვილი, ს. ჯანაშია. საქ. ისტორია, 1948, წაწ. I, გვ. 380—381; პ. ორბელიანი. გვ. 211—215.

სა და ტყვია-წამალსა, აძლიერებდა, უთვლიდა იმედსა, დაპირდებოდა წყალობასა და მოხმარებასა<sup>1</sup>.

ასეთი დიდი ჯარის მიერ ციხის გარემოცვა და ბრძოლა ექვსი დღე გრძელდებოდა. მეშვიდე დღეს ქართლ-კახეთის შეერთებული ჯარი მოვიდა. შეიქმნა ფიცხელი ომი. ლეკები რიცხვით მეტად სპარბოზდნენ ქართველებს. რა მისჯირდა „ბრძანა ბატონმა დაქვეითება ჯარისა, გარდახდა თვით მეფე ერეკლე ცხენისაგან და უბძანა გარდახდომა ყოველთა: „ესე არის დღე ვაჟ-კაცობისაო და სიყვარული რჯულისაო“. „შეიქმნა სროლა თოფთა, რომ კომლისაგან კაცი აღარა ჩნდა... შეუტივეს ქართველთა და კახთა გულ-სრულად, დაუშინეს ზამბურაკნი და ზარბაზანნი, გააქცივეს ერთი დასი ჯარი ლეკისა, ჰკრეს გაქცეული ჯარი მეორესა ჯარსა, აირივა ეს საშინელი ჯარი ლეკისა. გაიქცნენ, შეუტივეს ხმალ და ხმალ, დაერივნენ შიგ, რომ ვითა კატა ეკრე ხოცდენ, ლეკთა. თითონ მეფემ ერეკლემ ჩამოკაფა ლეკი ხმალ და ხმალ, მიყუნენ ხოცით არაგვიამდის, რომ მათის მძოვრით აღვის ტყე და ველი, ვინა მორჩა მათი ცხენიც და იარაღიც ჩვენს ჯარს დარჩათ“<sup>2</sup>.

როგორც მოსალოდნელი იყო „იმ დღეს მამაცად და ლომ-გულად მუხრან-ბატონი კონსტანტინე, სარდალი რევაზ ორბელიანი“ და სხვები გაი-სარჯნენ.

მკადისჯვრის ციხე დანარჩენ ორ ციხეზე ნაკლებად მაგარ ციხეს წარმოადგენს. მისი კედლები თხელია და დაბალი. მაგრამ, როგორც ენახეთ, იგი აკმაყოფილებდა მაშინდელ ომისა და ტექნიკის მოთხოვნილებებს. წინააღმდეგ შემთხვევაში იგი ვერ გაუძლებდა ისეთი დიდი ჯარის ალყას, რომელთანაც შეებმა ძლივს გადასწყვიტა ქართლ-კახეთის შეერთებულმა ჯარმა.

### ციხეების საბრძოლო ელემენტები

ციხის საბრძოლო ელემენტებს განსაზღვრავს ბრძოლის საშუალებები; როგორიცაა ტექნიკის დონე და რა სახის იარაღებიც არსებობს იმისდა მიხედვით კეთდება ციხეც.

იმ ეპოქაში, როდესაც შენდებოდა განსახილველი ციხეები, ძირითადად ცეცხლისმსროლელი იარაღი იყო ხმარებაში, მაგრამ ლოდს, როგორც საბრძოლო იარაღს, ჯერ კიდევ დიდი მნიშვნელობა ჰქონდა. ამიტომაც ჩვენი ციხეებიც აღჭურვილია სათოფურებით, საზარბაზნეებითა და სალოდებით.


სათოფურები ჩვეულებრივ მაღლა კეთდებოდა ისე, რომ გარედან მტრისათვის ხელმისაწვდომი არ ყოფილიყო. ამიტომ კოშკის ქვედა სართულში სათოფური ან სულ არ არის, ან გვხვდება როგორც გამოჩაყლისი შემთხვევა-

<sup>1</sup> პ. ორბელიანი. გვ. 212.

<sup>2</sup> იქვე, გვ. 214.



გამოწვეული ნაგებობის ხელსაყრელი მდებარეობით. შემდეგ სართულებში მატულობს სათოფურების რიცხვი და უკანასკნელ, ზედა სართულზე ყველაზე კარბადაა წარმოდგენილი. ელემენტთა განლაგების მსგავსი წესი შეორდება ციხის გალავნის გადაწყვეტისას.



სურ. 20. საბრძოლო ელემენტები

განსხვავებით სათოფურებთან საზარბაზნეები მოთავსებულია ყოველთვის ზემოთ, ბანზე, ან უკანასკნელ სართულზე და ისიც თითქმის ერთ რიგზე. ასევე, უფრო ხშირად, ერთ რიგზეა განლაგებული სალოდეებიც, საზარბაზნეების მსგავსად უკანასკნელ სართულზე, ან ბანზე და გალავნის ზედა ჰორიზონტზე, ქონგურებს ქვემოთ.



განსახილავ ციხეებზე ზემონახსენები საბრძოლო ელემენტები მსგავსი სისტემითაა მოცემული, განსხვავება მხოლოდ დეტალებშია. სათოფურები ისე ეწყობა, რომ იქიდან შესაძლებელი ყოფილიყო დამიზნება, როგორც შორს, ისე ახლოს. ამისთვის სათოფურების მიმართულება კეთდებოდა როგორც ჰორიზონტალური, ისე დახრილი, იმ ვარაუდით, რომ მსროლელს კედელთან ახლო მოსული მტერი დაეზიანებინა. მაგრამ იმ შემთხვევაში, თუ აჯობებდა მტერი ან მოპარვით მივიდოდა ციხის კედელთან, მაშინ სათოფურები არ გამოდგებოდა, რადგან ვერტიკალურად მათი მოწყობა შეუძლებელი იყო. ამ შემთხვევისათვის არსებობდა სალოდე, რომელიც კედლიდან წინაა გამოშვებული და მისი ქვედა ღრუდან შეიძლებოდა როგორც ქვების ჩამოყრა, ისე ცხელი სითხის გადმოსხმა და თოფის სროლაც კი (სურ. 20).

ციხეების მესამე საბრძოლო ელემენტი — საზარბაზნე სათოფურისა და სალოდესთან შედარებით ნაკლები რაოდენობით იყო საჭირო, ამიტომ ისინი თითოეულ კოშკზე ორიდან ოთხამდეა. საზარბაზნე კონსტრუქციულად მარტივია. ფართო ზერღების გვერდითი კედლები შუაში გამოწეულია. საზარბაზნეს ასეთი ფორმა სჭირდებოდა მოქმედების კუთხის გასადიდებლად (სურ. 20).

როგორც აღნიშნული იყო, ციხეებზე ყველაზე მეტი რაოდენობით სათოფურები ეწყობოდა. მაგ., მჰადისჯვრისა და მუხრანის დიდი კოშკების ბანზე ოცდაათ-ოცდაათი სათოფურია, ე. ი. კოშკების ამ ნაწილიდან ერთდროულად 20—25 მებრძოლს შეეძლო სროლა. ამას თუ დავემატებთ სალოდეებსა და საზარბაზნეებს, მაშინ მივიღებთ, რომ აქ ერთსა და იმავე დროს მოქმედებდა არა ნაკლებ ოცდაათი მებრძოლისა. ეს რიცხვი საკმაოდ დიდია 7 მეტრის დიამეტრის მქონე კოშკის ბანისათვის. მაგრამ ჩვენს მიზანს ამჟამად არ წარმოადგენს მებრძოლთა რაოდენობის დადგენა. აქ ვიძლევიტ მხოლოდ საბრძოლო ელემენტთა სახეობას (სურ. 20).

წარმოდგენილ ტაბულაზე ჩვენ მოცემული გვაქვს საბრძოლო ელემენტთა ყველაზე გავრცელებული სახეობანი. ისინი აღებულია არა მარტო განსახილველი ციხეებიდან, არამედ იმ ეპოქის, ჩვენთვის ნაცნობ ქართლ-კახეთის ციხეებიდან.

სათოფურები სამ ჯგუფად დაეყავით. პირველში ვიძლევიტ ყველაზე გავრცელებულ სახეს, მეორეში — გამოაკლისის და მესამეში — ნიშების სიღრმეებში განლაგებულს (ასეთი სათოფურები ეწყობოდა სქელ კედლებში).

სალოდეებიდან მხოლოდ ორი სახე ავიღეთ: მარტივი და რთული. ამ შემთხვევაში მარტივს ჩვენ ვუწოდებთ ისეთს, სადაც მხოლოდ სალოდეა და რთულს ისეთს, სადაც ერთი ან რამდენიმე სათოფურია დამატებული. ხოლო რაც შეეხება საზარბაზნეს, ისინი საერთოდ მარტივია და აქ წარმოდგენილი ორი სახეც უმნიშვნელოდ განსხვავდება ერთმანეთისაგან.

#### ციხეების განხილვა

XVI—XVIII საუკუნეებში საქართველოს ტერიტორიაზე არა ერთგზის შემოსულან სპარსეთის და ოსმალეთის ჯარები. ცხადია, ასეთ მდგომარეობისას დაქუცმაცებული საქართველო წარმოადგენდა თავდამცველ მხარეს და,



როგორც ცნობილია, თავდამცველ მხარეს ყოველთვის უხდება ციხეების აგება. ასეთ პირობებში საჭირო ხდება ციხეების აგება არა მარტო საზღვრებზე და მთავარ საკვანძო ადგილებზე, არამედ, საჭირო ხდება მთელი ტერიტორიის ციხე-სიმაგრედ გადაქცევა და კიდევაც ფეოდალური საქართველო დაიქსელა ციხე-კოშკებით ქალაქებს მანამდეც ჰქონდათ ვალაყანი; მოთხოვნილების მიხედვით ხდებოდა მათი გადაკეთება და შეფარდება თანამედროვე საბრძოლო იარაღებთან. მაგრამ ძირითად საზრუნავს ქალაქების გამაგრებასთან ერთად წარმოადგენდა მეზობელი ქვეყნებიდან მომავალი გზების გადაკეტვა და შენდევ ქვეყნის შიგნით მიმავალი ხეუბების გამაგრება. ამ გრანდიოზული სამუშაოს პირნათლად შესრულება დასუსტებული ცენტრალური ხელისუფლების პირობებში მთლიანად არ ხერხდებოდა. მაგრამ ქვეყნის მესვეურებს როგორც კი ამის საშუალება მიეცემოდათ, ისინი ამ საქმეს აკეთებდნენ.

ფეოდალური წყობილების დროს, როგორც ცნობილია, ციხეები მარტო გარეშე მტრების წინააღმდეგ კი არ იგება, არამედ ციხეებს არანაკლები მონღოლებით აგებს თითოეული ფეოდალი საკუთარი მეზობლების წინააღმდეგ. იმ ეპოქაში, როდესაც „ყველა ყველას წინააღმდეგ“ იბრძვის, ცხადია, ციხე-კოშკები წყობილი იყო არა მხოლოდ იარაღების სახით.

საქართველოს ტერიტორიაზე, როგორც აღვნიშნეთ, XVIII ს. დასაწყისიდან განსაკუთრებულ სახეს ღებულობს ლეკების თარეში. საჭირო შეიქნა ციხე-სიმაგრეების აგება, არა მარტო გზებზე და ძნელად მისაღებ მთებზე, არამედ შიგ სოფლებშიც, ვაკე ადგილებზე, რომ მტრის მოულოდნელი შემოსევების დროს მთელ სოფელს შეძლებოდა იქ თავის შეფარება. ამ გარემოებამ გამოიწვია ციხის განსაკუთრებული ტიპის შექმნა.

ამ ტიპის ციხეები შენდებოდა, სადაც ამის შესაძლებლობა იყო, ვაკე ადგილას და გეგმით წარმოადგენდა კვადრატს ან კვადრატს მიხლოებულ სწორკუთხედს, მაღალი ვალაყით და კოშკებით. ციხის ასეთ ტიპს ჩვენ ვხვდებით მთელ XVIII ს. მანძილზე. მაგ., უკანასკნელი პერიოდის სანიმუშო ძეგლად შეიძლება მიჩნეულ იქნეს 1788—98 წლებში ერეკლე მეორის მეუღლის დარეჯან დედოფლის მიერ აგებული ქოლაგირის ციხე<sup>1</sup>. იგი წარმოადგენს ვაკეზე მდგარ გრანდიოზულ სიმაგრეს კვადრატული გეგმით, მაღალი ვალაყითა და კოშკებით.

ასეთი სახის ციხე ვალაყანი „სათემოს“ წარმოადგენდა. „სათემო“ ციხის შესახებ საინტერესო ცნობას ვპოულობთ 1791 წ. მეფე ერეკლეს განწესების დოკუმენტში: „... სხვა ციხეები და ვალაყნები, რომ დიდრონი არიან, ქართლში, თუ კახეთში, ისინი ცოტას კაცით ხომ არ შეინახება, ის სათემო არის. ღმერთმან ნუ ქნას, მძლავრის მტერის შიშობა, რომ იქნება დასახიზნავად ახლო სოფლების მიზანი და ხალხი შეევა; როგორც დამემბული არის და განწესებული ისე უნდა შევიდნენ და დაიხიზნონ“<sup>2</sup>.

ციხის გამოყენება ჩვეულებრივ ხდება ომის პირობებში. ომი კი ხომ ყოველდღე არ იყო და ციხე ამიტომ მხოლოდ დროებით თავშესაფარს

<sup>1</sup> ვ. ბერიძე, საქართველოს საზ. მუზეუმის მოამბე, ტ. XIV-B, 1947, გვ. 225—234.

<sup>2</sup> საქ. სიძგ., ტ. I, წ. I, თაყაიშვილის რედ., 1920, გვ. 205—206.

წარმოადგენდა. ეს უნდა ყოფილიყო მიზეზი იმისა, რომ ციხის მხატვრული გადაწყვეტა არასოდეს არ მდგარა პირველ რიგში. ამ შემთხვევაში მთავარი იყო ისეთი ნაგებობის შექმნა, რომ მის კედლებს ჰქონოდა სათანადო სიმტკიცე და ეპასუხნა საომარი იარაღების განვითარების ტექნიკისა და თავისებურებისათვის.

ციხისა და კოშკის ასაგები ადგილის შერჩევისას ყოველთვის, მთავარი ყურადღება ექცევა სტრატეგიულად გამართლებული ადგილის გამოძენას და შემდეგ ხდებოდა მხატვრული მხარეების გადაწყვეტა. მაგრამ აქვე უნდა აღვნიშნოთ, რომ ქართველი ოსტატისათვის, როგორც ამაში დარწმუნება შეუძლია ყოველ ადამიანს, ვისაც კი ერთხელ მაინც გაუვლია რომელიმე ხეობაში, ან უნახავს სადმე რამდენიმე ციხე ან კოშკი, ადგილმდებარეობისა და კომპოზიციის შერჩევას არასოდეს მეორეხარისხოვანი ადგილი არ სჭერია.

XVIII ს. ქართლ-კახეთის სიმაგრეებისათვის განსაკუთრებით დამახასიათებელია ცილინდრული ფორმის კოშკები. როგორც ასეთი კოშკების, ისე ციხის კედლების ფასადების დამუშავებაში წმინდა დეკორატიული ელემენტი უმნიშვნელოადაა შეტანილი, მაგრამ კონსტრუქციული და საბრძოლო დანიშნულების ელემენტების გადაწყვეტაში მხატვრული ხერხები საკმაო სიძლიერითაა გამოყენებული.

ხუროთმოძღვარი, უპირველეს ყოვლისა, ციხისა თუ კოშკის დასადგმელ ადგილს არჩევს და შემდეგ ადგილმდებარეობის გათვალისწინებით აგებ-მარებს სხვადასხვა დანიშნულების ნაგებობებს, უდავოდ, პროპორციების შეხამებით. ხაზი უნდა გაესვას იმ გარემოებას, რომ ყველა ტიპის სიმაგრის მშენებლობისას მასათა განლაგებისა და პროპორციების შერჩევას დიდი ყურადღება ექცეოდა.

განსახილავი ციხეების მხატვრული გადაწყვეტა ერთ პრინციპზეა აგებული. ეს იმითაც შეიძლება აიხსნას, რომ მათი დამპროექტებელი თუ მშენებელი ერთი და იგივე პიროვნება შეიძლება ყოფილიყო (მაგრამ ამ საკითხის საბოლოოდ გადაწყვეტა სათანადო მასალების უქონლობის გამო ნაადრევია). XVIII ს. ციხეებს და ამ შემთხვევაში ჩვენთვის საინტერესო მეორე და მესამე მეოთხედის ძეგლებში ადგილი აქვს, როგორც ეს მოსალოდნელი იყო, ერთიანი სტილისტიკურ მიდგომას. ციხის კედლები და კოშკები, ისე როგორც ცალკე მდგარი საყარაულო კოშკებიც, ამოყვანილია ძირითადად რიყისქვისა და აგურის მასალის გამოყენებით. ამ შემთხვევაში რიყისქვა ძირითად მასას წარმოადგენს და აგური კონსტრუქციულად მაკავშირებელია, მაგრამ იგი ამავე დროს გამოყენებულია, როგორც დეკორატიული ელემენტი, ციხისა და კოშკის კედლები მთლიანი სიბრტყეა და მას არაფერი არღვევს გარდა ზედა ჰორიზონტზე ნისკარტივით გამოშვებული სალოდებისა. ყველაფერს ამას ამთავრებს თანაბრად განლაგებული ნახევარწრიული მოხაზულობის ქონგურები.

სალოდებისა და ქონგურების ის სისტემა, რომელიც ამ ძეგლებზეა ნახმარი, ამ ეპოქაში გავრცელებულ ფორმას წარმოადგენს და ამიტომ მათი პარალელების ჩამოთვლას ჩვენ აქ არ შევუდგებით.

განსახილავ ციხეებს, როგორც აღნიშნეთ, განსაკუთრებით გამოყურებით, მორთული ადგილებიც აქვს. ეს დეკორი არც ისე მრავალფეროვანია, მაგრამ ის რაც არის ერთმანეთთან დიდ მსგავსებას ამჟღავნებს.

უპირველეს ყოვლისა, ხაზი უნდა გაუფასვთ იმ გარემოებას, რომ სამივე ციხის ოსტატებისათვის გალავანში შესასვლელების გაფორმება, როგორც ეტყობა, აუცილებელს წარმოადგენდა. ცხადია, ამას თითოეული ოსტატი ასრულებდა საკუთარი შესაძლებლობის მიხედვით.

ამ მხრივ გამოირჩევა მუხრანის ციხის გალავნის შესასვლელი. კედლის სიღრმეში ჩამჯდარ მაღალ სწორკუთხედში, განიერი ნახევარწრიული თალია გამოყვანილი. მარტივი პროფილის მქონე იმპოსტზე დაყრდნობილი აგურის თალი ქვის პილასტრებზეა აღმართული. აღნიშნული ოთხკუთხედი ხეჩოსებრ ნაწყობი აგურის კარნოზით მთავრდება. აღწერილი არქიტექტურული ფორმა, ე. ი. კედლის სიბრტყის სიღრმეში ჩამჯდარი ოთხკუთხედში მოქცეული თალი, ჩვენში მუშავდება XVI საუკუნეში და მის შემდეგ მას ვამოქმედებით ვხვდებით. შეიძლება ზუსტად დათარიღებული რამდენიმე ასეთი ძეგლის დასახელება. ასეთია ნინოწმინდის სამრეკლო<sup>1</sup> (აგებული XVI ს. შუა წლებში), თბილისის ანჩისხატის ეკლესიის სამრეკლო<sup>2</sup> (1675 წ.), წინარეხის „მაღალაძეთა ეკლესიის სამრეკლო“<sup>3</sup> (1716 წ.), ქსოვრისის რატიშვილების ეკლესია<sup>4</sup> (1712 წ.) და სხვ.

მოცემული არქიტექტურული ელემენტი ნახმარია სხვადასხვა გადაწყვეტით ორი დანარჩენი ციხის შესასვლელშიაც, როგორც ეს აღწერის დროს ვნახეთ. ამას გარდა, იმავე ელემენტს, მხოლოდ ისრული ფორმის თალით, მუხრანის ციხის ოსტატი კიდევ ოთხჯერ იყენებს კუთხის კოშკებზე, ეზოდან მეორე სართულის შესასვლელების მოწყობისას. იგივე ელემენტი გამოყენებულია იმავე ციხის ეკლესიის კარზე და შეცვლილი მარტივი ფორმით მას იყენებს ქსნის ციხის ოსტატი სამხრეთ-აღმოსავლეთის დიდი კოშკის მესამე სართულის ბუხარზე. ზუსტად ამავე სახით იგივე ფორმა განმეორებულია მუხრანის დიდი კოშკის მეორე სართულის ბუხარზეც.

მეორე დეკორატიული ელემენტი, რომელსაც უხვად იყენებს მუხრანის ოსტატი, ეს არის ისევე კედლის სიბრტყეში ჩამჯდარი აგურის წყობით მიღებული რომბების ჯაჭვი. იგი სხვადასხვა კომბინაციაში გამოყენებულია ციხის ეკლესიის ფასაღზეც და კოშკების მეორე სართულის შესასვლელების გვერდებზე. ამ ელემენტს ქსნის ციხის ოსტატი, რამდენადაც ამის გარკვევა შეიძლება დღემდე შეგვიჩინდ ნაწილებზე, სრულიად არ ხმარობს, მაგრამ მკადისჯვრის ოსტატი მას იყენებს, ისევე გალავანში შესასვლელის მოსართავად.

<sup>1</sup> გ. ჩუბინაშვილი და ნ. სევეროვი. ქართული არქიტექტურის გზები. თბილისი, 1936, გვ. 137.

<sup>2</sup> იქვე, გვ. 141.

<sup>3</sup> ვ. ბერიძე. წინარეხელ მაღალაძეთა მშენებლობა XVI—XVIII საუკ. საქ. მუზეუმის მოამბე, ტ. XIV-B, 1947, გვ. 210.

<sup>4</sup> პ. ხაჭარაია. არქიტექტურული ძეგლი სოფ. ქსოვრისში. საქ. მეცნ. აკად. „მოამბე“, 1949, № 10, გვ. 635—642.





აგურის წყობით მიღებული რომბები, როგორც ფასადების დეკორატიული ელემენტი, დამახასიათებელია გვიანფეოდალური ეპოქის არქიტექტურული ძეგლებისათვის, ეს იქნება ეკლესია, ციხე, სამრეკლო თუ სხვ. იგი საკმაოდ სიცოცხლისუნარიანი გამოდგარა და მას ჩვენ ვხვდებით XVI საუკუნიდან (ნაწილობრივ სამრეკლო) მოკიდებული XVIII ს. ბოლომდე და, როგორც გამოჩანისი, XIX საუკუნეშიაც კი (მაგ., იქვე, გარე გალავანში მდგარი, 1843 წ. აგებული „გუმბათოვანი ეკლესია“ და სხვ.).

ციხეების ფასადებს სხვა დეკორატიული ელემენტები არ გააჩნია, თუ არ მივიღებთ მხედველობაში ქსნის ციხის შესასვლელი კოშკის ჩრდილო-დასავლეთის წიბოს დამუშავებას.

კოშკის ეს წიბო ქვედა ნაწილში მომრგვალებულია და გადასვლა მრუდზე ზედაპირიდან კუთხოვანზე ხდება აგურის კბილანა სწორზედაპირიანი ჰორიზონტალების კომბინაციით. კუთხის ასეთი დამუშავება აღნიშნული დროის ძეგლებზეა შემჩნეული.

ციხეების კოშკების ინტერიერის მორთულობიდან, როგორც ეს უკვე აღწერაშია აღენიშნეთ, უმნიშვნელო ფრაგმენტებია გადარჩენილი. აქედან აღსანიშნავია მუხრანის მთავარი კოშკის მესამე სართულის გადაწყვეტა. ეს კამაროვანი ოთახი მთლიანად შელესილია სქელი ბათქაშით და ამ ბათქაშზე გამოყვანილი დეკორის ყველა სახე. აქედან აღსანიშნავია გუმბათის ზედაპირის სხივისებრ დაყოფა და ბუხრის მორთულობა.

ვიწრო და მაღალ ბუხარს სწორკუთხედავ რთული პროფილის მორთულობა აქვს შემოყოლებული. ამითში ორი ელემენტია აღსანიშნავი: ერთი გარეთა, რომელიც გრებილოვანი კოლონის მიმსგავსებულ ლილვს წარმოადგენს, მეორე შიგნითა, რომელიც უფრო ფართო ზედაპირიანი ამობურცული ლილვია, მის ზედაპირზეც მკენარეული ორნამენტია გამოყვანილი.

ინტერიერის სხვადასხვა ადგილების მორთვა ნაღესობაზე გამოყვანილი ჩუქურთმით ისევე ამავე ეპოქის კუთვნილებად უნდა ჩაითვალოს<sup>1</sup>, რადგან სხვა დროის ძეგლებში მას ჩვენ ვერ ვპოულობთ.

ქსნის ციხის კოშკებიდან დეკორატიული ნაღესობა, მხოლოდ შესასვლელი, მთავარი კოშკის მეოთხე სართულს ჰქონია. სამწუხაროდ, ამ სართულიდან ისე ცოტაა გადარჩენილი, რომ მიახლოებითაც არ ხერხდება თავდაპირველი სახის წარმოდგენა. დასავლეთით მდებარე ბუხრის ფრაგმენტიდან ირკვევა, რომ იგი რთული პროფილით ყოფილა დამუშავებული.

როგორც ვნახეთ, ციხეების დეკორატიული ელემენტები არც ისე რთულია და მდიდარია, მაგრამ ის, რაც არის, ღირსშესანიშნავია.

<sup>1</sup> ამ მხრივ საინტერესო სურათს იძლევა დავით-გარეჯის კომპლექსის ის ნაწილი, რომელიც შექმნილია XVIII საუკუნეში, განსაკუთრებით კი მის შუა წლებში და ბოლოში. აქ ნაღესობით გამოყვანილი ორნამენტული მოტივებით მორთულია კანკლი, ნიშები, ბუხარი და სხვა ადგილები (Г. Н. Ч у н и н а ш в и л и. П е ш е р н ы е м о н а с т ы р ы Д а в и д - Г а რ ე ჯ ი. Т б и л и ს ი, 1948, табл. 30, 35, 74, 75, 125, 127 და სხვ.).






ქსნია ციხე, არდილო-დასავლეთის ზედი



ჭახის ციხე, ჩრდილო-აღმოსავლეთის ნედი



Յեզուիչի կոթ. եղև և ՆՄԿԿՈՒԹՅԱՆ




მცხრანის ციხე, სამხრეთ-აღმოსავლეთის ზედი



საბაის კლდე. დანადგლის კონკრეტული ნაგებობა






ქანის ციხე, სამხრეთ-აღმოსავლეთის კოშკი გზოდან



ქართული  
ენების  
სამეცნიერო  
ცენტრი



ქანის ციხე, სამხრეთ-აღმოსავლეთის კოშკი დასავლეთიდან



მუხრანის ციხე. მთავარი კოშკის წარწერა



განხილული ციხეები, როგორც ვნახეთ, XVIII ს. ტიპური წარმონაღებენლებია. მათში მალალი სამშენებლო ტექნიკის დონესთან ერთად ჩანს საკმაო გემოვნებაც. ამ ციხეების ამგები ოსტატები კარგად ყოფილან დაუფლებულნი იმ ეპოქის მიღწევებს და სანიმუშო სიმაგრეები შეუქმნიათ.

П. П. ЗАКАРАЯ

## КСАНСКАЯ, МЧАДИСДЖВАРСКАЯ И МУХРАНСКАЯ КРЕПОСТИ

Резюме

1. В позднефеодальную эпоху Грузия защищалась от непрерывных нападений с юга — персидских и турецких войск, и с севера — ютившихся в Кавказских горах лезгин. Это обстоятельство вынуждало местных царей и феодалов укреплять страну постройками многочисленных башен и крепостей.

2. Из рассмотренных крепостей Ксанская крепость («Мтკვის ციხე») была построена в 1511—1514 годах по повелению первого Мухран-батони царевича Баграта. В течение веков эта крепость превратилась в руины.

3. Константин Мухран-батони, один из видных исторических личностей середины XVIII века, строит на собственной территории три крепости. Две из них: Ксанская и Мчадисджварская были выстроены в 1746 году (остатки первоначальной Ксанской крепости были включены в новую постройку), а Мухранская («Шиოსუბნის ციხე») — в 1756 году.

4. Ксанская крепость, расположенная на вершине высокой горы, защищала важный узел на перекрестке дорог, проходивших по ущельям Куры и Ксани.

5. В XVIII веке, при частых войнах, необходимость быстрого укрытия населения со всем имуществом в близлежащие укрепления породила тип крепостей громадных размеров, в плане квадратных или прямоугольных. К этому типу принадлежат Мчадисджварская и Мухранская крепости.

6. После рассмотрения архитектурного решения памятников со всеми деталями, крепости можно причислить к группе фортификационных сооружений, распространенных в восточной Грузии в середине XVIII века, а по качеству исполнения они являются первоклассными памятниками позднефеодальной Грузии.



ბ. ჩაჩავშილი

ქართული ხალხური საქსოვი დაზგები

(საქართველოს მუზეუმის კოლექციების მიხედვით)

წარმოების იარაღის ერთ-ერთი მნიშვნელოვანი სახე — საქსოვი დაზგა მატერიალური კულტურის უძველესი მონაპოვარია. ი. სტალინი გვასწავლის, რომ წარმოების ყველა სხვა საშუალებასთან შედარებით წარმოების იარაღებს განსაზღვრელი როლი ეკუთვნის<sup>1</sup>. წარმოებაში ცვლილებები და განვითარება იწყება ყოველთვის საწარმოო ძალთა ცვლილებებიდან და განვითარებიდან, უწინარეს ყოვლისა — წარმოების იარაღების ცვლილებებიდან და განვითარებიდან<sup>2</sup>.

წარმოების იარაღებს ამოძრავებენ და განსაზღვრული საწარმოო გამოცდილებისა და შრომითი ჩვევების მეოხებით ახორციელებენ მატერიალური დოვლათის წარმოებას უშუალო მწარმოებლები, მშრომელი მასები. ამ სტალინური დებულებიდან გამომდინარე საწარმოო ძალთა მდგომარეობის შესწავლისათვის საზოგადოებრივი განვითარების სხვადასხვა საფეხურზე განსაკუთრებული მნიშვნელობა აქვს იმას, თუ წარმოების რა იარაღებით ამზადებენ ადამიანები მათთვის აუცილებლად საჭირო მატერიალურ დოვლათს. ამ თვალსაზრისით, სხვა წყაროებთან ერთად, მნიშვნელობა ენიჭება მუზეუმებში დაცული შრომის იარაღების შესწავლას.

ქართველი ხალხის შრომის იარაღების ერთ-ერთი ასეთი მნიშვნელოვანი მონაცემია ქართული საქსოვი დაზგები, რომელთა საწყისი ფორმები საქართველოს უძველეს წარსულშია საძიებელი.

საქართველო უძველესი ხანიდანვე იყო ცნობილი მაღალხარისხოვანი ქსოვილებით და მათი დამზადების ხელოვნებით. ამ ხელოვნების აღმავლობა-დაქვეითების შესახებ წარსულში მეტ-ნაკლებად მეტყველებენ ისტორიულ წყაროებში შემონახული ცნობები ჩვენი ქვეყნის ეკონომიკური განვითარების შესახებ. აღმოსავლეთ საქართველოში ბრინჯაოს ხანის სამარხებში, სასოფლო-სამეურნეო იარაღებთან ერთად, ნაპოვნია შინამოსაქმეობის ხელსაწყო: ნემ-

<sup>1</sup> ი. სტალინი. სოციალისტური ეკონომიკური პრობლემები სსრ კავშირში. თბილისი, 1953, გვ. 59.

<sup>2</sup> საკავშირო კომუნისტური პარტიის (ბ) ისტორია, მოკლე კურსი, თბილისი, 1946, გვ. 158.



სი, კვირისტაეი; სამოსელთან დაკავშირებული საგნები: სარტყლები, მათი ბალთები, აბზინდები, ღილები, შესაბნელები და სხვ.<sup>1</sup>

ანტიკური პერიოდის მონათმფლობელური ურთიერთობის დროს საქართველოში ქსოვილების დამზადების შედარებით მაღალი კულტურული დონის შესახებ მეტყველებს მრავალი ცნობა. ქართული ქსოვილების წარმოების შესახებ მდიდარი მასალა მოიპოვება ფეოდალური ხანის ქართულ ლიტერატურულსა და საისტორიო ძეგლებში. ამ წყაროებიდან ჩანს ქსოვილების წარმოების შემდგომი გაფართოება. ამ პერიოდისათვის დამახასიათებელია საშუალო საუკუნოებრივი სახელოსნო და მანუფაქტურულ საწარმოთა გაჩენა. კაპიტალისტური ურთიერთობის პირობებში კი სახელოსნოთა და მანუფაქტურულ საწარმოთა ნაცვლად ჩნდება მანქანებით შეიარაღებული მსხვილი საფეიქრო წამოწყებები. საზოგადოებრივი განვითარების ამ საფეხურების შესაბამისად ვითარდებოდა და უმჯობესდებოდა საქსოვი დაზგებიც. უშუალო მწარმოებელთა შრომითი ჩვეებისა და საწარმოო გამოცდილების გამდიდრების საფუძველზე.

წინამდებარე ნაშრომის მიზანს შეადგენს ქართულ ეთნოგრაფიულ სინამდვილეში XIX საუკუნის ბოლომდე შემონახული ძველი ქართული ხალხური საქსოვი დაზგების შესწავლა და მათი ტიპების დადგენა ს. ჯანაშიას სახელობის საქართველოს სახელმწიფო მუზეუმში დაცული კოლექციების საფუძველზე.

ცნობილია, რომ საქართველოში უძველესი დროიდანვე მზადდებოდა სხვადასხვა დანიშნულებისა და სახის ქსოვილები. თუ რა ტექნიკური საშუალებებით ხდებოდა ამ ქსოვილების დამზადება ხალხში, როგორი იყო უძველესი საქსოვი დაზგები საქართველოში, ეს საკითხი სათანადო კვლევას საჭიროებს. უკანასკნელ წლებში მოპოვებული განათხარი მასალა ამ მხრივ ბევრ საყურადღებო მონაცემს შეიცავს და ამის შესახებ სათანადო აღგილზე შეეჩერდებით.


ასეთ ვითარებაში განსაკუთრებული მნიშვნელობა ენიჭება ცოცხალ ეთნოგრაფიულ სინამდვილეში შემონახულ იმ საქსოვ დაზგებს, რომელთა საშუალებითაც შინამრეწველური წესით ჯერ კიდევ ახლო წარსულამდე მზადდებოდა საქართველოს სხვადასხვა კუთხეში სელის, ბამბის, კანაფის, შალის, აბრეშუმისა და სხვა ქსოვილები. ამ ქსოვილების დასამზადებელი ქართული საქსოვი დაზგებისა და მათი შემადგენელი ცალკეული ნაწილების ძირითადი კოლექცია აკად. ს. ჯანაშიას სახელობის საქართველოს სახელმწიფო მუზეუმის ეთნოგრაფიის განყოფილებაშია დაცული. ამავე განყოფილების ფონდებშია დაცული კავკასიის ზოგიერთი ხალხის საქსოვი დაზგებიც, უმთავრესად მოდელების სახით.

საქართველოს მუზეუმში დაცულ საქსოვ დაზგათა შორის ყველაზე ძველი კოლექციაა რაფიელ ერისთავის მიერ იმერეთში 1856 წელს შექმნილი

<sup>1</sup> ნ. ბერძენიშვილი, ი. ჯავახიშვილი, ს. ჯანაშია. საქართველოს ისტორია. ნაწილი I, თბილისი, 1946, გვ. 28.



ქსლის მოდელი (კოლ. № A — 36 — 66/1). დანარჩენი კოლექციები მომდევნო ხანებშია შემოსული; სახელდობრ, ისტორიული სამხრეთ საქართველოს რაიონიდან — ირტანიდან 1907 წ. (კოლ. № 85—07), სვანეთიდან „ლაჯშნობ“ 1910 წ. (კოლ. № 825,  $\frac{50-10}{71}$ ), ხევსურეთიდან „ქსლის ყდა“ (კოლ. №  $\frac{12-27}{180}$ ), ფშავიდან „ქსლის ყდა“ (კოლ. №  $\frac{13-29}{19}$ ), თუშეთიდან „აკაზმები“ (კოლ. № 27a—32—153), აპარიდან (კოლ. №  $\frac{27-33}{103}$ ), სამეგრელოდან „ოშუალე“ (კოლ. № 51 — 39/93), თიანეთიდან „ყდანი“ (ფარდაგების საქსოვი დაზგა) (კოლ. №  $\frac{58-39}{11}$ ), გუდამაყრიდან (კოლ. №  $\frac{28-45}{44}$  ა. ბ.) და ქართლიდან ჭილოეთის საქსოვი ყდა (კოლ. №  $\frac{19-47}{109}$ ). ყველა ამ კოლექციას განყოფილების საინვენტარო დავთარში ახლავს სათანადო აღწერილობა. განყოფილების ფონდებში დაცულია აგრეთვე საქსოვი დაზგების ნაწილებისა და ქსოვის კომპლექსთან დაკავშირებული შრომის იარაღების მდიდარი კოლექცია. სახელდობრ: 1) დგიმ-ხავარცხლები: სამეგრელოდან — კოლ. № №  $\frac{15-23}{23}$ ,  $\frac{51-39}{94-95}$ ,  $\frac{14-40}{69}$ , ქლუხორიდან — კოლ. №  $\frac{10-45}{105}$  და სხვ.; 2) ბეჭები: ხევსურეთიდან — კოლ. №  $\frac{12-27}{182}$ , გუდამაყრიდან — კოლ. №  $\frac{2-46}{4}$ , მთიულეთიდან — კოლ. №  $\frac{148-13}{86}$ , ფშავიდან — კოლ. №  $\frac{12-38}{4}$  და სხვ.; 3) ხაშვერები: მთიულეთიდან — კოლ. №  $\frac{148-13}{85}$ , თუშეთიდან — 27a—32—66 და სხვ.; 4) ფხინები: ხევსურეთიდან — კოლ. №  $\frac{12-27}{181}$ , ფშავიდან — კოლ. №  $\frac{13-29}{31}$ , თუშეთიდან — კოლ. № №  $\frac{35-17}{4}$ ,  $\frac{27a-32}{64}$ ; 5) ხაპენტლები: სამეგრელოდან — კოლ. № 70—08, გურიიდან — კოლ. №  $\frac{17-40}{42}$ , სვანეთიდან — კოლ. №  $\frac{50-10}{117}$ , თიანეთიდან — კოლ. №  $\frac{148-13}{56}$ , ზაქათალიდან — კოლ. №  $\frac{55-10}{133}$ , აფხაზეთიდან — კოლ. №  $\frac{22-26}{140}$  და სხვ.; 6) თითისტრები: თიანეთიდან — კოლ. №  $\frac{148-13}{28}$ , ხევსურეთიდან — კოლ. №  $\frac{13-27}{93}$ , რაჭიდან — კოლ. №  $\frac{10-26}{17-18-19}$ , გუდამაყ-



სურ. 1. ზევსურული საქსოვი ყდანი



საქსოვი უდის ნაწილებია: ორი თანაბარი სიმაღლის ყდა (სვეტი), ორი ლვილი, ორი წკებლა (სათხორე და საშეგარი), ორი გარა, ხოლგები, ორი ქიჩი, ბეჭი (სავარცხელი), ფხინი, წიწყ, ცხემლა (მაქო) და თხორნი (სურ. 2).

ყდის სიმაღლე უდრის 3,65 სმ. ყდის ზემო ნაწილს ეწოდება ყდის თავი, ხოლო ქვემო ნაწილს ყდის ძირი. ყდებს ზემოთ სამ-სამი თვალი აქვს ამოღებული „ზეთა ლვილის“ გასაყრელად. მათი სხელებია—წვერთით სალვილე, წვერთით ძირან სალვილე და დაბლით ანუ საღიაცოს სალვილე. ზეთა ლვილი ყდებს ზემოდან კრავს. მას ქსელის დაგების წინ სალვილეებში ვადებდნენ იმის მიხედვით, თუ რა დანიშნულებისა და ზომის ტოლის ქსოვა ჰქონდათ განზრახული. ასე, მაგალითად, წვერთით სალვილედან<sup>1</sup> იქსოვებოდა წყვილი საპერანგე ან ქალის საქოქლოე და კაცის საჩოხე ტოლი. წვერთის ძირიდან იქსოვებოდა წყვილი საპერანგე ან წყვილი საშარვლე ტოლი, ხოლო დაბლიდან 1 საღიაცო და 1 საშარვლე ტოლი.

ყდებზე ამოჭრილია ოთხ-ოთხი „საქიჩარი“ 5 სმ სიღრმეზე (სიგრძე 4 სმ, განი 1 სმ), რომლებშიც ქსოვის დროს ქიჩებს-საშეგარის „გარის“ ჩამოსაკიდებელ, დაკბილულ და წვეგრწამახულ სოლებს გადაადგილებდნენ, ყდაზე ორივე ქიჩი საპირისპირო „საქიჩრებშია“ ჩასმული. „ქიჩრებზე“ ჩამოკიდებულია საშეგარის გარა, საშეგართა და ზედ ასმული შე-თი, რომელიც უმოძრაო დგომის ფუნქციას ასრულებს და ამ ტიპის საქსოვი დაზგის თავისებურებას შეადგენს. „ყდის“ ძირზე ვადგმულია „ქვეთა ლვილი“. ლვილის იმ ნაწილს, რომელიც ბრტყლად არის ჩათლილი და ყდის თვალშია გასული, ფატარი ეწოდება. ქვეთა ლვილი „ყდას“ ქვემოდან ჩარჩოსებურად კრავს.

ლვილი სალვილეებში სოლებითაა გამაგრებული, მათი დანიშნულებაა ქსელის ანუ თხორის დაქიმაში მდგომარეობს. სოლებს სალვილეში ჯვედათი ამაგრებდნენ.

საქსოვ ყდაზე ორკეცად დაქიებულია უწყვეტი ქსელი. ასეთ დაზგაზე შეიძლებოდა მხოლოდ 7 მეტრამდე ზომის ტოლის ქსოვა. საქსოვზე ვაბმული ქსელი ორწვერად ანუ ორლოლად დაძახული 222 ძაფისაგან შედგება და 25 სანტიმეტრის სიგანეზეა განლაგებული.

საშეგარის ქვემოთ, ქსელის გახსნილ პირში—ქიჩრებში ვადებულია ცხემლა, ზედ დახვეული საზედაო ძაფით. საშეგარის ზემოთ კი ქსელის ძაფების გამყოფი სარჩევი გარაა მოთავსებული. გარაზე კი მისი ამწვე-დამწვევი ხელსაწყო ფხინია მომარჯვებული. როგორც აღწერილობიდან ჩანს, ამ დაზგის საქსოვი აპარატისათვის დამახასიათებელია ერთი უმოძრაო დგომი (საშეგარი)<sup>2</sup>, „სარჩევი გარა“, ცხემლა, რომელიც მაქოს ფუნქციას ასრულებს და ბეჭი (სავარცხელი). ჰორიზონტალურ საქსოვ დაზგას კი აქვს ქსლის გამყოფი ორი მოძრავი დგომი, სავარცხელი, მაქო და „ფხეხები“.

ჩვენ მიერ შეგროვებული ეთნოგრაფიული მასალის მიხედვით ძველად ხეცურეთში ცხვარს წლის განმავლობაში ორჯერ კრეჭავდნენ, გაზაფხულზე

<sup>1</sup> საქსოვ ყდაზე ყველაზე გრძელი ტოლი „წვერთით“ იქსოვებოდა.

<sup>2</sup> მეორე დგომის ფუნქციას აქ „სარჩევი გარა“ ასრულებს, რომელსაც ქსოვის დროს ფხინით გადაადგილებენ „ქიჩრის მოსაყვანად“ (ქსლის გასაყოფად).

(მარტი, აპრილი) და შემოდგომამზე (ოქტომბერი). გაზაფხულის მატყლს ეწოდება, შემოდგომისას—მატყლი, ხოლო ბატკნისას—კრაველი. თუ ბატკანი აღრუული იყო და მას მეორედ ვაკრეკდნენ—მეორე ნაკრეკ კრაველს ნაქცი ეწოდებოდა. მატყლს გამდინარე წყალში რეცხავდნენ ლასტზე ან ქვებზე „სარეცხა“-თი (მატყლის გასარეცი ჯოხია). ვარეცხილ მატყლს გააშრობდნენ და შემდეგ ახარისხებდნენ ფერისა და თვისების მიხედვით. ცალკე გამოყოფდნენ რბილსა და წვრილებეწვიან მატყლს. რბილი მატყლი ახმარებოდა მანდილისათვის, კაცის ჩოვისა და ქალის ქოქლოსათვის, ფაფანაკისათვის ან ხაზიკ-სახამწყვეტლოსათვის. მეორე ხარისხოვნად ითვლებოდა მშრალი ბეწვი ანუ ხმელი მატყლი—ამ მატყლისაგან ქსოვდნენ საღიაცოს საშარვლეს ანუ ტანისაცმელს და საპერანგებს. კრაველისაგან ქსოვდნენ უპირატესად სამანდილზე, ქოქლო-ფაფანაკისა და საჩოვე ტოლსაც.

გამშრალ მატყლს საჩიჩ-სავარცხელში ჩიჩავდნენ ჯერ ქაბილებად, შემდეგ კი ნამტენებად. თითო მუჟა განჩიჩ მატყლს კბილებად (გრაგნილებად) შეახვევდნენ. საჩიჩელზე დარჩენილ მატყლს კვირტი ეწოდება. კვირტი უხეშია და ტოლის საქსოვად არ ვარგოდა, მისგან თითო ბავშვებს უქსოვდნენ ქულებსა და თათებს<sup>1</sup>. კბილებს მეორედ გადანიჩავდნენ, დაჩიჩილს ქრთიმეორეზე გადაბამდნენ და მთლიანად შეგრაგნიდნენ. ასეთ გრაგნილს აკეცილას უწოდებდნენ. ერთი ცხვრის განაპარსს ხვესურეთში ერთი მატყლი ეწოდებოდა, გაჩიჩის შემდეგ კი მის ნახევარს აკეცილა. ორ აკეცილას თუ შეაერთებდნენ, ეს უკვე ფოლი იყო. აკეცილა ან ფოლი მესამედ უნდა გაჩიჩილიყო, რასაც განამტენას უწოდებდნენ. განამტენა ნამტენების გაკეთებაში მდგომარეობდა. აკეცილას ან ფოლს თითო მუჟა მატყლს მოგლეჯდნენ, გადაჩიჩავდნენ და მას უკვე ნამტენას უწოდებდნენ. ამ ნამტენებიდან უკვე ნართს ამზადებდნენ<sup>2</sup> (სურ. 2).

ნამტენებს უკვირისტაო სასთავტარზე (კოლ. №  $\frac{13-27}{93}$ ) ართავდნენ. ძაფის დართვა შემდეგში გამოიხატებოდა: მქსოველ ქალს ნამტენა მარცხენა ხელში ეკავა, სასთავტარი მარჯვენაში; სასთავტარს დაატრიალებდა მარჯვენა ხელით სახრელზე და ძაფს ისე ართავდა. ვაესებულ ტარს „წიპტარს“ უწოდებდნენ. სასთავტარზე ძაფს მანამდე ახვევდნენ, ვიდრე ტარის ტრიალი შეეძლოთ. მერე მეორე ტარს დაართავდნენ. ამასაც რომ შეავსებდნენ ძაფით,


<sup>1</sup> საქართველოს მუზეუმის ეთნოგრაფიის განყოფილების ფონდებში დაცულია ხვესურეთიდან ჩამოტანილი „კვირტის ქუდი“ (კოლ. №  $\frac{13-27}{127}$ ) ახალშობილი ბავშვისათვის. საინვენტარო ჩანაწერის მიხედვით ასეთ ქუდს სამრელოშივე ახურავდნენ ბავშვს თავზე. იქვე დაცულია ახალშობილი ბავშვისთვის განკუთვნილი წინდებიც—„კვირტის თათები“ (კოლ. №  $\frac{13-27}{128}$ ).

<sup>2</sup> ქსოვილისათვის საჭირო ნედლეულის ერთეულად აკეცილა იყო მიღებული. ასე, მაგალითად, წვერთით ნაქსოვს ესპირიოებოდა 4 ფოლი ან 8 აკეცილა (ე. ი. 4 ცხვრის განაკრეკი მატყლი). წვერთით ძირში—3 ფოლი ან 6 აკეცილა (ე. ი. 3 ცხვრის განაკრეკი მატყლი). ხოლო საღიაცო ანუ დაბლით საღვილედან, იმ შემთხვევაში თუ აურთ დაიქვევენ, ე. ი. სოლების მეშვეობით მაქსიმალურად გასწევდნენ ლვილებს ორივე საღვილემში— $\frac{2}{1}$ ; ფოლი ანუ 5 აკეცილა.





ნართს პირველ წიპტარზე გადაიტანდნენ. ამ ორი ტარის ერთად დასველებულ  
 ძაფს უკვე მიხვეული ტარი ეწოდებოდა. მიხვეული ტარებიდან ძაფი ჯარა-  
 ტარზე გადაჭონდათ. ერთი ჯარატარის გავსებას რვა მიხვეული ტარი ქირ-




სურ. 2. ვერტიკალურ საქსოვ დახვასთან დავაფშირებელი  
 კომპლექსი და ტოლის ნიშნუები (საქ. მუხ. ხეფსურეთის  
 ვინოგრაფიული გამოფენა)

დებოდა. ჯარატარს ჯარათ ღვედს (ჯარის ბორბალზე წამოცმული ღვედია)  
 გაუყრიდნენ და დვალებზე<sup>1</sup> გააწყობდნენ. მძახავი ჯარასა და ჯარატარს შუა  
 ჯდებოდა. ერთი მიხვეული ტარი პირით ექირა, მეორე კი თავზე ჰქონდა  
 დამაგრებული. ორივე მიხვეული ტარიდან შეტოლემული ძაფი ორ ღო-  
 ლად (ორწვერად) მარცხენა ხელში ექირა. მარჯვენა ხელით ჯარას ბორ-  
 ბალს თავისკენ ატრიალებდა და ნართს ხელის დაყოფებით ჯარატარზე ახვევ-  
 და ორლოლად. ერთ ჯარატარზე 4 წყვილ ანუ რვა მიხვეულ ტარს დაახვევ-  
 და. ახლა უკვე ნართი დასამახავად იყო შემზადებული. მძახავი ჯარის ბორ-  
 ბალს ისევ თავისკენ ატრიალებდა და ღვედის შემეფობით ჯარატარს ამო-

<sup>1</sup> დვალი ორკაბა ჯობია, წყვილად „ჯარათ წინა ფეხებში“ გაყრილი. ფეხები კი ხუნდშია  
 ჩასმული.



ძრავებდა. ჯარატარიდან მარცხენა ხელით ორდოლ ძაფს გამოსწევდა, ძაფი ერთმანეთზე იგრიხებოდა, ანუ იძახებოდა, და მძახავი მას გორგლად ახვევდა. ამ გორგალს ამოხანსნელი თხორი<sup>1</sup> ეწოდებოდა. დამახვის შემდეგ გორგალს მძახავი ხელზე გადაიხვევდა და ხელახლა დაგორგლავდა, რის შედეგადაც ძაფი სწორდებოდა და იწმინდებოდა. გორგალზე ხელმეორედ დახვევისას ძაფს თანმიმდევრულად ჯვარედინად ანუ უღოვბად ახვევდნენ. ასეთ გორგალს უკვე ამოხსნილი თხორი ეწოდებოდა. ამგვარად დამახულ თხორს, ანუ



სურ. 3. ქსელვის პროცესი ყდაზე: 1. თხორის დამაგრება სათხორე წყებასზე, 2. შეს ამოხანა საშეფრის წყებასა და საშეფრის გარაზე, 3. საშეფრის წყება, სარჩევი გარა და საშეფრის გარა, 4. ქსლის დაქიმვა სოლებით, 5. ქიჩსაკრავი, 6. საშეფრის ჩამოვიდება ქიჩებზე, 7. საშეფარი და სარჩევი გარა ამოშეფრის შემდეგ. ცხემლის ვატარება ქირცში, 8. მასაქსელის (სახედაოს) დახვევა ცხემლაზე (მაკოზე).

წალმათ დაძახულს, ცაღპირა და ორშიანი ტოლის საქსლედ ხმარობდნენ. ყველაზე მაღალნარისხოვანი ქსოვილი წალმა-ჟაქულმა ტოლის თხორს კი უკულმა ძახავდნენ.

<sup>1</sup> აკად. ივ. ჯავახიშვილი ერთ-ერთ ხელნაწერში თხორის შესახებ აღნიშნავს: „ზეგრულად „თუხუა“ ოთვას. დართვას ხინწავს. „თუხილი“ — ნართს, „მათუხალი“ — დართველს, „თუხალი“ — სართავს (მ. გ. 245). ახავე ძიოთან უბდა იყოს დაკავშირებული ტერმინი „თხვირი“, რომელიც სელის სქელ ძაფსა ნიწხეს. იმგვარადვე, ოთვორც ძაფის გორგალის აღმნიშვნელი ქართული „თხორი“ (მ. გ. 246), ი. ჯავახიშვილი, მასაღები ქართული ერის მატერიალური კულტურის ისტორიისათვის, დრ. № X, ნაყ. IV, ფონდი ბ. ხელნაწილი დატეულია ს. ჯანაშიას სახელობის საქართველოს სახელმწიფო მუზეუმის აკად. ივ. ჯავახიშვილის კაბინეტში).



ამოხსნილი თხოვიდან უკვე ქსელს ვააბამდენ, რასაც „ქსელის დაქსევას“ უწოდებდნენ (სურ. 3). „ქსელის დაქსევას“ ორი დედაკაცი აწარმოებდა: შემომყრელი და მომწვდელი. შემომყრელი სკამზე ჯდებოდა, მომწვდელი კი ორივე ყდის შუაში ღებოდა. ქიჩებზე ერთმანეთს მიჯრილ ორ გარას ვადებდნენ: საშევრისას და სარჩევს ანუ გამოსაწვდელს. შემომყრელი თხორს (ქსლის ერთ ძაფს) ქვემო ლვილის წკებლაზე, სათხორზე დაამაგრებდა. მომწვდელს თხორი ზედა ლვილზე აპქონდა და მას ქვემოდან ზემოთ ვადმოიყვანდა, აქ უკვე ძაფს მოკეცავდა და ყუს შემომყრელს მიაწოდებდა. შემომყრელი ყუს სათხორებზე შემოაცვამდა. მომწვდელი თხორს ზევით აიტანდა და ლვილზე ქვემოდან ზემოთ ვადმოიტანდა, კვლავ მოკეცავდა და ყუით შემომყრელს მიაწოდებდა. შემომყრელი ყუს სათხორებზე რიგრიგობით ლვილის ზედაპირიდან და ლვლის ქვედაპირიდან შემოაცვამდა. ამავე დროს შემომყრელი ქსელს ამოშენიდა. ყუს ორი ძაფი აქვს: ქვედა და ზედა. შემომყრელი ქალი მარტო ქვედა მხარის ძაფებს ამოშენიდა (ე. ი. ქსლის კენტ ძაფებს). ამოშენა „ბაწრით“ ხდებოდა და შე სათხორესა და საშევრის გარას შუა ამოჰყავდათ. ამოშენის შემდეგ სარჩევ ანუ გამოსაწვდელ გარას შედან ვამოაცლიდნენ და მას ხიფონე მიეცემოდა. ძაფების იმ წყებას (ლუწ ძაფებს), რომლებსაც შე არ უკეთდებოდა, უშევარი ეწოდება, ამოშენილს კი შიანი. გამოსაწვდელ გარის გამოცვლის შემდეგ საშევარი გარას ქინსაკრავით ქინზე დაკიდებდნენ, რის შედეგადაც უშევარი დაბლა ჩაიყრებოდა, შიანი კი მაღლა აიწვედა და ქსელი პირს გაიხსნიდა, რასაც ქირცის მოყვანა ეწოდებოდა. ქირცში სარჩევ გარას გაუყრიდნენ, რომლის მოძრაობითაც ხდებოდა მორიგი ქირცის მოყვანა. ქირცის მოყვანისას ქინსაკრავის ზომაზე დაყენებას განსაკუთრებული მნიშვნელობა ჰქონდა. თუ ის ზომაზე არ იქნებოდა აწეული, ისე ძაფები ერთმანეთს არ დასცილდებოდა. ასეთ შემთხვევაში ამბობდნენ „ქსელს ქირცი არ უკეთდება და ქინთ ამოუკარიო“. ქსლის „დაქსევის“ შემდეგ მქსოველი ქსოვას შეუდგებოდა. მისაქსელი ძაფი, ანუ საზედა, იხმარებოდა დაძაბულიცა და ცალწვერიც. მქსოველი სამფეხა სკამზე ჯდებოდა, გორგალს, ცხემლას, ფხინს, წიწუს და ბექს მოიმარჯვებდა და ქსოვას იწყებდა. მქსოველი სარჩევ გარას ფხინით ზევით ასწევდა, რის შედეგადაც შიანი მაღლა რჩებოდა, უშევარი კი დაბლა ჩაიყრებოდა, წიწუთი ქსლის ზედაპირს გაასწორებდა და მარჯვენა ხელით ცხემლას მეშვეობით საზედას ქირცში გაატარებდა. ცხემლას ვამომბული ჰქონდა საკულა ძაფი, რომელიც მისაქსელის ზემოთ მოეჭეოდა. მქსოველი საზედას ბეჭით ჩაბეჭავდა. ჩაბეჭვის დროს საკულა ძაფი საზედა ძაფის ჩაწვეტას ხელს უშლიდა. ჩაბეჭვის შემდეგ საკულას უკანვე გამოაძრობდნენ. მეორე საზედას გასაყვანად მქსოველი ფხინით გარას საშევრისაკენ ჩამოსწევდა. ახლა უკვე უშევარი მაღლა ამოიწვედა, შიანი კი დაბლა ჩაიყრებოდა და ქსლის ზედა ძაფების წიწუთი გასწორების შემდეგ მარცხენა ხელით ცხემლას ქირცში გაატარებდა, საკულას შიგ ჩატოვებდა და ბეჭით ჩაბეჭავდა. ჩაბეჭვის შემდეგ საკულას გამოაძრობდა, ფხინით სარჩევ გარას ისევ ზევით ასწევდა და იმავე თანმიმდევრობით ქსოვას განაგრძობდა. როცა ნაქსოვი ტოლი პირველ საქაჩურთან მიაღწევდა, მაშინ მქსოველი ქინს მეორე საქაჩურში შესდგამ-

და, ე. ი. გადაადგილებდა; როცა ყველა საქიჩურს აათავებდა, მაშინ „მცლას“  
 სოლთ გაყრევდა“, ე. ი. ლვილებს სოლებს დააძრობდა, ქსელი მოფონდებოდა.  
 და ქსელს დაბლა ჩამოწვედა ქვედა ლვილამდე. ლვილებს ისევ სოლებით გა-  
 იმაგრებდა და ქსოვას განაგრძობდა. ქსოვის დროს მქსოველი ქსელს ოთხ-  
 ჯერ მაინც დააბრუნებდა. აღნიშნული წესით მხოლოდ ცალპირა ტოლის ქსე-  
 ლი იშვენებოდა და იქსოვებოდა.



სურ. 4. ფარდავის ქსოვა ყდაზე (თიანეთის რაიონი, სოფ. არტანი)

ორშიანსა და წალმ-უკუღმა ტოლს სხვაგვარი სათვალავით, უფრო ნაკლები  
 რაოდენობის შეთი ამოშენიდან. ორშიანი ქსელის ძაფების სამი წყებისა იყო:  
 ზედა შიანი, ქვედა შიანი და უშეგარი, დამზადებულ ტოლს ორი წესით თე-  
 ლავდნენ მკლავებითა და ფეხებით.



როგორც ცნობილია, ხევესურეთში ტანსაცმელი ანუ „ტალავარი“ უპირატესად საკუთარი, შინ ნაქსოვი შალისაგან — „ტოლისაგან“ მზადდებოდა, სხვა ქსოვილების, გინდ ფარდაგების დამზადებას, ჩვენს ხელთ არსებული ცნობების მიხედვით, ხევესურები არ მისდევდნენ. თვით ტოლის დამზადება ძირითადად საშინაო მოხმარებით იყო შემოფარგლული და იგი ხევესურეთის მიწა-წყალს არ სცილდებოდა. თუმცა ზოგ შემთხვევაში მქსოველი დაკვეთითაც ქსოვდა ტოლს და გარკვეულ საფასურსაც ღებულობდა. მაინც ძირითადად თითოეულ ოჯახში მოიპოვებოდა საქსოვი ყდა, რომელზეც ქსოვდა დედაკაცი იმ რაოდენობისა და იმ დანიშნულების ქსოვილს, რაც აუცილებელი იყო ოჯახის წევრთა შესამოსად. ამდენადვე, ბარისაგან განსხვავებით ხევესურეთში შალის წარმოებაც მეტად შეზღუდული იყო და მას აღებ-მიცემისათვის სარბიელი არ მოეპოვებოდა. სხვათა შორის, ამის მიზეზად ის ცნობილი ფაქტიც უნდა იყოს დასახელებული, რომ ხევესურეთის მეურნეობის გამძლოდ დარგს წარსულში მსხვილფეხა მესაქონლეობა შეადგენდა, მეცხვარეობას, განსაკუთრებით ბუდე ხევესურეთში, კი ნაკლებად ეტანებოდნენ. ხევესურთა თქმით, ისინი ცხვრის მოშენებას იმდენად მისდევდნენ, რამდენადაც ცხვარი „გვართ ზღვანდ და მატყლ-ტალავარისად“ ესაჭიროებოდათ. ამდენადვე ტოლის დამზადებისათვის საჭირო ნედლეული ხევესურეთში მეტად შეზღუდული იყო და მატყლი მათ ძირითადად მგზობელი კუთხეებიდან — ხევიდან, გულამაყრიდან და ფშვიდან შეჰქონდათ. ხევესურ ქალს ოჯახის სხვა სამუშაოსთან ერთად ტოლის ქსოვაც მძიმე ტვირთად აწვა. იგი დღეში 3—4 ქიჩამდე ქსოვილსა ქსოვდა (60—80 სმ). ამ მხრივ საეჭვოა ს. მაკალათიას ცნობა, რომლის მიხედვითაც ხევესურეთში კარგი „მქსოველი ქალი“ დღეში 5—7 ადლ ტოლს ამზადებდა<sup>1</sup>.

ამავე ავტორის ცნობით თუშეთში საქსოვ აკაზმაზე, რომელიც ხევესურული საქსოვი დაზვის ტიპისაა და თავისი ტექნიკური შესაძლებლობითაც თითქმის იგივე იყო, „დღეში კარგი მქსოველი ქალი ერთ მეტრ ტოლს მოქსოვს“<sup>2</sup>. საეჭვოა, რომ თუშ და ხევესურ „კარგ მქსოველ“ ქალთა შორის ასეთი დიდი განსხვავება ყოფილიყო ხელით ქსოვის დროს.

ხევესურეთისაგან განსხვავებით ფშავში ფარდაგებსაც ქსოვდნენ. ამ მიზნისათვისაც იმავე ტიპის საქსოვ ყდას იყენებდნენ. თიანეთის ეთნოგრაფიული ექსპედიციის მიერ 1939 წელს ჩამოტანილია სოფ. არტანში შექმნილი ფარდავის საქსოვი ყდა („ყდანია“) — კოლ. №  $\frac{58-39}{11}$  (სურ. 4). ეთნოგრა-

ფიის განყოფილების საინვენტარო დავთარში მის შესახებ შემდეგი სახის ჩანაწერია შეტანილი — ყდანია — ფარდავის საქსოვი იარაღი, შედგება შემდეგი ნაწილებისაგან: ა) ლეილი ორი, ზედა და ქვედა, ბ) წვეპლა ორი ცალი, გ) გარა, დ) ქიჩი ორი ცალი, ე) გარას საყვანელა<sup>3</sup>, ვ) ცხემლა, ზ) ბეჭი, ი) თხორი, თ) საშეგარი.

<sup>1</sup> ს. მაკალათია. ხევესურეთი. თბილისი, 1935, გვ. 63.

<sup>2</sup> ს. მაკალათია. თუშეთი. თბილისი, 1933, გვ. 70.

<sup>3</sup> გარას საყვანელა ხევესურული ფხინის შესატყვისია.





ყდანზე სანიმუშოდ დაწყებულია ფარდაგის ქსოვა სამ ფერად<sup>1</sup>.

ამავე ტიპის საქსოვი დაზგა გულამაყრიდან დაცულია ეთნოგრაფიის განყოფილების ფონდებში. იგი ჩამოტანილია გულამაყრის ეთნოგრაფიული ექსპედიციის მიერ 1945 წელს. ამ კოლექციის ( $\frac{\text{№ 28-45}}{44 \text{ ა. ბ.}}$ ) აღწერილობა შემდეგ-

ნაირადაა მოცემული საინვენტარო დავთარში: „საქსოვი ყდა ხის, შედგება ორი სვეტისა, ერთი გამირისა და ორი სქელი სოლისაგან. სიგრძე სვეტისა 184 სმ“, განყოფილების ფონდებშივეა დაცული საქსოვი ყდის ბეჭი<sup>1</sup> სოფ. თორელაანიდან (გულამაყარი), ჩამოტანილი 1946 წელს, ეთნოგრაფ ს. ბელუკაძის მიერ.

საქსოვი ყდის ტიპისაა თუშური „აკაზმებიც“ კოლ. №  $\frac{27a-32}{153}$ , ჩამოტანილი თუშეთის ეთნოგრაფიული ექსპედიციის მიერ 1932 წელს ზემო ალვანიდან. ამავე ექსპედიციის მიერ ჩამოტანილია ზემო ალვანიდან „აკაზმების თითი“ (კოლ. №  $\frac{27a-32}{65}$ ), რომელიც ხევისურული ყდის ქიჩს შესატყვისება და „ქოჭი“<sup>2</sup> (კოლ. №  $\frac{27a-32}{64}$ ).

როგორც აღნიშნული გვექონდა, თუშური აკაზმები თავისი აღნაგობით და ტექნიკური შესაძლებლობით ფშავ-ხევისურული საქსოვი ყდის სახესხვაობაა.

ეთნ. მ. კედელაძის ცნობით მთიულეთში ორი ტიპის საქსოვი დაზგა იყო ცნობილი: „ყდანი“ (სურ. 5) და ე. წ. „ოსური სკამი“.

ყდაზე იქსოვებოდა „ყდის შალი“, რომელიც უფრო წმიდა და უკეთესი ხარისხისაღ გამოდიოდა, ვიდრე „ოსურ სკამზე“ ნაქსოვი შალი. ამავე ყდაზე მზადდებოდა ჯეჯიმი, ფიჩხი, ფარდაგი, ზურჯინი, ტომარა, ცხენის მოსართავი და სხვ. „ოსურ სკამზე“ კი მარტოოდენ „ოსურა შალი“ იქსოვებოდა.


საქსოვი ყდა დამოწმებულია აგრეთვე დმანისში. მისი ფოტო-სურათი (კოლ. №  $\frac{18-27}{101}$ ) დაცულია მუზეუმის ეთნოგრაფიის განყოფილების ფონდებში (სურ. 6).

საქსოვი ყდა აჭარაშიც იყო ცნობილი. ასეთ დაზგაზე იქ თორხ (სარტყელს) ამზადებდნენ.

საქსოვი ყდა გამოყენებული იყო აგრეთვე საცერის ძირის მოსაქსოვად. ასე მაგალითად, ზემო რაჭაში, სოფ. გლოლაში საცერის მოსაქსოვად გამოყენებული ყოფილა ვერტიკალური დაზგა, როგორც ამას ეთნოგრაფ ნ. რეხვიაშვილის მიერ მოწოდებული მასალა მოწმობს. საცერის საქსოვი „ყდანი“ ორი თანაბარი სვეტისაგან შედგება, რომელთა თავსა და ბოლოზე განივად გადებულია თითო გამირი. დაზგაზე დაგებულა ძუის ქსელი, იგი გაყოფილია

<sup>1</sup> კოლ. №  $\frac{49-46}{6}$ .

<sup>2</sup> ქოჭი ხევისურული საქსოვი დაზგის ფხინს შესატყვისება.



სურ. 5. შალის საქსოვი ყდა (მთიულეთი)



სურ. 6. საქსოვი ყდა (დმანისი)

ორად საშევარზე გაბმული შეს მეშვეობით, საზედაოს გასატარებლად, საშველი  
 რის ზემოთ ქსელში გამყოფი გარაა გადებული, რომლის მოძრაობითაც ქსე-  
 ლი პირს იხსნის და მქსოველი ცხემლაზე დამაგრებულ საზედაოს ქსელში ატა-



სურ. 7. საცერის საქსოვი ყდა (რაჯა)

რებს. საცერის ძირს, როგორც ცნობილია, მკიდრო ნაქსოვი არ ესაქიროება და ამიტომ ასეთ ყდას არც ჩასაბეჭი ხელსაწყო „ბეჭი“ მოეპოვება (სურ. 7).

ვერტიკალური ტიპის საქსოვი დაზგების რიგს ვანეკუთენება ისეთი ყდე-  
 ბიც, რომლებიც ქსოვილის ერთ-ერთი უძველესი სახის—ქილოფის დასამზადებ-  
 ლად იყო გამოყენებული. ეთნოგრაფიული მასალების მიხედვით საქართვე-  
 ლოში ქილოფი იქსოვებოდა სხვადასხვაგვარი მცენარეულისაგან — ბალახის,  
 ქილის, ლელის, ჩალის, სიმინდის ფოჩის, ისლისა და სხვა ნედლეულისაგან.  
 სიმინდის დაგრებილი ფოჩისაგან დამზადებული ქილოფის ორი ეგზემპლარი

(კოლ. №№  $\frac{46-24}{30}$  და  $\frac{46-24}{5}$ ) ჩამოტანილია ახალციხისა და ადიგენის

13. საქართველოს სახელმწ. მუზეუმის მონაბე, ტ. XVIII-Б



რაიონების სოფლებიდან—სხვილისიდან და უღედან 1924 წ. პროფ. გ. ჩი-  
 ტაიას მიერ.

ხობის რაიონში სოფ. შუა ქვლონში დამოწმებულია ქილოფის საქსოვი  
 ვერტიკალური დაზგა, რომელსაც მეგრულად „როზაგი“ ეწოდება. განსაკუთ-  
 რებით სპურადღებოა, რომ ქილოფის ქსელის გასაბმელად აღნიშნულ სო-  
 ფელში სელის ნართს. ანუ „თხვირს“ იყენებდნენ, მისაქსელად კი „ქოლს“<sup>1</sup>  
 (ქილს). ქილს ქალები გლეჯდნენ ხელებით მაისის თვეში, როცა მცენარე ნა-  
 მიაინ იყო. სხვა დროს დაკრეფილი ქილი საქსოვად არ ვარგოდა, შეედებო-  
 დაო—აღნიშნავდნენ მთხრობელები. ქილს კონებად კრავდნენ, შინ მიჰქონდათ  
 და ჩრდილში აწყობდნენ, სადაც ერთი კვირის განმავლობაში შრებოდა. ამის  
 შემდეგ ქილს მზეზე გაშლიდნენ, მზის სხივების მოქმედების შედეგად ქილი  
 ნაზ მოყვითალო ფერს ღებულობდა. ეს სოფელი ქილოფის ქსოვით იყო ცნო-  
 ბილი და აქედან იგი მახლობელ ბაზრებზე მნიშვნელოვანი რაოდენობით გაჰ-  
 ქონდათ გასაყიდად.

ეთნოგრაფ ს. ბეღუჯაძის მიერ მოწოდებული მასალის მიხედვით ქართლ-  
 ში (სოფ. დიდი ბახალეთი) ქილოფებს ჩალისაგან ამზადებდნენ. წვრილი  
 ღელის ჩალას საქსლედ იყენებდნენ, მსხვილ ანუ დოყის ჩალას კი საზედაოდ<sup>2</sup>.  
 ქილოფებს საქსოვ ყდებზე ქსოვდნენ. ისინი სხვადასხვა ზომისა იყო 8,7, 6,2  
 და 2 1/2 არშინის სიგრძისა. თითოეულ ზომას შესაფერი დაზგა შეესატყვი-  
 სებოდა<sup>3</sup>.

მუზეუმის ეთნოგრაფიის განყოფილების ფონდებში დაცულია ქართლის  
 ექსპედიციის მიერ 1947 წ. სოფ. მლაშედან ჩამოტანილი ქილოფის საქსოვი  
 ყდა (კოლ. №  $\frac{19-47}{109}$ ). საქსოვი ყდა ჩარჩოს მოყვანილობისა (სიმაღლე 194  
 სმ, განი 177 სმ). შედგება ორი ყდისა, წყვილი ღვილისა (ღერძისა) და სო-  
 ლისაგან. მას საქსოვი აპარატი არა აქვს.

საქსოვ ყდაზე სანახევროდაა მოწმული ქილოფი, რომლის ქსელიც ჩა-  
 ლის ორტოლად დაგრებილი 85 წვერისაგან შედგება. ქილოფის საზედაო ჩა-  
 ლა დაუგრებია და წვნის დროს ორწვერადაა გადაქცობილი ქსელის თი-  
 თოველ გრებილზე, ე. ი. ერთი ქვემოდან გადაუქვლის მას, მეორე კი ზემო-  
 დან და ა. შ. აღნიშნული ყდა ორი სიგრძის ქილოფის მოქსოვის შესაძლებ-  
 ლობას იძლევა—2 და 3 მეტრისას, სიგანე ნებისმიერად 190 სანტიმეტრამდე  
 შეიძლება ცვალებადობდეს.

ქართლში ქილოფის ქსელის დამზადების შემდეგი წესია დამოწმებული.  
 ქსოვის წინ გამზმარი ჩალის კონებს ნელთბილ ან ცხელ წყალში ალბობ-  
 დნენ რამდენიმე წუთის განმავლობაში. დამბალ ჩალას ფეხზე დაიხვედნენ,

<sup>1</sup> დოც. ა. მაცაშვილის ბოტანიკურ ლექსიკონში ქოლის შესახებ აღნიშნულია: ქილი  
 ситник რქ., ლჩხ. მათრახა, საქილოფი; გურ., აჭ. ქილოფა; იმ., ლჩხ. ქილოფი; ქან. სახი;  
 მგრ. რქოლი, ქოლი, ქოი (ა. მაცაშვილი. ბოტანიკური ლექსიკონი. თბილისი, 1949, სი-  
 ტყვასთან—ქილი).

<sup>2</sup> ს. ბეღუჯაძე. ქართლის 1947 წლის ექსპედიციის დღიური. გვ. 185—189.

<sup>3</sup> იქვე, გვ. 190—196.



ხელით ორტოლად გრვებდნენ და გამრობის შემდეგ გორგლად დაახვედნენ. რვაარშინიან ქილოფის ქსელს ორასი წვერი უნდა ჰქონოდა, ისე რომ წვერსა და წვერს შუა თითს თავისუფლად გაეელო; უფრო მკიდრო ქსელი ქსოვის დროს თითებსა და ფრჩხილებს ძლიერ აზიანებდა. დაქსელვის დროს გორგალის საწყისი წვერი ძირა ლეილზე მაგრდებოდა, ყდის ზედა ლვილს გადაუვლიდა, ძირს დაეშვებოდა და ძირა ლვილს ქვემოდან ამოუვლიდა და ა. შ.

საზედაო ჩალას დავრება არ უნდოდა, იგი ქსოვის დროს „იწრიბებოდა“. ქსოვის დროს ქსელს ოთხჯერ დააბრუნებდნენ. ქსოვის დამთავრების შემდეგ ყდას დააწვენდნენ, ქსელს დააბრუნებდნენ ისე, რომ ქილოფის მოუქსოველი ნაწილი, ორი ციდის ზომისა, შუაში მოქცეულიყო. მას შუაზე გაქრიდნენ—ორ წვერს ერთად, ერთი მხრიდან ნაპირს ერთი დედაკაცი უკეთებდა ნაწიბურს, მეორე მხრიდან კი მეორე დედაკაცი. ქილოფს ქართლში ირიბადაც ქსოვდნენ, ასეთ ნაქსოვს „გამრეკელა ქილოფი“ ეწოდებოდა<sup>1</sup>.

ქართლის მსგავსად სამეგრელოშიც ხელით ქსოვდნენ ქილოფს. ამისათვის იქ, როგორც ზემოთ აღვნიშნეთ, იყენებდნენ „რობაგის“ სახელწოდებით ცნობილ დაზვას, რომლისთვისაც დამახასიათებელი იყო ვერტიკალური ჩარჩო და ქსლის გამყოფი მოწყობილობა „ორცხონდის“ (საეარცხლის) სახით (სურ. 8). მიუხედავად თავისი სიმარტივისა, ეს საქსოვი მოწყობილობა უფრო დაწინაურებული ჩანს, ვიდრე ბერძნული ვერტიკალური საქსოვი დაზვის სახელწოდებით ცნობილი დაზვა, რომელზედაც ქსელის ძაფები საწყაფებით იყო დაქიმული (სურ. 9). „რობაგზე“ ქსელის ძაფების დაქიმვა დაზვის ქვემო ხილზე მოთავსებული კაუქების მეშვეობით ხდებოდა და ქსელიც ზედაე უწყვეტად იქსელებოდა. საინტერესოა ისიც, რომ „რობაგზე“ ქსელს სელის ნართისაგან ჰქმნებდნენ, რაც, საფიქრებელია, კოლხური სელის წარმოების უძველეს ტრადიციას უკავშირდება.

\* \* \*

დღემ-საეარცხლიანი ანუ ჰორიზონტალური საქსოვი დაზვის ერთ-ერთი ნაირსახეობაა სვანური „ლუჯშარ“ (კოლ. №  $\frac{50-10}{71}$ , ძველი ნომერი 825). იგი სვანეთიდანაა ჩამოტანილი 1910 წლის აგვისტოში ტარასი ნიჟარაძის მიერ. გამოყენილი იყო სვანეთის ეთნოგრაფიის დარბაზში (ზომა: დედნის სიგრძე 98 სმ, განი 80 სმ, სიმაღლე 57 სმ) (სურ. 10, 11).

საქსოვი დაზვის დედანი შედგება ორბოძალა ხისაგან, რომლის კაპები განივადაა ჩასმული გამირში. ამავე გამირზე დამჯდარი ორი, თითოეული 55 სმ სიმაღლის ბოძი—„ბარჯგ“, რომელთა თავები ნახევრად გულამოღებულია ლვილის „უღაჟას“ (უღლის) გასადებად. ლუჯშარის უკანა მხარეს, ორბო-


<sup>1</sup> ს. ბეღუჯაძე. დასახ. ნაშრომი, გვ. 196—200.

<sup>2</sup> სვანური საქსოვი დაზვისა და ქსოვის კომპლექსთან დაკავშირებული აქ მოტანილი მასალა მოგვაწოდა ეთნოგრაფმა მ. ჩართოლანმა.






ძალის ყუაზე ჩამჯდარია იმავე სიმაღლის ბოძი, ოდნავ თაეჩამოთლილი. დაზ-  
გაზე ჩამოკიდებულია სავარცხელი და ორი ღვიში — „ლულუმზარ“. ისინი ერთ-  
მანეთთან „ჭუნთარ“-ის („ჩიტების“) საშუალებითაა დაკავშირებული.



სურ. 8. კილოფის საქსოვი ყდა — „როზაგი“ (ზობის რაიონი)

საქსოვ დაზგაზე გამართულია „ლეგში“ — ქსელი, რომელიც წინასწარ მზადდებოდა აცინდული ხვიცელის სახით. ქსლის აცინდული ნაწილი თავისუფლად დაშვებული დაზგის დედანზე, შუა წელი კი დამაგრებულია უკანა ბოძზე, საიდანაც ქსლის ძაფები გატარებულია დგიმებში. ქსლის კენტი ძაფები უკანა დგიმშია გაყრილი, ლუწი ძაფები კი წინა დგიმში, ყველა ძაფი კი



სურ. 9. ბერძნული ფერტიკალური საქსოვი დაზგა (VI საუკ. ძვ. წ.)


ერთად სავარცხელშია გატარებული და „ულუა“-ზე დამაგრებულ წიკვლაზეა გადაკიდობილი.

დგიმი კანაფითაა ამოსხმული. იგი ქსელის გამყოფი მოწყობილობაა. აღნიშნულ დაზგაზე ბეჭის ფუნქციას სავარცხელი ასრულებს. საქსოვი დაზგა ზაფხულობით დერეფანში ჰქონდათ გამართული, ზამთარში კი მაჩუბში. ქსოვილების დამზადება ქალის მოვალეობას შეადგენდა სვანის ოჯახში. ასეთ დაზგებზე სვანეთში ძველად შალისა და კანაფის ქსოვილებს ამზადებდნენ. ამ უკანასკნელს უმთავრესად საცვლებისა და ტომრების მასალად იყენებდნენ.

ძველად სვანეთში გავრცელებული იყო უღუმო ცხვარი, მეტწილად შავი და რუხი ფერისა. ცხვრის გაკრეკა ხდებოდა გაზაფხულსა და შემოდგომაზე. გასაკრეკ ცხვარს წყალზე გაატარებდნენ გაბანვის მიზნით. როცა ცხვარს მატყლი შეაშრებოდა, მას ღუქარდით კრეკავდნენ. დაკრეკილ მატყლს ფერისა და თვისების მიხედვით ახარისხებდნენ, ცალკე გამოყოფდნენ ზურგის, მუცლისა და გვერდების მატყლს. საუკეთესოდ ითვლებოდა ზურგის მატყლი, მდარე ხარისხოვნად კი მუცლისა და ბაყვების. დახარისხებულ მატყლს ცივ წყალ-



ში რეცხავდნენ და დერეფანში აშრობდნენ. გამშრალ მატყლს ხელით წეწავდნენ, რასაც ეწოდებოდა „ლიბძღვანე“. მატყლის დამუშავების შემდეგი პროცესი იყო მისი გაპენტვა „ლიბტყვენ“, გაპენტვას „ლაბტყნაარ“-ის (საპენტავი შვილ-



სურ. 10. „ლაჯშარ“—ქორიონტ. საქსოვი დაზვა (სვანეთი)

დის) (კოლ. №  $\frac{50-10}{117}$ ) მეშვეობით აწარმოებდნენ. გაპენტვის შემდეგ ხლებოდა მატყლის გაჩეჩვა „ლანფთირ“-ზე (საჩეჩელზე) (კოლ. №  $\frac{50-10}{50}$ ). სვანური საჩეჩლის თავისებურება მის მაღლა აზიდულ მხრებში მდგომარეობს, მას რკინის კბილები ორ წყებად უზის და სხვა ქართულ საჩეჩლებთან შედარებით ვიწროა.



დაჩეილ მატყლს სამ სახედ ახარისხებდნენ: პირველი ანაჩეილ მატყლი წვერისა იყო და მას „კაცხ“-ი ეწოდებოდა, მეორეს, ნაჭურგალს, ნაზსა და რბილს—„ყუა“, ხოლო ნარჩენს კი „კვირტი“.

დაჩეილი მატყლიდან ფთილებს ამზადებდნენ და ძაფს ართავდნენ. ძაფის დართვა „ლილთე“ ხდებოდა „ჩერი“-თ (თითისტარი) და ზედ წამოცმული „ჩურშდა“-თი (კვირისტავი). ძაფის სართავი ტარი საძახავ ტართან შედარებით ტანმორჩილი იყო. ორი გავსებული თითისტარიდან ძაფი ორტოლად დაფსახვევზე გადაჰქონდათ და შულოდ ანუ „კვიკვი“-ად ახვევდნენ. ორტოლ ძაფს კი საძახავ ტარზე „ლანჩრიზლ“-ზე (კოლ. №№  $\frac{10-26}{19}$ ) და



სურ. 11. „ლაჯშარ“-ჰორიზონტ. საქსოვი დაზგა (სვანეთი)


$\frac{50-10}{103}$ ) ძახავდნენ. ორწვერად დაძახულ ძაფს მეტწილად ქსლის გასაბამად იყენებდნენ. ქსლისათვის განკუთვნილ ძაფს „ლათხეშ“ ეწოდებოდა, საზედაოსათვის განკუთვნილს კი „ლუჯიშ“ (სურ. 12).

ქსელის დასამზადებლად მიწაში 4 ცალ ჩხირს ჩაასობდნენ, ორ-ორს ერთად. წვევილები ერთმანეთისაგან იმ მანძილზე იყენენ დაშორებულნი, რა სიგრძის ქსელის დაქსელვაც სურდათ. აიღებდნენ დაძახული ძაფით საესე ორ „ლიჩრე“-ს და თითოეულისაგან ძაფის წვერს გაატარებდნენ დამქსელ ხელსაწყო „ლაშთხარ“-ის (კოლ. №  $\frac{15-32}{50}$ ) ორ ნაჩერეტში და დაქსელვას



შეუღებოდნენ. დაქსელვის შემდეგ ხეივანს აცინდავენენ და ქსელზე განდობილად  
დნენ. ხეივანს სასურველ ზომაზე ხისაზიდი (პატარა რიკი) ჰქონდა გაყრილი,  
რომ წნული თავისთავად არ დაშლილიყო.

საზედაოდ როგორც ცალწვერად, ისე ორწვერად დამახულ ძაფს ხმარობდნენ.  
საზედაოსათვის განკუთვნილ დაუქახავ ძაფს თითისტრიდან ძაფსახვევზე გადაი-  
ტანდნენ. ამ შულოების მიხედვით მქსოველი ქალი გამოიანგარიშებდა საზედაოს  
რაოდენობასაც და მოსაქსოვა ქსოვილის ზომისაც. შულოებიდან ძაფი მასრებზე



სურ. 12. სვანური საჩენლები, თითისტრები და ქსოვილის  
ნიმუშები (საქ. მუზ. სვანეთის ეთნოგრაფიული გამოთენა)

— „მასულ“ გადაახვევდნენ. მასრებად იყენებდნენ კანათის ფულუროვან ღეროს  
„ქანა ღერ“, რომელსაც „ლამსულწარ“-ზე ჩამოაცვამდნენ. „ლამსულწარ“-ი (კოლ. №  
50—10  
104) გრძელი თითისტარის მოყვანილობისაა, ზედ წამოცმულია 20 სმ  
დიამეტრის კვირისტავი. ტარის მუხლზე ტრიალისას კვირისტავი მას დიდ  
სისწრაფეს მატებდა.

როცა მქსოველი დედაკაცი— „მეჯში“—საქსოვს გაიღვამდა და მასრებზე  
დახვეულ საზედაოს მოიმზადებდა, მაქოში მასრას გაუყრიდა, „ლამსულწარ“-ის წინ  
მოთავსებულ სამფება სკამზე ჯდებოდა, ფეხებს დგომებზე გამობმული თოკის  
საფეხურებში გაუყრიდა და ქსოვას შეუღებოდა. ქსოვის ღროს მქსოველი  
ცალი ფეხით ერთ დგომს დაბლა დასწევდა. ამის შედეგად ქსელის ერთი წყება





ძაფებისა ქვევით დაიწვედა, მეორე წყება ძაფებს კი მეორე დგომი იქვე დაქსელი პირს გაიხსნიდა. ცალი ხელით სავარცხელს დგომისაკენ გასწევდა და მეორე ხელით მაქოს მარჯვნიდან მარცხნივ ქსლის გახსნილ პირში გაატარებდა. მაქოს გატარების შემდეგ მქსოველი სავარცხელს ღონივრად თავისკენ გამოსწევდა და სახედაო ძაფს ორჯერ მობეჭავდა. მობეჭვის შემდეგ სა-



სურ. 13. ჩერქეზული პორიხანტალური საქსოვი დაზგა (ერმაკოვით)

ვარცხელს უკან გასწევდა, მეორე ფეხით მეორე დგომს ქვემოთ ჩამოსწევდა და წახლა უკვე ქსლის ძაფების მეორე წყება ძირს დაიწვიდა, პირველ წყებას პირველი დგომი იქვე დაქსელი კვლავ პირს გაიხსნიდა. მქსოველი მაქოს მარცხნიდან მარჯვნივ გამოატარებდა და სავარცხლით მობეჭავდა. ქსოვის პროცესში ამ მოძრაობათა თანმიმდევრულ განმეორებაში მდგომარეობდა<sup>1</sup>.

<sup>1</sup> „ლჯშირ“-ის ტიპის საქსოვი დაზგა დამოწმებულია აგრეთვე ჩრდილო კავკასიაში, კერძოდ, მდინარე ბაქსანის ხეობაში. თუმცა აღნიშნული დაზგის დედანი განსხვავებულია „ლჯშირ“-ის დედანისაგან. მათი ქსოვის აპარატის კონსტრუქცია საესებით ერთმანეთს. დედნების განსხვავება იმაში მდგომარეობს, რომ „ლჯშირ“-ის დედანი ორკაპა სისაგანაა დამზადებული, ხოლო ხეშოალინიშნული საქსოვი დაზგა კი ერთი მთლიანი ფიციისაგან. ამავ ტიპის საქსოვი დაზგა ანალოგიურად დედნით დამოწმებულია აგრეთვე ჩერქეზებშიც (სურ. 13).

ამავე ტიპის საქსოვი დაზგა „ქსელი“-სა და „საფეიქრო“-ს სახელწოდებით დამოწმებულია ზემო რაქაშიც. ეთნოგრაფ ნ. რეხვიაშვილის ჩანაწერის მიხედვით სოფ. გლოლაში შალის საქსოვად იხმარებოდა დაზგა, რომლის დედანი—„ყდა“ ორკაპა ხისაგან შედგებოდა. ყდაში ჩამჯდარ წინა ორ ბოძს უდის ფეხები, ხოლო უკანა ბოძს დედაბერა ეწოდება. ყდის ფეხებზე დამაგრებული იყო „რვილა“ (ლვილი), ხოლო „დედაბერაზე“ კი საქსული ანუ ქსელი. ეს უკანასკნელი დგომ-სავარცხელში იყო გატარებული. დგომ-სავარცხელი „თოკებით“ იყო ჩამოკიდებული. დგომებს ვამოზბული ჰქონდა საფეხურა, რომელთა დანიშნულება დგომების აწევ-დაწევაში მდგომარეობდა. ქსელის გაზმას ქსელის გაწაფვას ანუ ქსელის გაკაშმვას უწოდებდნენ. ასეთ დაზგაზე ქსოვდნენ თხისურ შალს, მატყლის შალს და ბამბის ქსოვილს<sup>1</sup>.

ზემო იმერეთის ეთნოგრაფიული ექსპედიციის დროს, 1937 წელს, სოფ. ხანში დამოწმებულ იქნა „საქსლე“-ს სახელწოდებით ცნობილი საქსოვი დაზგა. ამ დაზგის დედანი ორი ფიცრისაგან შედგებოდა. დედანზე სამი წყვილი ბოძი იყო ჩასმული. წინა წყვილ ბოძზე ლვილი იყო გადებული, შუა წელზე საწელური, ხოლო უკანა წყვილ ბოძზე კი მახლახი იყო მოთავსებული. დაზგა ჩვეულებრივად დაშლილ მდგომარეობაში ჰქონდათ შენახული, მას მხოლოდ ქსოვის დროს გამართავდნენ ხოლმე. გამართულ დაზგას „დაგებული საქსლე“ ეწოდებოდა. საქსლეს ზემოთ, ჯოხზე ჩამოკიდებული იყო ორი „ჩიტი“ (მოძრავი პალი), რომლებზეც დამაგრებული იყო დგომები. სავარცხელც ამავე ჯოხზე იყო ჩამოკიდებული. სავარცხელს ლერწმის ჩხირებისაგან ამზადებდნენ, ზედ კი ლაფათინი იყო ჩამოცმული დასაკავებელი რიკების მეშვეობით. ქსოვა, ე. ი. ქსლის ძაფებისა და საზედაო ძაფის გადაჯვარედინება, მასრიანი მაქოს მეშვეობით ხდებოდა. ქსოვდნენ მატყლისა და ბამბის ქსოვილებს ნაირ-ნაირს—სადას, კუბოკრულს, ქრულს. ქსოვას იმერეთში აბეჭვა ეწოდება, ხოლო ხეციელის აცინდვას კი ათოკვა.


დგომ-სავარცხლიანი ტიპის საქსოვი დაზგა „საოშულო“-ს სახელწოდებით (სამეგრელო, სოფ. კაწია) დაცულია ეთნოგრაფიის განყოფილების ფონდებში (კოლ. № <sup>51-39</sup>/<sub>93</sub>). საინვენტარო დავთარში აღნიშნული დაზგის აღწერილობა შემდეგი სახით არის წარმოდგენილი: „საქსოვი იარაღი — „საოშულო“ წარმოადგენს ოთხ ბოძზე, რომელთაგან წინა ორი დაბალია, ხოლო უკანა ორი მაღალი, ვაწყობილ საქსლეს. ბოძებში გაყრილია პარალელურად წყვილი გარეები (ღირე); საქსლის უკანა მხარის ღირეს დარქობილი აქვს 19 ხის კბილი ძაფის განლაგებისათვის. უკანა ბოძებს თავი შეკრული აქვს ოთხკუთხედად სათავის ჯოხით. წინისაკენ გამოშვებულია ორი ოდნავ მოხრილი მკვლავი, რომელზედაც-გადებულია ქსლის ჩამოსაკიდებელი უღე ორი ტაბიკით. სიმაღლე უკანა ბოძების 185 სმ, წინა ბოძის სიმაღლე 70 სმ, სიგანე—120 სმ“ (სურ. 14).

<sup>1</sup> ცნობა მომავალია ეთნოგრაფმა ნ. რეხვიაშვილმა.



განყოფილებაშიეცა დაცული „საოშუალო“-ს დგიმ-სავარცხელი (კოლ. № 51—39 / 94—95). საინვენტარო ჩანაწერის მიხედვით „დგიმი წარმოადგენს ორ პარალელურ ჯოხზე გადაქსოვილს; ქსოვილი კანათის ძაფისაა. სავარცხელი კი წარმოადგენს ჩალამ-კალმის წვრილ ჩხირებს, რომლებიც ჩამწკრივებული არიან ხის ყდაში; ყდა შეკრულია ხისავე მანქვალებით“.

„საოშუალო“-ზე ქსოვდნენ შალის, ბამბის, აბრეშუმისა და სელის ქსოვილებს. სელის ქსოვილების დამზადებას სამეგრელოში ძველი ტრადიცია აქვს და კოლხური სელის საკითხსაც ბუნებრივად უკავშირდება. ის ფაქტი, რომ უახლოეს წარსულამდე სამეგრელოში სელის ქსოვილებს დგიმ-სავარცხლიან საქსოვ დაზგაზე ამზადებდნენ, ძველი კოლხური საქსოვი დაზგის ტიპის გათვალისწინებისათვისაც მნიშვნელოვანია.



სურ. 14. „ოშუალო“ — პორიზონტალური საქსოვი დაზგა (სამეგრელო)

დგიმ-სავარცხლიანი ტიპის საქსოვი დაზგის საყურადღებო ნაირსახეობაა დამოწმებული ისტორიულ სამხრეთ საქართველოში. შავშეთ-კლარჯეთში ქართველი მოსახლეობა საქსოვ დაზგას „ღეზგა“-სა და „საფიოქროს“ სახელწოდებით იცნობდა<sup>1</sup>. „В импхреуле женщины ткут шерстяную материю и одевают мужчин. Импхреулец мне говорил: ქსოვა

<sup>1</sup> „Смотря ткацкий станок савіокро (საფიოქრო); по тур. джулапана (ჯულაპანა)“. Н. Я. Марр. Дневник поездки в Шавшию и Кларджию. СПб., 1911, гл. 47.



ყოველ სახში არი წინდის, შალის ქსოვა თელმა იციან (sic), ამა ში არ არის<sup>1</sup>.

ამავე ნაშრომში მოთავსებულია იმერხეული სახლის ზემოსართლის «დედნის» ფოტოსურათი (№ 19). აღნიშნულ სურათზე სხვა საოჯახო-სამეურნეო იარაღებთან ერთად გამოსახულია—პირველი ნომრით «ჭახრაკა»—ძაფის დასაძახავი ხელსაწყო, მეორე ნომრით—«საჩეჩელი», მეოთხე ნომრით—«ხელწალი» კვირისტავით, მეხუთე ნომრით—«შვილდი» (ბამბის საპნები), მეექვსე ნომრით კი საქსოვი დაზგა—«დეზგა»<sup>2</sup>.

იმერხეული საქსოვი დაზგა ქსნის ხეობაში სოფელ დადიანეთში «საფეიქრო»-ს სახელწოდებით ცნობილი დაზგის სახესხვაობა ჩანს. ეთნოგრაფმა მ. გეგეშიძემ ჩვენ გადმოგვცა ამ «საფეიქრო»-ს ჩანახატი, რომელზეც აღნიშნულია დაზგისა და მისი ნაწილების სახელწოდებანი. საფეიქროს დედანი ჩარჩოს მოყვანილობისაა, ზედასამწყებად წყვილ-წყვილი ბოძებია აღმართული. ლეილს აქ მახლახი ცვლის. ჩანახატი ქსელის გაბმის სქემატურ სახესაც იძლევა. ხეიცილი ხისაზიდითურთ კედელზეა მიმაგრებული. აქედან ქსელი დგიმ-სავარცხლის პირისპირ ქერზე ჩამოკიდებულ ჯიღზე გადმოდის და დედნის უკანა ჯიღზე ეშვება, მას ქვემოდან ამოუვლის და საწელურზე გავლით დგიმ-სავარცხელში გადის ლეილისაყენ. დგიმებს გამობმული აქვს საფეხურები, რომელშიც მქსოველი ქსოვის დროს ფეხებს გაუყრიდა<sup>3</sup>.

ამავე ტიპისაა მუზეუმის ეთნოგრაფიის განყოფილებაში დაცული საქსოვი დაზგის მოდელი (კოლ. № 754), მოდელის დედანი მთლიანი ხისაა. დედნის წინა ნაწილზე აღმართულია ორი ბოძი, რომლებშიც გაყრილია მოძირავე ლეილი. ლეილის თავი კუთხური მოყვანილობისაა და გვერდები ორპირად აქვს გახვრეტილი. ამ ნაჩერტებში გაყრილია პატარა ჯოხი, რომლის მეშვეობითაც მქსოველი ლეილს ატრიალებდა ქსოვილის დასახვევად. დედნის შუაწელზე აღმართულია ჩარჩოსებურად ორი მაღალი თავშეკრული ბოძი. ამ საწელურზე ჩამოკიდებულია დგიმ-სავარცხელი. დედნის უკანა ნაწილზე აღმართულ ორ ბოძზე კი მახლახია გადაებული, საქსოვზე ქსელიც არის გაბმული.

მუზეუმის ეთნოგრაფიის განყოფილებაშივე დაცულია ნაკლები მოდელი საქსოვი მანქანისა ყოფ. არტანის ოლქიდან (ფოცხოვის უბანი), რომელიც საინვენტარო დავთარში «ჯულუ»-ს სახელწოდებითაა აღნიშნული (კოლ. 165—89), დავთრის ჩანაწერში აღნიშნულია, რომ ასეთი საქსოვი იხმარებოდა ტილოსა და შალის საქსოვად (სურ. 15).

დგიმ-სავარცხლიანი საქსოვი დაზგა დამოწმებულია აგრეთვე აჭარაში «სამექსლოს» სახელწოდებით. აღნიშნული საქსოვი დაზგის ერთი ნიმუში დაცულია ეთნოგრაფიის განყოფილების ფონდებში, ჩამოტანილია აჭარის ეთნოგრაფიული ექსპედიციის მიერ 1933 წ. სოფ. ღორჯომიდან (კოლ. № 27—103


—33). აჭარაშივე შემონახული იყო ქსლის საქსელავი მოწყობილობა, რო-

<sup>1</sup> Н. Я. Марр. Дневник поездки в Шавшию и Кларджю. СПб., 1911, გვ. 41, შენიშვნა 1.

<sup>2</sup> იქვე, გვ. 71.

<sup>3</sup> მასალა მოგვაწოდა ეთნოგრაფმა მ. გეგეშიძემ.

შელიც ორი, ჯვარედინად დამაგრებული ჩარჩოსაგან შედგება. ეს საქსოვი წყობილობა ქსოვის ტექნიკის შემდგომი განვითარების მაჩვენებელია და, საფიქრებელია, იგი ფართოდ იყო გავრცელებული ხალხურ ფეიქრობაში. იმავე ტიპის



სურ. 15. „ჯრლუ“—ჰორიზონტალური საქსოვი დაზგის მოდელი (ყოფ. არტანის ოლქი, ფოცხვის უბანი)

საქსოვი დაზგა ცნობილი იყო გურიაშიც, სადაც შალეულის, განსაკუთრებით კი აბრეშუმის, ქსოვა ფართოდ იყო გავრცელებული შინამრეწველური წესით XIX საუკუნეში და XX საუკუნის დასაწყისში. ამავე პერიოდში საქართველოში ჩნდება ქართულ ჰორიზონტალურ დაზგებთან შედარებით ტექნიკურად უფრო დაწინაურებული რუსული საქსოვი დაზგები, რომლებიც ფეხს იკიდებენ უპირატესად ქალაქურ შინამრეწველობაში.

\* \* \*

წინამდებარე ნაშრომში მოტანილი მასალა ცხადყოფს, რომ საქართველოს ეთნოგრაფიულ სინამდვილეში ძირითადად ორი ტიპის საქსოვი დაზგა იყო გავრცელებული—ბეჭ-საშევრიანი და დგიმ-სავარცხლიანი. პირველი ტიპის ნიმუშად აღებული იყო ფშავ-ხევსურული საქსოვი ყდა, ხოლო მეორე ტიპის ნიმუშად კი სვანური „ლანჯშორ“-ი. ამ საქსოვი დაზგებისა და მათი სახესხვაობათა შედარებიდან ირკვევა, რომ დგიმ-სავარცხლიანი საქსოვი დაზგები თავისი აღნაგობითა და საქსოვი აპარატით მნიშვნელოვნად განსხვავდებიან ბეჭ-საშევრიანი დაზგებისაგან. ამ დაზგების თანაარსებობა იმით იყო გამოწვეული, რომ ქსოვილების დამზადებასთან ერთად ხალიჩა-ფარდაგების წარმოებასაც შინამრეწველობასა და საოჯახო მეურნეობაში მნიშვნელოვანი ადგილი ეკავა, ხოლო ამ უკანასკნელთა დასამზადებლად კი ბეჭ-საშევრიანი დაზგა იყო საჭირო.

ეთნოგრაფიული მონაცემების მიხედვით საქართველოში საქსოვი დაზგების შემდეგი სახელწოდებანია დამოწმებული—ვერტიკალური დაზგებისა-





თვის — „ყდა“, „ყდანი“, „აკაშმები“, პორიზონტალურისათვის — „საქალაქი“, „საქალაქი“, „საქალაქი“, „საქალაქი“, „საქალაქი“. პირველი ტიპის დაზვის სა-  
 ქსოვ აპარატურას შეადგენდა „საშევალი“ და „ბეჭი“, ხოლო მეორე ტიპისას  
 კი დგომი და სავარცხელი.

საქსოვი დაზგების ასეთ კლასიფიკაციას მხარს უჭერს ქსოვის კომ-  
 პლექსთან დაკავშირებული ზოგიერთი ტერმინის საბასეული განმარტება.  
 საბას მისხედვით დგომი არის ქსელთგამყოფი, ამწევი-დამწევი საზედაოს გა-  
 სავლებად. საშევალი კი ფიჩხა და ორზოის დგომი ყოფილა. ამ განმარტები-  
 დან აშკარადვდება, რომ საბას საშევალი დგომის შესატყვისად მიიჩნდა,  
 მაგრამ იმ განსხვავებით, რომ საშევალი ფიჩხა და ორზოვას დასამზადებე-  
 ლი საქსოვრის ნაწილი ყოფილა.

საბასავე განმარტებით ფიჩვი მატყლის ფარდავია, ორზოვა კი ხაოიანი  
 საფენი. აქედან ცხადი ხდება, რომ საშევალი ისეთი დაზვისათვის ყოფილა  
 გამოყენებული, რომელზეც ფარდავებისა და ხალიჩების ტიპის ნაწარმი მზად-  
 დებოდა. ასეთ დაზგად ეთნოგრაფიული მასალების მიხედვით საქსოვი ყდა  
 საგულეზელი. ამ თვალსაზრისით მეტად საგულისხმოა ყდის საბასეული გან-  
 მარტება, რომლის მიხედვითაც ყდა „საქსოვრის გასაბამს“ ეწოდება. იმავე მდგო-  
 მარეობასთან უნდა გვექონდეს საქმე ფშავ-ხევისურული საქსოვი ყდის ნაწილ-  
 ის — ლელის საბასეულ ახსნაშიც. დაბადების დამოწმებით (1 მეფ. 17,7) სა-  
 ბას ნათქვამი აქვს ლგილი ქსლის ყდა არისო.

პორიზონტალური საქსოვი დაზვისათვის დამახასიათებელი ნაწილების  
 სახელწოდებათაგან საბას მოხსენებული აქვს დგომი, სავარცხელი, ლაფათინი  
 და სხვ. დგომის საბასეული განმარტება ჩვენ ზემოთ მოიყვანეთ; სავარცხე-  
 ლის შესახებ საბას ნათქვამი აქვს — „სავარცხელი ეწოდების ფეიქრის ლაფა-  
 თინსა ლერწმისაგან შეწყობილსა“.

ეს ორი ტიპის დაზვა ძლიერ ფეოდალურ საქართველოშიც რომ თანაარ-  
 სებობდა და ერთმანეთისაგან დანიშნულებითა და ქსლის დაგების ტექნიკითაც  
 განსხვავდებოდა — ეს ვეფხისტყაოსნის<sup>1</sup> ერთი ადგილითაც მტკიცდება:

„ვერა შევიგენ, რა იყო, ანუ ნაქმარი რაულად,  
 ვისცა ვუჩვენნი, უკვირდის, ღმრთისაგან თქვის სასწაულად;  
 არცა ლარულად ჰგებოდა მას ქსელი, არ ორხაულად,  
 სიმტკიცე ჰგვანდის ნაქედსა; ვთქვი ცეცხლთა  
 შენართაულად“<sup>1</sup>.

პოეტი ერთმანეთისაგან ასხვავებს ქსელის დაგების სახეებს „ლარულ-  
 სა“ და „ორხაულს“, როგორც დაპირისპირებულთ. მკონის სიტყვები ნიშან-  
 დობლივად მიუთითებენ, რომ ქსელის დაგების სხვადასხვაობა ლარული და ორ-  
 ხაული ქსოვილებისათვის თვით საქსოვი დაზგების საქსოვი აპარატურის თავი-  
 სებურებით იყო შეპირობებული. საბას განმარტებით ლარი ნიშნავს ფარჩას,  
 კუმბუს, ამდენადვე პოეტის გამოთქმა — ლარული ქსელი ისეთი ქსელის დაგე-

<sup>1</sup> შ. რუსთაველი. ვეფხისტყაოსანი. თბილისი, 1937, გვ. 96, ტაეპი 461.



ბას შეესაბამება, რომელიც დგომ-სავარცხლიან საქსოვ დაზგაზეა შესაძლებელი, ხოლო ორხალვი ქსელი კი ისეთს, რომელიც ბექ-საშევრიან საქსოვზე უნდა დაგებულყო.

აქედან გამომდინარე შეიძლება დავასკვნათ, რომ XVII საუკუნეში და, უწინარესაც, XII საუკუნეში ვერტიკალური საქსოვი დაზგა ძირითადად ფარდაგ-ხალიჩების საქსოვად იყო გამოყენებული, ხოლო ჰორიზონტალური კი სამოსლისათვის განკუთვნილი ქსოვილების დასამზადებლად.

ზემო იმერეთის ეთნოგრაფიული მასალების მიხედვით ქსოვას, ე. ი. ქსელის ძაფებში საზედაო ძაფების გადაჯვარდინებას, აბეჭვა ეწოდება, ხოლო მეგრულში იგივე სიტყვა „ბეჭუა“ წენას აღნიშნავს. აღნიშნული გვაფიქრებინებს, რომ ქართულ ეთნოგრაფიულ სინამდილეში შემონახული იყო ტერმინი ბეჭვა, რომელიც ერთსა და იმავე დროს ქსოვასაც გამოხატავდა (ბეჭვა) და წენასაც (ბეჭუა). ეს გარემოება უფლებას გვაძლევს ვივარაუდოთ, რომ ბეჭვის თავდაპირველი მნიშვნელობა წენა იყო და ამდენადვე ამ ტერმინში შემონახული ქსოვილის დამზადების საწყისი ფორმის გამოხატველი შინაარსი.

ამავე თვალსაზრისით განსაკუთრებით საყურადღებოა „ვეფხისტყაოსნის“ ის ტაეპი, რომელშიც მგოსანი ამბობს:

„რა უარვა მამცა, ომშიგან პირის მხმეველსა,  
შედრეკილ-შეშინებულსა და სიკვდილისა მებეველსა!

ქაცოი ჯაბანი რითა სჯობს დიაცსა, ქსლისა მბეჭველსა?  
სჯობს სახელისა მოხვევა ყოვლისა მოსახვეველსა“<sup>1</sup>.

„ქსლისა მბეჭველი“ უმეველია მქსოველს აღნიშნავს. ამ ტერმინის ძირი „ბეჭვა“ უნდა იყოს, რაც ზემო იმერეთში დამოწმებულ „აბეჭვა“-ს უდრის, ქსოვის მნიშვნელობით რომ იხმარება. ფშავ-ხევსურული საქსოვი ყდის აღწერილობისას ჩვენ აღნიშნული გვექონდა, რომ ამ დაზგის ქსელზე საზედაო ძაფის მისამტკიცებლად ბეჭი იყო გამოყენებული. ბეჭი საბას ლექსიკონში დამოუკიდებლად მოხსენებული არ არის. სამაგიეროდ ლექსიკონში გვხვდება სახელწოდება ჩაბეჭვა, რაც „ქსლის ჩაკერა“-ს, ე. ი. საზედაო ძაფის ქსელზე მიმტკიცებას ნიშნავს. ამავე მნიშვნელობით ეს ტერმინი ხევსურეთში დღემდეა დაცული. საბას მიხედვით „ქსლის ჩასაკრავ“ ხელსაწყოს „ჩასაბეჭვი“ ეწოდება. ამრიგად, საბას მიხედვითაც „ჩაბეჭვა“ ქსოვის აღნიშნველი ყოფილა — ისევე როგორც ზემოიმერული „აბეჭვა“.

„ვეფხისტყაოსნის“ დასახელებული ადგილი მეორე საყურადღებო ცნობასაც შეიცავს. ამ ცნობის მიხედვით ქხელის მბეჭველი დედაკაცი ყოფილა; ეს გარემოება ეთნოგრაფიულ სინამდილეშიც მოწმდება. ამ საკითხთან დაკავშირებით პროფ. ნ. ბერძენიშვილი ერთ-ერთ თავის ნაშრომში შენიშნავს: „დასტურლამალიდან ჩანს, რომ მე-18 საუკუნის დასაწყისში ქართლის სამღებროები სულ სადგოფლო იყო. ძველიდანვე არსებულ მდგომარეობის აღნიშვნაა ეს, თუ გიორგი XI და ვახტანგ სჯულმდებელის შემოღებული წესია, გარკვევით არ ჩანს. საფიქრებელია კი, რომ ეს წესი ძველი უნდა იყოს (საინ-

<sup>1</sup> შ. რუსთაველი. ტაეპი 739.



ტერესო მოსაზრება, რომ ამ მეურნეობის დედოფლისადმი დაქვემდებარების საფუძვლები თვით ამ მეურნეობის სპეციფიკურ სახეობაში შეიძლება ჰქონდეს და უძველესი ამბავი იყოს—როთა, ქსოვა, ღებვა ქალის საქმე იყო, ასეთი მოსაზრება შემდეგ კვლევა-დაკვირვებას მოითხოვს)¹.

ქართული ეთნოგრაფიული მასალის მიხედვით ეს შეხედულება სავსებით დასტურდება. საქართველოში, განსაკუთრებით მის მთიან ნაწილში, საოჯახო მეურნეობაში ქსოვილების დამზადებასთან დაკავშირებული შრომის მთელი პროცესი ძაფის დართვიდან მოყოლებული ქსოვილის დამზადებამდე დედაკაცის მიერ სრულდებოდა.

რაც შეეხება განვითარებულ მანუფაქტურულ და საფაბრიკო წარმოებას, აქ უკვე განსხვავებული მდგომარეობა გვაქვს.

დასასრულს, წინამდებარე ნაშრომში განხილულ საკითხთა შუქზე განსაკუთრებული მნიშვნელობა ენიჭება ძველი კოლხური საქსოვი დაზგის საკითხსაც, რომელიც ძირითადად სელის წარმოებასთან უნდა ყოფილიყო დაკავშირებული.

ვ. ჰენი თავის ცნობილ ნაშრომში აღნიშნავს, რომ სელის დამუშავებას ეგვიპტესა და წინა აზიაში უძველესი დროიდანვე მისდევდნენ. მატყლის ქსოვილით შესუდრული მიცვალებულის დაკრძალვა ეგვიპტელების რწმენით დიდი საშინელება იყო. მათი ქურუმები მხოლოდ წმინდა სელის ტანსაცმელს ატარებდნენ. ჩრდილოეთით სელის კულტურა განვითარებული იყო კოლხიდაში. ჰეროდოტეს მიხედვით კოლხურ ტილოს ბერძნები ხარდონულს «Ζαφθνικον» უწოდებდნენო. იგი განთქმული იყო როგორც საექსპორტო საქონელი (სტრაბონი, 11, 2, 17)².

აკად. ი. ჯავახიშვილის დასკვნით ქართული ტერმინი სელი (მეგრული „სუ“, ქანური „სულერი“, სვანური „სელი“) განმარტოებით დგას და არც ერთ სხვა ერის ტერმინს არ ენათესავება³. ვანსვენტული მეცნიერის სიტყვით სელის კულტურის დასაწყისი ჩვენს ქვეყანაში ბრინჯაოს ხანის ბურუსშიც მოჩანს. საქართველო განთქმული იყო სელის კულტურით. ქართული სელის ქსოვილები საგარეო ვაჭრობის უმნიშვნელოვანეს საგანს შეადგენდა და შორეულ ქვეყნებშიც იყო ცნობილი. ეგვიპტის ცნობილი, მაღალხარისხოვანი ქსოვილების ერთადერთ ღირსეულ მეტოქედ სწორედ საქართველო, კოლხეთი ითვლებოდა. ქსენოფონტეს ცნობით (მე-IV ს. ჩ. ე.), ქანთა ტომებს, ხალიბებს, ფინიკიელი მეომრების მსგავსად, სელის ქსოვილებისაგან შემზადებული სამკერდულები ჰქონდათ, მოსსენიკებს კი მუზლამდე დაშვებული სელისავე კვართები ეცვათ⁴.

¹ ნ. ბერძენიშვილი. სამღებროთა შესახებ XVIII ს. საქართველოში. მასალები საქართველოსა და კავკასიის ისტორიისათვის, ნაკვეთი VI, თბილისი, 1937, გვ. 438.

² В. Ген. Культурные растения и домашние животные. СПб., 1872, стр. 79; სტრაბონის სიტყვით კოლხიდაში: „Производство льна приобрело даже известность; его вывозили даже в чужие земли“...

³ ი. ჯავახიშვილი. საქართველოს ეკონომიური ისტორია. წიგნი 1, თბილისი, 1930, გვ. 404.

⁴ ი. ჯავახიშვილი. დასაბ. ნაშრ., გვ. 372—373.



ამასთან დაკავშირებით საკითხი ისმება: საქსოვი დაზგის რა ტიპის უნდა ყოფილიყო ამ მაღალხარისხიანი ქსოვილების დასამზადებლად ძველ კოლხეთში გამოყენებული?

ეთნოგრაფიული მონაცემების მიხედვით სელის ქსოვილების დამზადება სამეგრელოში ჰორიზონტალური ტიპის საქსოვ დაზგაზე „საოშუალო“-ზე ხდებოდა (სურ. 14). ასევე სვანურ „ლაჯშირ“-ზე მზადდებოდა კანაფის ძაფისაგან „სგვირ“-ისაგან საცვლებისათვის განკუთვნილი ქსოვილებიც.

არქეოლოგიური მასალა ამ მხრივ საინტერესო სურათს წარმოადგენს. არქეოლოგ ნ. ხოშტარიას მიხედვით „ნაოხვაშუში“ (სოფ. რეკასთან) აღმოჩენილია „ფეტვი, ხორბალი და სელი (?)“<sup>1</sup>. დიხა გუძუბას მოსახლეობას ძაფის რთვა, ქსოვა და ჭილოფების წვნაც უნდა ცოდნოდა. ამის დამადასტურებლად ავტორს იქ აღმოჩენილი დიდძალი ქვისა და თიხის ცვრისტავეები და საქსოვი დაზგის შეფულები მიაჩნია. იქვე აღმოჩენილი ქოთნების ძირზე შემონახულია მკაფიო ანაბეჭდები ქილოფებისა და ქსოვილების, რომლებსაც ძირს უფენდნენ ჭურჭელს მისი გამოძერწვის დროს<sup>2</sup>. ასეთივე შეფულებები ნაპოვნია შავი ზღვის სანაპიროზე ურეში<sup>3</sup>. ზოგიერთ ავტორს ისინი ბადის საწაფად ან ქვისმოხელის შეფულად მიაჩნდა.

ორწახანგა პირამიდული მოყვანილობის შეფულის ორი ეგზემპლარი აღმოჩენილ იქნა ეშერის გათხრებში, ამ შეფულებს პროფ. კუფტინი ძველი ბერძნული ვერტიკალური საქსოვი დაზგის ნიშანდობლივ მონაცემად მიიჩნევს<sup>4</sup> (სურ. 9).

<sup>1</sup> ნ. ხოშტარია. „დიხა გუძუბა“ კოლხეთის ძველი მოსახლეობა. საქ. სსრ მეცნიერებათა აკადემიის მოამბე, ტ. V, № 2, თბილისი, 1944, გვ. 210, შენიშვნა.

<sup>2</sup> იქვე, გვ. 212.

<sup>3</sup> ლ. ჯაფარიძე. დახვერვითი ექსპედიცია გურიაში. საქ. მუზეუმის მოამბე, ტ. XVI-B, თბილისი, 1950, გვ. 120—121. შდრ. В. Сизов. Восточное побережье Черного моря. МАК, выпуск II, Москва, 1889.

<sup>4</sup> Б. А. Куптин. Материалы к археологии Колхиды, I, Тбилиси, 1949, стр. 14—17. შდრ. В. Ф. Гайдукевич. К вопросу о ткацком ремесле в Босфорских поселениях. Материалы и исследования по археологии СССР, № 25.

საქსოვი დაზგების უძველესი ტიპის შესახებ სპეციალურ ლიტერატურაში ახრთა სხვადასხვაობა არსებობს.

არქეოლოგი გორდონ ჩაილი მიიჩნევს, რომ რთვასა და ქსოვას უფრო კიდევ ნეოლითურ ხანაში მისდევდნენ ადამიანები. ისინი თითისტარის მეშვეობით მზადდებდნენ სელის, ბამბისა და მატყლის ნართს და რთული მექანიზმის—საქსოვი დგამის გამოყენებით ქსოვილებს ქსოვდნენ. ამის საბუთად ავტორი იმოწმებს ჯანათხარ მასალას—ქსოვილების ნაშთებსა და ვიროსტავეებს. მოგვიანო არქეოლოგიური პერიოდების მხატვრობის მ.ბეღვით,—განაგროძის ავტორი,—საქსოვი დაზგების სამი ტიპი არსებობდა: ჰორიზონტალური საქსოვი დაზგა—ყველაზე აღრმადელი ტიპი, რომელსაც დევიტტში იყენებდნენ, და ვერტიკალური დაზგის ორი ნაირსახეობა, ერთ-ერთ ვერტიკალურ დაზგაზე, რომელიც ყველაზე უფრო იყო ცნობილი ვერთაში, ქსელის დასაქიმავად ჩამოკიდებული იყო თიხის შეფულები (Гордон Чайлд. Прогресс и археология. Москва, 1949, გვ. 65—66). თიხის ასეთივე შეფულები რუსეთის ტერიტორიაზეცა აღმოჩენილი. მათ შესახებ ბ. რიბაკოვი შენიშნავს: „Загладочные „грузики дьякова типа“, отверстия которых протерты пштками, естественнее всего считать именно ткацкими грузиками, заменявшими навой поздней-



ჰეროდოტეს ცნობით კოლხები და ეგვიპტელები „Одни только обрабатывают лен и притом одинаковым способом“<sup>1</sup>. ჰეროდოტეს ამ ცნობასთან დაკავშირებით ვ. ჰენი შენიშნავს: „так как Геродот говорит, что колхиды и египтяне ткали, одним и тем же способом, то может быть, и в Колхиде была ткань, нити которой состояли из 360 еще более тонких нитей...“ ვ. ჰენი იმოწმებს უნგერის (Botanische streifzüge auf dem gebiete der kulturgeschichte; Wiener sitzungsberichte, ტომი 38, გვ. 130) სიტყვებს: „Лен не туземное растение в Египте, а введен туда, и именно судя по свойствам растения из стран, лежащих гораздо севернее, вероятно из Колхиды“. ჰენი დასძენს—„Перенесен же он наверное не прямо, а через Вавилонию“<sup>2</sup>.

ეგვიპტეში სელის ქსოვილების დასამზადებლად ჰორიზონტალური საქსოვი დაზგა იყო გამოყენებული. ჰეროდოტეს ცნობა იმის შესახებ, რომ ეგვიპტელები და კოლხები ერთი და იმავე წესით ამუშავებენ სელსაო, იმის მომასწავებელია, რომ ამ ქსოვილების დამზადება თანაბარი ტექნიკური შესაძლებლობითა და საშუალებებით ხდებოდა, თანაბარი შრომის იარაღების გამოყენებით<sup>3</sup>. აქედან გამომდინარე სავარაუდოა, რომ ჰეროდოტეს დროს კოლხეთშიც სელის ქსოვილების დასამზადებლად დგომ-სავარცხლიანი საქსოვი დაზგის რომელიმე ნაირსახეობას იყენებდნენ. ამ ტრადიციის დამადასტურებელი უნდა იყოს სამეგრელოში შემონახული ჰორიზონტალური საქსოვი დაზგა „ოშუალე“, რომელზეც უახლოეს წარსულამდე ამზადებდნენ სელის ქსოვილებს (შდრ. სურ. 14).

პროფ. ბ. კუფტინი აღნიშნავს, რომ ანტიკური ხანის საბერძნეთსა და ცენტრალურ ევროპაში გავრცელებული იყო ვერტიკალური საქსოვი დაზგა, რომლის ქსელიც საწაფებით იყო დაჭიმული. ამ აზრს ავტორი ამყარებს საქსოვი დაზგების იმ გამოსახულებებზე, რომლებიც შემონახულია ბერძნულ ვაზზე (VI საუკ. ძ. წ.) და ცნობილ ქურქელზე უნგრეთიდან (VII საუკ. ძ. წ.)<sup>4</sup>.

ших станков“ (Б. А. Рыбаков. Ремесло Древней Руси. Изд. Академии Наук СССР, 1948, გვ. 186). ავტორი იქვე შენიშნავს: „Современная русская этнография уже нигде не знает вертикального стана за исключением примитивных приспособлений для вспомогательного плетения поясов, тесемок и т. д., сощуществующих с горизонтальными ткацкими станками“. იქვე, გვ. 186.

<sup>1</sup> В. В. Латышев. Известия древних писателей греческих и латинских о Скифии и Кавказе. Т. 1, в. 1, СПб., 1893, გვ. 9.

<sup>2</sup> В. Ген. იქვე, გვ. 352. შამდინარეთში ქსოვილების დამზადების შესახებ იხ. Б. Б. Пиотровский, Н. Д. Флиттнер. История техники древнего Двуречья, წიგნში И. Лурье, К. Ляпунова, М. Матье. Б. Пиотровский, Н. Флиттнер. Очерки по истории техники Древнего Востока. Москва-Ленинград, 1940, გვ. 91—95.

<sup>3</sup> ამავე საკითხის შესახებ იხ. Б. А. Куфтин, Материалы к археологии Колхиды, II, Тбилиси, 1950, გვ. 291—296 და შმდ. ამ ნაშრომში ავტორი საქართველოს მთაში დამოწმებულ ვერტიკალურ საქსოვ დაზგებს „დაბრილს“ უწოდებს და ჰორიზონტალურიდან მომდინარედ მიჩნევს (გვ. 111—112).

<sup>4</sup> Б. А. Куфтин. Материалы к Археологии Колхиды. II, Тбилиси, 1950, გვ. 111.



ამ დაზგებზე საზედაო ძაფის მიბეჭვა ხდებოდა ქვემოდან ზემოთ. ქსოვისასეთი ტექნიკა საერთოდ დამახასიათებელი იყო ამ ტიპის ვერტიკალური საქსოვი დაზგისათვის<sup>1</sup>.

ქართულ<sup>1</sup>ეთნოგრაფიულ სინამდვილეში შემონახულ საქსოვ დაზგებზე კი, როგორც ბეჟ-საშევრიანზე ისე დგიმ-სავარცხლიანზე, საზედაო ძაფის მიბეჭვა ხდებოდა ან ზემოდან ქვემოთ, ან წინა ლეილისაკენ (თავისკენ). ქსოვის ტექნიკის ამ თავისებურებიდან გამომდინარე, საფიქრებელია, რომ საქართველოში საქსოვი დაზგის უძველეს ტიპად ჰორიზონტალური საქსოვი დაზგა იქნეს მიჩნეული.


პროფ. ბ. კუჭტინი სამართლიანად აღნიშნავს, რომ ქართული ბეჟ-საშევრიანი საქსოვი<sup>2</sup> დაზგების წინაპრად არ შეიძლება მივიჩნიოთ ძველი ბერძნული, საწაფებიანი ვერტიკალური საქსოვი დაზგა, ასეთ წინაპრად ავტორს მიაჩნია არქაული „ოსური ტიპის“ მაგარი ჰორიზონტალური საქსოვი დაზგა — უჩარჩო, „ფეხებიანი“, ორდგიმიანი და სავარცხლიანი. ასეთი საქსოვი დაზგა, როგორც აღნიშნული გვქონდა, საქართველოშიცაა დამოწმებული (მთიულეთში „ოსური“<sup>3</sup>სკამის“ სახელწოდებით; ამავე ტიპისაა მოხევეებში დამოწმებული ჰორიზონტალური საქსოვი დაზგაც (სურ. 1ბ). მაგრამ საქმე ისაა,



სურ. 16. უჩარჩო რიზონტ. საქსოვი დაზგა (ზევი)

<sup>1</sup> პროფ. ბ. კუჭტინი ამ დასკვნას ამყარებს იმ საილუსტრაციო მასალაზე, რომელიც გამოქვეყნებულია შრომებში—Heiden Max. Handvörterbuch der Textilkunde aller zeiter und völker, Stuttgart, 1904, გვ. 237, სურ. 110; Hoernes-Menghin. Urgeschichte der bildenden kunst in Europa, Wien, 1925, სურ. 3, გვ. 559 (ბ. კუჭტინი. დასახ. ნაშრომ., გვ. 111, 293).

რომ დაზგის ეს ტიპი, რომელიც საქართველოშიც და კავკასიაშიც მოწმდება, განსხვავდება იმ ეგვიპტური ჰორიზონტალური საქსოვი დაზგისაგან, რომლისაგანაც განვითარებულად მიიჩნევენ სპეციალისტები ხალიჩებისა და გობელენების საქსოვ ვერტიკალურ დაზგებს<sup>1</sup> (სურ. 17). ქართული ეთნოგრაფიული მასალა მართალია იცნობს ჰორიზონტალური საქსოვი დაზგის ორ ქვესახეს (ჩარჩოიანსა და უჩარჩოს), მაგრამ მათი საქსოვი აპარატურა („ფეხები“, ღვიმები, სავარცხალი, ლვილი) ერთისა და იმავე ტიპისაა. ყველა შემთხვევაში ღვიმებიცა და სავარცხელიც ჩამოკიდებულია „ჩიტებზე“. ქართული



სურ. 17. ძველი ეგვიპტური საქსოვი დაზგა (XX ს. დ. წ. ბენი-ჰასანის გამოსახულებით)

ჰორიზონტალური საქსოვი დაზგების დღემდე ცნობილ ყველა ნაირსახეობას მოეპოვებოდა მოძრავი ლვილი, რომელზეც ქსოვილი ეხვეოდა (თუცა ქსლის დახვევა ლვილზე, როგორც ეს რუსულ „დაზგებზე“<sup>2</sup> ხდებოდა, ძველ ქართულ ხალხურ საქსოვ დაზგებზე არ მოწმდება). ქსოვილის დასახვევი ლვილი არ მოეპოვებოდა არც ძველ ეგვიპტურ ჰორიზონტალურ საქსოვ დაზგას (ბენი-ჰასანის გამოსახულებით), რომელზეც მხოლოდ მოკლე ქსოვილის ქსოვა შეიძლებოდა, მსგავსად ეთნოგრაფიულ სინამდვილეში შემონახული ლეკური საქსოვი დაზგისა<sup>2</sup>. ამ თვალსაზრისით საფიქრებელია, რომ ვერტიკალური სა-

<sup>1</sup> Н. А. Шолно. Ткачество в Древнем Египте. Архив истории науки и техники. V, Ленинград, 1935, 83, 268.

<sup>2</sup> А. А. Холодосов. Ткачество деревни. М., 1930. Удр. В. Н. Белицер. Народная одежда думртов. Москва, 1951, 83, 24; Н. И. Лебедева. Народный быт в верховьях Десны и в верховьях Оки. Москва, 1927.

<sup>3</sup> ამ თვალსაზრისით საინტერესოა ლეკური ჰორიზონტალური საქსოვი დაზგა, რომელზეც მხოლოდ მოკლე ქსოვილი იქსოვებოდა (იხ. А. С. Пиралов. Краткий очерк кустарных промыслов Кавказа. СПб., 1913, გვ. 47 სურ. 14 და 15); ეს საქსოვი დაზგა უფრო არქაული ჩანს, ვიდრე „ოსური სკამი“ და „ყაზახური“ დაზგა, რომლის წინაპრად მიიჩნევა პროფ. ბ. კუფტინი ოსურ საქსოვ დაზგას (უდრ. Б. А. Купфтин. Киргиз-казакки. Москва, 1926, 83, 41).



ქსოვი დაზგების წინაპრად საქართველოში (კავკასიაშიც) უნდა მივიჩნიოთ არა „ოსური ტიპის“ საქსოვი დაზგა, არამედ საქსოვი დაზგის ის ტიპი, რომელიც დაღისტანში იყო შემონახული და საერთო იყო კავკასიის ხალხებისათვის. აღსანიშნავია ისიც, რომ დაღისტანშივე დამოწმებულ ლეკურ ვერტიკალურ საქსოვ დაზგაზე, რომელიც ხევესურული საქსოვი დაზგის მსგავსად დახრილ მდგომარეობაში იყო კედელზე მიყრდნობილი, ამზადებდნენ მაღალი ხარისხით ცნობილ ლეკურ შალეს<sup>1</sup>. ამავე ტიპის, მაგრამ უფრო განიერ საქსოვ ყდებზე ამზადებდნენ იქ ფარდაგ-ხალიჩებს<sup>2</sup>.

მაშასადამე, შეხედულება ბექ-საშვერიათი საქსოვი დაზგების წარმოშობის შესახებ ჰორიზონტალური საქსოვი დაზგიდან ქართული ეთნოგრაფიული მასალითაც მტკიცდება.

მეორე მხრივ, ვერტიკალური საქსოვის უძველესი სახეები, რომლებიც ქილოფის საქსოვად იხმარებოდა (ქართლი, სამეგრელო), მათ სხვაგვარ წარმოშობილობაზე უნდა მიუთითებდეს. მათ წინაპრად, ჩვენი აზრით, არ შეიძლება ჰორიზონტალური საქსოვი დაზგა ჩაითვალოს. ჯერ ერთი, ქართულში დამოწმებული ქილოფის საქსოვი ყდა წარმოადგენდა ჩვეულებრივ ოთხკუთხედ ჩარჩოს, რომელსაც საქსოვი აპარატი არ მოეპოვებოდა. მეორეც, სამეგრელოში დამოწმებულ ქილოფის საქსოვ დაზგას „რობაგს“ ჩარჩოს გარდა ჰქონდა ქსლის გამყოფი მოწყობილობა „ორცხონდის“ სახით. მაგრამ ამ დაზგებზე საზედაო ძაფის გატარება ქსელში უშუალოდ ხელით ხდებოდა, მათ არც მისაბეჭავი ხელსაწყო მოეპოვებოდათ. ამიტომ შესაძლებელია დაეუშვათ მათი დამოუკიდებელი წარმოშობა ჰორიზონტალური საქსოვი დაზგების პარალელურად, მით უმეტეს, რომ ქილოფის ქსოვა განათხარი მასალის მიხედვით საქართველოში უძველესი დროიდანაც ცნობილი.

ეთნოგრაფიული მასალა საქსოვი დაზგების იმ ნაირსახეობათა შესახებ, რომელიც წინამდებარე ნაშრომშია მოტანილი, მოწმობს შრომის ამ იარაღების მრავალსაუკუნოვან განვითარებაზე და ხალხის ყოფაში იმ მნიშვნელობაზე, რომელიც მან შემოინახა იმ პირობებშიც კი, როცა, მარქსის სიტყვებით რომ ეთქვათ, „საკუთარი მოთხოვნილებისათვის მქსოველი გლენების გვერდით, რომლებიც განავრძობდნენ და კიდევ განავრძობენ ამ საქმიანობას, ქალაქებში წარმოიშვა ახალი კლასი ფეიქრებისა, რომელთა ნაწარმი დანიშნული იყო მთელი ადგილობრივი ბაზრისათვის, და უდიდეს ნაწილში უცხოეთის ბაზრებისათვისაც კი“<sup>3</sup>.

ხალხის ყოფაში ახლო წარსულამდე შემონახული ქართული საქსოვი დაზგების ტიპები რა თქმა უნდა, ისტორიულად ვითარდებოდნენ და უმჯობესდებოდნენ ხალხის საწარმოო გამოცდილების ზრდისა და შრომითი ჩვევების განვითარების შესაბამისად. ამით აიხსნება ის მრავალსახეობა ქართული საქსოვი დაზგების ორი ტიპისა, რომელთა გამომუშავებისა, დაწინაურებისა და გაუმჯობესებისათვის ქართველ ხალხს მრავალი შრომა და ენერჯია მოუხმარებია.

<sup>1</sup> А. С. Пиралов. *Искусство*, т. 48, стр. 16.

<sup>2</sup> იქვე, გვ. 68—75.

<sup>3</sup> მარქსი და ენგელსი. *გერმანული იდეოლოგია. თხზულებანი*, ტ. 1, გვ. 237.

აქ მოტანილი მასალა ამავე დროს მოწმობს, რომ ძველი ქართული ხალხური დაზგები თვითმყოფი ხასიათისაა, ახლო და უშუალო კავშირშია სხვაკავკასიელი ხალხების ანალოგიურ საქსოვ დაზგებთან და თავისი საწყისი ფორმებით ძველი აღმოსავლეთის კულტურულ მონაპოვართა წრეში ექცევა.

Г. А. ЧАЧАШВИЛИ

## ГРУЗИНСКИЕ НАРОДНЫЕ ТКАЦКИЕ СТАНКИ

(По материалам Музея Грузии)

Резюме

Среди богатых коллекций Государственного Музея Грузии им. Джанашиа, устанавливается два основных типа грузинских народных ткацких станков—вертикальный и горизонтальный.

Вертикальный ткацкий станок, главным образом, употреблялся для изготовления ковровых изделий, в то время, как горизонтальный—исключительно для производства метражной материи. Однако, в некоторых частях горной Грузии были известны только лишь вертикальные ткацкие станки, которые применялись для изготовления разнообразных видов шерстяной материи.

Народные ткацкие станки применялись еще во второй половине XIX в. и в начале XX в. как в домашнем хозяйстве, так и в кустарной промышленности. В тот же период в Грузии появляются технически более усовершенствованные русские ткацкие станки, применяемые главным образом в городской кустарной промышленности.

Привлечением сравнительного исторического материала выясняется, что такая классификация ткацких станков полностью относится и к феодальной средневековой Грузии.

Прослеживанием исторического процесса развития грузинских народных ткацких станков, подтверждается мнение о том, что еще в античную эпоху, во времена Геродота, в Грузии можно предположить существование горизонтальных ткацких станков, на которых изготовлялись известные в тогдешнем мире Колхидские льняные изделия.

Путем изучения техники и функции грузинских народных ткацких станков и привлечения сравнительного материала устанавливается самостоятельный характер грузинских народных ткацких станков и их непосредственная связь с аналогичными ткацкими станками других кавказских народов. Грузинские народные ткацкие станки своими начальными формами входят в круг культурных достижений Древнего Востока.



თ. აბრამიშვილი

გურჯაანში აღმოჩენილი ბიზანტიური ოქროს ფული

1949 წლის მაის-ივნისში აკად. ს. ჯანაშიას სახელობის საქართველოს სახელმწიფო მუზეუმის ნუმიზმატიკის კაბინეტში სამწყებად შემოვიდა 7 ცალი ბიზანტიური ოქროს მონეტა.

პირველად, 1949 წელს 26 მაისს, საქართველოს კპ(ბ) გურჯაანის რაიონული კომიტეტის მდივანმა გურჯაანიდან ჩაპოიტანა 1 ცალი ალექსი I-ის ოქროს მონეტა და მისი პოვნის შესახებ ცნობა მოგვეწოდა. მონეტა აღმოჩენილა 1949 წლის 17 მაისს გურჯაანის მახლობლად ალაზნის არხის რეკონსტრუქციის დროს, დაახლოებით 40—50 სანტიმეტრის სიღრმეზე მიწაში.

მეორედ, 1949 წლის 13 ივნისს, მუზეუმის ისტორიის განყოფილების მეცნიერ თანამშრომელმა ვ. ჯაფარიძემ, მივლინებულმა აღმოჩენის ადგილზე ცნობების შესაკრებად, ჩაპოიტანა ალექსი I-ის ერთი ცალი მონეტა და გვაცნობა, რომ ეს მეორე ცალიც ნაპოვნი ყოფილა 22—23 მაისს, პირველი მონეტის აღმოჩენის ადგილიდან ერთი მეტრის დაშორებით. ადგილი, სადაც ეს ორი მონეტა იყო ნაპოვნი, ალაზანსა და არხს შორის მდებარეობს და მას ადგილობრივი მოსახლეობა „აგურებს“ უწოდებს.

მესამედ, 1949 წლის 27 ივნისს, იმავე არხის შეკეთებაზე მომუშავე ს. გალიანმა მუზეუმში მოიტანა ხუთი მონეტა, რომლებიც მას იქვე უნახავს, სადაც შემოსხენებული ორი ცალი იყო ნაპოვნი, ხოლო პოვნის დრო ვერ დაგვისახელა. გალიანის მიერ მოტანილი ხუთი მონეტიდან ოთხი ცალი ალექსი I-ს ეკუთვნის, ხოლო ერთი კი იოანე II-ს.

ეტყობა, ხუთივე ეს მონეტა ერთმანეთის ახლოს არის ნაპოვნი. ალბათ შეიძლება ცალი ერთად იყო მოთავსებული, მაგრამ მიწის თხრის დროს გაფანტულა და, ამის გამო, სხვადასხვა დროს აღმოჩნდა. უნდა ვიგულისხმოთ, რომ ჩვენამდე მოღწეული ნიმუშები განძის ნაწილს წარმოადგენს. ამ სავარაუდოდ მოსაზრების გამოთქმის საშუალებას ის გარემოება გვაძლევს, რომ მონეტების აღმოჩენის ადგილას თიხის პატარა ჭურჭლის ნატეხებიც იყო ნახული.

აღნიშნული ბიზანტიური ოქროს ფულები იშვიათობას არ წარმოადგენს და ნუმიზმატიკის მეცნიერებისათვის ახალს ბევრს არაფერს იძლევა. მაგრამ მუზეუმში შემოსული და დაცული ძეგლების სისტემატური აღრიცხვა-შესწავლის აუცილებლობა გვაძლევს შეიძლება მონეტის გამოქვეყნებას.

ამასთან ერთად ჩვენ განვიხილავთ საქართველოს სახელმწიფო მუზეუმის ნუმიზმატიკის კაბინეტში დაცულს ალექსი I-ისა და იოანე II-ის დანარჩენ ფულებსაც და მოცემული გვექნება მოკლე ცნობები საქართველოს ტერიტო-





რიაზე აღმოჩენილი მე-10 საუკუნის 70-იან წლებსა და მე-12 საუკუნის შორის მოჭრილი ბიზანტიური ფულების შესახებ.

დღევანდელი რაიონული ცენტრისა და რკინიგზის სადგურის გურჯაანის შორიანხლოს თანამედროვე რუკაზე აღნიშნულია ძველი გურჯაანი, რომელიც ვეჯინისა და ქოდალას მახლობლად მდებარეობს. ორი უკანასკნელი დასახლებული პუნქტი უცნობი ადგილი არ არის: თავის დროზე ვეჯინიდან მუზეუმში შემოსულა თამარის ფულის დიდი განძი<sup>1</sup>, ხოლო სოფელ ქოდალაში ნაპოვნი იყო და მუზეუმსვე გადაეცა XIII—XIV სს. მონღოლური ფულის განძი<sup>2</sup>. ყოველივე ეს გვაფიქრებინებს, რომ ჩვენი ქვეყნის ეს ნაწილი თავის დროზე დაწინაურებული ყოფილა და აღებ-მიცემობაში მონაწილეობას ღებულობდა. ამრიგად გურჯაანი მდებარეობს იმ პუნქტების მახლობლად, სადაც საკმაოდ მოზრდილი განძები აღმოჩენილა.

ძველ საისტორიო წყაროებში გურჯაანი მოხსენებული არ არის; მაგალითად, ქართველ გეოგრაფს ვახუშტს ის მოხსენებული არ აქვს არც ტექსტში და არც რუკაზე. მაგრამ ამავე საუკუნის მოგზაური აკად. გვლდენშტედტი იცნობს გურჯაანს და კახეთის სოფლების ჩამოთვლის დროს ორგან იხსენიებს მას; ერთგან გურჩანის, ხოლო მეორეგან გურდშაანის სახელით<sup>3</sup>.

დ. პაგირევი გურჯაანს 63—15; 41—45 კოორდინატებს შორის ათავსებს<sup>4</sup>.

შევუდგეთ ამ ჩვენი მონეტების განხილვას. შვიდი შემოსული ოქროს მონეტებიდან 6 ცალი კომენტების დინასტიის ერთ-ერთ წარმომადგენელს—ალექსი I-ს (1081—1118) ეკუთვნის, ხოლო ერთი—იოანე II-ს (1118—1143).

ბიზანტიური ფულის ჩვენში გავრცელებას თავით ნუმიზმატიკური ფაქტები გვიმტკიცებს, რასაც წერილობითი საისტორიო ძეგლებიც გვიდასტურებენ. საქართველოში გავრცელებული ბიზანტიური ოქროს ფულის ტურმინები გვჩვენებთ მაგალითად დავით აღმაშენებლის ანდერძში, ათონის ალაპებში და ვაჰანის ძეგლშიც. დავით აღმაშენებელს საგანძურში ბიზანტიური ოქროს ფული ბევრი ჰქონია შემოსახული, რასაც მისი შვილის დემეტრესადმი დატოვებული ანდერძით ვტყობილობთ: „ხოლო დუკატი და ბოტინატი ატენისა საქურჭლისა, იგიცა ჩემისა სისხლითა მოგებული, თუ ელვოდეს მეფე დიმიტრი, ყოველი მისცეს მოძღუარსა ჩემსა, თუ არა ნახვერისათჳს წინაშე ღუთისა ვესაჯები, რათა რომელნი მონასტერნი მამულისა ჩემისანი განმომწარებინან, მოძღუარმან ჩემმან უკუნ ცემითა მათითა ალოცნეს ჩემთვის“<sup>5</sup>.

<sup>1</sup> თ. ლომოურაძე. თამარის ფულის განძი. თბილისის სახელმწიფო უნივერსიტეტის შრომები, 1936.

<sup>2</sup> მისივე, ქოდალას განძი. საქართველოს სახელმწიფო მუზეუმის მთაბებ, ტ. XIV-B, 1947.

<sup>3</sup> Гильденштедт. Географическое и статистическое описание Грузии и Кавказа. СПб., 1809, стр. 202, 216.

<sup>4</sup> Д. Д. Пагирев. Алфавитный указатель к пятиверстной карте Кавказского края. Тифлис, 1913.

<sup>5</sup> თ. ქორდაზია. ქრონიკები. წიგნი მეორე, 1897, გვ. 51—52.



ათონის ივერთა მონასტრის ალაპებში მოხსენებულია ტერმინი „ალექსატი“, რომელიც ალექსი I-ის ფულს უნდა რქმევოდა, რადგან „დრაჰმანი ატარებდა იმის სახელს, ვის დროსაც იყო მოჭრილი. მაგალითად, ალექსატი—ალექსი კომნენისა, მიხაილატი—მიხეილ ხელმწიფისა და სხვა“<sup>1</sup>.

საქართველოს სახელმწიფო მუზეუმის ნუმისმატიკის კაბინეტში დაცული ორივე კეისრის მონეტების აღრიცხვისა და ჩვენთვის ხელმისაწვდომ სპეციალურ ლიტერატურაში არსებული ცნობების მიხედვით ირკვევა, რომ ორივე კეისარი ჭრიდა, როგორც ოქროსი და ვერცხლის, ისე ბილონისა და სპილენძის მონეტებს. საქართველოს მუზეუმის ნუმისმატიკის კაბინეტში დღეისათვის მოიპოვება ალექსი I-ის სამი ტიპის ოქროს ფული, ხოლო იოანე II-ისა—ოთხი. საერთოდ კი ცნობილია, რომ ალექსი I-ს უჭრია: ოქროს ფული ხუთი ტიპისა, ვერცხლისა და ბილონის—სამი და სპილენძისა ორი ტიპი, ხოლო იოანე II-ს—ოქროსი ოთხი ტიპი, ვერცხლის—ერთი, ბილონი და სპილენძი სამ-სამი<sup>2</sup>.

ალექსი I ეკუთვნის იმ სამეფო საგვარეულოს, რომელმაც XI საუკუნის 50-იან წლებში დაიწყო მოღვაწეობა (ისაკ კომნენი 1057—1059), მაგრამ ბიზანტიის სამეფოს შინაურ საქმეებში მომხდარ პოლიტიკურ ცვლილებების გამო კომნენების სამეფო საგვარეულოს საფუძვლიანი მოღვაწეობა მხოლოდ ამავე საუკუნის 80-იანი წლებიდან—ალექსი I-დან განახლდა.

ალექსი I-ის მონეტა, რომელიც გურჯაანში აღმოჩენილ ნიმუშებს შორის ორი ტიპით არის წარმოდგენილი, კარგი ღირსების ოქროსაგან არის მოჭრილი და ჩაღრმავების წესითაა დამზადებული. ექვსივე ცალის საერთო წონა 25,41 გრამია, რაც საშუალოდ 4,23 გრამს იძლევა, ხოლო ცალკეული ნიმუშების მინიმალურ-მაქსიმალური მონაცემები 4 გრამიდან 4,32 გრამამდე მერყეობს.

ვიძლევიტ ამ მონეტების სურათებსა<sup>3</sup> და აღწერილობას.

1. დიამეტრი  $\frac{21}{28}$  მმ, ხოლო წონა 4,24 გრამია (განძის ფონდი № 5322).



სურ. 1

<sup>1</sup> ათონის ივერთა მონასტრის კრებული. თბილისი, 1901, გვ. VI.

<sup>2</sup> F. Sauloy. Essai de classification des suites monétaires Byzantines, Metz, 1836,, აგრეთვე Wroth W. Catalogue of the imperial Byzantine coins in the British Museum, V. II London, 1908.

<sup>3</sup> გადიდებულია 1 $\frac{1}{2}$ -ჯერ.


შუბლი: წვერულვაშიანი ალექსი I-ის გამოსახულება პირდაპირ.  
 კეისარი სამეფო სამოსელშია გამოწყობილი; თავზე ადგია სტემა, კ-  
 ლიდანაც აქეთ-იქით თითო ტოტია დაშვებული; გაწვდილ მარცხენა ხე,  
 უჭირავს ჯვრიანი სფერო, დოინჯშემოყრილ—მარჯვენა ხელში კი მოგრძობ-  
 ნიანი ლაბარუმი; ზემოთ, თავის მარჯვნივ—ლეთაების მაკურთხეველი ხელი;  
 მარცხნივ და მარჯვნივ—ვერტიკალურად განლაგებული წარწერა ბერძნულით

A	T
AE	TH
ZI	RO
HI	MN
ΔEC	N
HO	HI
T	

ე. ი. მარცხნივ—„ალექსი დესპოტი“, მარჯვნივ—„კომნენის“; ირგვლივ  
 წერტილოვანი ორმაგი რკალი ნაწილობრივ ჩანს.

ზურგე: ქრისტე შის პირდაპირ, გრძელი კვართით შემოსილი, შარავანდე-  
 დით თავზე; მარცხენა ხელში უჭირავს სახარება; მარჯვენა ხელი აპუ-  
 რობილია კურთხევისათვის; ზემოთ, თავის მარჯვნივ და მარცხნივ ბერ-  
 ძნულად | C XC „იესო ქრისტე“, გარშემო: KERO HOE |, ე. ი.

„უფალო შემწყალებ“. ყველაფერს შემოვლებული აქვს ორმაგი რკალი.  
 დანარჩენი მონეტებიც—№№ 5323, 5325, 5327, ასეთივე ტიპისაა.  
 2. დიამეტრი <sup>25</sup>/<sub>29</sub> მმ უდრის, ხოლო წონა 4,32 გრამს (განძების ფონ-  
 დი № 5324).



სურ. 2

შუბლი: ალექსი I-ის მონეტის მეორე ტიპი ერთი შეხედვით ზემოაღწერილი  
 მონეტის მსგავსია, განსხვავება მხოლოდ დეტალებშია: სამოსი, ლაბა-  
 რუმი, განსაკუთრებით ჯვრიანი სფერო (დაყრდნობილია ექვს სფეროს



მსგავს საგანზე) და ნაწილობრივ ზედწერილი, თუმცა ასოთა განლაგება აქაც ვერტიკალურია და შინაარსიც იგივეა.

A	THI
ΔE	RO
ZIII	MN
ΔEC	NII
ΠO	
TH	

ე. ი. მარცხნივ „ალექსი დესპოტი“; მარჯვნივ — „კონენის“; ირგვლივ წერტილოვანი ორმაგი რკალია.



სურ. 3

ზურგე: ზემოაღწერილის მსგავსია, ხოლო სხვა შტამპით არის მოჭრილი — უმნიშვნელო განსხვავება ემჩნევა. № 5326 მონეტაც ისეთივეა, როგორც № 5324. ალექსი I-ის მონეტის ზედწერილი, მეფის გვარისა და სახელის გარდა, როგორც ვხედავთ „დესპოტის“ ტიტულსაც შეიცავს.

იოანე II (1118—1143).

ალექსი I-ის შემდეგ ბიზანტიის საკეისრო ტახტზე იოანე II ავიდა.

იოანე II-ის მონეტა ასეთია:

3. დიამეტრი  $29/30$  მმ უდრის, წონა—4,38 გრამს (განძების ფონდი № 5328).

შუბლი: წელზევითი გამოსახულება იოანე II-ისა და ღვთისმშობლისა პირდაპირ; კეისარი მდიდრულ სამოსშია გამოწყობილი; თავზე ადგია სტემა, რომლიდანაც თითო ტოტი ეშვება; ღვთისმშობელს თავზე ადგია შარავანდედი და შემოსილია ჰიმეტიონით; მათ შორის აღმართულია ორტოტა ჯვარი, რომელზედაც ორივეს აქვს ხელი მოკლებული; კეისარს მარჯვენა ხელში გრაგნილი აქვს (?); თავის ზემოთ ღვთაების მაკურთხეველი ხელი; ღვთისმშობელს მარცხენა ხელის მტევანი ზემოთ აქვს აღმართული; მარცხენა მხრის ზედწერილის მხოლოდ ბოლო ასო II არის შერჩენილი; წმინდანის გვერდით, მონეტის კიდეებზე დაქარაგმებული ბერძნული ზედწერილია: მარჯვნივ—MP, ზემოთ—ΘV— „დედაო ღვთისა“, ირგვლივ წერტილოვანი ორმაგი რკალი.



ზურგე: განსხვავდება პირველი ნომრისაგან მხოლოდ იმით, რომ გარ-  
 შემოწერილი ზედწერილი არ გააჩნია.

შემოსული შვიდი მონეტა, როგორც უკვე ითქვა, ჩალრმეების წესით  
 არის მოჭრილი, მაგრამ ორი ცალის გარდა ჩვენამდე ყველა გაბრტყელებუ-  
 ლი მოიტანეს. ჩანს მპოენელს მათთვის ჩეულებრივი სახის მიცემა მო-  
 სურებია და ამ „გასწორების“ პროცესის დროს საკმაოდ დაუყეფია.

ამ მასალაზე მუშაობის დროს საშუალება მოგვეცა იმდროინდელი ბიზან-  
 ტიური ფულების საქართველოს მიწა-წყალზე გავრცელების შესახებ არსებული  
 ცნობებისათვის თავი მოგვეყარა. ეს დამატებითი მასალა საქართველოს სახელ-  
 მწიფო მუზეუმის ნუმისმატიკის კაბინეტში დავროვილი ფაქტიური მასალის  
 სახით არის მოთავსებული. ზოგიერთ მონეტას თანდართული აქვს საჭირო  
 ცნობები მოპოვების ადგილისა და გარემოების შესახებ, ანალოგიური ცნობე-  
 ბით ვისარგებლეთ სათანადო ლიტერატურიდანაც<sup>1</sup>.

ეს ცნობები შეეხება იმდროინდელი ფულის, როგორც განძების, ისე ცალ-  
 კეული ცალების, პოენასა და გავრცელებას.

თავმოყრილი ცნობების მიხედვით ირკვევა, რომ ბიზანტიური ფული  
 (უმთავრესად სპილენძი და ოქრო) ვრცელდება ჩვენში როგორც აღმოსავ-  
 ლეთ, ისე დასავლეთ საქართველოში. დღეისათვის ბიზანტიური ფულის პოე-  
 ნის შემთხვევა აღმოსავლეთ საქართველოში 23-ჯერ გვაქვს აღრიცხული, ხო-  
 ლო დასავლეთში—სამჯერ.

ამის გარდა აკად. ს. ჯანაშიას სახელობის საქართველოს სახელმწიფო  
 მუზეუმის ნუმისმატიკის კაბინეტში საკმაოდ დიდი რაოდენობით დაცულია  
 ამავე პერიოდის ბიზანტიური მონეტები, რომლებსაც მოპოვების შესახებ სა-  
 თანადო ცნობები არ გააჩნიათ. შესაძლებელია, რომ ამ ნიმუშებიდან ყველა  
 თუ არა, ნაწილი მაინც ჩვენ მიწა-წყალზე იყოს ნაპოვნი. მაგრამ სხვადასხვა  
 მიზეზების გამო მათ შესახებ ცნობებმა ჩვენამდე ვერ მოაღწია. დღეისათვის  
 არსებული მასალა, ბიზანტიური ფულების საქართველოში გავრცელების შე-  
 სახებ, საბოლოოდ და ამომწურავად ვერ ჩაითვლება, რადგან უნდა ველო-  
 დოთ, რომ დღევანდელი ფართოდ გაშლილი სოციალისტური მშენებლობისა  
 და არქეოლოგიური თხრის შედეგად საჭირო ცნობებიც სათანადოდ გაიზრ-  
 დება.

საქართველოსა და ბიზანტიას შორის არსებული ხანგრძლივი ურთიერ-  
 თობის ისტორია ცნობილია. უდავოა, რომ პოლიტიკურ ურთიერთობას  
 ეკონომიური ურთიერთობაც თან სდევდა, რასაც ცხადყოფს იმდროინდელი ბი-  
 ზანტიური ფულის სიმრავლე და ამ ფულის ბიზანტიური ტერმინების შემო-  
 ნახვა წერილობით ძეგლებში.

შეიძლება ითქვას, რომ მე-10 საუკუნის ბოლოდან მოყოლებული მე-12  
 საუკუნის ჩათვლით ჩვენში თითქმის ყველა კეისრის ფული შემოდის. ის გა-  
 რემოება, რომ ფული აქვე რჩება, იმის მაჩვენებელია, რომ მას აქ ბრუნვის  
 უნარი ჰქონდა.

<sup>1</sup> Е. А. Пахомов. Монетные кланы Азербайджана и Закавказья-ს მე-5 წიგნი  
 გამოცემული სხვადასხვა დროს.



ამრიგად, საქართველოს მიწა-წყალზე ნაპოვნი ბიზანტიური ფულსა და მონეტების რაოდენობა შესაძლებლობას გვაძლევს ვიფიქროთ, რომ იგი ჩვენში უხვად შემოდის, ბრუნვის უნარი ჰქონდა და აქვე ილექებოდა. მაგრამ ამის თქმა ვერცხლის ფულზე, ჯერჯერობით მაინც, არ შეგვიძლია. შესაძლებელია, რომ აღმოსავლეთის ქვეყნებისათვის იმ დროის დასახასიათებელი ე. წ. „ვერცხლის კრიზისი“ ნაწილობრივ მაინც ბიზანტიასაც შეეხო.

Т. Я. АБРАМИШВИЛИ

## НАХОДКА ВИЗАНТИЙСКИХ ЗОЛОТЫХ МОНЕТ В ГУРДЖААНИ

### Резюме

Существовавшие между Грузией и Византией продолжительные политические связи влекли за собой и экономические взаимоотношения, о чем свидетельствуют письменные источники и многочисленные находки в Грузии византийских монет.

Поступившие в Государственный Музей Грузии им. акад. С. Н. Джанашиа византийские монеты XI—XII в.в. не представляют собой какой-нибудь редкости и их публикация оправдывается лишь стремлением систематически публиковать фонды нашего музея. Найденные летом 1949 года недалеко от Гурджаани при реконструкции алазанского канала, эти 7 поступивших монет принадлежат двум представителям династии Комненов-Алексию I-му и его сыну Иоанну II-му и, таким образом, могут быть датированы последним двадцатилетием XI и первой половиной XII века. Из них шесть принадлежат Алексию I-му и одна Иоанну I-му.

Из монет, принадлежащих этим историческим лицам, известен монетный тип с изображениями обоих императоров и, надо полагать, относится к периоду соцарствования. Каждый из них чеканил монеты и самостоятельно, из золота, серебра, биллона и меди. Фонды Музея Грузии содержат три типа золотых монет Алексия I-го и четыре Иоанна II-го. Вообще же, на основании имеющегося у нас фактического и литературного материала, установлено, что Алексий I чеканил 5 типов золотых монет, по три из серебра и биллона и два из меди. Иоанн же II-ой—четыре из золота, по три из серебра и меди и один из биллона.

Доставленные из Гурджаани монеты принадлежат к категории т. н. „вогнутых“, но в таком первоначальном виде до нас дошли лишь две, остальные же пять находчиками были выравнены.

По монетам нумизматического кабинета, а также собраному нами фактическому и литературному материалу, установлено, что с конца X века и вплоть до начала XIII века, обильно поступающие из Византии



монеты оседали тут-же в Грузии, что свидетельствует о том, что они имели тут обращение. Сказать то же про серебряные монеты мы пока не можем, т. к. их находки тут не фиксируются, а потому, можно полагать, что серебряный кризис, характерный для стран Востока того периода, частично коснулся и Византии. Любопытно также, что пока, во всяком случае, в восточной Грузии византийские монеты попадают значительно чаще, чем в западной.

---



ირ. ჯალალანია

მონღოლური დროის უცნობი თბილური დრამა

წინამდებარე წერილი მიზნად ისახავს დღემდე უცნობი მონეტის პუბლიკაციას და ამით ქართული ნუმისმატიკური ძეგლების ერთ-ერთი ჯგუფის შევსებას.

1949 წ. აკად. ს. ჯანაშიას სახელობის საქართველოს სახელმწიფო მუზეუმმა შეიძინა კერძო პირისაგან ერთი მონეტა, რომელმაც თავიდანვე მიიქცია ყურადღება:

მონეტა ვერცხლისაა, წონა 2,61 გრ დიამ. 20/21 მმ. საქ. სახ. მუზეუმის ქართული ფულის ფონდი № 3096



სურ. 1

შუბლი: ხაზოვან რკალში მოთავსებულ წერტილოვან ოთხკუთხა ჩარჩოში მაჰმადიანური სარწმუნოებრივი სიმბოლო არაბულად:

لا اله الا الله	არ არის ღმერთი გარდა
الله محمد	აღლაჰისა, მუჰამადი
الله رسول	მოციქული აღლაჰისა.

ამ ჩარჩოსა და რკალს შორის შექმნილ ოთხ სეგმენტში არაბულადვე:

ზევით: ضرب نقليس	მოიჭრა თბილისში
მარცხნივ: سنة ثلث	წელსა ექვსას ორმოცდა სამს.
ქვევით: و اربعين	
მარჯვნივ: وستماية	

ზურგი: ორი პარალელური ხაზისაგან შემდგარი ექვსკიმიანი ვარსკვლავი. პარალელურ ხაზებს შორის ხშირი წერტილები. ვარსკვლავის ცენტრში არაბულად, ორ სტრიქონად:



قان ყან  
 كادلا სამართლიანი

ვარსკვლავი ორმაგ ხაზოვან რკალში ჩასმული. ამ პარალელურ ხაზებს შორისაც ხშირი წერტილებია. რკალსა და ვარსკვლავს შორის შექმნილ სეგმენტებში—სხვადასხვა ორნამენტები.

როგორც აღწერილობიდან ჩანს, მონეტა ფრიად საყურადღებოა. იგი ეკუთვნის იმ ჯგუფის მონეტებს, რომლებიც უცხო მფლობელთა სახელით იჭრებოდა საქართველოში XIII საუკუნეში. აღნიშნული ტიპის მონეტების წარმოშობის ვითარება კარგად არის ცნობილი: მონღოლთა შემოსევამ და დამკვიდრებამ XIII საუკ. 30-იანი წლებიდან კარგახნით შეაფერხა საქართველოს ეკონომიური და კულტურული წინსვლა. ამ პროცესმა მკაფიო კვალი და სტოვა ქართულ ნუმიზმატიკაში.

„თუ აქამდე საქართველოში საკუთრივ ქართული ფული იჭრებოდა, ამ დროიდან წარმოიშვა ორი დამოუკიდებელი და ერთიმეორისაგან სრულიად განსხვავებული სამონეტო სერია: 1) საკუთრივ ქართული, ქართველ მეფეთა სახელებით აღბეჭდილი და 2) საქართველოში მოჭრილი, უცხო მფლობელთა სახელების მატარებელი მონეტები, მუსლიმანური და მონღოლური წარწერებით“<sup>1</sup>.

მონეტების ამ უკანასკნელი ჯგუფიდან დღემდე გამოქვეყნებული არის ორი ნიმუში: ვინაიდან ქართულ ენაზე ისინი არაეის აღუწერიო, საქიროდ ვცანიო აქ მათი ვრცელი აღწერილობის მოტანა.

თარიღის შერჩენილი ფრაგმენტების მიხედვით პირველი მათგანი 630-იან წლებში არის მოჭრილი (სამწუხაროდ, ჩვენ ხელთ მყოფ ცალეებზე თარიღის ერთეულები გაურკვეველია—37 თუ 39 წ.). აღნიშნული მონეტა ასეთი სახისაა:

წონა მერყეობს 2,65—2,76 გრ

ზომა—18-დან 22 მმ-დე.

საქ. სახ. მუზეუმის ქართული ფულის ფონდი—№ 313.

ვერცხლი, წონა 2,65 გრ, დიამ. 21/22 მმ

შუბლი: წერტილოვან რკალში, სუნიტური სიმბოლოა არაბულად

لا اله الا الله არ არის ღმერთი გარდა

الله-ისა ალლა-ჰისა, მუჰამადი

الله رسول მოციქული ალლაჰისა

რკალის გარეთ, კიდეზე დარჩენილია თარიღის ფრაგმენტები—(6) 37 თუ (6) 39 წ. პიჯრით.

ზურგი: წერტილოვან რკალში არაბულად:

<sup>1</sup> დ. გ. კაპანაძე. ქართული ნუმიზმატიკა. თბ., 1950, გვ. 56.



ان کا یان

ان کا سامართლიანი

ამის ქვეშ დაკვირვებული მშვილდის გამოსახულება; რკალის გარეთ, კიდევ, არა-  
ბულადვე მოჭრის ადგილი:

تفلس—თბილისი

სხვა ნიმუშების მიხედვით ირკვევა ასეულებიც და ამრიგად მონეტა  
ქრონოლოგიურად თავსდება 1232—1242 წლებს შორის.

მომდევნო სამონეტო ტიპი შემდეგი სახისაა:

ვერცხლი, წონა 2,87 გრ, დიამ. 22/23 მმ.

საქ. სახ. მუზეუმის ქართული ფულის ფონდი № 2887.

შუბლი: სუნიტური სიმბოლო არააბულად:

ا ا ا ا არ არის ღმერთი გარდა

الله محمد ا ا ალლაჰისა, მუჰამადი

الله رسول ا მოციქული ალლაჰისა

ამ წარწერის ვერტიკალურად:

მარცხნივ: في سنة ا ا ا

ქვევით: و ا ا ا

მარჯვნივ: [ا ا ا]

წელსა (ექვსას) ორმოცდა ორსა.

ირგვლივ წერტილოვანი რკალი.

შურგი: გაჭენებულ ცხენზე მჯდომი და მცირედ შემობრუნებული მხედარ-  
ი შემართული მშვილდით. ცხენის ფეხებს შორის—კურდღელი. მხედრის გა-  
მოსახულების ზემოთ, ნახევარ წრისებურად, წარწერა ერთ-ერთ თურქულ ენაზე:

الع منقل الوس بيك მონღოლთა დიდი ულუს ბეკი.

ცნობილია, რომ ამ ტიპის მონეტები იჭრებოდა როგორც თბილისში,  
ისე ა/კ. სხვა ქალაქებშიც—განჯა, ნახჭევანი, ბაქო.

ზემოთ აღწერილ ორ სამონეტო ტიპს 652 წ-დან მოსდევდა თბილის-  
შივე მოჭრილი, მანგუ-ყაანის სახელით აღბეჭდილი ვერცხლისა და სპილენ-  
ძის მონეტები. ამრიგად, 642—652 წწ. შორის ამ ჯგუფის მონეტებში ხარვე-  
ზი შეუვსებელი რჩებოდა. სწორედ ამ ხარვეზს ნაწილობრივად აესებს ზე-  
მოაღწერილი, აქამდე უცნობი მონეტა.

ჩვენთვის საინტერესო მონეტაზე გამოსახული ვარსკვლავი წარმოადგენს  
ე. წ. „სოლომონის ბეჭდის“ სქემას. ეს ნიშანი შემდეგში, გამარტივებულ  
სახით, XIII საუკუნის „კირმანელი თეთრის“ სამონეტო ტიპის თითქმის  
აუცილებელი ელემენტია. ამგვარად ეს დღემდე უცნობი მონეტა საინტერე-  
სოა იმით, რომ:

1) აესებს ხარვეზს დასახელებულ ანონიმურ მონეტებსა და მანგუ-ყაანის  
ღირკემებს შორის და

2) მასზე პირველად ჩნდება იმ ექვსქიმიანი ვარსკვლავის გამოსახულება,  
რომელიც შემდეგ არაერთხელ გვხვდება ქართულ ნუმისმატიკურ ძეგლებზე.  
ამავე ხანას ეკუთვნის კიდევ რამდენიმე საინტერესო, ჯერ გამოურკვე-  
ველი ნიმუში, რომელიც ცალკე შესწავლის საგანს შეადგენს.





## НЕИЗВЕСТНЫЙ ТБИЛИССКИЙ ДИРГЕМ МОНГОЛЬСКОГО ВРЕМЕНИ

### Резюме

Тбилисские диргеми монгольского времени представлены многочисленными отдельными разновидностями и вариантами. Наиболее из них редкими являются первые анонимные диргеми с изображениями натянутого лука (630-ые годы гижры), или скачущего всадника (642 г. гижры). Оба эти диргема в свое время были изданы.

В этой же статье дается описание аналогичного диргема, который, судя по существующему материалу, известен пока в единственном экземпляре.

Желая шире ввести его в научный обиход, даем его подробное описание:

Монета серебряная. Вес—2,61 гр; диам. 20/21 мм.

Фонд грузинских монет Гос. Музея Грузии № 3096.

Лицевая сторона: в точечной четырехугольной рамке сунитский символ веры по арабски:

لا إله إلا الله  
 нет божества кроме  
 الله محمد  
 Аллаха, Мухаммед  
 رسول الله  
 посол Аллаха.

Вокруг рамки линейный ободок. Между рамкой и ободком, в четырех сегментах по арабски:

сверху: ضرب تقيس	чекан Тифлиса
слева: سنة ثلث	в году шестьсот
снизу: و اربعين	сорок третьем.
справа: وستماية	

Оборотная сторона: шестилучевая звезда, составленная из двух параллельных линий, между которыми частые точки.

В центре звезды по арабски две строки:

قالن Каан  
 العادل правосудный

Звезда помещена в двойной линейный ободок. Между ободками также частые точки.

В сегментах между ободком и лучами звезды—орнаменты.

Эта монета интересна потому что:

1) заполняет пробел, существующий между названными анонимными диргемами и монетами Мунгке-Каана;

2) на ней впервые появляется рисунок шестилучевой звезды, который в дальнейшем неоднократно встречается на памятниках грузинской нумизматики.

ა. ჩოლოყაშვილი

ქართული საბრძოლო იარაღები

ფ ა რ ი

აკად. ს. ჯანაშიას სახ. საქართველოს სახელმწიფო მუზეუმის ეთნოგრაფიის განყოფილების საბრძოლო იარაღის ფონდში დაცულია ძველი ქართული ფარების მნიშვნელოვანი კოლექცია. სახელწოდებას „ქართული ფარი“ ჩვენ უახლოვებით საქართველოს ეთნოგრაფიულ სინამდვილეში შემონახული ფარების აღსანიშნავად.



სურ. 1

ეთნოგრაფიის განყოფილების იარაღის ფონდში დაცული ქართული ფარები ფორმის მიხედვით მრგვალია. მათ შორის სამ ტიპს ვარჩევთ: 1) ხის ფარი ტყავადაკრული (სურ. 1), 2) ტყავის ფარი ლითონით შეკრულ-შეკედილი (სურ. 2) და 3) ლითონის ფარი ლითონითვე შეკრულ-შეკედილი



(სურ. 3). მუზეუმში დაცული მეორე ტიპის ფარები სამი სახისაა: ერთი — ანი, ორრკალიანი და სამრკალიანი — „გირგოლიანი“. დასახელებული იარაღიდან ჩვენ სავანგებოდ შევჩერდებით ფარების მხოლოდ ორ სახეობაზე.

პირველი ტიპის მრგვალი ფარი, კოლ. № 25—25/1, ტყავისაა (სურ. 1),



სურ. 2

რომელიც ხეზე გადაკრული. მისი დიამ. 50 სმ-ია. ტყავზე სხივთა კონად განლაგებულია ლითონის წვრილი ზოლები, რომლებიც თავს იყრიან ფარის ცენტრში ლითონის გუმბათში, რაც ერთად აღებული მის სახესა ჰქმნის. ლითონის სიმები ტყავში ჩამაგრებულია სამსკვლებით. სამსკვლების ადგილი წარმოადგენს ოთხკუთხე ფორმის ფრაფიტებს.

თითოეულ შოლტს სამი ასეთი ფრაფიტა აქვს, რომელიც ქმნის სამ კონცენტრულ წრეს. ფარს ნაპირებზე შემოვლებული აქვს ლითონის კოპლები, რომლებიც ბევრგან აკლია.

ფარის ხის ზურგზე დამაგრებულია ტყავის სახელური—საბლუჯი.

აღწერილი ფარი 1925 წელს სვანეთიდან—ს. სასაშის ეკლესიიდან ჩამოტანილია პროფ. გ. ჩიტაიას მიერ. ფარში ჩამჯდარი ყოფილა ისარი. ისარგაყრილი ფარის არსებობა, რაც სვანეთის ეკლესიის კედლის მოსართავს წარმოადგენდა, მეოცე საუკუნის საქართველოს ეთნოგრაფიულ სინამდვილეში მნიშვნელოვანი მოვლენაა.

საქ. მუზეუმის ფარების კოლექციითა შორის მოიპოვება ისეთებიც, რომლებიც მუზეუმში შემოსულია თითქმის 100 წლის წინაა. ასე, მაგალითად,

ხევსურულ ფარებს შორის დაცულია კოლ. A №  $\frac{25-66}{1}$  (სურ. № 2), რომელიც


„კავკასიური მუზეუმის“ ეთნოგრაფიის კაბინეტში 1854 წელსაა შემოსული. როგორც ბოლო ხანებში გაირკვა, ეს ფარი ხევსურულ კოსტუმთან და იარაღთან ერთად აღნიშნული მუზეუმისათვის გადმოუცია ქართველ ეთნოგრაფს, პოეტს და ცნობილ საზოგადო მოღვაწეს მიხეილ თუმანიშვილს, რომელიც აქტიურ მონაწილეობას ღებულობდა რაფიელ ერისთავთან ერთად ამ მუზეუმის ეთნოგრაფიის კაბინეტის შექმნასა და ჩამოყალიბებაში<sup>1</sup>.

დასახელებული ფარიც მრგვალი მოყვანილობისაა. დიამეტრი— $32\frac{1}{2}$  სმ. ფარის მასალად ტყავი და ლითონია გამოყენებული. ფარის ტყავ-ლითონი

<sup>1</sup> გ. ჩაჩაშვილი. საქართველოს ეთნოგრაფიის ისტორიიდან—მიხეილ თუმანიშვილი. საქ. საბ. მუზეუმის მოამბე, ტ. XVII-ბ, გვ. 110. აღნიშნული ფარის ფოტოსურათი გამოქვეყნებულია გ. ჟორდანიას წიგნში—„კავკასიური მუზეუმის დაარსება“, 1951, ტაბ. II.




ერთმანეთთან მკადროდ არის მიკრული, ლითონის თავკობლიანი და ბოლო გაბრტყელებული სამსკვლებით. ტყავის ზედაპირზე — შუაგულში დაკრულია ფარის რკინის გული — ოთხკუთხი ფორმის რკინა — „გუმბათის ხატი“, რომ-



სურ. 3

ლის კუთხეები წაგრძელებულია ოთხი წვრილი „შოლტით“ — „ჯიდი“-თ. ასევე ფარის ზურგზე და ტყავის ზემოთ ერთმანეთის ჯვარედინად დაკრულია რკინის ორი გადანაკეფთი შოლტი — „ჯიდი“. ყველა ამ ექვს შოლტს ზევიდან შემოვლებული აქვს ორი კონცენტრული რკალი „გირგოლი“ (2—2½ სმ სიგანისა). პირველი რკალი ფარის „გუმბათიდან“ დაშორებულია 10½ სმ, ხოლო მეორე 13 სმ. პირველი რკალი შექედილია 25 სამსკვლით, მეორე 38-ით. სამსკვლებს შორის მანძილი 2-დან 3 სმ აღწევს. ფარის რკინის გული ტყავზე 8 სამსკვლითაა დამაგრებული.

ფარის ზურგი ტყავგადაკრულია, შუაში რკინის კაპეზე ჩაბმულია ტყავის სახელური „საბლუჯი“. იგი თასმითაა დაწნულ-დავრეხილი. „საბლუჯის“ ქვემოთ ფარის ორ კაპზე გამოზმულია ტყავის სამხრე ანუ მჭარსაკიდი. (სურ. 6).




სურ. 4



ფარი ნახმარია, ოდნავ დაზიანებულია ფარის გარეთა წრე — გირგოლი ადგილ-ადგილ ჩაქრილია. ბრძოლის დროს განსაკუთრებით ზიანდებოდა ფარის გარეთა რკალი „გირგოლი“, რასაც ხევესურული ლექსიც ადასტურებს: „აცა, დაიცა, ლამბერლო!“ შავანამ შავაგება ფარით.

ფარის გირგოლი გააწყვეტინა, „შაჟან, გაგიწითდა მკარიო“<sup>1</sup>. ეთნოგრაფიული თვალსაზრისით განსაკუთრებულ ყურადღებას იქცევს ფარის დამზადების ხალხური ხერხები.

ფარის დამზადება დიდ დახელოვნებას და გამოცდილებას თხოვლობდა.



სურ. 5

ფარს ყველა კი ვერ გააკეთებდა, არამედ ამ საქმეში საგანგებოდ დახელოვნებული მჭედელი იყო საქირო.

ჩვენ მიერ შეგროვებული მასალის მიხედვით ხევესურები ფარის დასამზადებლად იყენებდნენ ხარის გავის — „ნეჯების“ ტყავს. ადგილობრივთა სიტყვით: „უვარგის ტყავს ნახაზები გასდევს, კარგი კი უხაზოა, რკინასავით გალესილია“. ფარის ტყავად სწორედ ასეთ კარგ „უხაზო და რკინასავით გალესილ“ ტყავს<sup>2</sup> არჩევდნენ. ხარის გატყავების შემდეგ ტყავი ჯოხების საშუალებით „ქალაღღვით უნდა გაესწორებინათ“. გას-

წორებული ტყავიდან ფარისათვის მრგვალ ნაქერს მოსჭრიდნენ გავიდან. ფარის ტყავს ვასამუშავებლად გაქვარტლული ქონით ჩავლესავდნენ<sup>3</sup>. საფარე ტყავის დასამუშავებლად კერის ზევით თალიდან ჩამოსწმენდნენ ქვარტლს და ადუღებულ წყალში ჩაჰყრიდნენ და აქვე ჩადებდნენ ტყავს. ტყავი „დილიდან მეორე დილამდის“, ე. ი. 24 საათი, უნდა ყოფილიყო მოთავსებული ქვარტლიან წყალში. ტყავს შემდეგ გააშრობდნენ<sup>4</sup>. გიგია ჭინჭარაულის გადმოცემით საუკეთესო ფარის ტყავად კამეჩის ტყავსაც ხმარობდნენ.

<sup>1</sup> ა. შანიძე, ქართული ხალხური პოეზია, I, ხევესურული, გვ. 43.

<sup>2</sup> ს. მავალათიას ცნობით „ფარი აქ (ხევესურეთში — კ. ჩ.) ფასობს ხუთ გირვანქა ერობდ“ სტუდენტ გ. გასიტაშვილის მასალის თანახმად კი ფარის დასამზადებლად მჭედელი სამ ცხვარს თხოვლობდა. ჩვენი მასალით ფარის დამზადება ერთი ცხვარი ღირებულა. ფარის ღირებულების ცვალებადობა დამოკიდებული იყო გარემოების და დროის ცვალებადობაზე.

<sup>3</sup> ეთნოგრაფ მ. კედეღაძის ცნობით.

<sup>4</sup> მთხრობელ თ. ბურდულის ცნობით.



მკედელი რკინას კვერით გრდემლზე — „ქურთემულზე“ ბრტყლად გაკეთხავდა.

რკინიდან თევის საშუალებით მკედელი გამოჭრიდა გირგოლებს და შოლტებს — ფარის რკინის ხიდებს, ან ცეცხლში დარბილებულ რკინას კვერით ქურთემულზე დაამრგვალბდა. ამის შემდეგ რკინასა და ტყავს „სახვრეტათი“ დახვრეტავდა. ნაჩვრეტებს დალურსმავდა და ფარის ზურგიდან ფარის წინა მხარეზე გამოსულ ლურსმნის წვერებს გრდემლზე კვერით დაათარეშებდა.



სურ. 6



სურ. 7

ფარს მკედელი ჯერ გარე — პირველ „გირგოლს“ შემოაკრავდა, შემდეგ — მეორესა და მესამეს, შუაში კი ოთხკუთხა რკინას — „გუმბათის ხატს“ ჩასვამდა. ამგვარად ფარი ძირითადად მზად იყო.

ასე დამზადებულ ფარს რამდენიმე დღე საცხოვრებელი ბინის თავზე — „კეზის“ თავზე გასაქვართლად ჩამოჰკიდებდნენ. ხარის ტყავის გარუჯვაზე ჩვენ ყურადღება საგანგებოდ იმიტომ შევაჩერეთ, რომ, როგორც შემდეგ დავინახავთ, ფარის ფერი — სიშავე გარკვეულ მნიშვნელოვან საკითხს უკავშირდება.

ფარის მასალად იყენებდნენ აგრეთვე ტახის ან შინაური დიდი ღორის გვერდის ტყავსაც. მუზეუმში დაცული რაჭული ფარის მასალად გამოყენებულია ღორის ტყავი (კოლექც. № 10—26/29). მას ჯაგარი ეხლაც ზედა აქვს შერჩენილი. ფარის მასალად ღორის ტყავის გამოყენების გამო, რომელზედაც ხუსტი ლითონია შემოვლებული, რაჭულ ფარს ფორმა დაკარგული აქვს, იგი



გალუნულია. ფარის განმარტებისას საბა ორბელიანი გლემურმზე მიუ-  
 თითებს, რაც მისი ახსნით არის: „ეშუსა ტყავსა და ჯორცთა შუა მაგარი გარ-  
 სი რამე აქუს, ვიეთნი ფარად უწოდენ (ველურის ტახის მაგარი რამე არს,  
 შთატანებული ტყავთა და ჯორცთა შუა...)“<sup>1</sup>.



სურ. 8

„ქართლის ცხოვრებაში“ ვახტანგ გორგასალის ფარის შესახებ საყურად-  
 ლებო ცნობაა დაცული. გორგასალისა და ოსეთის მხედარმთავრის ბაყათარის  
 ბრძოლა აქ ასეა აღწერილი: „და ვერა ჰკრა ისარი, ორის ისრისაგან მეტი,

<sup>1</sup> სულხან-საბა ორბელიანი. ქართული ლექსიკონი. 1928.

ბაყათარ ფარსა ვახტანგისასა, და ვერ ჰკუთებდა ყოვლად...<sup>1</sup> გორგასანდ...  
 ფარის დაუზიანლობის გამო ბაყათარს ისარი ვახტანგის ცხენისთვის უსვრია.  
 ან კიდევ „განაწესა ვახტანგ სპანი... და აღჯდა ტაიჭსა, შეკურვილსა  
 ჯავშნითა, და აღილო ფარი მისი ვიგრის ტყავისა, რომელსა ვერ ჰკუთებდა მა-  
 ხვილი“<sup>2</sup>. ბერძენთა მხედართმთავრისა პალეკარტოს და გორგასანდის ორთა



სურ. 9

ბრძოლა ასეა აღწერილი: „და დასცა ლახუარი პალეკარტოს ფარსა ვახტან-  
 გისსა, რომელი იყო ვიგრის ტყავისა, და განვლო ფარსა ვითარ წყრთა ერთი.“

<sup>1</sup> „ქართლის ცხოვრება“. ანასეული ვარიანტი. თბილისი, 1942, გვ. 101—102. -

<sup>2</sup> იქვე, 83-101.



რამეთუ იყო სიმსხო ლახურისა, ვითარ მკლავი კაცისა. და მისცა შეფე-  
 მან ფარი იგი ლახურსა მისსა და მიეტევა პირისპირ, და სცა ჯრმალი ჩაბა-  
 ლახსა ზედა, და განაპო თავი მისი ვიდრე ბეჭთამდე<sup>1</sup>.



სურ. 10

ე. ი. „ქართლის ცხოვრების“ მეორე ცნობა ვახტანგ გორგასალის თა-  
 რის „ვიგრის ტყავისა, რომელსა ვერ ჰკვეთდა მახვილიო“<sup>2</sup>, „ქართლის ცხო-  
 ვრების“ მომდევნო ცნობით არ მართლდება, რადგან პალეოკარტოს მახვილმა  
 განაპო—„განავლო ფარსა წყრთა ერთი“<sup>3</sup>.

სწორედ ეს მდგომარეობა გამოიყენა ვახტანგ მეფემ და „მისცა შეფემან

<sup>1</sup> „ქართლის ცხოვრება“. ან. სულელი ვარიანტი. თბილისი, 1942, გვ. 118.

<sup>2</sup> იქვე, გვ. 101.

<sup>3</sup> იქვე, გვ. 118.



ფარი იგი ლახუარსა მისსა და მიეტევა პირისპირა<sup>1</sup>. და თავის ზმალი ისეთი სიძლიერით დაჰკრა პალეკარტოსს ჩაბალახზე, რომ თავი გაუპო ბეჭამდის. ამის შემდეგ აღწერილია ქართველი მებრძოლების მიერ დამპყრობლების დამარცხება. ვიგოს საბა შემდეგნაირად განმარტავს: „ვიგრი—ქართლის ცხოვრებაში სწერია: „ვახტანგს აქუნდა ფარი ვიგრისაო“. წმინდა ბასილი სწერს: „ლომი, ვიგრი და ვეფხიო“. აწ ვიგრის ტყავს ზღვის თევზის (კორკოდლოს C). ტყავს უწმობენ და კმელთა ცხოვლიც არს (რომელსა სპარსნი დუზუბანს.



სურ. 11

უწოდენ C) მისი ტყავი ვგრევე ძვლით მოღურსმილია (...რომელისა) ტყავსა-ფარად შემზადებენ, რომელსა სპარსნი ქარგარდანს უწმობენ... B)<sup>2</sup>.

<sup>1</sup> „ქართლის ცხოვრება“. ანასეული ვარიანტი. გვ. 118.

<sup>2</sup> სულხან-საბა ორბელიანი. ქართული ლექსიკონი. ტფილისი, 1928.



დ. ჩუბინაშვილის განმარტებით: „ვიგრი — ვეფხვია“<sup>1</sup>. აქვე აღსანიშნავია, რომ წმინდა ბასილი ერთად შემდეგ ცხოველებს ჩამოთვლის: „ლომი, ვიგრი და ვეფხვი“<sup>2</sup>. მ. კედელაძის ცნობით მთიულეთში ფოცხვერს მიგრსაც უწოდებენ. მიგრის ტყავი პოეზიაშიცაა დადასტურებული.



სურ. 12

„როშკას ჩამოჯდა ზურაბა  
 მიართვეს მიგრის ტყავია“.  
 ასევე: „როშკის — გორელთა ციხეთა  
 ჩაიცივეს მიგრის ტყავიო“<sup>3</sup>.

<sup>1</sup> დ. ჩუბინაშვილი. ქართულ-რუსული ლექსიკონი. სანკტებურგი, 1887.

<sup>2</sup> სულხან-საბა ორბელიანი. ქართული ლექსიკონი. 1928.

<sup>3</sup> ა. შანიძე. ქართული პოეზია, I. ხვესტურული, თბილისი, 1931, გვ. 5.



სოფ. მიგრიაული ფშავშია, მაღაროს კარის სასოფლო საბჭოში, სადაც გვარად მიგრიაულიები ცხოვრობენ. მიგრიაული ხალხურ პოეზიაში დასტურდება:

„ომია საყდარაჩია, სისხლი სწემის, მალლა დარია,  
შივა ზის მიგრიაული, ბულა ბუბუნებს ხარია“<sup>1</sup>.

ქართულ შეიარაღებაზე, კერძოდ, ფარის შესახებ საყურადღებო მასალას გვაწვდის ბერძნული წყაროები.

ჰეროდოტეს ცნობით „მოსხებს პატარა ფარები ჰქონდათ... ტიბარნები, მაკრონები და მოსინიკები ასევე იყვნენ შეიარაღებულნი ქსერქსეს ლაშქრობისას... კოლხებს... გამოუქნელი ტყავის პატარა ფარები ჰქონდათ“<sup>2</sup>.

ქსენოფონტეს აღწერილობით ხალიბებს, დრილებს, ტაოხებს, მაკრონებს და ფასიანელებს დაწნული ფარები ჰქონდათ; მოსხებს კი დაწნული, ხარის ტყავით გადაჭიმული, თეთრმატყლიანი, ფათალოს ფურცლის ფორმის ფარები ჰქონდათ<sup>3</sup>. ასევე სტრაბონის ცნობით „იბერიელები... დიდ ფარებს ხმარობდნენ“<sup>4</sup>.

ზემოთქმულიდან ჩანს, რომ ქართული ფარის მასალად გამოყენებული ყოფილა ტყავი, ჰეროდოტეს ცნობით კი მოუქნელი ტყავი. გამოუქნელი ტყავის აღსანიშნავად ქართულში სულხან-საბა ორბელიანის ცნობით სიგანგებო ტერმინი „აღიმი“ ყოფილა მიღებული. მისი განმარტებით: „აღიმი — (ტყავი მოუქნელი)“<sup>5</sup>. ასევე, ხეცურეთში დადასტურებული მასალის თანახმად, ფარის ტყავს არ გამოჰქნდნენ, რადგან, მათი განმარტებით, გამოქნელი ტყავი დარბილებულია. ფარის კი რაც შეიძლება მავარი ტყავი სჭირდება.

ტყავს ფარის მასალად იყენებდნენ ფარის სიმსუბუქისათვის, რასაც დიდი მნიშვნელობა აქვს ფარიაობაში. ტყავი ფარის მასალად გამოყენებული იყო აგრეთვე მისი სიმაგრის გამო, მით უმეტეს მაშინ, როდესაც ზევიდან რკინით იყო შეკრულ-შეჭედილი.

ფორმათა ძირითადი მსგავსების გამო ჩვენ აქ სხვა ფარებას აღწერილობაზე აღარ შეეჩერდებით.

აქვე უნდა აღვნიშნოთ, რომ როგორც ხელთარსებული სამუზეუმო მასალა, ისე ლიტერატურული მონაცემები მიუთითებენ საერთოდ მრგვალი ფარების გავრცელებაზე საქართველოს ეთნოგრაფიულ სინამდვილეში. ასევე მრგვალი ფორმის ფარებია გამოსახული XIX ს. ხატებზე, რომლებიც ამჟამად გამოფენილია ხელოვნების მუზეუმის სეიფში. ასევე მრგვალი ფორმის ფარი XVII საუკუნეშიაც არსებულია საქართველოში, როგორც ამას მოწმობს კას-

<sup>1</sup> ხალხური სიტყვიერება, III. პირველი, II სერია. მ. ჩიჭოვანის რედაქციით, თბილისი, 1953, გვ. 71.

<sup>2</sup> В. В. Латинцев. Известия древних писателей о Скифии и Кавказе. Вестник древней истории, 1947, № 2, стр. 287.

<sup>3</sup> იქვე, გვ. 307—313.

<sup>4</sup> იქვე, ტ. 4, გვ. 220.

<sup>5</sup> სულხან-საბა ორბელიანი. ქართული ლექსიკონი. ტფილისი, 1928.




ტელის ნახატები. კასტელის ალბომის მე-12 სურათზე გამოსახულია მრგვალი ფარი, რომელსაც ასევე მრგვალი ფარი ეწოდებოდა, ცხენზე მჯდომი მეფე თეიმურაზ პირველი, რომელსაც მარჯვენა ხელში უჭირავს შუბი, მარცხენაში კი — მრგვალი ფარი (სურ. 8). ასეთივე ფორმის ფარია გამოსახული მე-14 სურათზეც. აქ ცხენზე უკვე თეი-



სურ. 13

მურაზის მეფულე ხვარაშანი ზის, რომელსაც ასევე მრგვალი ფარი უჭირავს ხელში (სურ. 9). ერთ-ერთ სურათზე გამოსახულია სალაშქროდ მომზადებული მამია გურიელი. იგი ცხენზე ზის, აცვია ჯაპუვის პერანგი და მარცხენა ხელში მრგვალი ფარი უჭირავს, ხოლო მარჯვენა ხელი მოვლებული აქვს გრძელ შუბზე (სურ. 10). იგივე ითქმის დანარჩენ სურათებზედაც, რომელზედაც გამოსახულნი არიან: ბაშია ათაბაგი (სურ. 11), ვახუანგ გურიელი (სურ. 12), აფხაზთა მთავარი, ალექსანდრე მეფე, ლევან დადიანი (სურ. 13) და სხვები. მრგვალი ფორმის ფარია გამოსახული საქართველოს სახელმწიფო მუზეუმში

დაცულ ცხენის ქვის ქანდაკებაზე. რომელიც თეთრი წყაროს რაიონში არის ჩამოტანილი. ამ ქანდაკების მარცხენა გვერდზე გამოკვეთილია დასახელებული მრგვალი ფორმის ფარი, ხმალი, მშვილდი და კაპარჭი; მარჯვენაზე კი თოფი და გაურკვეველი საგანი (სურ. 14). ეს ქანდაკება მე-17 საუკუნეს უნდა ეკუთვნოდეს.



სურ. 14.

აღსანიშნავია, რომ წმინდა გიორგის გველეშაბთან ბრძოლის ცნობილი მოტივის ქართული ვარიანტით თითქმის ყველა დროის გამოსახულებაზე მრგვალი ფარებია მოცემული.

მრგვალი ფორმის ფარია გამოხატული მღვიმეს საყდრის ფრესკაზე, რომელიც ასევე მე-17 საუკუნით თარიღდება. უმეტესად ასეთი ფორმის ფარებია გამოსახული 13—15 სს. დავითნის ილუსტრაციებში<sup>1</sup>. პირველ სურათზე ასახულია ბრძოლა ციხე-სიმაგრესთან. მეზობლები ციხიდან ნასროლ ისრებისა და ქვებისაგან თავს იცავენ მრგვალი ფარებით (სურ. 15).

იგივეა გამოხატული მეორე სურათზე, სადაც ციხის ქვევით, მარჯვნივ მდგომი მეზობლები თავს მრგვალი ფარებით იცავენ (სურ. 16). მრგვალი ფორმის ფარებია გამოსახული აგრეთვე ამავე ხელნაწერის სხვა სურათებშიც, როგორცაა: საულის კარავი (სურ. 17), საული გამოქვაბულში,

<sup>1</sup> ძველის ქართული ვარიანტის გაფორმებას პროფ. შ. ამირანაშვილი XIII საუკუნით თარიღებს, ხოლო ირ. სონდელაშვილი—XV საუკუნით. დავითნის ილუსტრაციები გამოთენილია საქართველოს მუზეუმის XI—XIII საუკუნის მატერიალური კულტურის გამოფენაზე, რომელიც ივ. ჯაფარიძის მიერ არის მოწყობილი.



დასჯის<sup>1</sup> სცენა, აგრეთვე წმინდანების გამოსახულება. საყურადღებოა ის გარემოება, რომ ამ ილუსტრაციებში გვხვდება ისეთი გამოსახულებებიც, რომელ-ზედაც ნაჩვენებია მხოლოდ ოვალური ფორმის ფარები (სურ. 18).



სურ. 15


დიდი ზომის ფარი (დელამფარი) ნახსენებია თქმულებაში ხევსურეთის ღვთისშვილთა ხახმატის ჯვარის მეთაურობით ლაშქრობის შესახებ: „გუდანის ჯვარსავე დელამფარი მახქონდისავე, ყველა ანგელოზნივე გუდანის ჯვარს მეფუარსავენსავე“<sup>1</sup>. როშკის მთავარანგელოზს ვერ მოუსწრია გუდანის

<sup>1</sup> თინათიფიანური. ქართველთა უძველესი სარწმუნოების ისტორიიდან. ქადაგობა ხევსურეთში.





ჯვრის დელამფარის მოფარება და სწორედ ამიტომ ის დარჩენილა ადგილზე, რადგან დაქრილს მეტი ველარ უვლია.



სურ. 16

დელამფარა ხალხურ პოეზიაშიც დასტურდება: «გადაჯე თავის ლურჯასა, აილი დელამფარია!»<sup>1</sup>

მრგვალი ფორმის ფარებია გამოსახული ბეთანიის ფრესკაზე და სვანეთიდან—ჯახუნდერიდან ჩამოტანილ ჩუქურთმიან ხის კარებზე. ფარების ეს გამოსახულებანი მეტერთმეტე საუკუნით თარიღდება.

<sup>1</sup> ა. შანიძე. ქართული პოეზია, I. ხევსურული, თბილისი, 1931, გვ. 115.

16. საქართველოს სახელმწ. მუზეუმის მოამბე, ტ. XVIII-Б



წებელდის რელიეფზე (მეექვსე საუკუნის დასასრული და მეშვიდეს საუკუნის დასაწყისი) გამოსახულ მებრძოლებს უპყრიათ ასევე მრგვალი ფორმის ფარები. ერთი მებრძოლის ფარი ზურგითაა გადმობრუნებული და ჩანს, რომ მებრძოლს ხელი



სურ. 17

ფარის საბლუჯში აქვს ჩავლებული (სურ. 19). აქ ისიც უნდა აღვნიშნოთ, რომ ეს საბლუჯი ჰგავს ქართულ-ხევსურულ, სეანურ და რაჭულ საბლუჯებს. წებელდის რელიეფი ამჟამად ხელოვნების მუზეუმშია გამოფენილი.

არქეოლოგიური გათხრების შედეგად მრავლადაა აღმოჩენილი ბრინჯაოს თავდასაცავი სარტყელები. მასთან ერთად არსად არ მოიძებნება ფარები, რაც ივანე ჯავახიშვილის აზრით შემდეგნაირად იხსნება: „მხოლოდ თუ სამარ-ხეობებში მათი [ფარების—კ. ჩ.] კვალი არ არის აღმოჩენილი, იმავე მიზეზით,



რა მიზეზითაც იქვე შვილდისარი არასადა ჩანს: ბერძნული წყაროებითგან ცნობილია, — აღნიშნავს ივ. ჯავახიშვილი, — რომ ქართველ ტომებს წნელისაგან მოწნული და ტყავ-გადაკრული ფარები უხმარიათ [და ასეთი ფარები მიწაში არასაკვირველია განადგურდებოდა<sup>1</sup>].



სურ. 18

სამთავროს ორმოსამარხებში აღმოჩენილია მრგვალი ფორმის ბრინჯაოს ფარის უმბოები, რომელიც მკუთენის ძვ. წ. I ათასწლეულის პირველ ნახევარს (X—VII სს.).

<sup>1</sup> ივ. ჯავახიშვილი. ქართველი ერის ისტორია. ტფილისი, 1928, გვ. 15.



საქართველოს სინამდვილეს, როგორც ჩანს, ახასიათებდა მრგვალი-ფორმის ფარები. დ. ჩუბინაშვილი ფარს ასე განმარტავს: „მრგვალი ფიცარი-მეტალისა მეომართ სახმარი მოსაფარებლად“<sup>1</sup>.

ხეთების ომის დემრთს, რომელიც ზენჯირლის<sup>2</sup> ციხე-სიმაგრეზეა გამო-სახული, კვინტიანი ფეხსაცმელი აცვია, მაჯვენა ხელში წვერით მიწისკენ



სურ. 19

დახრილი შუბი უჭირავს, ხოლო მარცხენაში—ოვალური ფორმის მხრებზეხნე-ქილი ფარი, რომელიც დაახლოებით რვიანს მოგვაგონებს<sup>3</sup>. ფარს ზურგზე გაკეთებული აქვს ვერტიკალური სახელური (სურ. 20).

ცნობილია ხეთური ფარის მეორე ფორმაც, რომელსაც თავი და ბოლო ზემოხსენებულ ფართან შედარებით უფრო დამრგვალებული და გაგანიერებუ-ლი აქვს (სურ. 21). ასეთი ფორმის ფარები ხშირად გვხვდება ეგვიპტურ ძეგლებშიც, სადაც ხეთელი მებრძოლებიც არიან გამოსახულნი. ფარის ეს მეორე ფორმა განვითარებული უნდა იყოს პირეელისაგან და არა ოთხკუთხე-

<sup>1</sup> დ. ჩუბინაშვილი. ქართულ-რუსული ლექსიკონი. 1887.

<sup>2</sup> ზენჯირლის ციხე-სიმაგრე მდებარეობდა მცირე ახის სამხრეთ-აღმოსავლეთ ნა-წილში, ემიჯნებოდა ჩრდილო მესოპოტამიას, თანამედროვე კილიკიის ტერიტორიაზე.

<sup>3</sup> პროფ. კონტენაუ ეყარება რა ფრესკებზე წარმოდგენილ გამოსახულებებს, მიუთითებს, რომ ამგვარი ფარები ეგეოსის სამყაროსათვის ფართოდ იყო ცნობილი. G. Contenau, Manuel d'archéologie orientale, 1931.



დი ფორმის ფარისაგან, როგორც ამას ზოგიერთი ავტორი ფიქრობს. ჰანს ბონე ხეთური ფარების ფორმებთან აახლოებს მრგვალი ფორმის ფარსაც, რომლის უძველესი გამოსახულება ამავე ავტორის ცნობით ციხე-სიმაგრის ზეჯირლის შიგნითა კარზეა მოთავსებული. ბონე ამ ძეგლს, ვარაუდით, ძველი წელთაღრიცხვის მეორე ათასწლეულით ათარიღებს.

ლიტერატურაში დამკვიდრებული შეხედულების მიხედვით (ანუჩინი, ჰოკი, ბონე და სხვები) მრგვალი ფორმის ფარის წარმოშობა ძირითადად ცხენოსნობას უკავშირდება. მაგალითად, ცნობილი მეცნიერის ანუჩინის მიხედვით „მრგვალი ფორმის ფარი უფრო მოსახერხებელია მხედრისათვის, როგორც გრძელი ფორმის ფარი ქვეითისათვის“<sup>1</sup>. მრგვალი ფარი<sup>2</sup> სახმარადაც მოსახერხებელია და ბრძოლის დროს დარტყმის უფრო ადვილად ამსხლეტი. საფიქრებელია, რომ მრგვალი ფორმის ფარის შემდეგი გავრცელება ხმლის წარმოშობასა და გავრცელებასაც უკავშირდებოდეს. შეიძლება ამითი აიხსნებოდეს ის გაგრძობა, რომ მრგვალი ფორმის ფარები ცხენოსნობასთან მათი თავდაპირველი კავშირის მიუხედავად გავრცელდა ქვეითად სახმარადაც.

როგორც აღვნიშნეთ, ხეთური ტიპის ფარებს ახასიათებს სიმრგვალი; პირველ შემთხვევაში თუ ხეთური ფარის ორი რგოლი ვერტიკალური სახელურითაა ერთმანეთთან შეერთებული (სურ. 20), მეორე შემთხვევაში კი ხეთურ ფარს უკვე ერთიანი დამრგვალებისაკენ აქვს ტენდენცია (სურ. 21). ამის გამო ჰანს ბონე იძულებული გამხდარა მრგვალი ფორმის ფარი მიეკუთვნებინა ხეთური ფარების ტიპებისათვის, რასაც შემდეგ უარყოფს<sup>3</sup>.

3. ბონე შესაძლებლად მიიჩნევს მრგვალი ფორმის ფარის თავდაპირველ საშობლოდ ასურეთი ჩაითვალოს, თუმცა დასძენს, რომ ასურულ არმიასში მრგვალი ფორმის ფარი ასურბანიპალის უწინარეს არ გვხვდება, რაც იმას ნიშნავს, რომ ფარის ეს ფორმა შეიძლება არც ასურული წარმოშობის იყოს, არამედ ზღვაზე მცურავ დასავლეთ ხალხიდან მომდინარე ჩაითვალოსო, რადგან 3. ბონეს აზრით მრგვალი ფორმის ფარი მათთვისაცაა დამახასიათებელი. ან რა გასაკვირია ინდოევროპული მეცნიერის მიერ ასეთი აზრის წამოყენება. 3. ბონე მრგვალი ფორმის ფარის წარმოშობის შესახებ წამოყენებულ ვერც ერთ დებულებას საბოლოოდ ვერ ესაბუთებს. მაგალითად, 3. ბონე საბოლოოდ დასძენს; რომ მის ამ უკანასკნელ მოსაზრებას ანგარიში უნდა გაეწიოს, მაგრამ მას მაინც არ უნდა დაეყარდნოთო. ამდენად 3. ბონე მრგვალი ფორმის ფარის წარმოშობისა და სადაურობის საკითხს გადაუწყვეტლად ტოვებს.

ორიოდე სიტყვა დასმულ საკითხზე—მრგვალი ფორმის ფარი ხეთების კუთვნილება თუ ასურელებისა. პირველ ყოვლისა, ეუბასუხებთ თვით 3. ბონეს მასალით: ბონეს არგუმენტი იმის უარსაყოფად, რომ ზენჯირლის ციხე-სიმაგრეზე გამოსახული მრგვალფარიანი მხედარი ხეთელი არ არის, ისაა, რომ თით-

<sup>1</sup> Дм. Анучин. Луки и стрелы. М., 1887, стр. 12—13

<sup>2</sup> მრგვალი ფორმის ფარის წარმოშობის შესახებ ამავე აზრს იხიარებენ. М. М. Денисов, М. Э. Портнов, Е. Н. Денисов. Русское оружие. Москва, 1953, стр. 51.

<sup>3</sup> Н. Bonnet. Die Waffen der Völker des alten Orients. Leipzig, 1926, s. 181—201, Schild.





ქოს ხეობები XIII ს. ძვ. წ. ჯერ კიდევ არ იცნობდნენ ცხენოსნობას. ბილი კი არის, რომ ხეობებს ვაცალებით ადრე ჰქონდათ ურთიერთობა სუბარებთან, რომლებმაც უკვე XVIII ს. ძვ. წ. ა. გამოიყენეს ცხენი მსუბუქ საბრძოლო ეტლში და დიდ სახედრო ძლიერებასაც მიაღწიეს. მათ დაიპყრეს



სურ. 20

სხვა ხალხები და მათ შორის ხეობებიც. ცნობილია ისიც, რომ XIV საუკუნეში თვით ხეობები კვლავ გაძლიერდნენ და ახალ წარმატებას მიაღწიეს<sup>1</sup>.

ხეობების ცხენოსნობის შესახებ აკად. სტრუვე აღნიშნავს: „ჩვენ ხეობების ჯირითის სახელმძღვანელო ავტორებსაც ვიცნობთ. უნდა აღინიშნოს, რომ ჯირითის წიგნში მთელი ტერმინოლოგია არა ხეთური, არამედ მიტანიური

<sup>1</sup> ნ. ბერძენიშვილი, ი. ჯავახიშვილი, ს. ჯანაშია. საქართველოს ისტორია. თბილისი, 1945, გვ. 21.



არის<sup>1</sup>. აღსანიშნავია კიკია ხუროციელის (მე-12 საუკუნის ძველი წელთაღრიცხვით) ცნობილი ტრაქტატი ცხენის შესახებ, სადაც დაწვრილებითაა აღწერილი ცხენის მოშენებისა და გაწრთვნის წესები.

პროფ. გ. ჩიტაიას აზრით, ზენჯირლის ძეგლზე უმეტესად კვინტიანი ფეხსაცმლით არიან გამოსახულნი. თუ დავაკვირდებით პირველი ფარიანი მხედრის ფეხსაცმელს (სურ. 22), შევნიშნავთ, რომ მას ტენდენცია აქვს კვინტიან-წვერიანობისაკენ. პროფ. გ. ჩიტაიას გამოკვლევით „ფეხსაცმელი მოკაუჭებული კვინტით, ხურულ-თეშუბ-ხეთური მატერიალური კულტურის დამახასიათებელი და თავისებური ელემენტია. ხურულ-თეშუბ-ხეთურ ეთნიკური წრის ამ თავისებური ელემენტის პარალელი ქართულ-დაღისტანურ კვინტიან ფეხსაცმელშია მოცემული. იმდენად, რამდენადაც ეს დამთხვევა ქართულ-დაღისტანური და ხურულ-თეშუბ-ხეთური მატერიალური კულტურის ელემენტების შეხვედრის ერთადერთი და იზოლირებული შემთხვევა არ არის, ამდენად ეს პარალელი შეიძლება სცილდებოდეს ტიპოლოგიურ მსგავსებას და კულტურულ-გენეტიკური ნათესაობის მაჩვენებელი იყოს“<sup>2</sup>.

3. ბონეს ცნობით ასურელები მრგვალი ფორმის ფარს ასურბანიპალზე ადრე არ იცნობდნენ. მეცნიერებაში გავრცელებული მოსაზრების მიხედვით მრგვალი ფორმის ფარი დაკავშირებულია ცხენოსნობასთან. ამ აზრს იზიარებს თვით ჰ. ბონე. ან მხრივ, თვალს თუ გადავავლებთ ხელთარსებულ მასალას, აღსანიშნავია ის გარემოება, რომ სუბარები სიხედრო ხელოვნების ნოვატორებად ითვლებოდნენ, რადგან მათ გამოიგონეს მსუბუქი ორთელიანი საბრძოლო ეტლი, რომელშიც ცხენს აბამდნენ. აქ ისიც უნდა აღინიშნოს, რომ სუბარებს „რამდენიმე საუკუნე მორჩილებაში ჰყავდათ თვით ასურეთიც“<sup>3</sup>. თუბალისაკენ ასურელებს იზიდავდა ოქრო-ვერცხლთან ერთად საუკეთესო ჯიშის ცხენებიც<sup>4</sup>. ასურელებს აოცებდა ხეთურ-სუბარული ცხენოსნობის ოსტატობა. ასურეთის მეფე სარგონის ცნობით მანელები საგანგებოდ სთესდნენ ცხენის საკვებ ბალახსაც-კი<sup>5</sup>. ისინი „განსაკუთრებით განთქმულნი ყოფილან თავისი მეცხენეობით,—აქაურ მცხოვრებთ მეცხენეობა-ცხენოსნობაში მეტოქე არა ჰყავდათ მთელ უბარტუშიო, ამბობს სარგონი. ცხენებს უშვებდნენ ველზე ჯოგებად და თავლაშიაც დაბმული ჰყავდათ. ცხენებს ხედნიდნენ უმთავრესად ეტლებში შესაბამელოდ (აქ უფრო საომარი ეტლი იგულისხმება), ამ მხრივ მანელები აოცებდნენ ასურელებს, „ისე ჰყავთ ცხენები გაწრთვნილი, რომ არასოდეს არ გასტეხენ ეტლის ხელნასო“<sup>6</sup>, ე. ი. ასურელები ხეთურ-იბერული ცხენოსნობით გაოცებულნი ყოფილან.

<sup>1</sup> აკად. ს. ტ რ ე ვ ე. ძველი აღმოსავლეთის ისტორია. თბილისი, 1946, გვ. 292.

<sup>2</sup> გ. ჩ ი ტ ა ი ა. ეთნოგრაფიული პარალელები, I. ქართული კვინტიანი ფეხსაცმელი. სსრკ მეცნიერებათა აკადემიის საქართველოს ფილიალის შიამზე, ტ. I, № 4, 1940, გვ. 314.

<sup>3</sup> ნ. ბ ე რ ძ ე ნ ი შ ვ ი ლ ი, ი. ჯ ა ვ ა ხ ი შ ვ ი ლ ი, ს. ჯ ა ნ ა შ ი ა. საქართველოს ისტორია, თბილისი, 1946, გვ. 21.

<sup>4</sup> ი ქ ვ ე, გვ. 35.

<sup>5</sup> ი ქ ვ ე, 38.

<sup>6</sup> ნ. ბ ე რ ძ ე ნ ი შ ვ ი ლ ი, ი. ჯ ა ვ ა ხ ი შ ვ ი ლ ი, ს. ჯ ა ნ ა შ ი ა. საქართველოს ისტორია, გვ. 32.



ზემოთქმულიდან შემდეგი ირკვევა: ქართულ ეთნოგრაფიულ სინამდვილეში დადასტურებულია უმეტესად მრგვალი ფორმის ფარები, რაც პარალელურ ისტორიულ-არქეოლოგიურ<sup>1</sup> მონაცემებში პოულობს. ასევე მრგვალი ფორმის ფარების ხეთებში გავრცელება გვაფიქრებინებს იმას, რომ შესაძლებელია სწორედ აქ, ხეთებში, ე. ი. ყოველ შემთხვევაში ხეთურ-იბერულ სამყაროში, წარმოიშვა მრგვალი ფარი, რადგან ცხენოსნობის განვითარება აქ განსაკუთრებით შეიმჩნევა. ჩვენი აზრით, ამას ასაბუთებს ბონეს მიერ მითითებული ზენჯირლის კარზე გამოსახული მხედარი.

ბონეს უქანასკნელ მოსაზრებას მრგვალი ფორმის დასავლეთიდან შემოტანის შესახებ რომ არ უნდა დავეყრდნოთ, თვით ბონე ამგვითითებს.



სურ. 21

ჩვენი აზრით, ამ მოსაზრებას არც ანგარიში უნდა გავწიოს, რადგან შეიძლება ჩვენ აქაც შევნიშნოთ ის ტენდენცია, რომლის მიხედვით ბურჟუაზიული მკვლევარები კულტურის თითქმის ყველა მონაპოვარს ინდოევროპული წარმოშობისად მიიჩნევენ. ბონე კონკრეტულად არ ასახელებს რომელიმე ხალხს. როგორც ცნობილია, საომარი ეტლი და თვით ცხენიც ეგვიპტელებმა აზიიდან შესული ხალხის საშუალებით გაიტანეს მე-2 ათასწლეულის პირველ ნახევარში<sup>2</sup>.

<sup>1</sup> მდ. ივრის მარცხენა ნაპირზე, სად. ბადიაურიდან (კაპრეთის რაიონი) თოზი კილომეტრის დაშორებით. 1953 წ. ტრაქტორისტმა ა. აბრამიშვილმა ტრაქტორით ჩენის დროს აღმოაჩინა ბრინჯაოს ორი ორთითა ფიწალი და ბრინჯაოსივე მრგვალი ფორმის ფარი; მისი შუა ნაწილი ამოხსნილია. ტყავისა და საბლუჯის დასამაგრებლად ფარს სასამკვლე ნახვრეტები აქვს დატოვებული. ფარი (იხ. № 1—5<sup>1/2</sup>, სურ. 23) დაზიანებულია. დიამ. დაახლოებით 40 სმ უდრის. ჩვენი თემისათვის ეს მეტად მნიშვნელოვანი აღმოჩენაა. მნიშვნელოვანი ძ.წ. XII—IX სს. თარიღდება, „ესოდენ ძველი, მთლიანი ბრინჯაოს ფარის აღმოჩენა ჯერჯერობით პირველი შემთხვევაა ამიერკავკასიის ტერიტორიაზე“ (ვ. ცისკარიშვილი. საინტერესო აღმოჩენა, გაზ. „კომუნისტი“, 1953 წ., 20.XII, № 299, 9767).

<sup>2</sup> ნ. ბერძენიშვილი, ი. ჯავახიშვილი, ს. ჯანაშია. საქართველოს ისტორია. თბილისი, 1946, გვ. 21.

ხევისურეთის ეთნოგრაფიულ სინამდვილეში დამოწმებულია უბის ფარის ლითონისა, რომელიც ზომით ჩვეულებრივ ფართან შედარებით ბატარაა. (სურ. 24). უბის ფარიც მრგვალი მოყვანილობისაა, მისი დიამ.—21 სმ. უბის ფარის მასალად მხოლოდ ლითონია გამოყენებული.

ფარის ზედაპირზე, შუაგულში დაკრულია ფარის რკინის გული—ოთხკუთხი ფორმის რკინა—„გუმბათის ხატი“, რომლის კუთხეები წაწვეტიებულია



სურ. 22

ოთხი „შოლტით“—„წილით“. ამ ოთხ შოლტს ზევიდან წრიულად შემოვლებული აქვს ერთი რკალი „გირგოლი“ (2 სმ სიგანისა), რომელიც ფარის „გუმბათიდან“ დაშორებულია 6 სმ. ფარის გირგოლი ფართან დამაგრებულია ცამეტი ლითონის თავკობლიანი და ბოლოგაბრტყელებული სამსკვალით.

უბის ფარი ზურგიდან ლითონგადაკრულია. შუაში რკინის ოთხ კაპზე ჩაბმულია ფარის საბლუჯი.

ფარულად გულის დასაცავად უბის ფარს ჩოხის ქვეშ ატარებდნენ. მას საბრძოლველად იყენებდნენ. იმ შემთხვევაში, როდესაც მებრძოლს არ გააჩნდა სხვა საბრძოლო იარაღი, მარჯვენა ხელით ამოაძრობდა უბეში საბლუჯით



ჩოხისაკენ მოქცეულ ფარს, რათა მოწინააღმდეგისათვის შემოეკრა ის<sup>1</sup>. მაგრამ მისი მთავარი დანიშნულება იყო გულის არის დაცვა<sup>2</sup>.

უბის ფართან დაკავშირებით აღსანიშნავია ის გარემოება, რომ კონსტანტინე ქართველი ბაგრატიონების წარმოშობის ისტორიას ასე იწყებს: „...ისინი ყოფილან ორნი ძმანი, დავითი და სპანდიატესი, ამ უკანასკნელს, როგორც ისინი გვიამბობენ, თურმე ლეთისგან მინიქებული ჰქონდა ისეთი ძალა, რომ ბრძოლაში არავითარ იარაღს არ შეეძლო მისი დაკოღვა სხეულის არცერთ ასოში, გარდა გულისა, ხოლო გულს იგი რაღაც საფარით იცავდა“<sup>3</sup>. იკად. ე. თაყაიშვილის შენიშვნით ეს ფარი რვალისა უნდა ყოფილიყო, რადგან „ქართლის ცხოვრებაში“ ეს გმირი „სპანდიატ-რვალის“ სახელით იხსენიება.



სურ. 23

ხომ არ შეიძლება სამთავროს ორმოსამარხებში აღმოჩენილი მრგვალი ფორმის ბრინჯაოს უმბოები, რომლებიც ეკუთვნის ძვ. წ. I ათასწლეულის პირველ ნახევარს (X—VII ს.), უბის ფარების შორეულ წინაპრებად ჩაგვეთვალო? მცირე ფარისათვის საგანგებო ტერმინი ყოფილა: საბას განმარტებით „პელტ—ეწოდების მცირესა ფარსა...“<sup>4</sup>

ფარის აღმნიშვნელ ტერმინად ძველ ქართულში გვხვდება დარაკა. სულხან-საბას განმარტებით: „დარაკა—ფარია“<sup>5</sup>. შოთა რუსთაველი ხმარობს „ხრამალ-

<sup>1</sup> ფარის კარგად გამოყენებაზე აღნიშნავს ი. ჰაუპვაჟე, „დროზე ნაზმარი ფარიცა იგივე ხმალი არიო“. ი. ჰ., ტ. I, გვ. 91.

<sup>2</sup> მ. წიკლაურისაგან ჩავიწერეთ შემდეგი ლექსი: „ჯარზე ნახდომსა ვაეგბსა უბეში ედო-ფარია“.

<sup>3</sup> ს. უმბათ და ვითის ძე. ქრონიკა. ე. თაყაიშვილის რედაქციით, გვ. 23.


<sup>4</sup> საბა ორბელიანი. ქართული ლექსიკონი. 1928.

<sup>5</sup> იქვე, 1951, გვ. 47.



დარაკიანს“: „შემოვლო, ახლოს შემოჰყვა მონა ხრმალ-დარაკიანი“<sup>1</sup>, ე. ი. ნაშალ-ფარიანი. დარაკა ვისრამიანის ქართულ ვარიანტიშიაცაა მოხსენებული.

სარგონის მეთაურობით ასურელებმა მეფე ურზანას მიერ მიტოვებულ ქ. მუსასირში ურზანას სასახლე რომ გაძარცვეს აურაცხელ სიმიდღრესთან ერთად „ასურელებს აქ ხელში ჩაუვარდათ სხვათა შორის ოქროს ფარი, 12 ვერცხლის ფარი, რომლებიც მოსართავის სახით ჩამოკიდებული ყოფილა ტაძრის კედლებზე“<sup>2</sup>. ჩვენში ოქროს ფარის არსებობის შესახებ ასეთი მასალა მოგვეპოვება: დამოწმებულია ტერმინი „ვეშაკაპანი“. საბას განმარტებით: „ვეშაკაპანი—ფარის სახე“<sup>3</sup>. დასახელებული ტერმინი ასეთ კონტექსტში გვხვდება: „და ჰქმენ ვეშაკაპანი ოქროსაგან წმინდისა“, ე. ი. გააკეთე წმინდა ოქროსაგან ფარი, ან, საბას განმარტებით, ფარის ესა თუ ის სახე.



სურ. 24.

ასევე ხელნაწერ № A 869-ში ლიპარიტის შესახებ ვკითხულობთ „ეგრეთ შექურველი ამწედრდა ცხენსა, და გარდაიდო ოქროით მოქედილი ფარი ბეკსა ზედა... და ოქროით მოქედილისა ფარისა მისგან და მუზარადისა მიერ სხივნი სცოდენ ვითარცა მზისა მიერ...“<sup>4</sup>.

ოქროს და ვერცხლის ფარები იყო მუსასირის ტაძრის მოსართავად გამოყენებული. ასევე ფეოდალურ საქართველოში ფარ-ხმალით ესა თუ ის პიროვნება ამჟღავნებდა თავის სიძლიერეს. მაგალითად, „ხელმწიფის კარის გარიგებაში“ ვკითხულობთ: „მტბევარსა ზედა დარბაზს მისსა საჯდომსა უკანით, მისსა მოლარეთუხუცესსა ფარი და ხმალი აქეს უკანით არის რომელ ერისთავიც არის შევშეთისა“<sup>5</sup>, მეოცე საუკუნეში სვანეთის ეთნოგრა-

<sup>1</sup> შ. რუსთაველი ი. ვეფხისტყაოსანი. 1937, გვ. 228.

<sup>2</sup> ჯ. მელიქიშვილი. ურარტუ. თბილისი, 1951, გვ. 96—97.

<sup>3</sup> სულხან-საბა ორბელიანი. ქართული ლექსიკონი. 1928.

<sup>4</sup> აკად. ს. ჯანაშიას სახ. საქ. სახ. მუზეუმის ხელნაწერთა ფონდი. ხელნაწერი № 864.

<sup>5</sup> ე. თაყაიშვილი. ხელმწიფის კარის გარიგება. 1920, გვ. 15.

ფიულ სინამდვილეში დამოწმებულია ეკლესიის კედლის მორთვა ფარგნით. ეკლესიის კედლებზე ჩამოკიდებული ფარგები დღესასწაულებზე ვარეთ გამოჰქონდათ და ისარს ესროდნენ. ამის მაგალითია სვანეთიდან ჩამოტანილი ფარი, რომელსაც ისარი ჰქონია გაყრილი. ასევე ფეოდალური საქართველოს ოჯახების ცენტრალური კედლის მთავარ მორთულობას ფარ-ხმალი წარმოადგენდა, რომლის მთავარი ადგილი სწორედ ფარს ეკირა.

ჩვენ მიერ ზემოთ განხილული ფარების ტექნოლოგიური მხარე ეთნოგრაფიული თვალსაზრისით უაღრესად საინტერესოა, რადგან იგი უკავშირდება საკითხს ე. წ. ყარაყალღანების შესახებ. როგორც ცნობილია, საშუალო საუკუნეების არაბი ავტორები აღმოსავლეთ საქართველოს ერთ ნაწილში ასახელებენ ხალხს „ყარაყალღანების“ სახელწოდებით. ეს ცნობა ჩვენთვის მეტად მნიშვნელოვანია, რადგან ყარაყალღანი შეიძლება ქართულად ითარგმნოს შავ ფაროსან ხალხად. ქართულ სანეცნიერო ეთნოგრაფიულ ლიტერატურაში გამოთქმული მოსაზრების მიხედვით, თუ ჩვენ გავითვალისწინებთ ხევსურული ფარის დამზადებას, ყარაყალღანების ქვეშ აღმოსავლეთ მთიანეთის მოსახლეობა, კერძოდ, ხევსურები, უნდა ივარაუდებოდეს. აქ უნდა აღინიშნოს, რომ მე-17 საუკუნეში არაგვის ხეობებში მცხოვრებ ხალხს ყარაყალღანებს უწოდებენ<sup>1</sup>.

როგორც დავინახეთ, დამზადების თავისებურება ხევსურულ ფარს გარკვეულად შავფერს აძლევს—ეს არის ერთი მხრით რკინა და მეორე მხრით თვით ტყავი, რომელიც კვარტლით საგანგებოდ იგლისებოდა.

ჰქონდა თუ არა შავი ფარების დამზადებას წინასწარ განსაზღვრული მნიშვნელობა, თუ ეს მხოლოდ დამზადების თავისებური ხერხებისა და ტექნიკის შედეგი იყო, ამას საგანგებო შესწავლა სჭირდება. საკითხის ასე დაყენებას იწვევს ისტორიული ცნობა განსაზღვრული ფერის ფარების არსებობის შესახებ. მაგალითად, ალექსანდრე მაკედონელის არმიის, ინდოეთში ლაშქრობის შემდეგ, შეიქმნა რჩეული რაზმები, რომლებიც ფარების სახეობის მიხედვით განსაკუთრებულ სახელებს ატარებდნენ. ასეთი იყო „ვერცხლის ფაროსანთა“, „თეთრ ფაროსანთა“ და „სპილენძის ფაროსანთა“ რაზმი<sup>2</sup>.

სამეცნიერო ლიტერატურაში ამ მოვლენას ხსნიან იმ ინტერესით, რომელიც ერთიანი სამხედრო ფორმის შექმნისაკენ იყო მიმართული<sup>3</sup>.

<sup>1</sup> ვ. ფუთურიაძე. მოკამედ თავრის ცნობები საქართველოს შესახებ. მასალები საქართველოს და კავკასიის ისტორიისათვის, ნაკვეთი 30, 1953.

<sup>2</sup> Эллинистическая техника, сборник статей под редакцией акад. И. И. Толстого, 1948, стр. 273.

<sup>3</sup> იქვე, 83-279.

К. К. Чолокашвили

## ГРУЗИНСКОЕ БОЕВОЕ ОРУЖИЕ ЩИТ

Резюме

В фондах отдела этнографии Государственного Музея Грузии им. С. Джанашиа хранится богатая коллекция грузинского боевого оружия, в том числе и коллекция щитов; эти щиты, по своей форме все круглые, составляют один тип и по материалу и технике изготовления подразделяются на три группы: 1. Деревянные щиты, обтянутые кожей, 2. Кожаные щиты с металлическими частями и 3. Металлические щиты холоднойковки.

В работе дается описание техники изготовления щитов по отдельным процессам.

По этнографическому материалу для изготовления щитов хевсуры употребляли закопченную сажей бычьую сыромятную кожу. В этой связи автор вновь ставит вопрос об идентичности «Каракалганов» — «чернощитных» (носящих черные щиты) с хевсурами.

Привлечением сравнительного иконографического, исторического и археологического материала, можно прийти к выводу, что круглый щит является самобытным элементом грузинского боевого оружия.

Наряду с этим можно также связать начальную форму грузинского щита с изображениями щитов на хетских памятниках.

---



6. რეზიუმე

სამეურნეო ნაბიჯობა „ლუი“ სამხრეთ საქართველოში

I

1936 წ. ზაფხულის დამლევის (20/VIII—20/IX) პროც. გ. ჩიტაიას ხელმძღვანელობით მოწყობილ იქნა თრიალეთის კომპლექსური ეთნოგრაფიული ექსპედიცია, რომელიც მიზნად ისახავდა თრიალეთის ეთნოგრაფიული სინამდვილის შესწავლას.

ზემო ქართლის ეს მხარე შეიცავს მდ. ქციას ხეობის ჩრდ.-დასავლეთ ნაწილს, რომელიც დაბა წალკის მაღლობებიდან მოკიდებული, ვიდრე ერჯევანისა და თრიალეთის მთების კალთებამდე, ერთ ვრცელ, ჩაქვებულ დავაკებას წარმოადგენს. თრიალეთზე გადის მდ. ქცია, რომლის ნაპირებზე, მცირედ შეფერდებულ ადგილებში, გაშენებულია მრავალი სოფელი. ვახუშტი ასე აგვიწერს ამ კუთხეს: „ხოლო ამა თრიალეთის საშუალსა დის მდინარე ქცია, წოდებული ანუ დაბის გამო, ანუ ვინათგან აქცევს ხილთა რავენცა მტკიცე ქვიტკირისა იყოს, მის გამო იწოდა“... ცოტა ქვემოთ: „ხოლო ესე თრიალეთი არს ზაფხულ ფრიად შვენიერი, ბალახოვანი, ყვავილოვანი, წყაროანი, სანადირონი მრავალნი: დიდთა ნადირთა, ფრინველთა და თევზთა. არა არს აქა ტყე, არამედ ზიდვენ ერჯევნიდამ და ხმარობენ უმეტეს წივისა; მოსავლით, ვითარცა ტაშირი, გარნა ესე უმჯობესი მისა. თვინიერ აქლემისა, პირუტყვი მრავალნი, ვენახი, ხილნი და მტილოვანნი არარაი არს აქა, და მთის ხილნი მრავალნი. ტკბილს მოიტანენ ბარიდამ, ჩაასხმენ აქა და დაღვების ღვინო კეთილი და გემოიანი“<sup>1</sup>.

თრიალეთის დღევანდელი მოსახლეობა ეთნიკური შემადგენლობის მხრით ნაციონალური სიჭრელით ხასიათდება. მათი მეურნეობის წამყვან დარგს მიწარობა შეადგენს. მოსახლეობა მთლიანად კოლმეურნეობაშია გაერთიანებული და შეძლებულად ცხოვრობს.

ცნობილი ფაქტია ის გარემოება, რომ თრიალეთის აწინდელი მოსახლეობის უმრავლესობა ვადმოსულია, ამ ერთი საუკუნის წინ, თურქეთიდან, ისტორიული საქართველოს სამხრეთ-დასავლეთ პროვინციებიდან<sup>2</sup>. ამ ახალ მოსულთ ადრინდელ ეკონომიურ-კულტურულად აყვავებულ მხარეში—თრიალეთში დახვდათ მოსახლეობით გავერანებული, მაგრამ უამრავი ეთნოგრაფიული, არქეოლოგიური და ისტორიული ნაშთებით აღსავსე მიდამოები; ნახევრად დანგრეული სოფელ-დაბანი, საცხოვრებელი და სამეურნეო ხასიათის

<sup>1</sup> ვახუშტი. საქართველოს გეოგრაფია. მ. ჯანაშვილის რედაქციით, ტფ., 1904, გვ. 54.

<sup>2</sup> გ. ჩიტაია. წალკის ურუმების ეთნიკური შემადგენლობა. წერილი, 1952.

ნაგებობანი და სხვ. ამ მიმკვიდრობის ნაწილი მათ მზამზარეულად აითვისეს; ნაწილიც თავისი საკუთარი მოთხოვნილების შესაბამისად გადააკეთეს, ხოლო ერთი ნაწილი სრულიად გამოუყენებელი და აუთვისებელი დარჩათ.

ამგვარად, თრიალეთი როგორც თავისი წარსულით, ისე აწმყო სინამდვილით მდიდარი და საინტერესო ეთნოგრაფიული მასალის შემცველია. ექსპედიციის მუშაობამ ამ არეალზე მკაფიოდ დაგვანახა დიდად საყურადღებო ძველი ქართული ნივთიერი ძეგლები, რომელთა გამოვლინებას, ჩვენი კულტურული წარსულის გასათვალისწინებლად, დიდი მნიშვნელობა ენიჭება.

## II

თრიალეთის ეთნოგრაფიულ სინამდვილეში მრავლად დაცულ სამეურნეო ხასიათის ძველ ნაგებობათა შორის, განსაკუთრებით, ყურადღებას იქცევს თავისებური აღნაგობისა და მოყვანილობის ორმოები. ამჟამად, მათ ადგილობრივი მცხოვრებნი სახელად „ლუი“-ს II „ყუი“-ს და „ლუ“-ს უწოდებენ.

„ლუი“ წარმოადგენს მიწაში ქვევრისებურად ჩაპრილ ორმოს, რომლის ყველა კედლები ქვიტიკრიოთა ამოშენებული. ასევე მისი ყელი და ძირი ქვიტიკრიოთა კედლებს შემტკიცებული. საშენ მასალად გამოყენებულია ადგილობრივი რიყის ბრტყელი ქვა, სილა და კირი. „ლუი“-ს შიგნითა ზედაპირი, როგორც კედლები, ისე ძირი, შელესილია მთლიანად საგანგებოდ შეზავებული კირისა და სილის ანაზელთ<sup>1</sup>. მოყვანილობით მისი ფუძე წრეს წარმოადგენს, ხოლო ტანი თავლია გუმბათს ჰგავს. ფუძიდან დაწყებული „ლუი“-ს ტანი თანდათან ფართოვდება, ვიდრე მუცლის ზედა არესთან მისი გარშემოწერილობა უდიდეს რადიუსს არ მიაღწევს. ამ ხაზიდან მოყოლებული მისი მოცულობა თანდათან კლებულობს და ვიწროვდება, ვიდრე ბეჭებთან, დიდი ქვევრის მსგავსად, ყელს არ დაიყენებს. ყელამდე „ლუი“ დაფლული არის მიწაში, ყელის ზევით მიწის ზედაპირს რამდენიმე სანტიმეტრით (საშუალოდ 10—25 სმ) „ეზეითება“ (სცილდება). ყელი შესკვნილია ერთიანი, ან ოთხი გულამოჭრილი ქვით, რომელიც შეადგენს ამასთანავე „ლუი“-ს თავს (სურ. 3). თავზე დაფარებული აქვს გამწე, ბრტყელი ქვის სარქველი, რომელიც საკმაოდ დიდი ზომის არის, ისე რომ ერთ კაცს მისი აწევა კიდევ გაუჭირდება (სურ. 4). ამ სახით შეყვლული და დასარქველებული „ლუი“ თავისი გარეგანი შეხედულებით ძლიერ წაგავს მიწაში დაფლულ ჩვეულებრივ საღვინე ქვევრს (იხ. სურ. 1, სარქველმოხდილი „ლუი“).

გამწე სარქველი, რომელიც ნაწილობრივ გადაშვრილია „ლუი“-ს თავითგან, ადვილად ფარავს მას წვიმის ზესხმიდან, ხოლო მოგარდნილ ნაწვიმარ წყალს მაღალი ყელი არიდებს, რომლის გარშემო შემოყრილია მიწა ბორცვად (სურ. 2).

<sup>1</sup> ამ ხსნარის ანალიზს შეუძლია შეჭი მოფინოს და გაარკვიოს, სახელოდობრ, რა რაოდენობისა და რა რა მასალისაგან შედგება იგი. აპრიორი შეიძლება ითქვას, რომ იგი საკმაოდ მაღალი ხარისხის „კოწიწი“ უნდა იყოს. სხვაგვარად შეუძლებელია აიხსნას მისი ასე საღვინე და სავსებით პირმტკიცედ შენახვა.



„ლუი“ უაღრესად მკვიდრი ნაგებობაა, დიდი ზრუნვითა და მონდობით ნაშენები. ერთიანი, გადალესილი შიგნითა პირით იგი კაცს ნამდვილი თიხის კეცი ეგონება და არა ქვიტირით ნაგები. თავისი ფორმითა და აღნაგობით იგი მაღალ სახუროთმოდერებო პრინციპებსა და წესებზეა დამყარებული. ამ მხრით, „ლუი“ ძირეულად განირჩევა ჩვეულებრივი სახის უბრალო ორმოები-საგან. ამგვარი ორმოები საერთოდ უგეგმოდ და ერთიანი სისტემის გარეშე ითხრება. მისი გაკეთება შედარებით ადვილია და თითქმის ყველას შეუძლია.



სურ. 1. „ლუი“ —სარქველ ახდილი


„ლუი“-ს აშენება კი ყველასათვის ხელმისაწვდომი და შესაძლებელი არ არის. რამდენადაც ამას მისი კონსტრუქცია ამეღავნებს, იგი „მცოდნე ხელს“ და სახუროთმოდერებო წესების დაცვას მოითხოვს. ეს გარემოება არსებითად განასხვავებს „ლუი“-ს უბრალო ორმოებისაგან (ნახაზი 1, 2, 3).

„ლუი“ გავრცელებულია მთელ თრიალეთში. იგი უკლებლად გვხვდება ყველა სოფელსა და ნასოფლარში. განსაკუთრებით, მრავლად შემონახულია იგი ძველ დაბა წალკაში (ჰუნია-ყალა), რომელიც მდ. ქციას მარჯვენა ნაპირზე მდებარეობს<sup>1</sup>.

თითოეული სახლის წინ აქ, ხშირად წარმოდგენილია 4—5 ამგვარი „ლუი“, რომელსაც შეიძლება „ორმონაშენი“ ეწოდოს. თრიალეთის აწინდელ ეთნო-

<sup>1</sup> ამჟამად დაბა წალკის დასახლების ადგილი ზრამჭისის წყლის საგუბრით დაძირულია. მოსახლეობამ ადგილი გადაინაცვლა 2 კმ სამხრეთით.

გრაფიულ ვითარებაში მათი ნამდვილი დანიშნულების და თავდაპირველი ფუნქციის მიგნება გაძნელებულია. წინასწარი ცნობების საფუძველზე, სიტყვიერი წყაროების მიხედვით, ამგვარი ორმოები სხვადასხვა მარცვლეულის მოსაცავად უნდა ყოფილიყო გამოყენებული. ჩვეულებრივად 3—4 ამგვარი „ლუი“ ახლო განლაგებული შეადგენდა თითოეული მოსახლის საცხოვრებელი და სამეურნეო დანიშნულების ნაგებობათა კომპლექსის შემადგენელ ნაწილს. იგი ერთგვარი „ბეღელი“ იყო, სადაც ინახებოდა სხვადასხვა მარცვლეული. დამარაგების შემდგომ დასარქველებული და მომიწული „ლუი“ პირდაპირ რჩებოდა ღია ცის ქვეშ, ან გადინებოდა რითიმე.



ნახ. 1. „ლუი“, სოფელი ჭუნიაკალა (თრიალეთი)

სრული გამოყენების მხრით ეს „ორმოები“, როგორც ჩანს, დამახასიათებელია თრიალეთის მხოლოდ უწინდელი მკვიდრი მოსახლეობისათვის. ახლანდელი მოსახლეობის სამეურნეო ცხოვრებაში კი იგი დამხმარე ნაგებობის როლს ასრულებს. მისი გამოყენება უფრო შემთხვევით ხასიათს ატარებს.

როგორც ცნობილია, თრიალეთის სინამდვილეში შრავალი საყურადღებო ძველი ნაგებობაა—საცხოვრებელი, სამეურნეო და საკულტო ხასიათისა (გვირგვინიანი დარბაზები, ზეთის სახდელი ქარხნები, ორმო-ნაშენები, ეკლესიები და სხვ.), რომელიც იქ დაუტყვეა თურქთა და ლეკთა მიერ უწყალო დარბევებით განაწამებმა ქართველმა მოსახლეობამ, ნაწილობრივ იქნა ათვისებული ახლადამოსახლებულთა მიერ.



ამასთან დაკავშირებით უნდა აღინიშნოს, რომ მათ თავდაპირველ საცხოვრისზეც უნდა ჰქონოდათ საქმე კულტურის ანალოგიურ მოვლენებთან. კერძოდ, მიწაში ნაგებობანი უცხო არ უნდა ყოფილიყო მათთვის<sup>1</sup>. ალბათ, ამით აიხსნება ის გარემოება, რომ თრიალეთის ახალშენთა ყოფაში რეალური ათვისება ჰპოვა „გლეხურმა დარბაზმა“, ზეთის სახდელმა ქარხანამ („ბაზირხანამ“) და „ლუი“-მ.



სურ. 2. „ლუი“—გამწე სარქველიანი


„ლუი“-ს საყოველთაო გავრცელება, ტევადობა, რიცხვი და, რაც მთავარია, მკვიდრი იგებულება ამტკიცებს, რომ მისი მხმარებელი მოსახლეობა საკმაოდ ეკონომიურ შექმლებულებისა იყო და რომ მათ სამეურნეო ცხოვრებაში იგი დიდ როლს თამაშობდა.

საყურადღებოა, რომ „ლუი“ ქართული დარბაზის წყობაში, რომელსაც საერთოდ საცხოვრებელი და სამეურნეო ხასიათის „შრამელის“ ერთ კერქვეშ თაენოყრა ახასიათებს, ცალკე, დამოუკიდებელ ნაგებობას წარმოადგენს. უნ-

<sup>1</sup> ზ. ჩიტაია. თრიალეთის ეთნიკური შემადგენლობის საკითხისათვის. ხელნაწ. (იხ. ისტორიის ინსტიტუტის ეთნოგრაფიის განყ-ის არქივი).



და ვივარაუდოთ, რომ მისი ეს ხასიათი გაპირობებულია ფუნქციის თავისებურებითა და რეალური ობიექტური მოთხოვნისგან. შეიძლება ეს იმით აიხსნებოდეს, რომ „ლუი“ არ იყო ყოველდღიური, სახელდახელო და წარამარა მისასვლელი პურეულის საცავი ბეღელი, რომ მასში, პირველ რიგში, საკვების სათადარიგო მარაგი ინახებოდა, ან სათესლე და ზაფხულის ფონდი, როგორც ამას ადგილობრივი ეთნოგრაფიული მასალები ადასტურებს. რაც



ნახ. 2. „ლუი“, სოფ. ედიქილისა (თრიალეთი)

შეეხება ყოველდღიურ და სახელდახელო სარჩოს, იგი ინახებოდა სახლს შიგნით, საგანგებო საცავ ქურჭელში<sup>1</sup> (ხის ამბარი, თიხის დორა, ტილოს ტომრები, ხის კასრები და სხვ.), როგორც ამას ადგილი აქვს ამჟამად თრიალეთის მოსახლეობის ყოფაში. ამასთან დაკავშირებით საჭიროა გათვალისწინებულ იქნეს „ლუი“-ს შინაგანი ტექნიკური შესაძლებლობა და ცალკეული დამახასიათებელი მხარეები. ამ მიმართებით იგი რომ ხის ჩეეულბრივ ბეღელს

<sup>1</sup> უნდა ვივარაუდოთ, რომ ამ მიზნით აქ გამოყენებული უნდა ყოფილიყო ხის ბეღელიც, რასაც ფაქტიური სინამდვილე ადასტურებს.



შეედაროთ, მათ შორის არსებით განსხვავებას შევამჩნევთ. ხის ბელელი, როგორც ვიცით, დატიხრულია რამდენიმე ცალკე თვალად. თითოეული „თვალი“ განლაგებულია თავისთვის და დამოუკიდებლად. ეს თავისებურება ხის ბელელს მარჯვე და მოხერხებულ სახმარს ხდის. პურეული და სხვა სახის მარცვლეულისა და დაფქულის შესანახად.

„ლუი“ ამის საშუალებას არ იძლევა. მართალია, დატიხვრა ძირითადად მის მიმართაც არის გამოყენებული, მაგრამ აქ არსებითია კონსტრუქციული აღნაგობა და „მისადგომი“ (მისასვლელი) პირობები, ტექნიკური შესაძლებლობა. რაც მთავარია, ბელელი დაფუძნებულია მიწაზე, მაგრამ მთელი ტანით სივრცეშია ამართული. „ლუი“ მიწიდანაა ამოყვანილი, მაგრამ მასშივე არის ჩადგმული. პირველი მისასვლელად და განსარიგებლად მოსახერხებელია, მეორე—მოუხერხებელი.

მათ შორის განსხვავებას განსაკუთრებით აღრმავეს აგრეთვე ტიხრის ტექნიკური გამართულობა. პირველ შემთხვევაში სატიხრავ მასალად იყენებენ: ხეს, იგი სტატიურია, უძრავი. მეორე შემთხვევაში იხმარება: ქილობი, ბზე, ნაშჯა, თივა, ლობიოს ჩენჩო, ხის ტოტები და სხვა. დატიხვრა—მოძრავია, ამოსაღები და შესანახი მარცვლეულის არჩევანი და თანრიგი მომხდარი ფაქტია, წინასწარ გათვალისწინებული და აწონილ-დაწონილი. ამასთანავე, პირველი ოჯახური მოთხოვნილების და საჭიროების მიხედვით გამოწვეულ ცვლილებათა დამი—მოძრავი, დინამიური არის, ხოლო მეორე—მის მიმართ უძრავი, სტატიური. ამავე დროს ხის ბელელში მარცვლეულის გარდა დაფქულიც შეიძლება მოთავსდეს, თან მისი მდგომარეობაც ყოველდღიურად გაისინჯოს და შემოწმდეს. ეს გარემოება დიდ უპირატესობას ანიჭებდა ამ უკანასკნელს „ლუი“-სთან შედარებით. ამას ერთვოდა აგრეთვე მეორე ამბავიც—ხის ბელელში პურეული შედარებით მშრალად და ხალად ინახებოდა, ორმოში შენახული კი ადვილად ნოტივდებოდა. საჭირო იყო მისი ორმოდან ამოყრა და გაშრობა. წინააღმდეგ შემთხვევაში მარცვლი „გაილოჯებოდა“ და დაღებოდა. ქართული ხალხური ლექსი ამ ამბავს ნიშანდობლივად გამოთქვამს: „ორმოში ფეტვი ჩავყარე, შესანახადაო. ორმოში წყალი ჩასულა დასალბობადაო. ორმოდანა ამოყარე გასაშრობადაო“ და სხვ.

„ლუი“-ს მთელი რიგი დადებითი მხარეებიც ჰქონდა, იგი მკვიდრი ნაგებობა იყო. სათესლე მარცვალს იდეალურად, თითქმის ბუნებრივ პირობებში ინახავდა. გარეშე, თუ შინაური მტერი ადვილად ვერ ამჩნევდა და სტიქიურ შემთხვევებისგანაც საშიშ მდგომარეობაში არ იყო. აქ შენახული თესლი დათესვისას ადვილად „ილოჯებოდა“ მიწაში და მალეც ამოდიოდა. ამას ის გარემოებაც ერთვოდა, რომ „ლუი“-ს ასაშენებლად საჭირო მასალა თრიალეთში თითქმის ყველგან იშოვებოდა, მაშინ როდესაც ხის მასალა ძალიან ძვირად მოიპოვებოდა და მისი შორიდან მოტანა ერთობ ძნელი ხდებოდა. „ლუი“-ს მთავარი ნაკლი იმაში მდგომარეობდა, რომ იგი ძირითადად მაინც ერთი თვალი იყო. მომხმარებლის მიერ ლუის ეს ნაკლი იმითი იყო შევ-





სებული, რომ სხვადასხვა პურეულისათვის შიგნით ჰქონდათ ტანმოზილი. ჰურქელი: თიხის დორები, ხის კასრები, ტომრები, ხის კიღობნები და სხვ. რის მიხედვითაც აღვიღად ხერხდებოდა პურეულის განრიგება.

მთელი წყება „ლუი“-ს ერთიმეორესთან შედარებამ გვიჩვენა, რომ ყველა ისინი აღნაგობით და თავისი ძირითადი ხასიათით ორ სახედ იყოფიან. პირველი სახის ამგვარ ორმოებს ტანი და ყელი კუთხოვანი აქვთ (ნახ. 3), ხოლო მეორე სახისას—მრგვლოვანი (ნახ. 1, 2).

სოფ. ჰუნია-ყალაში (ძველი დაბა, წალკა) ივ. გიორგის ძე პარასკევივის ეზოს ჩრდილოეთით, 30 ნაბიჯზე კოლმეურნეობის სახლის წინ დაცული იყო „ლუი“ (მისი სრული აღწერა და სითანადო გაზომვები ჩავატარეთ არქიტექტორ ვლადიმერ წილოსანის მეშვეობით), რომელიც თავისი აღნაგობით და გარეგანი მოყვანილობით ამგვარ ორმოთა ერთ საუკეთესო ნიმუშად შეიძლება ჩაითვალოს. იგი უნაკლოდ და დაუზიანებლად იყო შემონახული, რასაც მეცნიერული თვალსაზრისით განსაკუთრებული მნიშვნელობა აქვს. მეორე მხრით, ეს „ლუი“ ინტერესს იპყრობდა ზოგიერთი თავისებური მონაცემებითაც, რაც სხვა ორმოებისათვის არ შეგვიძინებია. მას, ფუძიდან 25 სმ სიმაღლის წრეხაზზე, გარშემო კედელში დაბრტყილი ჰქონდა „ღრუები“, რომელთა პირის დიამეტრი 1 სმ უდრიდა, ხოლო სიღრმე—15-20 სმ, მათ შორის დამორების მანძილი—20 სმ დაახლოებით (ნახაზი 1).

ამ „ღრუების“ ნამდვილი დანიშნულება და მიზანი გაურკვეველია. ვარაუდით, შესაძლებელია, ისინი ვათვალისწინებული იყო სატიხრავი გარეების (ჯოხები) თავშესაყოფად. ამ მიზნით „ლუი“-ს კედლებში „ღრუების“ დატანება, ერთ წრეხაზზე, სავსებით მოსალოდნელია. საფიქრებელია, იგი მანიავებელი საშუალება იყოს—ვახურებული ჰაერის გასაწოვად. „ლუი“-სათვის „ღრუების“ დახრილად, „მოგვერდულად“ დაღმა დაყოლება ამ მოსაზრებას, თითქოს, დასაჯერებელს ხდის. მართლაც, „ლუი“-ში შენახული ხორბალი, რაც უნდა გაფიცებული ყოფილიყო, თავისი სიხვაყრიელით უთუოდ გამოიწვევდა საგრძნობ სიმბურეალეს, რომლის გაწოვა თავმოიწულ „ლუი“-დან აუცილებელი იქნებოდა, ვინაიდან „ლუი“ ყოველმხრით ჰერმეტიკულად დახურულ საცავს წარმოადგენდა. საინტერესოა, რომ აღნიშნული „ლუი“-ს კედლები მშრალი და უნოტიო აღმოჩნდა, რაც მის შინაგან თვისებებსა და ნაგებობის მაღალ სტილს ერთხელ კიდევ ამჟღავნებს.

მრავალთა დამოწმებით, თრიალეთის აწინდელ მცხოვრებთა ყოფიერებაში „ლუი“ ინდივიდუალურ გამოყენებასთან ერთად კოლექტიური მოხმარების საგანი ჩანს. ამ ბოლო ხანებამდე რამდენიმე ოჯახი მასში ერთად ინახავდა სათესლე პურეულის მარცვალს—„თოხუმს“. რაც შეეხება სახარჯო მარაგს—„იაჯახ“-ს, მას შიგნით, სახლებში ინახავდნენ: ხის ამბარებსა, კედლებსა და შალის ტომრებში. საზიარო „ლუი“-ში ჩაყრილი თითოეული ოჯახის წილი სათესლე მარცვალი ერთმანეთიდან სხვადასხვა ტიხრით (ბზე, ჩალა, თივა, ქილობი და სხვ.) იყო ხოლმე გამოყოფილი. გაზაფხულზე, სახნავად გასვლის დროს, რომელიმე უხუცესი კაცი, მოზიარეთაგანი, ვიდრე უშუალოდ მარცვლის ამოღებას შეუდგებოდნენ, „ლუი“-ს წინაშე გარკვეულ რი-

ტულს შეასრულებდა. ლოცვის გადახდის შემდეგ მომიწულ „ლუი“-ს თიხის მოხდიდნენ და თითოეული, რიგისამებრ, თავის კუთვნილ მარცვალს ამოიღებდა იქიდან.

ამრიგად, „ლუი“-ს საზიარო გამოყენება ერთგვარ წესებს ემორჩილებოდა და ამ წესებს არჩეული, უხუცესი პირი განარჩევდა ხოლმე.


როგორც ზემოთაც ითქვა, „ლუი“ საერთოდ დიდი ტევადობის და მოცულობისაა (საშუალოდ იგი 200—300 ფუთს იტევს). თუ ამას მის რიცხობრივ სიმრავლესაც მივუმატებთ, აღმოჩნდება, რომ იგი თავისი ფუნქციით გარ-



სურ. 3. „ლუი“-ს თავი ერთიანი, გულლია ქვისა

კვეთს საზოგადოებრივ ვითარებაში მნიშვნელოვანი სამეურნეო ხასიათის ნაგებობა უნდა ყოფილიყო. ის ამბავი, რომ თითოეულ სახლ-კარს აქ 3—4 ამგვარი „ლუი“ გააჩნია, ამტკიცებს მცხოვრებთა ეკონომიურ სიძლიერესა და დიდ დოვლათს. თრიალეთი, თუ ამ შრამელთა ტევადობითა და ფუნქციით განვსჯით, მართლაც, რომ მთელი საქართველოს ზეგლად შეიძლება წივიჩნით, როგორც მას ვახუშტი ბატონიშვილი ახასიათებს. უნდა ვივარაუდოთ სხვა ფაქტორთა გავლენა და მოქმედებაც, რომელთაც ხელი შეუწყვეს როგორც ამ ნაგებობათა წარმატებას, ისე მათს დაცემა-დაქვივობას. მაგრამ ერთი რამ გადაჭრით უნდა ითქვას. ყველა მონაცემით დასტურდება ის ამბავი, რომ ერთ დროს თრიალეთის მკვიდრი მოსახლეობა დიდი ეკონომიური შეძლებულობის, უხვი მოსავლის და დოვლათის პატრონი ყოფილა. დღემდე აქ მრავლად შემონახული უზარმაზარი ძველი, ზეთის სახდელი ქარხნები—„ბაზირხანები“ და ვეებერთელა საცხოვრებელი დარბაზები ამასვე გვიჩვენებენ.

როგორც აღვნიშნეთ, თრიალეთის სინამდვილეში ჩვენ გვხვდება ორგვარი ორმო. ქვიტყირით ამოშენებული და ამოშენებელი. პირველი სახის ორმო იშვიათად, მაგრამ მაინც პურეული მარცვლის მოსაცავად იხმარება, მეორე სახის —საკარტოფილედ. ამოშენებელი, უბრალო ორმო, საერთოდ, სა-



ნახ. 3. „ღი“, სოფ. წინწყაოთ, თრიალეთი

ქართველოს ყველა კუთხეშია ცნობილი. ამჟამად, მცხოვრებთა ყოფიერებაში იგი გამოყენებულია, უმთავრესად, საკარტოფილედ, მიწავეშლასთვის და სხვა... ამასთანავე, უკანასკნელ დრომდე ამგვარ ორმოებს შიდა ქართლში<sup>1</sup>

<sup>1</sup> იხ. საქ. საბ. მუზეუმის ეთნოგრ. განყ. არქივი, ქართლის ეთნოგრ. ექსპედიციის მასალები.

კახეთში<sup>1</sup> და მესხეთ-ჯავახეთში ჩალოთ ამოაგებდნენ, ფსკერზე ბზეს მოუფენ-  
 დნენ და შიგ მარცვლეულს ჩაყრიდნენ ხოლმე. რაც შეეხება „ლუი“-ს (ხაროს  
 ამოშენებულს), ამ დანიშნულებით გამოყენება ჩვენ ხელთ არსებული მასალების  
 მიხედვით, გარდა თრიალეთისა, სხვაგან საქართველოს ეთნოგრაფიულ სინამ-  
 დვილეში დადასტურებული არ არის. ეს გარემოება საერთოდ სათუოს ხდის  
 მის თავდაპირველ დანიშნულებას—მხოლოდლა მარცვლეულის მოსაცავად. ამ  
 საკითხის გარკვევას ისიც აძნელებს, რომ „ლუი“-ს ნამდვილი სახელისა და  
 დანიშნულების შესახებ დანამდვილებით არაფერი ვიცით. არსებული ცნობე-  
 ბი ფაქტიურად იმ ეთნიკურ სინამდვილიდან მომდინარეობს, რომელიც ორ-  
 მო-ნაშენთა და მსგავს მატერიალური კულტურის ძეგლთა დაფუძნებას თრია-  
 ლეთის სინამდვილეში იქ უწინ მცხოვრებ ქართველთა ნაყოფად მიიჩნევს. ერთი  
 სიტყვით როგორც სახელწოდება „ლუი“, ისე მისი ფუნქცია ზუსტად დად-  
 გენილი არ არის. იგი მხოლოდ შემდეგში ნოსულთა ცნობებს ემყარება და  
 ამდენად ექვიმუტანელ საბუთად ვერ გამოდგება. აღსანიშნავია, რომ „ლუი“-ს  
 აქაც ყველა ამ სახელით არ იცნობს. მაგალითად, სომხური მოსახლეობა არ  
 არჩევს მას უბრალო ორმოსგან და ჩვეულებრივად მისაც, უბრალო ორმოს  
 მსგავსად, „ჰორ“-ს უწოდებდნენ. ეს გარემოება მიგვითვებს ამასთანავე იმ  
 ფაქტებზე, როდესაც ახალ გარემოში ამა თუ იმ ეთნიკურ ჯგუფს თან მიაქვს  
 თავისი საკუთარი ყოფის მახასიათებელი წეს-ჩვეულება და ცხოვრების სახე.  
 ამასთანავე, უცხოა და მისთვის ახალს, მიმსგავსებით, მისთვის ცნობილი  
 საგნის, თუ მოვლენის სახელს არქმევს. ასევე რაოდენადაც ეს ხსოვნას შემო-  
 უნახავს, არც ერთი ეთნიკური ჯგუფი („ურუმები“, ბერძნები, თურქები, სომ-  
 ხები და სხვ...) თრიალეთის მოსახლეობისა არ იმ-წმებს იმ ფაქტებს, რომ  
 მათ ყოფას თავდაპირველ საცხოვრებელ ადგილზე ამგვარი ორმო-ნაშენნი  
 ახასიათებდა. ამიტომ სახელი „ლუი“ ამგვარ ორმოებს იმავე აზრით უნდა  
 დარქმეოდა, რა აზრითაც „ჰორ“-ი. წინააღმდეგ შემთხვევაში საფიქრებელია,  
 რომ ტერმინი „ლუი“, ისე როგორც მისი რეალური მნიშვნელობა, უწინდელ  
 ქართველთა მოსახლეობიდან მომდინარეობდეს და დამხვდურ კულტურის გარდ-  
 ნონაშთს წარმოადგენდეს<sup>2</sup> (შდრ. „გვი“ (გული), „გიმ“ (მიწა) სვანური).

„ლუი“, საერთოდ, „მთხრებლის“ ერთ კერძო სახეს შეიცავს. ამ უკანას-  
 კნელის მნიშვნელობა საბას განმარტებული აქვს შემდეგნაირად: „მთხრებლი:  
 ესეცა განიყოფიან რამეთუ მღვმე არს მთხრებლი კლდისა, კაცთათვის საპა-  
 ტიმრო, განა თავის თვისით შთაჯდეს სინანულისათვის; ვნარც არს მთხრებ-  
 ლი მიწისა მსგავსად მღვმისა; ორმო არს მთხრებლი მიწისა ხყარბალთა და  
 მისთანათა სამარხავად; ხარო არს მთხრებლი—შინაგან ქვიტკირით ამოგებუ-  
 ლი“<sup>3</sup>... ამგვარად, დასახელებულ „მთხრებლის“ ცალკეულ სახელთაგან „ლუი“-ს  
 მხოლოდ „ხარო“ შეესატყვისება, რადგანაც ორივე მათგანის ნიშანდობლივ  
 დამახასიათებელ მხარეს ქვიტკირის შინაგანი პირი წარმოადგენს. სამწუხა-

<sup>1</sup> ასპ. ი. ნანობაშვილის და შ. გოხალიშვილის ცნობით.

<sup>2</sup> „ლუი“—სახელი შემოინახა ბერძენ და ურუმ მოსახლეობაში.

<sup>3</sup> ს. ორბელიანი. ქართული ლექსიკონი. პროფ. ი. ყიფშიძისა და პროფ. აკ. შანი-  
 ძის რედაქციით, ტფ., 1928.



როდ, საბას ხაროს ფუნქციისა და ძირითადი დანიშნულების შესახებ არაფერი აქვს ნათქვამი, თუ ორმო „ხვარბალა და მისთანათა სამარხავად“ იყო განკუთვნილი (ამას ხომ ხალხური ლექსიც ადასტურებს), საინტერესოა „ორმო-ნაშენი“ — „ლუი“, ანუ ხარო (საბას მიხედვით) რა დანიშნულების უნდა ყოფილიყო?

საქართველოს ეთნოგრაფიულ სინამდვილეში „სარო“ ეწოდება აგრეთვე ხის დიდსა და მოგრძო ოთხკუთხედად შეკრულ ყუსაც, რომელსაც ამასთანა-



სურ. 4 „ლუის“-ს სარტყელი ერთიანი, გამწე ჰვისა

ნავე „ამბარი“<sup>1</sup> „ბალი“<sup>2</sup> ეწოდება ხოლნე (მღრ. უბრძანა...შეკრიბოს მარცხული იფქლისად რ'ლი დაშთომილ არს ხაროსა მას შ'-ა საიფქლესა, ცხ. სემ. მეს. K. 272, 23; „იხილა...სახარებად მდებარე ხაროსა შ'-ა“ sic. 273, 34).

ამგვარად, „ლუი“ ტექნიკური აგებულებით (საბას მიხედვით), ასევე ფუნქციის მიხედვით, ხაროს სატყვისი ჩანს, თუმცა რიგ შემთხვევაში ორმოსაც

<sup>1</sup> აღმოსავლეთ საქართველო.

<sup>2</sup> დასავლეთ საქართველო.





(იგულისხმება უბრალო ორმო) ემთხვევა. ორმო, საერთოდ, ძველიდანვე ცნობილი როგორც მიწური ბეღელი. კვინტ (კურცი) რუფი (41—54 ქ. წ.) მოიხსენიებს, რომ ზოგიერთი ტომები პურეულის მარცვლეულს ორმოებში ინახავენ<sup>1</sup>. ორმოებში ხორბლის დამარაგება-შენახვა საერთოდ ცნობილი ფაქტია. საკითხი მხოლოდ „ლუი“-ს ეხება, რომელიც სვანებზედ გამართული ნაგებობა, მიწაში ჩაშენებული ბეღელია. იყო, თუ არა „ლუი“ თავდაპირველადვე მარცვლეულის მოსაცავი ნაგებობა? ხომ არ შეიძლება ვივარაუდოთ მისი გამოყენება, მასთან ერთად, სხვა დანიშნულებითაც? აპრიორი შეიძლება ითქვას, რომ „ლუი“ წარმოადგენდა წარსულში შედარებით ფართო ხასიათის სამეურნეო „შრამელს“, სახუროთმოძღვრებო წესების საფუძველზე გამართულ „ორმო-ნაშენს“, რომელსაც, გარდა ხორბლეულისა, სხვა დანიშნულებითაც ხმარობდნენ, როგორცაა ქონის, ზეთის და მისთანათა მოსაცავად. ეს უკანასკნელი მოსაზრება ითვალისწინებს ფაქტიურ სინამდვილეს: თრიალეთში დღემდე დაცულია შინამრეწველური ხასიათის უზარმაზარი ზეთის სახდელი ქარხნები—„ბაზირხანები“, რომლებშიაც დიდი რაოდენობით იხდებოდა ზეთი. მეორე გარემოება, ვახუშტი თრიალეთის აღწერისას ამბობს: „ტკბილს მოიტანენ ბარიდამ, ჩაასხმენ აქა და დადგება ღვინო კეთილი და გემოიანი...“ ცოტა ბოლოს: „ხოლო ესენიცა ხდიან სელისაგან ზეთსა?“<sup>2</sup>

ზეთის მოსაცავად კი რაიმე სვანებზედ კურკლეული თრიალეთის ეთნოგრაფიულ სინამდვილეში დღემდე მიუკვლეველია. საფიქრებელია ამ მიზნით თიხის ქვევრებისა და დორების გამოყენება, მაგრამ ამისათვის საჭირო იყო მათი სვანებზედ გამოწვა-გამზადება. ყველა სახის თიხის კეცი საამისოდ არ გამოდგებოდა. მეორე მხრით, „ლუი“-ს არსებობის პირობებში ეს სიძნელე ნაწილობრივ „ლუი“-სავე საშუალებით შეიძლებოდა დაძლეულიყო, რაოდენადაც ამის შესაძლებლობა მას უკვე გააჩნდა.

სხვათა შორის, ქსენოფონტეს (431—354 წ. ქ. წ.) ცნობები ქართველი ტომების შესახებ იხსენიებს მოსინიკების ქვეყანას, სადაც იქ გამვლელ ბერძენთა ლაშქარს დიდძალი ძველი და ახალი პური უნახავს, როგორც გლეწილი, ისე გაულეწავი. ამასთანავე მათ აქ უნახავთ მრავალი ამფორა. მასში დელფინების (ზღვის ღორების) დამარილებული ხორციით და აგრეთვე დელფინების ქონით საესე სხვა კურკელი (?). უკანასკნელს მოსინიკები ზეითუნიზეთას მაგიერ ხმარობდნენ თურმე<sup>3</sup>. ეს საყურადღებო ცნობები იმ მხრითაცაა მნიშვნელოვანი, რომ ქვევრები ჩვენი წინაპრების სამეურნეო ცხოვრებაში არა მხოლოდ საღვინედ, სხვა ხაზითაც ფართედ ყოფილა გამოყენებული. როგორც ვიცით, ჩვეულებრივი თიხის კეცი დამარილებული სხნას პროდუქტს დიდხანს ვერ უძლებს. იგი მარილისა და სხვა სიმკვავითა ზეგავლენით მალე იშლება და ხმარებიდან გადის. ამ მხრით, „ლუი“ გაცილებით მასზე მყარი და მტკიცეა. ერთი შეხედვით „ლუი“ და თიხის ქვევრი ერთმანეთიდან არც აგრე-

<sup>1</sup> П а н т ю х о в. О пещерных и позднейших жилищах на Кавказе. Т. 1896, гл. 7.

<sup>2</sup> ვ ა ხ უ შ ტ ი. დასახ. ნაშრომი, გვ. 54.

<sup>3</sup> Л а т ы ш е в. Известия древних писателей греческих и латинских о Скифии и Кавказе. СПб, 1893, I, гл. 82.



თვალსაჩინოდ გამოირჩეოდნენ, რომ იგი უბრალო გამვლელს უბრალოდ შეემჩნია. ქსენოფონტეს ჩვენებით ხომ არ უნდა ვიგულისხმოთ „ლუი“ ქვევრად? „ლუი“-ს შიგნითა კანის ანალიზს შეუძლია შექი მოფინოს ამ საინტერესო საკითხს. მეორე მხრით, „ლუი“ რომ ძირითადად პურეულის საცავი საიფქლე ხარო<sup>1</sup> იყო სვ. მესვეტის ცხოვრებიდან მკაფიოდ ირკვევა: „არა მოაკლდეს ხაროსა სააფქლესა იფქლი“ К. 272,32; 274,23; 271,26 და სხვა.

Н. Б. РЕХВИАШВИЛИ

## „ГВИ“ ПОДЗЕМНОЕ ЗЕРНОХРАНИЛИЩЕ В ЮЖНОЙ ГРУЗИИ

Резюме

В этнографической действительности Картли, именно в Триалети до последнего времени сохранилось интересное древнее сооружение — „гви“ или „харо“ (сооружение-яма).

„Харо“ представляет из себя хозяйственного назначения подсобное сооружение — яму, выложенную в земле, камнем на растворе, в которой обычно хранились запасы зерна.

Использование ям для хозяйственных целей известно с древнейших пор и повсеместно. „Харо“ не представляет из себя просто яму. Это сооружение возведенное по правилам строительства и наилучшим образом оправдывает свое назначение.

Современные жители Триалети, которые переселились сюда сто лет назад из южных провинции исторической Грузии, называют это харо именем „гви“ (греки, урумы), „Хор“ (армяне) и считают его характерными для прежнего грузинского — „гурджиаджи“ — населения.

„Харо“ занимает определенное место в комплексе старо-грузинского дарбази, которое характеризовалось тем, что под одной крышей располагались помещения как жилого, так и хозяйственного назначения. Она располагалась то внутри дома, то вне его. Независимо от его расположения „харо“ защищено было от стихийных бедствий, а так же от грызунов и других вредителей. Самое важное это то, что в нем семенное зерно хранилось почти в нормальных условиях, одинаково защищенное и от сильных морозов и от летней жары.

„Харо“ представлено несколькими разновидностями. В общем, по способу возведения и по внешнему виду оно походит на сосуд для хранения вина — квеври — зарытый в землю.

„Харо“ было настолько солидным сооружением с прочной поверхностью при этом, что в нем можно было хранить и жидкости. Это обстоятельство выдвигает вопрос о возможности использования „харо“ и в других целях.

<sup>1</sup> ტერმინი—„ხარო“ საინტერესოა მკაფიოდნენ. ცნება „ხარო“ საბას მიხედვით აღნიშნავს მიწაში ამოყენებულ ორმოს. „მთარბელს“, სვ. მეს. ცხ. მიხედვით—საიფქლეს, ხორბლეულის შესანახ ჭურჭელს და სხვ. აწინდელ ეთნოგრაფიულ სინამდვილეში—ხის დიდ ჭურჭელს, მარაგის შესანახს. ტერმინოლოგიურად იგი ახლო უკავშირდება „ხორს“, „ქორს“, რომელნიც ნაგებობას, სახლს აღნიშნავენ. პროფ. გ. ჩიტაია, სრულიად სამართლიანად, „ხორ“, „ქორ“, „ხულა“ (საცხოვრებელი შრამელი) სახელთ უკავშირებს მეთურ ტერმინს—ხილანს (ნაგებობა) (იხ. პროფ. გ. ჩიტაია. ეთნოგრაფიული პარალელები, „ხორ“, „ხილან“, ნაკვეთი II). ამასთან დაკავშირებით სახელი—„ხარო“, ვითარცა მიწაში ჩაშენებული ნაგებობის აღმნიშვნელი, შეიძლება ნაგებობის ტიპის ოდინდელობას მიუთითებდეს.



რ. ბაბტაძე

### სამთავროს სამაროვანზე მოპოვებული მინის ჭურჭლის ქიმიური შემადგენლობა

სამთავროს სამაროვანზე აღმოჩენილი მინის ქიმიური შესწავლა მიზნად ისახავს მიღებული ექსპერიმენტული მონაცემების საფუძველზე მინის დამზადების ტექნოლოგიის ზოგიერთი საკითხის გარკვევას.

მინის ქურჭელი სამთავროს სამაროვანში, როგორც ჩანს, ძველი და ახალი წელთაღრიცხვის მიჯნაზე ჩნდება, თუმცა მინის ნაწარმი მძივებისა და მოქიქული ქურჭლების სახით უფრო ადრეულ სამარხებშია ცნობილი (X—VIII სს. ძვ. წ.). I და მომდევნო საუკუნის სამარხებში მინის ქურჭელი შესაძლებელია ინვენტარის მნიშვნელოვან ნაწილს შეადგენდეს.

შესწავლისათვის შერჩეული იყო სამთავროს მინის 27 ნიმუში; აქედან 13 ნიმუში მიეკუთვნება I—III საუკ., 9 ნიმუში—IV—V სს. და 7 ნიმუში—VI—VIII სს. [1].

მინის ანალიზი წარმოებდა სხვადასხვა მეთოდით. პონომარიოვის მიხედვით [2] ვახდენდით სილიციუმის, ალუმინის, რკინის, კალციუმის და მაგნიუმის განსაზღვრას. ნატრიუმსა და კალიუმს ვსაზღვრავდით კოლტგოფისა და სენდელის მიხედვით [8]. დანარჩენი ელემენტების განსაზღვრისათვის გამოვიყენეთ მინის კონტროლისათვის რეკომენდებული მეთოდები [19, 10].

სულ ჩავატარეთ 27 ანალიზი I—VIII სს. სამთავროს მინების, ისე როგორც ბევრი თანამედროვე მინა, წარმოადგენს  $SiO_2-Na_2O-CaO$ -იან მინებს (თუმცა ყოველ მათგანში, გარდა ამ ძირითადი ელემენტებისა, ყოველთვის არის  $Al_2O_3, Fe_2O_3, MgO$  და კიდევ სხვა ელემენტები [11].

სამთავროს მინების ხარისხა მოწმობს მინის დნობის მაღალ ტემპიკას, რომლის კარგ ილუსტრაციას წარმოადგენს  $SiO_2$ -ის მაღალი პროცენტული და ჰაერის ბუშტულების მინიმალური რაოდენობა. ეს უკანასკნელი შეიძლება იმასაც მიეწიროს, რომ კაზმის შემადგენლობაში კალციუმის ყანგი შეტანილია არა კირის სახით, არამედ კალციუმის კარბონატის სახით. იგი კაზმში შეტანისას მაღალ ტემპერატურაზე იშლება და გამოყოფს ნახშირორჟანგს, რომელსაც მთელ კაზმს გაივლის (ქვევიდან ზევით) და თან წარიტაცებს კაზმში მყოფ ჰაერის ბუშტულებს, რაც უზრუნველყოფს ჰაერის ბუშტულების სწრაფ გამოყოფას მინის მასიდან და წინააღმდეგ შემთხვევაში ძნელი მოსაშორებელი იქნებოდა [12].

სამთავროს მინებში რკინა საკმაო რაოდენობით შედის; სახელდობრ: 1% -ზე მეტი რაოდენობით შედის 8 ნიმუშში (იხ. ცხრ. რიგ. №№ 4, 6, 7, 12, 15, 16, 18, 20). თითქმის ერთ პროცენტამდეა იმავე ცხრილის 8 ნიმუშში.



(რიგ. №№ 3, 5, 11, 13, 14, 17, 19), ხოლო დანარჩენ ნიმუშებში მისი რაოდენობა 0,18-დან 0,5<sup>0</sup>/<sub>6</sub>-მდე იცვლება.

დადგენილია [17], რომ ქვიშებში რკინის რაოდენობა თუ 0,1<sup>0</sup>/<sub>6</sub>-ს აღემატება, მინა მომწვანო ფერს იღებს. რაც მეტია რკინის ქანგის რაოდენობა, შეფერვა მით უფრო ინტენსიური ხდება. ჩვენს ქვიშებში რკინის რაოდენობა რამდენიმე პროცენტს აღწევს. ამიტომაცაა, რომ ასეთი ქვიშებიდან მიღებული მინა უფერული არ არის.

მინის გაუფერულება მინის წარმოების ერთ-ერთი მნიშვნელოვანი პროცესია. სადღეისოდ გამოუფერულებლად ხმარობენ სელენს და დარიშხანს [7], რომელიც სამთავროს მინებში სპექტრალური ანალიზითაც კი არ აღმოჩნდა. სამაგიეროდ, აქ მანგანუმი ისეთი რაოდენობითაა, რომ აშკარაა—იგი ხელოვნურად შეუტანიათ კაზმის შემადგენლობაში. ეს გარემოება გვაფიქრებინებს, რომ მინის გასაუფერულებლად ჩვენს წინაპრებს, შესაძლებელია, მანგანუმის ორქანვი—პიროლუზიტი გამოეყენებინათ. მანგანუმის შენეერთებს დღესაც იყენებენ მინის გასაუფერულებლად.

არჩვენ მინის გაუფერულების ფიზიკურ და ქიმიურ მეთოდებს. პირველი მეთოდის არსი იმაში მდგომარეობს, რომ მინის შემადგენლობაში შეჰყავთ აუცილებელი რაოდენობა საღებავი ნივთიერებისა, რომელიც მინას სათანადო შეფერვას აძლევს. დამატებითი ფერი და რკინის შენეერთებით გამოწვეული მინის ფერი იძლევა თეთრ ფერს. ასეთ სპეციალურ საღებავად მინის წარმოებაში იყენებენ მანგანუმის ქანგს ( $Mn_2O_3$ ), ნიკელისა და კობალტის ქანგეულებს და სელენს (წითელი და მწვანე, ყვითელი და მოლურჯო, იისფერი და სხვ. დამატებითი ფერებია და იძლევა თეთრ ფერს) [4].

მინის გაუფერულების ქიმიური მეთოდი შემდეგში მდგომარეობს: როგორც ცნობილია, მინის ნედლეული ქვიშა, კალციტი, დოლომიტი იზომორფული მინარეგების სახით ყოველთვის შეიცავს რკინას. რკინა გვხვდება, როგორც ორვალენტიან, ისე სამვალენტიან მდგომარეობაში ქანგეულების სახით. ორვალენტიანი რკინის ქანგი—ქვექანგი ( $FeO$ ) გაუფერულების გარეშე მინას აძლევს არასასიამოვნო მოლურჯო მწვანე ფერს, რომელიც 10-ჯერ უფრო ინტენსიურად ღებავს მინას, ვიდრე რკინის ქანგის იგივე რაოდენობა. ამიტომ ამ არასასურველი ფაქტორის თავიდან ასაცილებლად, მინის კაზმს უმატებენ პიროლუზიტს, რომელიც მაღალ ტემპერატურაზე იშლება:  $2MnO_2 \rightarrow Mn_2O_3 + O$  (5). გამოყოფილი ქანგბადი ქანგავს კაზმში მყოფ ორვალენტიან რკინას და გადაჰყავს იგი სამვალენტიან მდგომარეობაში, რომელიც, როგორც ზემოთ აღენიშნეთ, ნაკლები ინტენსივობით ღებავს მინას, ვიდრე 2 ვალენტიანი რკინის ქანგი.

თუკი კაზმში შეტანილი მანგანუმი პიროლუზიტის სახით დაიშალა მანგანუმის ქანგამდე ( $Mn_2O_3$ ) და ლუმელის არეც დამქანველია, მაშინ მანგანუმი მინაში უცვლელად რჩება ქანგის სახით და მინა იისფრად იღებება. პირიქით, თუ ლუმელში არ არის საქმარისი რაოდენობით ქანგბადი და ბევრია ნახშირის ქანგი ( $CO$ ), მაშინ მანგანუმის ქანგი აღდგება მარაჩუმის ქვე-



ჯანგამდე:  $Mn_2O_3 + CO \rightarrow 2MnO + CO_2$ . ამ შემთხვევაში მინა იქნება ან ღია ვარდისფერი ან თითქმის უფერული [6, 11].

ჩვენს ნიმუშებში მანგანუმით შეფერილი მინებია № 7, 20, 22 (იხ. ცხრილი). № 7 და № 22 ღია იისფერი მინებია, ხოლო № 20 მუქი იისფერი; შესაბამისად № 7, 22 მანგანუმი ნაკლები რაოდენობითაა, ვიდრე № 20-ში.

როგორც ჩანს, ხელოსნებს ერთ შემთხვევაში ღია იისფერი, ხოლო მეორე შემთხვევაში მუქი იისფერი მინის მიღება სდომებიათ და სასურველი შედეგებისათვის მიულწევიან.

რაც შეეხება ღია მომწვანო მინებს, მათში მანგანუმის რაოდენობა შეფერილ მინებზე ნაკლები არ არის (იხ. ცხრილი რიგ. №№ 2, 3, 13, 16, 17, 25). ამ მინებში მანგანუმი ისეთი რაოდენობით შედის, რომ, თუ არა სპეციალური ხელშეწყობა და დამატებით კიდევ კაზმში აღმდგენელი ნივთიერების მიმატება, მინები უფერული არ უნდა გამოსულიყო. აღმდგენლად, ალბათ, როგორც ადვილად ხელმისაწვდომი—ნახშირი ჰქონდათ გაშოყენებული. პირობებიანი ნახშირის მიმატებით აღდგება ქვეყანგამდე:  $3MnO_3 + 2C \rightarrow 3MnO + CO_2 + CO$ .

მინებში, რომლებშიც მანგანუმი მნიშვნელოვანი რაოდენობით შედის, შეიმჩნევა მსუბუქი მოყვითალო შეფერვა (გამორკვეულია, რომ  $MnO$ -ს რაოდენობა მინებში 20%/6-მდეა დასაშვები. ამ დროს მანგანუმის არსებობა მხოლოდ მოყვითალო ელფერით მქლავნდება, რაც ჩვენს მინის ნიმუშებშიც შეიმჩნევა).

ამრიგად, როგორც ირკვევა, ძველად ხელოსნებს შესანიშნავად ცოდნით მანგანუმის გამოყენება და საჭიროების შემთხვევაში კაზმში სათანადო აღმდგენლის შეყვანით უფერული მინების მიღება. აგრეთვე სხვა შემთხვევაში შესაფერი დამყანველი არისა და ტემპერატურის შერჩევით ღიაში იისფერი მინების მიღება [3].

ფერად მინებს შორის განსაკუთრებით საყურადღებოა ლურჯი მინები. როგორც გამოირკვა, ლურჯი შეფერვა გამოწვეულია კობალტისა და სპილენძის შენაერთების მიმატებით. როგორი სახით შეჰყავდათ იგი კაზმის შემადგენლობაში ძნელი სათქმელია, რადგან მათ შეეძლოთ გამოეყენებინათ როგორც მადანი, ისე კობალტიანი სმალტაც; რომელიც შესაძლებელია გარედან შემოეტანათ.

საინტერესოა ის ფაქტი, რომ კობალტი და სპილენძი მინებში ერთდროულადაა. ეს გარემოება შეიძლება იმითაც აიხსნას, რომ ორივე ელემენტი (კობალტი და სპილენძი) ან ერთი შენაერთიდან მოხვდა კაზმში [13], ან საფიქრებელია, — მინის ოსტატებმა კარგად იცოდნენ, რომ უფრო ღიაში შეფერვა მიიღება მაშინ, როდესაც სპილენძი და კობალტი ერთდროულად შეიყვანება კაზმში. ამ დროს სპილენძის შენაერთით გამოწვეული შეფერვა შთანთქავს გრძელ წითელ სხივებს, რომელსაც ატარებს მხოლოდ კობალტით შეფერილი მინა. ამის გამო მარტო კობალტით შეფერილ მინას მოიხსნო ფერი გადაჰყარავს. სპილენძის სათანადო შენაერთების შეტანა მინის კაზმში ძველად





ხელოსნებს უნდა სცოდნოდეთ, იმის გამო, რომ, როგორც ცნობილია, მეტალურგია იმ დროს მაღალ საფეხურზე იდგა [15,16].

ჩვენს საანალიზო ობიექტებში სპილენძთან და კობალტთან ერთად თითქმის მუდამ არის ტყვია, რომლის რაოდენობა იცვლება 0,018%-დან 2,42%-მდე. თანამედროვე მინებში ტყვიის ქანგის შეტანა მიზნად ისახავს მინის სინათლის გარდატეხვის მაჩვენებლის გაზრდას და მინისათვის ძლიერი გამჭვირვარეობის მონიჭებას (ბროლი). არქეოლოგიურ მინებში კი ტყვიის ქანგი, როგორც ჩანს, იმ მიზნით არ უნდა ყოფილიყო შეტანილი, ვინაიდან იგი უმეტესად ლურჯ მინებში გვხვდება (იხ. ცხრილი რიგ. №№ 11, 12, 15, 18). ამიტომ მინების გამჭვირვალობაზე და სინათლის გარდატეხაზე აქ ლაპარაკი ზედმეტია. იგი ან სპილენძის შეტანისას შემთხვევით მოხვდა კაზმში, ან მიატებულა, როგორც მინის ადვილსაღებობი ნივთიერება.

რაც შეეხება ბარიუმსა და სტრონციუმის ქანგს, რომლებიც აგრეთვე შედის მცირე რაოდენობით სამთავროს მინების შემადგენლობაში, შესაძლებელია ისინი კირქვებიდან მოხვდა კაზმის შედგენილობაში, როგორც თანამგზავრი კალციუმისა, თუმცა უფრო მოსალოდნელია ამ ელემენტების თანამყოფობა ქვიშებსაც მიეწეროს.

ამრიგად, ჩვენ განვიხილეთ სამთავროს მინის ქიმიური შედგენილობა და მინის ხარშვის ტექნოლოგიის ზოგიერთი საკითხი. რა თქმა უნდა, ახლა ბუნებრივად ისმის საკითხი იმის შესახებ, თუ სად ხდებოდა ამ მინის ნაწარმის დამზადება. პირდაპირი ცნობები მინის ადგილობრივი წარმოების შესახებ, სამწუხაროდ, სადღესოდ არ მოგვეპოვება (სახელოსნის ნაშთი, გამლღვარი მინის წვეთები და სხვა); მაგრამ, ფფიქრობთ, რომ ჩვენ ხელომყოფი მასალების მიხედვით მაინც შეგვიძლია ლაპარაკი მინის ადგილობრივი წარმოების შესახებ. უპირველესად უნდა აღინიშნოს ის, რომ მცხეთის მიდამოები მდიდარია მინის წარმოებისათვის საჭირო ნედლეულით—კვარცხის ქვიშით, კირქვით, მირაბილიტით და სხვა. რა თქმა უნდა, ზოგიერთი ნედლეული, რომელიც შედარებით უფრო მცირე რაოდენობით იყო საჭირო, შეიძლებოდა გარედანაც შემოეტანათ.

მინის წარმოებისათვის საჭირო საუკეთესო ქვიშები უნდა შეიცავდნენ 95—99,8% სილიციუმის ორჟანგს.

საქართველოს ქვიშების ქიმიური შესწავლის შედეგად გამოირკვა, რომ არც ერთი საბადოს ქვიშა არ შეიცავს 80—90%-ზე მეტ  $\text{SiO}_2$  [17]. დანარჩენი 10—20% მოდის ისეთ ქანგეულებზე, რომელთა ნაწილი სასარგებლოა, ხოლო ნაწილი, პირიქით, მავნეა მინის წარმოებისათვის. მაშასადამე, ისინი მხოლოდ მწვანე და ნახევრად თეთრი მინის მოსახარშავად წარმოადგენენ ვარგის მასალას.

სამთავროსთან ახლო მდებარე ქვიშებიდან შესაძლებელია გამოეყენებინათ ავჭალის ქვიშები. ამ ქვიშებში რკინის რაოდენობა 1% და ხშირად კი 1%-ზე მეტია. ეს ფაქტი კი გამოირიცხავს ამ ქვიშებიდან აბსოლუტურად თეთრი მინების მიღებას. მართლაც, სამთავროში აბსოლუტურად თეთრ მინას არ შეეხვედრივართ.

აეჭალის ქვიშების უახლესი პეტროგრაფიული გამოკვლევებით ირკვევა, რომ ის წარმოადგენს არკოზულ ქვიშებს, ე. ი. შეიცავს დიდი რაოდენობით კალიუმის მინდვრის შპატს და, ცხადია, აქ კალიუმიც დიდი რაოდენობით უნდა იყოს. სამთავროს მინებში კი, პირიქით, კალიუმი ძლიერ მცირე რაოდენობითა გვაქვს. ეს ფაქტი გვაფიქრებინებს, რომ ძველად ხელოსნები მიმართავდნენ ამ ქვიშების გაცრას, გარეცხვას, გამდიდრებას, რაც შედარებით ადვილად მოსახერხებელი იყო. მათ, ალბათ, კარგად იცოდნენ, რომ გაუსუფთავებელი ქვიშებით უფრო ცუდი ხარისხის მინა მიიღებოდა, ამიტომ ქვიშას ჯერ ცრიდნენ; კვარცის მარცვლები, როგორც უფრო დიდრონი, საცერზე დარჩებოდა, ხლო დანარჩენი კი (მინდვრის შპატის ნაწილაკები), როგორც უფრო პატარა, გავიდოდა. თვით მარცვლებზე მიკრულ თიხას კი ადვილად მოაცილებდნენ გარეცხვით.

მინის წარმოებისათვის აუცილებელი ნედლეული—კალციუმის თანავი შესაძლებელია ცარცის, კირქვის, ან დოლომიტის სახით შეეტანათ. საფიქრებელია, რომ სამთავროს მინის წარმოებისათვის გამოიყენებდნენ ძეგვის კირქვებს, რადგან სხვა შესაფერისი ნედლეული ახლო-მახლო არ გვხვდება [4].

რაც შეეხება ნატრიუმის თანავს ( $\text{Na}_2\text{O}$ ), რომელიც მინის ერთ-ერთი მთავარი შემადგენელი ნაწილია, საფიქრებელია, რომ იგი უნდა შეეტანათ გლაუბერის მარილის—მირაბილიტის სახით, რომელიც მოპოვება გლდანში. ამ საბადოში გლაუბერის მარილის პროცენტული რაოდენობა 93—95%-ს უდრის. დიდი რაოდენობითაა ამ საბადოში მავნიუმიც, რომელიც შესაძლებელია გლაუბერის მარილის გზით შევიდა სამთავროს მინების შემადგენლობაში.

რაც შეეხება მანგანუმს, რომელსაც მივაწერთ მინების ფერის დაწმენდას, იგი შესაძლებელია მოეტანათ ან თეთრი-წყაროს რაიონიდან, ან კიდევ კიათურვიდან.

გარდა ამისა, მინის ნაწარმის ადგილობრივობას უნდა მიუთითებდეს ისიც, რომ სამთავროში მინის ნაწარმი ძალიან დიდი რაოდენობით გვხვდება: „IV და მომდევნო დროის მინის ჭურჭლის შემცველ სამარხთა რიცხვი 300 უდრის. მათი უმეტესობა (80%) გამარცვლია. უნდა აღინიშნოს, რომ სამარხში მძარცველებისაგან მინის ჭურჭლის დატოვება შემთხვევითი არა ჩანს... როგორც ჩანს, მინის ჭურჭელი, ისევე როგორც რკინისა და ბრინჯაოს სამკაული, იაფფასიანი ნივთი ყოფილა და მძარცველებისათვის სახარბიელო საგანს არ წარმოადგენდა“ [1].

საფიქრებელია, რომ მინის ჭურჭლის სიახფე ადგილობრივი წარმოების შედეგია.



## სამთავროს მინერალის ქიმი

რიგითი №	გათხრობის ადგილი და წელი	ექსპონატის №	რომელ სატყუნეს მიჯვურთვება	სილიციუმის ორჟანგი SiO <sub>2</sub> %	ნატრიუმის ორჟანგი Na <sub>2</sub> O %
1	სამთავრო S უბ. 1946 წ.	სანელსაცხებლუ მომწვანო მინისა კრამიტ. ყუთი. სამარხი № 1. ექსპ. № 5456 . . . . .	I—III	68,49	16,82
2	ნაოზა, ნაშალი, 1941 წ.	ფართოყვლიანი კურკე. მომწვ. მინისა № 2742 . . . . .	I—III	68,5	14,13
3	სამთავრო S უბ. 1946 წ.	პატარა, თეთრი კურკელის ნატეხი, კრამიტის ყუთის ნაშთი № 5457 . . . . .	I—III	66,7	13,93
4	სამთავრო S უბ. 1940 წ.	პატარა კურკელის ნატეხი მომწვანო მინისა ქვაყუთი № 212. ექსპ. № 2224 . . . . .	I—III	67,05	14,12
5	სამთავრო S უბ. 1946 წ.	ცისფერი, სქელკედლიანი კურკელის ნაშალი, ექსპ. № 4936 . . . . .	I—III	68,15	13,71
6	სამთავრო S უბ. 1946 წ.	სანელსაცხებლუ ოფნაყ მოყვითალო მინისა საცდ. თხრ. № 1, № 3595 . . . . .	I—III	68,45	13,15
7	სამთავრო S უბ. 1938 წ.	სანელსაცხებლუ ღია იოსფერი მინისა ტეხის სამარხი № 2. ექსპ. № 64 . . . . .	I—III	68,81	15,08
8	სამთავრო S უბ. 1946 წ.	ცისფერი კურკელი გამსკე. მინისა ნაშალი, № 1395 . . . . .	I—III	68,95	16,71
9	სამთავრო S უბ. 1946 წ.	თეთრი მინის კურკელის ნამტერევი (ილიზაცია) ნაშალი, ექსპ. № 4937 . . . . .	I—III	70,15	12,81
10	სამთავრო S უბ. 1946 წ.	ცისფერი მინის კურკელის ყური ნაშალი, ექსპ. № 5195 . . . . .	I—III	70,03	13,6
11	მცხეთა 1951 წ. . . . .	ლურჯი მინის ლამბაქი აკლდამა . . . . .	I	66,11	16,01
12	სამთავრო N უბ. 1946 წ.	ლურჯი მინის სანელსაცხებლეს ნატეხი ნაშალი, № 2662 . . . . .	IV—V	60,23	12,96
13	სამთავრო VII ფ. 1946 წ.	სანელსაცხებლუ მომწვანო მინისა ქვაყუთი № 501, ექსპ. № 4780 . . . . .	IV—V	65,75	15,43



ურიანალიზის ცხრილი

	კალიუმის ქანი	კალციუმის ქანი	მაგნიუმის ქანი	რკინის ქანი	ალუმინის ქანი	მანგანუმის ორქანი	სპილენძის ქანი	კობალტის ქანი	ნიკელის ქანი	სტიბიუმი	ბარიუმის ქანი	სტრონცი- უმის ქანი	ტყვიის ქანი
	K <sub>2</sub> O%	CaO%	MgO%	Fe <sub>2</sub> O <sub>3</sub> %	Al <sub>2</sub> O <sub>3</sub> %	MnO <sub>2</sub> %	Cu <sub>2</sub> O%	Co <sub>2</sub> O <sub>3</sub>	NiO%	Sb%	BaO%	SiO <sub>2</sub> %	PbO%
ველი	7,51	0,45	0,41	3,2	1,68	0,009	-	-	-	-	0,36	0,01	-
"	7,45	1,407	0,38	2,53	5,19	ველი	ველი	-	-	-	0,09	0,01	-
"	7,15	3,69	0,86	3,09	4,86	-	ველი	ველი	0,028	0,071	0,03	0,07	0,07
"	8,35	1,63	1,25	3,06	0,31	0,02	-	ველი	0,58	0,06	ველი	1,36	-
"	9,32	2,71	0,96	2,95	0,42	0,46	ველი	ველი	0,008	0,1	0,04	0,26	-
"	7,2	5,11	1,36	3,15	1,32	0,41	ველი	ველი	0,29	0,13	0,08	0,18	-
"	7,85	3,16	1,15	3,88	8,73	-	0,003	ველი	-	0,08	0,06	-	-
"	7,81	0,36	0,42	2,80	1,91	0,06	ველი	-	-	0,15	0,15	-	-
"	12,79	1,67	0,76	2,34	ველი	ველი	-	-	-	0,34	0,01	0,013	-
"	8,16	2,71	0,61	3,07	0,19	ველი	ველი	-	-	-	0,14	0,06	-
0,03	6,04	0,37	0,82	3,18	-	0,96	1,3	-	-	-	0,1	0,04	2,0
0,027	13,39	5,48	1,49	3,52	0,013	1,1	1,00	0,03	-	-	0,03	0,05	0,45
-	8,65	1,02	0,771	2,03	6,62	-	-	ველი	-	-	0,09	0,06	-



ქართული  
საბუნებისმეტყველო  
მეცნიერებათა  
აკადემია

რიგითი № №	გათარის ადგილი და წელი	ე ქ ს პ ო ნ ა ტ ი ს ე	რომელ საფურცელს მიეკუთვნება	სილიციუმის ორგანიკი SiO <sub>2</sub> %	ნატრიუმის ესხვი Na <sub>2</sub> O%
14	სამთავრო VII ფ. 1946 წ.	სანელსაცხებლელ მომწვანო მინისა ქვაყუთი № 561, ექსპ. № 4789 . . .	IV—V	69,11	14,73
15	სამთავრო N უბ. 1946 წ. .	სანელსაცხებლელ ლურჯი მინისა ქვაყუთი № 586, ექსპ. № 5386 . . .	IV—V	63,95	16,52
16	სამთავრო VI თბრ. 1939 წ.	სანელსაცხებლელ თეთრი მინისა ქვაყუთი № 120, ექსპ. № 11-ა . . .	IV—V	67,85	14,07
17	სამთავრო, 1938 წ. . . .	სანელსაცხებლელ თეთრი, გამკვირვალელ მინისა ქვაყუთი № 120, ექსპ. № 849 . . . .	IV—V	66,3	13,60
18	სამთავრო, 1946 წ. . . .	სანელსაცხებლელ ლურჯი მინისა ქვაყუთი № 579, ექსპ. № 5133 . . . . .	IV—V	60,21	17,80
19	სამთავრო, 1939 წ. . . .	სანელსაცხებლელ ყვითელი მინისა ქვისმარხი № 163, ექსპ. № 1469 . .	IV—V	58,9	16,82
20	სამთავრო, 1939 წ. . . .	მუჭი იისფერი მინის სანელსაცხებლელ ქვაყუთი № 141, ექსპ. № 1022 . . .	IV—V	66,09	13,01
21	სამთავრო VII ფ. 1946 წ.	თეთრი, სანელსაცხებლელ ნატეხი ქვაყუთი № 572, ექსპ. № 4906 . . .	VI—VIII	67,07	17,52
22	სამთავრო, 1947 წ. . . .	ღია იისფერი მინის ტურქული ქვაყუთი № 643, ექსპ. № 581 . . . . .	VI—VIII	67,03	10,04
23	სამთავრო, VIII ფ. 1947 წ.	თეთრი მინის ტურქული ნატეხი ქვაყუთი № 649, ექსპ. № 5851 . . .	VI—VIII	67,48	15,26
24	სამთავრო, 1946 წ. . . .	სანელსაცხებლელ ღია მწვანე მინისა ქვაყუთი № 619, ექსპ. № 5415 . . .	VI—VIII	68,01	13,79
25	სამთავრო, 1946 წ. . . .	სანელსაცხებლელ, თეთრი მინისა, ქვაყუ- თი № 619, ექსპ. № 5416 . . . . .	VI—VIII	67,82	14,03
26	სამთავრო, N უბ. 1947 წ.	სანელსაცხებლელ თეთრი მინისა, სამარხი № 650, ექსპ. № 5869 . . .	VI—VIII	67,02	12,31
27	სამთავრო, 1947 წ. . . .	სანელსაცხებლელ მოლურჯო მინისა ქვაყუთი № 679, ექსპ. № 6015 . . .	VI—VIII	62,55	15,6





კალიუმის ფაჩვი	კალციუმის ფაჩვი	მაგნიუმის ფაჩვი	რკინის ფაჩვი	ალუმინის ფაჩვი	მანგანუმის ფაჩვი	სპილენძის ფაჩვი	კობალტის ფაჩვი	ნიკელის ფაჩვი	სტრონციუმი	ბარიუმის ფაჩვი	სტრონციუმი- ფაჩვი	ტყვიის ფაჩვი
K <sub>2</sub> O%	CaO%	MgO%	Fe <sub>2</sub> O <sub>3</sub> %	Al <sub>2</sub> O <sub>3</sub> %	MnO <sub>2</sub> %	CuO%	Co <sub>2</sub> O <sub>4</sub>	NiO%	Sr%	BaO%	SrO%	PbO%
—	7,75	1,17	0,79	3,27	0,04	—	—	კვალი	1,32	0,03	0,01	0,011
არ არის	5,62	3,26	1,36	3,15	0,22	1,01	0,56	0,21	—	0,07	0,09	0,02
კვალი	9,16	1,13	1,1	3,76	3,83	—	კვალი	—	—	0,082	0,018	0,03
•	6,03	3,98	0,78	2,03	8,75	—	კვალი	კვალი	—	0,09	0,15	0,02
0,013	8,2	4,75	1,32	4,02	0,071	0,38	0,86	—	—	0,031	0,012	0,46
0,031	4,6	6,2	0,97	1,83	0,08	0,42	—	კვალი	—	0,072	0,013	—
—	8,9	1,28	1,16	2,74	5,30	0,28	კვალი	0,01	—	0,29	0,09	0,018
—	6,7	3,62	0,33	0,33	3,41	0,001	კვალი	—	კვალი	0,016	0,02	—
—	8,0	7,38	0,61	3,12	7,13	—	—	—	—	0,08	0,01	—
—	8,2	4,45	0,02	3,29	1,22	კვალი	—	კვალი	—	0,02	0,01	—
—	6,81	3,52	0,39	3,43	0,61	—	—	—	—	0,095	0,036	—
—	6,78	2,96	0,492	3,12	2,12	—	—	0,016	—	0,072	0,01	—
—	10,3	4,91	0,48	3,81	1,04	—	—	—	—	0,088	0,02	—
—	8,16	3,52	0,18	3,19	კვალი	—	—	კვალი	კვალი	0,108	0,008	—



Р. А. БАХТАДЗЕ

ИЗУЧЕНИЕ ХИМИЧЕСКОГО СОСТАВА СТЕКЛЯННЫХ ИЗДЕЛИЙ  
НАЙДЕННЫХ В САМТАВРСКОМ МОГИЛЬНИКЕ

Резюме

Изучение химического состава самтаврского археологического стекла ставит целью установление древней технологии производства стекла.

К началу нашей эры в погребениях самтаврского могильника появляются стеклянные изделия, хотя надо думать, что стеклянные изделия встречаются здесь и в более ранних погребениях (X—VIII в до н. э.) в виде бус и глазурованной посуды. В погребениях первого века и последующих веков стеклянная посуда представляет значительную часть погребального инвентаря.

Для изучения было взято 27 образцов самтаврского стекла; из них 13 образцов принадлежащих I—III векам, 9 образцов IV—V вв. и 7 образцов VI—VIII вв.

На основании химического анализа самтаврского стекла выявилось, что как и во многих современных стеклах здесь мы имеем трехкомпонентную систему  $\text{SiO}_2$  —  $\text{Na}_2\text{O}$  —  $\text{CaO}$ .

Высокое содержание в стекле  $\text{SiO}_2$  и минимального количества газовых пузырьков свидетельствуют о высокой технике выплавки.

Значительное содержание в этих стеклах железа на глаз не заметно. Это обстоятельство наводит на мысль о технике обесцвечивания. Для этой цели старые мастера употребляли марганец. Им было, повидимому, известно также то, что марганец годеи и как красящее вещество. На это указывают фиолетовые стекла самтаврского могильника, для окраски которых употреблялся марганец.

Синяя окраска самтаврского стекла, по экспериментальным данным, происходит от кобальта и меди. Вносились ли они в шихту стекла по отдельности или же попадали вместе из одной руды, пока что установить не удалось. Мы все же склонны думать, что эти компоненты вносились в шихту для получения более приятного синего тона (в присутствии только кобальта получали-бы синий цвет с фиолетовым оттенком, при наличии же только меди получали-бы ярко синюю окраску с зеленоватым оттенком). В синих самтаврских стеклах мы встречаем именно такую окраску стекла.



Наряду с кобальтом в стеклах встречается и свинец. В современном стекле свинец применяют для увеличения светопреломления и прозрачности (хрусталь), но в древнем стекле окись свинца вносилась явно не с этой целью, так как ее большей частью встречаем в синих стеклах. Возможно, что она могла попасть в шихту случайно из кварцевых песков хотя не исключена возможность, что окись свинца вносилась для понижения точки плавления шихты.

Вопрос о производстве стеклянных изделий на территории Мухета пока что не ясен. Хотя мы склонны думать, что не исключена возможность местного его производства. Район Мухета богат всеми видами сырых материалов, необходимых для производства трехкомпонентного стекла — (гданские месторождения глауберовой соли, авчальские местонахождения кварцевых песков и дзегвинские известняки).

Думаем, что на это указывает и то обстоятельство, что стеклянные изделия в самтаврском могильнике встречаются в большом количестве. На местное производство возможно указывает также и одинаковый состав стекла.

#### ლიტერატურა — ЛИТЕРАТУРА

1. Б. უგრელიძე, სამთავროს სამაროვანზე გათხრილი IV საუკ. და მომდევნო დროის სამარხები და მათში აღმოჩენილი მინის ჭურჭელი. სადისერტაციო ნაშრომი, 1954.
2. А. И. Пономарёв. Методы химического анализа минералов и горных пород. 1951, стр. 41 — 48, 65 — 69, 79, 96, 105 — 114, 118 — 123.
3. М. А. Безбородов. Общая технология стекольного производства. 1936, стр. 51.
4. И. И. Китайгородский, Н. Н. Качалов, В. В. Варгин др. Технология стекла. 1951, стр. 88.
5. Б. В. Некрасов. урс общей химии. 1948, стр. 283.
6. Ю. М. Бутт, Г. Н. Дудеров, М. А. Матвеев. Общая технология силикатов. 1950, стр. 412.
7. Керамика и стекло. 1934. № 8, Инж. А. В. Сенин. Роль селена в обесцвечивании стекла.
8. И. М. Кольтгоф и Е. Б. Сяндэл. Количественный анализ. 1948, стр. 427.
9. Химия стекла. Сборник I, 1950.
10. В. И. Шанасюк. Химический контроль производства стекла. 1952.
11. Китайгородский. Стекло и стеклозврение. 1950, стр. 60, 112 — 114.
12. Сборник научных работ по стеклу. Москва, 1950, Ф. Г. Социнов, стр. 58.



13. Дана. Описательная минералогия. 1937.
14. Минеральные ресурсы СССР Грузии. 1933.
15. Проф. В. И. Лебедев. Оптика и стекло. 1928, стр. 15.
16. Журнал хим. промышл. 1926, № 14(20), стр. 1170, § 1278.
17. Труды Груз. Индустр. Института им. С. М. Кирова. № 1(15), 1943, стр. 383. М. Ш. Хананашвили. Сырые материалы стекольной промышленности и перспективы ее развития в Грузии.

დაიბეჭდა საქართველოს სსრ მეცნიერებათა აკადემიის  
 სარედ.-საგამომც. საბჭოს დადგენილებით.

\*

რედაქტორი ალ. ჯავახიშვილი

ტიპოგრაფიკული ნ. ჯაფარიძე

კორექტორი ს. ჩიხუა

გამომწვეები ნ. ავალიანი

გადაეცა წარმოებას 9.11.53. ხელმოწ. დასაბეჭდად 30.3.54. ქალაქის  
 ზომა 70×108/16, ქალაქ. ფურც. 8,75+28 ჩაქ. საბეჭდ. ფურც. 23,97+28 ჩაქ.

სააქტ. 16,05. საალრ.-საგამომც. ფურც. 16,56+2,44 ჩაქ.

შეკვ. 1487. უე 02541. ტირაჟი 1000.

ფასი 12 მან. 40 კაპ.

საქართველოს სსრ მეცნიერებათა აკადემიის გამომცემლობის სტამბა  
 თბილისი, ა. წერეთლის ქ. 3/5.

ფული 12 მან. 40 კპ.

ნ. 275/3.



ქართული  
საქმიანობა